



Dialectica Johannis Caesarii

<https://hdl.handle.net/1874/399867>

BUCHEIN

**Dit boek hoort bij de Collectie Van Buchell
Huybert van Buchell (1513-1599)**

Meer informatie over de collectie is beschikbaar op:

<http://repertorium.library.uu.nl/node/2732>

Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:

- de rug van het boek
 - de kopsnede
 - de frontsnde
 - de staartsnede
 - het achterplat

**This book is part of the Van Buchell Collection
Huybert van Buchell (1513-1599)**


More information on this collection is available at:

<http://repertorium.library.uu.nl/node/2732>

Due to research concerning this collection the outside of these books has been scanned in full. The following scans are, in order of appearance:


- the spine
- the head edge
- the fore edge
- the bottom edge
- the back board

B. oct.
51



C








Miscellanea Litteraria.


Octavo n°. 51.


B. oct.
51













































finis ore ne. (et crux suo uni credid
reddi; exstipulante iustitiam prestatam
exinde nesciunt ut una si sit hinc ergo suo
polium lumen abducunt) ipsa dicit

missus acceller
excilio punit
et iustitiam
lolum duci

rum regumque ducum, cum eximis
ibis, et quibus perplacib; fidelib; regnab; in p;
imperium suum pervenit, aut dominat ac
dicit dominum suum ducem.

propter gloriam patrum suorum, quod
non solum dicitur, sed etiam ostenditur, quod
alio agere possit,
nam hinc, ut dicitur, ad
propositum est, quod plurimi
admodum.





57

N 114. c.

DIALECTE

CA I O H A N N I S C A E-
sarij uiri undecunq; doctissimi, ab auctore multis in lo-
cis iam postremū adacta, atq; restitutis in integrum
quæ prius luxata minuq; polita erant, quod is de-
mum animaduerter, qui nostram cum
alijs hactenus excusis contulerit.

Adiecta est ad calcem huius Dialecticæ institutionis, Jo-
hannis Marmellij in .x. Prædicamenta Aristotelis Isa-
goge, oppidoquam utilis huius discipline studiosis.



ex dono Buechely

P A R I S I I S,
Excudebat Christianus Wechelus, sub scuto
Basilensi, in uico Iacobæo. An.
M. D. XXXIII.



Auctores qui in hoc opusculo citantur hi sunt.

EX GR AEC I S.

Plato	Porphyrius
Aristoteles	Herodotus H: storicus
Theophrastus	Diogenes Laertius
Themistius	Suidas
Cleomedes	Athanasius
Glenus	
Nicephorus	Iohannes Damascenus
Gilbertus Poretanus	Georgius Trapezuntius

EX L A T I N I S.

M.Cicero	Priscianus Grammaticus
Vergilius	Donatus Grammaticus
Ovidius	Diomedes Grammaticus
Horatius	Martianus Capella
Persius	Macrobius
Iuuenalis	A. Gellius
Seneca	Iustinus historicus
F.Quintilianus	Anselmus
C.Plinius Secundus	Alexander Hegius
Victorinus	Rodolphus Agricola
Higinius	Laurentius Valla
Lactantius	Georgius Valla Placentinus
Solinus	Erasmus Roterodamus
Ambrosius	Thomas Linacer
Hieronymus	Ludovicus Viues
Augustinus	Iacobus Faber Stapulensis
Scuerus Sulpitius	Iudocus Clichtoveus
Boethius	Buredanus.

VIR O MAGNANIMO IVXTA

que egregie docto Vilhelmo Riffenstein Quæ

stori & consiliario generosi & illustris co-

mitis à Stolberga & Viernigeroda,

amico suo optimo & patrono

plurimum obseruando

Iohannes Cæsar

rius S. D.



I quando in mentem mihi uenit consue-
tudinis eius, qua tecum interim, cum
Stolbergæ agerem superioribus annis,
non tam uiebar, quam fruebar oppi-
do quam familiarissime Vilhelme vir
magnanime, ac iuxta non vulgariter docte: uix mi-
hi imperare possum, quin graueri molestaque feram,
illius consuetudinis carentiam. Quippe quod ea mihi
nunc non perinde uti liceat, idq; propter locorum di-
stantiam, que nos disiungit, adeo (corporum tamen ma-
gis quam animorum intercedente) ut facile mihi non
fuerit, nedum commodum, tantum arripere iter, quoties
me tui iniisendi conueniendiq; cupido incessit tenetq;. Hinc illa scilicet animi mei egritudo. Siquidem nihil mihi per id temporis tantum solati⁹ adferebat, aut tam iu-
cundum erat, atque mutuus ille coniunctus, ut in quo
nulla prop̄ alia de re confabulatio inter nos agebatur
ultra citroq;, atq; id quidem super mensam presertim,
quam de literis atque bonis artibus, ex earum scri-

A ii prioribus

ptoribus, magnis quidem illis & graibus, eisdemque
classicis magna ex parte, quos uocant, nec ijs tantum,
qui superioribus seculis claruerunt, sed & ijs pariter,
qui nostra quoque tempestate clari habentur, inter
quos primas Erasmo Roterodamo, & Philippo Me-
lanchthoni uterq; nostrum uno quasi consensu adiudicat
re solebat. Loquor autē hic nūc de his artium scripto-
ribus & eruditis uiris, quos Germania nobis donat. Nā
habet et reliqua nationes suos, ut Gallia, ut Hispania,
ut Britannia olim dicta, illis quidem si non superiores,
certe nec inferiores, imo pares potius, & cum illis ue-
luti ex aequo comparandos: quod tamen nolim alicui o-
diose à me dictum uideri. Taceo in præsentia de Ita-
lia, altera post Greciam bonarum literarum parente.
At de hoc ad præsens satis superq; ut de quo tecum
coram quām per literas agere malim. Quare illuc re-
deo, unde digressus sum. Adiiebat huic nostro tam
suaui & iucundo conuictui non parum gratia, & (ut
ita dicam) uoluptatis studiosum illud tuorum libero-
rum & aliorum quorundam ingenuorum adolescen-
tum contubernium, atque una cum his præceptor ipse
sive pædagogus alter quidem post alterum. Nam alter
in alterius locum succedit, ac uices eius subiit, facta sci-
licet prioris nūsione iuxta præscriptum tempus, sed ho-
nesta: uerque sane, ut literis politioribus probe insti-
tutus, ita moribus non inelegantibus pulchre præditus,
quales uiique & discipulos suos dedita opera redde-
re conabantur fatigebantque. Nec eos suus ille pula-
cher

cher conatus fefeller interim, id quod literè profectò
ipsorum adolescentum, quas ad me aliquoties post abi-
tum isthinc meum in patriam dederunt, planè indi-
cant, ac testes ut non false, ita locupletes proferri pos-
sunt. Quia quidem in re Vuilhelme rarum admo-
dum de te & tamen utile exemplum præbes, non mo-
do priuatis hominibus quantumvis magnis & poten-
tibus, sed & principibus quoque uiris, quod merita
tò imitarentur, utinamque imitentur. Quin & illud
non minus ad cumulum laudum tuarum accedit, quod
uiros probè doctos non tantùm affectu & animo be-
neuolo ac fauore pleno prosequeris, sed & eosdem ti-
bi (quorum saltem notitiam tibi habere ex præsentia
contingit) beneficijs non vulgaribus conciliare ac de-
vincire studes. Quo & factum existimo (nisi tamen
mea fallat conjectura) ut Dialecticam suam idem
Philippus breuem quidem illam, sed miro artificio con-
scriptam tibi nuncuparit, anno ab hinc tertio plus mi-
nus, ut uero scilicet de se bene merito, ac sui in primis
studio so. Quæ certè causa est (sic tibi persuadeas ue-
lim) ut & ego tibi meam, ubi illam nuperrime recon-
gnoueram, ac paulo locupletiorem reddideram, nuncu-
pare de stinauerim, ac nuncupem, planè hac nimurum
ratione potissimum inductus, quod ex literis Erhardi
Holsatiensis, quas ille superioribus diebus ad me de-
derat, dum idem adhuc domi tuæ tuorum liberoru[m] præ-
ceptorem agebat, intellectoram Dialecticam meam uel
qualemcumque ipsius Philippi cura & subornatione

A iij publice

• EPISTOLA NVNCVP.

publicè nunc prelegi atque doceri in Academia Vuit-
tenbergen si, unde dubitare nec possum nec debo, quin
lubenti animo illam sis amplexurus, utpote tanti ura
calculo approbatam, non quod ea ipsa tibi nunc usus
sit, quem scio studijs longè grauioribus, si quanto per
otium licet, uacare sedulo, sed unde tui & illorum
æquales prima illius artis rudimenta haurire,
ac percipere queant. Bene uale, &
quod facio, boni consule. Colo-
nia. Idibus I V N I I. Anno
à Christi natali.

M. D. XXXII.

IN COMMENDATIONEM AR-

tis Dialecticæ, pariterq; & de eius usu, &

utrum philosophiæ pars sit nec ne,

Iohannis Cæsarij praefatio.



Nter liberalia studia, quæ uulgo ita di-
cta sunt, autore Seneca, quòd sunt li-
bero homine digna, non minima exim-
simari censerique debet D I A L E
C T I C A, ob id scilicet, quòd cæte-
ris artibus et disciplinis ancilletur quodammodo ipsa,
& suum præstet obsequium, cum interim nihil minus
& ipsa pars philosophiæ sit, & habeatur, quippe
quæ proprium perinde ac reliquæ bona artes finem re-
tineat. Et autem hic inuentio iudiciūnque rationum,
quemadmodum id tradit ac docet Boëthius quoq; haud
ignobilis apud Latinos philosophus, ultimus tamen (si
Laurentio Vallæ credimus) cruditorum. Itaque hæc
ars, quatenus quidem ipsa suum habet retinēique fi-
nem, isq; à sola philosophia consideratur, pars utique
philosophiæ ponenda est. Quatenus uero finis ille ad
alias quoque philosophiæ partes suam pollicetur exhibe-
bētque operam, instrumentum ipsius philosophiæ, &
sciendi ratio non ab re iudicata est. Qno etiam nomi-
ne tanto magis hæc ars amplectenda fuerit studiosæ in-
uentui. De qua quidem arte, quanquam complures an-
tè me, ut etiam post me quidam, tam ex Græcis quam ex
Latinis hominibus, non sine laude scripserunt, ex his

A iiiij tamen

tamen alij quidem adeò operose atque prolixè, ut di-
scēntibus illam, aut etiam legentiibus fastidium propé-
modum pariant, alij tanta usi breuitate, ut eius rei in-
stitutioni neutiquā satis facere probentur, partim ob
ariis subtilitatem, partim ob quorundam ingenia non
ita prompta atque capacia, quidam uero tam confusè,
atque (ut ita dixerim) argute, ut quantum quidem ad
ipsam institutionem attinet, maiorem in modum profue-
rit, eam artem non ex illis addiscere conari. Omitto
nunc eos, qui de eadem arte scripserunt & ipsi qui-
dem, uerum adeò barbare adeoq; ineruditæ, ne dicam
insulſe, ut si quis paulò liberalius institutus in eorum
libros incideret, uidelicet ut dialecticam inde discere
uellet, aut saltem pro explorato habere posset, qualis nā
ars ea sit, is haud dubie non tam autores tales, quam
artem ipsam conteneret protinus, reiſceretque. Hoc
ipsum cum ego tandem animaduerſsem, expertus ni-
mīrum iam multò ante ea omnia, coepi mecum cogita-
re, quonam pacto huic tantæ molestiæ remedium qua-
leculq; uel per me tandem afferretur, si modo iam sco-
pum ipsum attigi, simulque aggressus sum colligere in
unum hinc inde ex non contèndis autoribus eius ar-
tis præcepta, sed summatim & per compendium, atq;
de his componere tractatus aliquot, uidelicet numero
decem, quos & ita digeſsi atque disposui (si tamen
iudicio iſlo meo non fallor) ut totius ferè artis uim
in his comprehendisse uideri possim, adeò, ut nihil, quod
ad artem ipsam pertinet, desiderari queat, nisi ab eo for-
taſſic

tassis cui nō satis fuerit capita siue genera rerum iuxta Ciceronis consilium percepisse atq; tenere, per quæ rea liqua ipse persequatur. Verum non minus usus sum & ipse breuitate, iuxta Horatij in Arte doctrinam, sed temperata, ut citra fastidium atque magnum laborema studiosus lector Dialecticā ex hac nostra institutione facile aſſequi poſſit, modo idē nō sit auribus usque adeo delicatis, ut elegantiam dictionis magis ſpectet & obſeruet, quān rem ipsam, quæ doceatur ac traditur. Hūc ego uelim prius ipſe ſecum expendat, atque animo re-putet illum Manlij uerſiculum, quām iudicium ſuum fe-rat nimis alioqui præceps, quo doctor ille studioſos ar-tium admonitos eſſe uult, artes plerasque tales eſſe, ut non admodum orationis elegantiā affectent, ſed doceri contemne ſint. Verſiculus autem ille huiusmodi eſt,

Ornari res ipſa negat, contenta doceri.

At nunc etiam priusquam finem huic præfationi impo-nam, quorundam grauiſſimorum auctorum ſenten-ias breuiter ſubſcribendas ſubiſciendāſque exiſti-maii, ut ex quibus intelligere etiamnum poterit dili-gens lector, qualis nam ars ſit Dialectica, & qua-tenus in ipſa diſcenda immorandum ſit, ſimul etiam unde & quomodo inuenitio eius habeatur, tum uero quod præter hanc artem aliarum artium ſtudia non ſine contemnda, contra falſum & temerarium aliquo-rum iudicium. DIXI.

CICERO IN BRVTO.

T Dialetica (inquit) ars est, que docet rem uniuersam distribuere in partes, latentem explicare, definendo, obscuram explanare, interpretando, ambiguam priuam uidere, deinde distinguere, postremo habere regulam, qua uera & falsa iudicantur, & quae quibus propositis sint, quaeque non sint consequentia.

AVLV S GELLIVS

cap. octauo libri decimisexti.

T Dialetice, inquit, discipline studium atque cognitio in principijs quidem tetra & aspernabilis, insuauisque esse & incivilis uideri solet, sed ubi aliquantulum processeris, tum denique & emolumentum eius in animo dilucebit, & sequebitur quedam discendi uoluptas insatiabilis. Cui sane si modum non feceris, periculum non mediocre erit, ne ut plerique alij, in illis Dialetice gyris ac meandris, tanquam apud Sirenios scaphulos, consenescas.

AVGVSTINVS IN LIBRO DE ORDINE.

Scientia argumentandi, dividendi, definiendi, non ab hominibus pro arbitrio instituta est, sed in rerum ratione comperta est.

BOETHIVS IN EIVS LIBRI

principio, quem de syllogismis categoricis inscripsit.

Sed qui ad hoc opus (inquit) lector accedit, ab eo priuam petitum uelimus, ne in his quae nunquam aliis attigerit, statim uideat indicare; neque, si quid in ludo puer

erit,

rilium disciplinarum rudis adhuc ex nondum firmus accepit, tam ut sacrosanctum amplexandum, atque etiam colendum putet. Alia enim teneris atque imbuendis adhuc auribus accommodata: alia firmis ac robustioribus doctrina mentibus reseruatur. Quare si quid est quod discrepabit, ne statim obstrepat, sed ratione consultat, quid ipse sentiat, quid nos offeramus ueroe mentis acumine, & subtiliore consideratione dijudicet. Ita nanque eveniet, ut quae in primo statim studendi adiutu didicerunt, perspecta penitus, ac potius deprehensa contemnant. At si iam quisquis sua scientiae defensor apud eum malit (habene enim hoc quoque uitij homines, quos comprehendit uetus ac longa segnities, ut ab arrestis semel opinionibus non recedant: ne in senectute descendendo, nihil usque in senectudem didicisse videamur) si inquam malint vindicare quæ quertere, quæ uulgatis semel studijs imbiberunt, nemo expedit ut priora condemnent, sed ut maiora quedam atque altiora coniungant. Non enim una eademque diuersarum ratio disciplinarum, cum sit diuersissimis disciplinis una atque eadem subiecta materies. Alter enim de qualibet orationis parte Grammatico, alter Dialectico differendum est. Nec eodem modo lineam vel superficiem Mathematicus, vel Physicus trahat. Quo fit, ut altera alteram non impedit disciplina, sed multarum consideratione coniuncta, fiat uera natura atque ex omnibus explicata cognitio. Hac ille.


TQuid sit philosophia, & item quid sapientia, simili-
liter quid philosophus, & qualem eū esse oportet, ex Alcino Platonico philosopho,
de doctrina Platonis, interprete
Marsilio Ficino.

PHilosophia est appetitio sapientie, vel
solutio anime à corpore, & conuera-
sio quedam ad ea que uera sunt atque
diuina. Sapientia est diuinarum
humanaꝝ rūmque rerum scientia. Phi-
losophus autem est, qui à philosophia nomen accipit,
quemadmodum à musica musicus. Et qui philosophus
futurus est, ab ipsa natura sic institutus esse debet, ut
primo quidem ad omnia disciplinarum genera facilis
ac prōptus existat: deinde ut non ijs que in fluxu uera
santur, sed illis que semper eodem modo consistunt,
mentem adhibeat. Tertio loco ut natura sit uerax, ab
omni mendacio penitus alienus. Quisquis enim ueria
tatis audius, ad diuinorum contemplationem mentem
conuertit, uoluptates corporis paruipendit. Oportet
præterea liberali animo philosophum esse. Etenim re-
rum uilium estimatio homini ueritatem rerum contem-
platuero aduersa est. Huius insuper uoluntas iusticiam
diliget, quippe cum ueritatis, temperantie, liberalitatis
studio sus existat. Adde quod ingenij acumine atque
memoria illi opus est. Haec nanque philosophum uirum
perficiunt. Atqui he quidem natura dotes, cum disci-
plina

plina atq; educatio decens adhibita est, perfectum uirtute virum perficiunt, uerum si neglectæ sint, maximorum scelerum causa sunt.

De tribus apud philosophos differendi generibus, ex prefatione Marsiliij Ficini in librum de uoluptate.

 Ria sunt apud philosophos differendi genera. Vnum, quo certam aliquam questionis partem disputando defendimus atque approbamus, ut Peripatetici ac Stoici fecere. Alterum, quo quaestione proposita, diuersas ad id quod queritur, sententias rationesque referimus, ut propositis pluribus, inuicemque collatis, quid ex his probabilius uerisimiliusque appareat, eligamus: quo Academici ac Socratici penè omnes usi sunt. Tertium genus Scepticorum maxime proprium est, qui cum omnia indifference esse putent, nec cerium aut probabile habeant quicquam Quod sequantur (ea enim quæ naturæ ordine secundâ distinctâque sunt confundunt atque permiscunt) ab excellentiis, quibusque philosophis reiçuntur.



15

DIALECTE

CAIO HANNIS CAES

sarij Tractatus Primus.

Qua ratione à prædicabilibus initium
huius artis tentandum sit, licet
in ea omnium minima
sint prædica-
menta.



V E M A D M O D V M
qui legendi, et lecta recte in-
telligendi callem querunt,
primum quidem elementa ac
literas discunt, inde ad syllabas
transcendent, à syllabis
autē ad dictiones perueniūt,
et deniq; ad orationē ipsam,
ita qui totius philosophiae instrumentū, hoc est, differē
di artem, quam διαλεκτικήν Græci uocant, expetunt,
in predicamentis dinoscendis in primis erudiri debet,
inde ad interpretationem progredi, ab interpretatio-
ne demum ad syllogismorum ferri figuras. Decē nam
que predicamenta tanquam clementa sunt quedam,
quippe que simplices sunt uoces, et disunctæ, et
per se duntaxat inspectæ. Verbi gratia, Substantia,
quantitas, ad aliquid, qualitas, ubi, quando, facere,

patti,

Pati, compositum esse, habere, & quæ sub ipsis sunt, ut species sub ipsis generibus, & quæ ex ipsis diuisa, ut quæ specificè differentie appellantur. Verum enim vero cùm prædicamentorū ratio haud ita facile à quo quis percipiatur citra cognitionem prædicabilitū, quam certè

Hic est ille Porphyrius, qui, ut ait Suidas, acer/ ximus Chri/ stiani nomi/ nis hostis, in/ guā ob id suā aduersus Chri/ stianos exa/ evit, qua per multa conui/ tia eos contu/ meliosissime inseccatus est. Quippe qui præter quā q̄ de prædi/ cabilibus scri/ ptū a se libriū reliquit, scri/ psit et alios q̄ plurimos, & inter hos quindecim ad uersus ipsos Christianos. Claruit autē imperat̄ Au/ reliano Cœ/ sare, uixitque

& ipse Porphyrius prædicabilium autor ad Chrysao- rium scribens, etiamnum necessariam esse indicat, non solum ad eam, quæ est apud Aristotelem prædicamen- torum doctrinam intelligendam, uerum & ad alia quæ- dam, nempe ad diuisionem, ad definitionem, et ad demon- strationem: que tria potissima sunt ad comparandas disciplinas instrumenta, utpote cuius gratia hanc artē inuentam esse constat, de ipsis prædicabilibus (quæ uo- cantur) prius quām breuissimē dicendum est, simulq; ab his initium huius artis tentandum.

CPrædicabile quid sit.

PPrædicabile igitur uox est, quæ de pluribus uniuo- rentia, ut proprium, ut accidentis. Horū enim unumquod- que tam uoce quām ratione eadem de pluribus prædi- cari natum est, id quod de singulis paulò pōst proprio uniuscuiusque loco latius explicabitur. Quò fit, ut indi- uiduum prædicabile dici non poscit, nisi impropriè: quip- pe quod de uno solo prædicatur tantum, ut Socrates, quæ uox de ipso tantum Socrate prædicatur. Que easdem tametsi de alijs quoque compluribus prædicatur, id certe iam non uniuoce, sed æquiuoce fit. Velut si Catonis nomen de utroque Catone Censorio atque Uticensi,

¶ de tertio item illo prædicaretur, de quo Iunenalis satyra secunda, Tertius ē celo cecidit Cato, Si modo tertius aliquis fuit. Prædicabile igitur aliud quidem proprium tale dicitur, aliud uero minus proprium.

¶ De eo quod differens, et quod idem dicitur:

tum quot modis utrumque dicatur.

Sane de pluribus prædicari dupliciter contingit. Aut enim de pluribus numero differentibus, aut de pluribus differentibus specie. Proinde paulò altius repetendum hoc loco atque dicendum breviter, Differens quot modis dicatur: tum quod huic ex aduerso respondet. Idē, ita fiet haud dubie, ut quae sequuntur, planius percipi queant. Sciendum igitur, quod differens tot modis dicitur quot modis dicitur idem. Idem autem tripliciter dicitur. Nam aut genere, aut specie, aut numero idem alicuius quippiam dicitur. Et genere quidem eadem dicuntur, quæcunque sub eodem genere continentur proximo, ut homo et leo sub animali. Specie uero quæcunque sub eadem specie continentur, ut Socrates et Plato sub homine. Numero porro eadem, quatuor dicuntur modis: nempe aut nomine, ut Marcus et Cicero: aut definitio ne, aut homo et animal rationale: aut proprio, ut homo et risibile: aut accidente, ut mel, et ipsum tum fluum, tum dulce. Hinc iam colligitur, et differens ab alio quippiam tripliciter dici: genere, specie, et numero. Genere quidem differentia dicuntur, que sub diuersis sibi proximis generibus continentur, ut homo et quercus. Siquidem homo sub animali proximo sibi genere, et quercus

ad temporauit
que Diocleii
ani imperato
ris. Nec ille
Quocirca mihi
quidem uis
deretur au
tor ille liber
magnus e
Christianorū
scholis exigē
dus potius, q
prælegēdus:
cum altūdī
harum quin
que uocū co
gnitio abun
di satis habe
ri possit.

sub arbore, itidē genere proximo cōtinetur. Specie uero differentia dicuntur, quæcumq; sub diuersis continentur speciebus, ut Alexander & Bucephalus: quippe Alexander sub homine, Bucephalus uero sub equo continetur. Quin et species differentia dicuntur ipse inter se species diuersæ, tametsi unius generis species sunt, ut homo, leo, bos, equus, &c. Numero porrò differētia dicuntur, quecumq; in numerādo, hoc est, dū numerantur, inter se difserunt, ut Socrates et Plato. Nā cū dixit quispiā, Hic Socrates est, ex itē, Hic Plato est, duas iā fēit unitates, unā in Socrate, in Platone alterā. Atq; ita nō eadē in Socrate unitas numerata est, que in Platone, sed altera atq; altera & per hoc numero tantum differunt Socrates et Plato.

C De genere quid sit, & quomodo diuidatur. **G**enus cion multipliciter dicatur, autore Victo-
rino (dicitur namque & parens & patria, hinc illud Vergilij, Vnde genus duois. Item & cuiuslibet rei qualitas, ut si dicas, Cuius generis uestis est) una tamen eius significatio est, secundum quam prædicabile fit, si multitudine uidelicet à primo illorum trium significatorum sumpta, & à Philosophis hoc pacto definiuntur, Genus est, quod de pluribus & differentibus species, in eo quod quid est prædicatur. Vel sic, Genus est uox, quæ complures sub se species, easdemq; inter se diuersas continent amplectiturq; de quibus ei in eo quod quid est prædicatur, ut animal de homine, de leone, & equo. Nam si queratur, quid est homo & quid leo; item quid est quis & recte conuenienterq; de unoquoq; horum responsa debitur,

debitur, q̄ animal est. Animal igitur de homine, de leone,
& de equo, in eo quod quid est prædicatur. Atq; hæc
ipsa inter se specie differunt, tametsi sub animali, ut sub
genere proximo, conveniunt. Diuiditur autem Genus
in genus generalissimum, & genus subalternum. Ge-
nus generalissimum est, supra quod non est aliud su-
perueniens genus. Atque id quidem in unaquaque præ-
dicamentorum serie ita obseruatum est, ut sit aliquod
supremum, quod proinde à quibusdam generalissimum,
ab alijs principalissimum, aut (quod Laurentio Vallæ
magis probatur) summum genus dicitur, ut substantia,
quantitas, ad aliquid, qualitas, &c. de quibus licet ens.
Prædicetur, genus tamen ad nullum horum dici potest,
quoniam non uniuocè, sed & equiuocè de ipsis prædicatur.
Definitur rursus & hoc modo, Genus generalissimum
est, quod quum sit genus, non potest esse species: ob-
id quidem, quod species (ut paulò post dicetur) ea est,
que sub assignato genere ponitur. Genus uero subalter-
num est, quod, cum sit genus, potest uicissim & species
esse. Imo uero quicquid continetur inter genus ge-
neralissimum ex speciem specialissimam, genus subal-
ternum dici potest.

De Specie quid sit, & quomodo diuidatur.
Speciei quoq; multiplex est acceptio. Nam præter ca-
siera eius nominis significata, unus cuiusque rei for-
ma siue pulchritudo Species dicitur. Hinc speciosos dia-
mus, qui forma sunt liberaliori: unde et formosos eosdem
adpellamus interim. Species item dicitur, que generi
B. ij subiungatur,

O⁹ DE P R A E D I C A B I L I B V S

subiectitur, secundum quam significationem à philosophis accipitur, definiturq; hoc modo, Species est quæ de pluribus & differentibus numero, in eo quod quid est prædicatur, ut homo de Socrate & Platone, et ut nostræ religionis uocabulis utar, de Petro item & Paulo. Definitur rursus species, ea quæ sub assignato genere ponitur. Quæ quidem speciei definitio, tam speciei specialissimæ, quam speciei subalterne communis est, prior uero tantum conuenit speciei specialissimæ. Sciendum itaque, q; ut genus supra diuisum est in genus generalissimum et genus subalternum: ita & species nunc dividitur in speciem specialissimam & speciem subalternam. Species quidem specialissima est quæ cùm sit species, genus esse non potest: quippe quod sub se species alias non habeat, ut homo, sub quo individua tantu[m] continentur. Species uero subalterna est, que & genus & species esse possit, ad aliud quidem & aliud sumpta, cuiusmodi ea omnia sunt, quecumque media sunt inter genus generalissimum, & speciem specialissimam, id quod subscripta figura luce clarius indicabit.

De individuo quid sit, & quot modis accipiatur:

Sed & interim de individuo pauca adycere liceat. Siquidem præter eam significationem, qua id esse definitur, quod de uno solo particulari prædicatur, idq; multis modis, ut Socrates, & hoc albū, & hic ueniens, et Sophronisa filius, si unus et unicus ei Socrates extitit filius: alia eius à Iohanne Damasceno significata pros duntur. Nam & quod inseparabile prorsus & indiuisibile est,

est Individuum dicitur, ut punctum, & temporis momentum, quod & nunc, quoque dicitur, & ipsa numerum unitas, simili er & mens, & quod difficulter sub sectione uenit, ut adamas, & quicquid tale est. Præterea Individuum dicitur & species specialissima, q. in alias uidelicet species non dividatur. Sed ex his omnibus prima illa Individui significatio propria huic loco & peculiaris est, quod & quidam ita interpretantur, ut ipsum afferant ex quibusdam proprietatibus constare, quarum collectio nunq. in alio quolibet eadem erit. Quarum item & numerum & nomina quidam hoc uno versiculo comprehendit. Forma, figura, locus, stirps, nomen, patria, tempus. Sciendum insuper, q. Individuum in ea significatione, que primo loco posita est, & propriè ita dicitur, in rationalibus creaturis personæ nomine nonnunq. designatur. Vnde & à Boëthio in lib. de duabus naturis in Christo ita definitur, Persona est rationalis naturæ individua substantia. Quanq. & hic Valla reclamat, nec nisi iuxitus illam personæ definitionem admittit. Greci eandem nunc ιδεώωπον, nunc ὑπόσαοι adpellant.

FIGVRA.

	Substantia	
Corporeæ	Corpus	Incorporeæ
Animatum	Animatum corpus	Inanimatum
Sensibile	Animal	Insensibile
Rationale	Rationale animal	Irrationale
Mortale	Homo	Immortale
Socrates, Plato, Aristoteles, Calo, Cicer, Vergilius.		

De triplici Differentia.

Differentia uero communiter, proprie, & magis proprie dicitur. Communiter quidē differentia dicitur, qua alterū ab altero alteritate quadā differt solū. Alteritate inquam, hoc est, qualibet ratione ab altero differunt. Quia quidem differentia Xenocratem ab Aristotele differre Plato iudicauit, ut autor est Diogenes Laertius, quod hic quidem præcipiti & acris ingenio erat, ille uero tardo atque hebeti. Haud dissimile illi est, quod et Cicero. iij. de Orat. lib. de Isocrate refert, Isocrates docto (inquit) singularis dicebat se in Ephoro calcaribus, conerà autem in Thecopompo frenis uti solere. Alterum enim exultantem uerborum audacia reprimebat, alterum cunctantem & quasi uerecundantē incitabat. Quin & hac ipsa differentia à seipso quispiā differt puerō olim & iam uiro, & faciente nunc aliquid cum antea quiesceret. Quo sane modo apud Vergilium de Hectore in aliū quasi hominē mutato, Aeneas inducitur ita loquens, Hei mihi qualis erat, quantum mutatus ab illo Hectore. Proprie uero differentia dicitur, qua alterum ab altero differt accidente inseparabili: quomodo is, qui oculos habet cæsios, ab eo differt, qui tales non habet. Magis autem propriè differentia dicitur, qua alterum ab altero differt non accidente quopiam siue separabili siue inseparabili, sed substantiali qualitate: qua & ipsa nimis uniuscuiusque rei ratio est. Itaque ab equo homo differe rationali qualitate. Siquidē homo rationalis est, equus uero irrationalis. Præterea ut hæc specie à specie differe

differre facit, unde et specifica differentia dicitur: ita superiores duæ Individuum ab Individuo separant, quæ ob id ipsum Accidentarie, sive Aduentiarie differentiae dicitur possunt. In uniuersum igitur omnis differentia alteratū facit: sed quæ specifica dicitur, ultra id quod alteratū facit, aliud quoque facit. Atque ita differentiae communis quidem sunt, quibus omnes aut ab alijs, aut à nobis ipsiis differimus. Propriæ, quæ uniuscuiusque individui formâ aliqua naturali proprietate depingunt. Magis autem propriæ, quæ in substantia ipsa permanente, et uniuscuiusque rei ratione explicavit, et specie à specie distinguunt.

Differentia ergo, quæ magis propria et specifica dicitur, et proinde tertium facit prædicabile, ea est qua species (ut dictum est) à specie differt, et hoc modo definitur. Differentia est, quæ de pluribus et differentibus specie, in eo quod quale quid est prædicatur, ut rationale de homine et de deo, si Porphyrio creditus, qui tam deum quam hominem animal esse opinatus est, idq; magis Platonicorum sententia, qualis et ipse erat, quam secundum ueritatem. Est igitur (sed id exempli causa nunc admittatur solum) et deus et homo animal rationale, sed à deo homo separatur mortalitate, quod homo quidem mortalis sit, deus autem immortalis. Rursus autem et hoc pacto definitur, Differentia est, que diuidit atque dispescit ea, quæ sub eodem genere posita sunt, ut rationale hominem separat ab equo et leone, ceterisq; animalibus omnibus quecumq;

24 DE PRAE DICABILIBVS.

rationis experitia sunt. A signatur item ex hec eius de scriptio. Differentia est, qua species genus superat, ut homo quatenus est et rationalis et mortalis, animal superat exceditque. Siquidem nihil horum actu animal est, licet potestae non has solum habeat differentias, sed et his oppositas. Dividitur autem huiusmodi differentia, que et per se et specifica, et per hoc magis propria differentia dicta est, q. haec quidem genera dividit in species, illa uero species constituit et informat.

Omnis quippe differentia generi adueniens constituit speciem, ut cum rationale additur animali, hominem prout nus constituit, quae species animalis esse dinoceitur. Unde et hec proinde constitutiva differentia dicitur, quemadmodum illa quae genera in species secat. Differentia dicitur divisua. Sciendum tamen quod eadem differentia et divisua dici potest, et constitutiva, divisua quidem generis, constitutiva autem speciei.

De proprio, quot modis dicatur, tum et quot modis dicatur Commune.

Proprium uero quauor dicitur modis. Primo namque proprium dicitur, quod soli alicui accidit speciei, et si non omni, ut homini medicum esse, aut geometram. Secundo, quod omni quidem accidit, sed non soli, quemadmodum homini esse bipedem, quando et aibi perinde id accidit. Tertio, quod soli quidem, et omni, uerum non semper, ut omni homini, et soli homini accidit in senectute canescere, licet Aristotleles et Plinius id etiam quis tribuant. Quarto, quod soli, et omni

omni, & semper, quemadmodum homini ridere, idq; po-
testate tamen magis & aptitudine, quam actu. Siquidē
omnis homo, & solus, & semper risibilis est, licet non
semper rideat. Sane ut proprium his quatuor modis di-
citur: ita commune, quod proprio quodam modo oppo-
nitur, quatuor dicitur modis. Commune quippe dici-
tur: aut quod in partes divisibile est, ut ager commu-
nis pluribus: aut quod in usu communi positum est, à di-
uisione prorsus invenire, ut seruus pluribus communis,
& equus, & puteus: aut quod in occupando propriū
factum est, alioqui commune, ut in templo aut theatro
locus communis est omnibus priusquam occupetur, oc-
cupatus uero proprius fit occupanti: aut quod aequo o-
mnibus sese præbet, ut uox præconis, aut alterius cuius-
piam concionantis docentis.

T De accidente, quid sit, & quomo-
do dividatur.

Accidens est, quod adest, & abest preter subie-
cti corruptionem. Definitur rursus & hoc mo-
do, Accidens est, quod contingit eidem messe, & non
messe, ut homini album esse, & non esse album, & se-
dere & stare. Quin & alter hoc pacto, Accidens est,
quod neque genus est, neque differentia, neq; species,
neque proprium, semper autem in subiecto subsistens
est. Dividitur autem accidens, aliud namq; separabile est,
aliud inseparabile. Separabile quidē, ut dormire. Insepa-
rabile uero, ut nigrum esse in Aethiope & corvo, &
candidū in cygno et nive. Accidens porro tā separa-
bile,

bile quam inseparabile, aliud naturaliter tale est, aliud extrinsecus aduenit. Naturaliter quidem, ut pueritia, iuuentus, senectus, Extrinsecus autem, ut sedere, aut si qua cicatrix obducta vulneri occalluerit.

Cuonodo accidentis definitio intelligenda
sit, cum solutione dubitationis.

Superest ultima huius Tractatus pars, quā & ag-
gredi iam certum erat, nisi nos remoraretur du-
bitatio haud facilis, expendenda interim, examinandaq;
& discutienda prius. Ea autem huiusmodi est, Si acci-
dens est, quod adest & abest absq; eius, in quo est in-
teritus qui fieri potest, ut ex accidentibus aliud separabi-
le, aliud inseparabile statuatur? Nam quod inseparabile
est, id abesse non potest. Sane huic dubitationi Porphy-
rius ita paucis satisfacere uidetur, quod ait exēpli cau-
sa cornū posse albū subintelligi, & Aethiopem cando-
re nitentē, prēter utriusq; corruptionē interitumq;. Ve-
rum hoc ipsum Boëthus paulo altius repetit dicens,
Nam quoniam sunt accidentia inseparabilia, in his defi-
nitio uidetur conuenire non posse. Sed hec (inquit) tam
uehemens questio, soluitur hoc pacto, quod hæc ipsa de-
finitio de accidentibus facta est potestate, non actu: in-
telligentia, non ueritate. Age igitur, quoniam Aethiopi
color niger auferri non potest, animo eum & cogita-
tione scparemus, erit tunc color albus Aethiopi, non ta-
men species consumpta est. Ita quoq; si à corvo nigre
dinem abstuleris imaginatione, permanebit tamen avis,
nec species interibit. Ergo quod dictum est adesse &
abesse,

adesse, non re, sed animo intelligendum est. Quod tamen in his, quae speciem constituunt, haud ita sese habet, ut si ab homine rationalitatem auferas, quam licet actu separare non possumus, tamen si uel animo imaginatione disiunxerimus, statim peribit hominis species.

C De communitate prædicabilium
inter se, & differentia item
eorum à se inuicem.

Commune est omnibus prædicabilibus de pluribus prædicari, ut exempli gratia, Genus quidem de omnibus sub se contentis speciebus et individuis: de quibus omnibus et constitutiva cum primis differentiæ prædicatur. Species autem de his solum, que sub ea continentur, individuis. Proprium uero et de specie cuius est proprium, et de eiusdem speciei individuis. Porro accidens et de speciebus pariter et individuis, sed principaliter quidem de individuis, secundo uero loco et de ijs, que continent individua, hoc est, speciebus ipsis. Quemadmodum est diuerso, proprium principaliter quidem de specie cuius est proprium, at secundo deinde loco, de illius speciei individuis, ut risibile esse, prius quidem et principaliter de homine prædicatur: postea uero et secundo loco, de Socrate et Platone, ceterisq; particularibus hominibus. Commune item est omnibus prædicabilibus, preter accidens, uniuocè prædicari de quibus prædicatur. Differunt autem à se inuicem prædictabilia, q; alia quidem prædicantur in eo quod quid est, ut genus et species; alia uero in eo quod quale qd est, aut quomodo

quomodo se habet quippiam, id quod de plurimisque accidentibus queritur, ut si quis interroget, quomodo se habet Socrates? tum quis recte responderit, quod aut ambulat, aut disputat: si uero interroget quispiam, qualis est Socrates? aperte fortassis respondebit alter, q. sapiens est. Ergo differentia, proprium, & accidens, praesertim inseparabile, in eo quod quale quid prædicantur. A specie item genus differt, quod genus quidem prædicatur de pluribus specie differentibus: species uero de individuis, & numero differentibus tantum. Et differentia à proprio & accidente differt, quod differentia quidem prædicatur in eo quod quale quid est, secundum rei scilicet essentiam: proprium uero & accidentis secundum rei potius inherentiam. Demum, proprium ab accidente differt, quod proprium quidem conuersim prædicatur de eo, cuius est proprium, accidentis uero minime. Hactenus de quinque prædicabilibus uocibus, restat nunc ut Prædicamenta aggregamur.

IN TRAS

CTATVM SECUNDVM (IN
quo de Prædicamentis agitur, & primum
ostenditur quid sit Prædicamentum,
& cur ita appelleatur)

Præfatio.



E PRÆDICAMEN
tis deinceps scripturus, opera-
preciū facere videbor, si quid
sit Prædicamentum prius ex-
posuero, ne nominis uis ipsum
lectorem ad illorum iam co-
gnitionem properantem, longe
gius æquo remoretur, ut pote
nendum perspecta, dum tamen interim quid sit scire
laborat. Prædicamentum igitur est (ut & à Trapezus
icio definitur) terminorum, qui secundum nullam com-
plexionem dicuntur, natura rerum ordinatio. Quæ de-
finitio, ut mihi quidem uidetur, hunc habet intellectum,
quod Prædicamentum aliud nihil est, quam series quæ-
dam terminorum incomplexorum, quatenus ex his na-
tura, id est, ratione rerum alij alijs subjiciuntur, alij de
alijs prædicantur. Ceterum nomen Prædicamenti dictum
hinc esse uidetur, quod de omnibus prædicantur decem
numeris prædicamenta, uelut ipsorum uocabulorum
elementa quædam. Quo nomine & Quintilianus ea
nuncat,

uocat, & approbat Laurentius Valla, quod sensus scia
licet ceterorum uocabulorum ad ista tanquam ad ele-
menta & principia referantur, ob eamq[ue] rem (ut idem
ait) genera quoque dicuntur, quod ex his cetera signis
ficata gignantur, quorūque nullum alio superius est,
aut alteri genus, sed ipsa genera sunt principalia, mo-
uerò si sic dicere licet, principalissima genera. Quonia
uerò eorum que prædicantur, alia quidem prædicantur
æquiuocè, alia uniuocè, alia uerò denominatiuè: ab
æquiuocis igitur & uniuocis et denominatiuis, necnon
& ab alijs quibusdam, que Anteprædicamenta à recen-
tioribus dicuntur, ut ea que sequuntur ipsorum prædi-
camentorum traditionem, Postprædicamenta ab eisdem
appellantur, uocibus quidem nouis, at non adeò impro-
prijs, hunc ipsum tractatum auispicari conuenit.

De æquiuocis, uniuocis, & denominatiuis.
A Equiuoca dicuntur, quorum nomen solù com-
mune est, secundum nomen uerò ratio substanc-
ie diuersa, ut animal homo, & quod pictum est, homi-
nis tamen speciem interim referens. Horum sane utrius
que nomen commune est solum, nempe animalis: at ue-
rò substantie ratio secundum ipsum nomen alia atque
alia. Uniuoca uerò dicuntur, quorum nomen commune
est, & secundum nomen ratio substantie eadem, ut a-
nimal homo, & quod est equus. Horum tanque unum
quodque (homo inquam & equus) animal est, & ani-
malis quoque rationem, hoc est, definitionem suscipit,
que quidem est substantia animata sensibilis. Denomi-
natius:

nominia porro dicuntur, quæcumque ab aliquo, nempe ab ipso principali, solo casu differentia, secundum nomen habent appellationem, ut à fortitudine fortis, à granaria tica grammaticus. Hic iam illud addendum, q; nomen in his definitionibus non solum pro ea orationis parte, quæ à Grammaticis prima consideratur, sed & pro ceteris orationis partibus perinde accipitur. Nomen itaq; hoc loco accipiendum, ut sit omnis rerum per uocem significatio, id est, omne uocabulum.

De complexis & incomplexis diuisio prima.

Forum quæ dicuntur, alia quidem dicuntur cum complexione, alia uero sine complexione. Sine complexione dicuntur quæcumq; secundum simplicem uocis sonum proferuntur, ut homo, equus, uincit, currit. Cum complexione uero, quæcumque uel coniunctione aliqua copulantur, ut Socrates uel Plato: uel secundum aliquod accidens coniunguntur, ut uerbi gratia, quia in Socratem ambulatio uenit, hinc dicimus, Socrates ambulat: aut si qualitate forte aliqua affectus fuerit, ut pote sapiencia, dicimus, Socrates sapiens est.

De ijs que uel prædicantur de aliquo, uel in subiecto aliquo sunt, diuisio secunda.

Ruersus autem præter hanc & alia ex ipso Aristotele subiiciatur diuisio, quæ talis est, Eorum quæ sunt, alia quidem de subiecto dicuntur aliquo, in subiecto uero non sunt, ut homo: alia uero in subiecto quidem sunt aliquo, de subiecto uero nullo dicuntur, ut hoc album:

album: alia & de subiecto dicuntur aliquo, & in subiecto sunt, ut color: nam hic de subiecto quopiam, ut albo predicatur, & in corpore insuper reperitur. Omnis enim color in corpore est: alia neque in subiecto sunt, neque de subiecto dicuntur aliquo, ut Socrates, & quodcumque substantiae nomen singulare et individuum.

De nouem modis, quibus quippiam

inesse alicui dicitur.

Consentaneum fortassis fuerit hoc loco adiungere nouem modos, quibus esse in aliquo quippiam dicitur, quos ex Boëthio obseruavimus, in his, quæ in Aristotelis Prædicamenta scripsit, commentarijs. Quos haud dubie vir ille ex quarto Aristotelis de Physico auditu libro, ubi de loco tractat, & ex primo deinde Alexandri Aphrodisei de anima libro multò ante collegisse existimandus est. Itaque dicitur esse aliquid aut ut in loco, ut quum dicimus quempiam in foro esse aut in theatro: aut ut in vase, ut trilicium in modo, & in dolio unum: aut ut pars in toto, ut pupilla in oculo, et in manu digitus, et hæc omnia in toto corpore: aut ut totum in partibus, veluti corpus in omnibus suis membris: aut ut in genere species, ut homo in animali: aut ut genus in speciebus suis, ut animal in homine, leone, equo, & boue: aut ut in fine, ut in beatitudine, quæ certe finis est bene actæ uitæ: aut ut in parte, ut in imperatore totius regni sive imperij moderatio: aut ut in materia forma, ut in ære, sive in marmore Iouis statua: quo quidem modo & accidens hic nunc in aliquo esse dicitur, ut in subiecto. Præter hos ab-

tem nouem modos à Iohanne Damasceno duo adduntur, ut in tempore, ueluti cùm dicimus, Noë tempore diluuiū fuisse. Et ut in efficiēte causa, ut in deo omnia, et in artifice rationes eorum, quæ ab ipso emanant.

C De ijs quæ ordine quodam de subiecto aliquo prædicantur.

Regula prima.

Qvando alterum de altero, ut de subiecto quam prædicatur, quæcunque dicuntur de eo quod prædicatur, omnia & de subiecto ipso prædicantur, ut quia homo de Socrate prædicatur, de homine uero & animal & substantia, & animal igitur & substantia de Socrate quoque ipso prædicantur. Quare si Socrates homo est, idem nimirum Socrates et animal est & substantia. Sciendum tamen quod intellectus regule accipi debet de ijs prædicatis, quæ nomina sunt, rei substantiam explicantia, non etiam de ijs, quæ nomina sunt aliorum nominum designatiua, sive secunde impositionis nomina, & per hoc nominum nomina à diuino Seuerino Boëthio, à recentioribus uero nomina, sive termini secunde intentionis adpellantur: cuiusmodi sunt, genus, species, subiectum, prædicatum, & his similia. Quapropter de homine licet species prædicetur, & homo de Socrate, non perinde tamen & de Socrate ipso species prædicabitur unq.

C

De

CDe nominibus siue uocibus, que uulgo pri-
ma et secunda, tum intentionis tum
impositionis, siue nomina siue
uoces adpellantur.

Hanc igitur ob causam haud ab re fuerit paulo
altius hoc loco repetere atque adnotare duplicitas
esse nomina siue uoces, quibus in trandendis disciplinis
atq; artibus passim utuntur autores, uidelicet alia ex his
dici primae, alia secundae impositionis, siue (ut uulgaris di-
electicorum ea adpellat) primae et secundae intentionis no-
mina, neq; id quidem omnino temore. Nam que primae si-
ue intentionis siue impositionis nomina dicuntur, ea sic ap-
pellata esse certum est: quod qui uocabula instituere in
animo habuerunt, primum quidem iij intenderunt, ut ipsis
rebus nomina inderent siue imponerent, que rerum uo-
cabula, et essent et dicerentur. Qualia sunt ea uoca-
bula cum primis, quibus uulgaris hominum passim uititur
in exprimendis suis iniucem conceptibus, et quibus uitia-
mur in disciplinis, tum naturalibus tum moralibus, addo
et in mathematicis et in diuina philosophia et alijs
plerisque. Deinde uero cum uiderent ijdem necessarias
fore artes aliquas, per quas disceremus et sciremus re-
cte ac proprie ut illis nominibus iam positis, ut que do-
carent nos illorum significaciones, proprietates, et ele-
gantias, et in summa illorum aptas ubiq; compositiones,
siue ut quid animo tuo conceperis, alij indicare pos-
sis: siue ut quid uerum quidue falsum sit, statim dijudi-
care possit, quicunq; loquenter alium audierit: siue ut au-
diorem

ditorem inducere queas ad assentiendum tibi, quod persuadere conaris, hinc illi ueluti iam secundo loco intenderunt ac mente conceperunt, ut ipsis nominibus uocabula imponerent inderentibꝫ. Cuiusmodi nomina sive uocabula sunt, quibus tum in grammatica, tum in dialectica, tū in rhetorica arte utimur. Vnde et ipsa secundae sive impositionis sive intentionis nomina tamē dici coepерunt. Et hæc quidem mea de his nominibus sive uocibus sententia est: nec video aliam huius discriminis inter ipsas uoces rationem magis consonam rei propositiꝫ: quancunque uero alijs protulerint reddiderintq; eam mihi ut nec refellere omnino, ita nec probare admodum cura fuerit: iudicium tamen suum cuique relinquō. Nos interim ad institutum reuertamur.

C De generibus diuersis, et non subalternis

tim positis, Regula secunda.

D Iuersorum generum, et non subalternatim positorum diuersæ sunt species, et differentiæ, ut animalis et scientiæ. Animalis quippe differentiæ sunt, gressibile, bipes, uolatile, et aquatile: scientiæ uero harū nulla est, quin potius ipsius scientiæ differentiæ assignari possunt, quod hæc quidem naturalis, hæc moralis, illa uero rationalis existit. At uero generū subalternorū, siue subalternatim positorum nihil prohibet easdem esse differentias, ut avis, et animalis, quæ genera sibi subalterna sunt. Siquidem species animalis avis est, eademque corui genus. Vtriusq; autem utpote tam animalis q; avis differentiæ eadem esse possunt et diuersæ.

C ij Eadem

Eadem quidem, ut si quis has animalis differentias abignet, quod animalium alia sunt quae pascantur herbis, alia quae seminibus, alia quae carnibus, per quas et aues inter se differre dignoscuntur. Quandoquidem et inter aues aliæ herbis pascuntur, aliæ seminibus, aliæ carnibus. Diuersæ uero, ut quum animalis differentiae assignantur, quod aliud quidem rationale est, aliud irrationalē, quarum sane nulla auis ab aue differt.

P De Prædicamentis generatim.

Eorum quæ secundum nullam complexionem dicuntur, unumquodq; significat aut substantiam, aut quantitatem, aut qualitatem, aut ad aliquid, aut ubi, aut quando, aut situm esse, aut habere, aut agere, aut pati. Et substantia quidem est (ut exempli gratia dicam) ut homo, equus: quantitas, ut bicubitum, tricubitum: qualitas, ut musicum, grammaticum, album, nigrum: ad aliquid, ut duplum, dimidium, maius, minus: ubi uero, ut in foro, in theatro: quando autem, ut heri, anno superiori: situm esse, ut iacere, sedere, stare: habere autem, ut calceatum esse, armatum esse: agere, ut secare, urere: pati, ut secari, uriri. Sane ex ijs quæ dicta sunt, ipsa quidem secundum se singula in nulla affirmatione, uel negatione dicuntur, ut que neq; uerū neq; falsum significant. Horū autē ad se inuicē cōplexione affirmatio utiq; fit aut negatio.

C De substantia quid sit, et

quomodo diuidatur,

Svbstātia dicta esse uidetur, quod alijs omnibus substātēt, proinde à Iohanne Damasceno hoc pacto de scribitur,

scribitur, Substantia est, quæ per se subsistit, alio neuti-
quam indigens ut sit. Hæc ipsa ab Aristotele in primâ
diuiditur & secundam. Et primam quidem eam esse
dicit, quæ propriè & principaliter, & maxime substâ-
re dicitur, & quæ neq; de subiecto dicitur, neq; in subiec-
to est, ut quidam homo, ut Socrates, ut Plato, & si
quid huiusmodi est, nempe singulare & Individuum. Se-
cundam vero substantiam, id est, secundæ substantiæ no-
mine, adpellat species ipsas, in quibus quæ principaliter
substantiæ dicuntur, insunt, & harum specierum gene-
ra, ut homo, ut animal. Cæterum primæ substantiæ id
circo dici uidentur, quod sensibus propinquiores sint,
primæq; his occurrant, ut ex quarum hausta prius sen-
sibus cognitione, generalitas deinde animo concepta col-
ligitur, constituiturque. Id quod ex diuus Seuerinus
Boëthius in libro de duabus naturis in Christo, alijs
quidem verbis, sed sensu propè eodem dicere uide-
tur. Intellectus, inquit, universalium rerum ex parti-
cularibus sumptus est. Ex quo & liquido constat, quod
ex secundis substantijs magis substantia ea dicitur,
quæ primis substantijs propinquior est, quippe quæ ex
pluribus etiam substat. Quo sit ut ex species magis
substantia sit, quam genus, ut homo quam animal. Porro
inter species ipsas, quæ quidem huiusmodi sunt, ut gene-
ra esse non possint, nulla magis substantia est quam al-
tera, quemadmodum nec in primis substantijs, altera al-
tera magis substantia est.

C De sex Substantie proprietatibus.

O Mribus substantijs, tam primis q̄ secunlis, proprium quodammodo est, in subiecto non esse. Dico autem quodammodo, quando id non his conuenit solis, sed et earum perinde differentijs: quippe que nec ipse in subiecto sunt aliquo. Omnibus insuper secundis substantijs, et earum differentijs conuenit unicōe predicari de primis, ut homo et animal de Socrate, et de eodem item Socrate rationale. Omnia namq; hec de Socrate predicantur nomine pariter et ratione, id quod unicōe predicari supra definitū est. Substantiae preterea nihil est contrariū. Quod tamen omnino uerū esse non uidetur, cū igni aqua, et aquae ignis contrarius esse putetur. Sanc hunc scrupulum Boëthius paucis uerbis ita diluit, idq; iuxta Alexandri Aphrodisei mentem, Neutrum, inquiens, horum elemorum alteri contrariū est, licet eorum inter se qualitates repugnant diversaq; sint. Substantiae igitur nihil est contrarium. At nec proprium hoc substantiae est, quando et quantitati perinde conuenit, et alijs quibusdam. Substantia ille neq; magis, neq; minus suscipit, ut homo non est magis aut minus homo, uel scipso prius uel posterius, uel altero quolibet homine. Quod ergo dictum est, neq; magis neq; minus suscipit, id ita intelligitur, quod substantia ipsa neq; intenditur neq; remittitur. Sed nec illud substantiae propriū, quando neq; circulus alio circulo magis aut minus circulus est. Videlicet autē omnis substantia hoc aliquid significare, id qd in primis quidem substantijs haud dubie ita schabet.

In secundis uero non ita plane, nisi ob adpellationis figuram, ut quum quis dicit hominem aut animal, is iam perinde ac quendam hominem, aut quoddam animal dicisse uideri potest. At qui id ita non est. Quapropter secunda substantia non hoc aliquid, sed potius quale quid significat. Maxime uero proprium substantiae est, quod tamen una eademque numero ipsa existit, secundum suum mutationem, contrariorum susceptibilis est, ut quidam homo, qui licet unus, idemque numero maneat, ipse tamen nunc calidus, nunc frigidus, nunc prauus, nunc studiosus existat, mutaturque hoc pacto interim contra ijs inter se qualitatibus, id quod neque orationi, neque opinioni conuenire potest. Quippe quod neutra carum (quantum quidem in ipsa est) mutatur: & si aliquando uera, aliquando falsa iudicatur: quin potius res ipsa, de qua uel oratio proferitur, uel opinio habetur, mutationem sui admittit, patiturque. Nam ut Aristoteles inquit, eatenac oratio aut uera aut falsa est, quatenus res se habet. Idem de opinione sentiendum.

¶ De Quantitate.

Quantitas est secundum quam in partes quipiam dividitur. Quantitatis autem alia continua est, alia uero discreta. Continua quantitas ab Aristotele esse definitur, cuius partes ad eundem terminum communem copulantur, ut linea ad punctum, ad lineam superficiem, & ad superficiem denum ipsius corporis. Id quod de linea ostendisse satis fortassis fuerit, quantum presens hoc institutum exigit. Itaque sit linea aliqua in

40 DE PRAE DICAMENTIS

c
6...b
 duas partes per punctum in ea signatum, secta, ~~ad~~
 nimo tamen magis quam re ipsa. Hec quia continua
 est, partes ipsas ad eundem illum punctum, nempe ter-
 minum utriusque communem (sic; c) coherentes habet et
 copulatas. Continua ergo quantitas est, ut linea, ut su-
 perficies, ut corpus. Additur his et tempus, cuius par-
 tes, quoniam successione solum continuantur, ad in-
 stans, quod et nunc dicitur, copulari habent. Et locus,
 sed impropriè, quippe quod re magis quam ratione quan-
 titas sit. Porro discreta quantitas est, cuius partes ad
 nullum terminum communem copulantur, sed a se in-
 dicem sciuntur atque discretæ, ut numerus et ora-
 tio. Numeri quippe, ut exempli causa, denarij partes
 sunt, quinque et quinque, aut tria et septem, aut quo-
 modolibet alius idem dividatur numerus, ipse numerū,
 quæcumque eius numeri partes fuerint, inter se disjun-
 ctæ sunt atque separate. Sic et in oratione partes nem-
 pe literæ et syllabæ, et item dictiones, tum breuitate,
 longitudine, tum ipsa prolatione separantur, quin-
 etiam scriptura, ut per quam oculi eas facile discer-
 vant atque distinguant.

¶ De tribus Quantitatis proprietatibus.

C
 Alterum quantitati nihil est contrarium, id quod
 in ijs quidem, quæ finita sunt, nullam habet du-
 bitationem, ut bicubito aut tricubito nihil est contra-
 rium. In ijs uero quæ sunt indefinita, uidetur quidem
 alterum alteri contrarium esse, ut multum paucum, et
 magnum parvo, uerum horum nihil quantitas est, quæ
 admodum

admodum Aristoteles dicit, sed ad aliquid potius. Quippe cum nihil sit, quod per se magnum aut paruum, multum aut paucum dicatur, sed id aliorum euenit respectu. Quantitas præterea neque magis neque minus suscipit, ut bicubitum non est alio bicubito magis aut minus bicubitum, neque numerus alio numero magis aut minus numerus est. Maxime autem proprium quantitatè est, ut secundum eam æquale quicquam dicatur, aut inæquale. Ita secundum numerum, exercitus unus alteri æqualis aut inæqualis dicitur: & secundum magnitudinem lignum ligno æquale est, ut cum alterum alteri respondet, aut secundum longitudinem, aut secundum latitudinem, aut secundum crassitatem, aut secundum has omnes dimensiones simul. Quod quia suo constat ternario, perfecte quantum dicitur.

De ijs quæ Ad aliquid dicuntur.

Aliquid uero talia dicuntur, quecumque hoc ipsum quod sunt, aliorū esse dicuntur, uel quomodolibet aliter ad aliud, ut duplum hoc ipsum quod est, alterius dicitur, nempe dimidij, itidem & scientia. Etenim ut duplum dimidij duplum est, ita scientia scibilis scientia. Adiectum est autē, uel quomodolibet alter ad aliud, ut intelligamus relatiuorum quædā esse, que casu aliquo, quedam quæ absque casu referatur. Casu referuntur, quæ aliorum esse dicuntur: absque casu uero, quæ quomodolibet aliter ad aliud, ut cum diciatur mons magnus ad montem paruum, relatio quidem est magni ad paruum, sed non quæ per casum facta sit, tametsi

tamen si in ea casus Accusatus sumptus est, quod nimis
rum ideo esse nire Boëthius ait, quod illius relationis
vis, non in casu, sed in præpositione sola consistit. Per
casum itaque referuntur, cum aut per genituum refe-
runtur, ut pater filij pater. Aut per dative, ut simili
simili similis. Aut per ablativum, ut manus minori ma-
nis. Sunt etiam que mutatis casibus referantur, ut scien-
tia scibilis scientia, & scibile scientia scibile. Sunt items
que referantur nominibus eisdem, ut amicus amici ami-
cus, & socius socij socius. Sunt que diuersis, ut alia fe-
re omnia. Sciendum autem dictam definitionem Plat-
tonis esse, non Aristotelis, id quod Boëthius plane au-
struit, & proinde alia ab Aristotle ipso traditur, que
huiusmodi est, & quidem propria, Ad aliquid sunt,
quibus hoc ipsum esse est ad aliud quodammodo se ha-
bere. Sane hac definitione ea relativa describuntur,
que in quadam comparatione & relationis habitudine
considerantur solum, ut quaternarius, quod duplus est,
non ex se habet, sed hoc ipsum ex medio trahit, ad quod
referuntur, nempe ex binario. Atque è diuerso binarius,
quod medius sit, ex eo tantum habet, quod ad quaterna-
rium refertur. Relativorum igitur que proprie dicun-
tur, sive eorum que sunt ad aliquid, hoc est esse, id est,
hæc eorum natura est, ut ad aliud referantur, sive quo
ne intelligi quidem possunt. Quo fit, ut prior definitio
maior sit quam posterior, hoc est, communior, ut que
omnia quæcumque ad aliquid velcumque dicuntur, com-
pletatur.

CDe quinque eorum quae ad aliquid dicuntur proprietatibus.

INest autem et his quae ad aliquid dicuntur, contrarietas. Nam virtus uirtus, et scientia ignorantiae contraria est. Atqui ut hoc ipsum nec proprium omnibus est, ita nec commune. Videntur item et magis et minus suscipere. Simile namque alicui quippiam dicitur, et magis et minus. Verum ne hoc quidem omnibus aut proprium aut commune. Omnia porro quae sunt ad aliquid, ad conuertentiam dicuntur, ut seruus domini seruus, et dominus serui dominus. Sed neque in his firma semper conuertentia est, nisi conuenienter id ad quod dicitur, assignetur: ut si ala auis ala dicatur, non recte assignatio facta est, et per hoc nec conuertitur, ut dicatur, auis ala auis, sed si ala alati ala dicatur, iam conuertentia fiet hoc pacto, alatum ala alatum. Proinde recte Aristoteles nos monuit, necesse esse aliquoties ut nomina fingantur. Videntur autem ea quae ad aliquid dicuntur, simul esse natura, id quod in pluribus quidem uerum est, ut simul sunt duplum et dimidium, dominus item et seruus. In aliquibus uero non ita est, nam scibile quippiam est, cuius tamen scientia fortassis nondum habetur. Vnde et a nonnullis haud ab re relatuorū talis assignatur distinctio, ut sint quædam quæ actu referantur, quedam quæ potestate solū. Maxime uero propriū est eorū, quae ad aliquid dicuntur, quod ex his uno definite cognito, cognoscitur eodem modo et reliquo: Visi quis definite sciat quippiā duplum esse, idem etiam definite

definite scit id, cuius est duplum, nempe dimidium. Quemadmodum si quis scierit Anchisen Aeneæ esse patrem, is proculdubio iam sciet Aeneam Anchisæ filium esse.

De Qualitate.

Qualitas est, secundum quam quales esse diciuntur, ut secundum musicam musici, & secundum albedinem albi. Porro qualitatis species ab Aristotele quatuor assignantur. Ex his una est, que habitus & dispositio sive affectio dicitur, sed ab habitu dispositio differt, quod permanentior quidem habitus sit & diutinior, dispositio uero facile mobilis & cito mutabilis. Et habitus quidem sunt, ut scientiae & uirtutes: dispositiones uero, ut calor & frigus, quæ tamen exempla magis analogiæ quam reuera hoc loco ponuntur, tum & sanitas & aegritudo. Nanque secundum has disponitur, affictrumque quodammodo homo, aut aliud quodvis animal, uerum cito in contrarias mutantur qualitates, ut à sanitate in aegritudinem facilis est transitus, & rursus ab aegritudine in sanitatem. Non nunquam uero euenit, ut earum aliqua temporis protractione in alicuius transeat naturam, ut nigritia ex solis ardore longo tempore contracta, & que hectica febris Græco uocabulo à medicis dicta est, Latino uero habitualis dici potest. Unde fit ut dispositio quasi quedam uia sit ad habitum, & per hoc habitus imperfetus. Habitus uero constans omnino atque perfecta dispositio, & ueluti ipsius dispositionis terminus. Hinc habitus

tus definitur, qualitas difficulter mobilis ab eo in quo
est: dispositio contrà, qualitas que facile à subiecto di-
mouetur. Rursus autē et habitus modo quodā dispositi-
tiones dici possunt: dispositiones uero ut habitus dicuntur,
nō est necesse. Alia autē Qualitatis species est, que na-
turalis potentia et impotentia dicitur, secundum quam
quidem quispiam non ex eo quod talis est, dicitur, sed
quod talis esse potest, ut docilis puer dicitur, non qui
iam doctus sit, sed qui apius est doceri: et fragile li-
gnum, non quod iam fractum sit, sed quia tale est, ut
frangi possit. Sic durum dicitur, quod naturalem resis-
tendi potentiam habet, ut non facile secedetur diuidan-
turque: contrà molle, quod ad hoc naturalem habet
impotentiam. Ad hunc quoque modum, et saltatores
et pugiles dicimus aliquos, non quod in his artibus,
saltandi inquam et concertandi, periculum unquam fe-
cerint, sed quod ad eas insitam suapte natura poten-
tiā habent, habilitati emq;. Tertia uero species ea esse
dicitur, que passio et passibilis qualitas nominatur, et
differt hec ab illa, perinde atque habitus à dispositio-
ne, quod passibiles quidem qualitates perpetuo perdu-
rant, ut in melle dulcedo, et in glacie frigus: passio-
nes autem ad tempus exortae, facile commutantur: qua-
re et qualitates uix dici mereneur, ut in facie rubor
ex uercundia subortus, et ex metu pallor. Quarta de-
cimū qualitatis species est, que dicitur figura, et cir-
ca hoc aliquid constans forma, ut triangulum, quadra-
tum, cubicum, et alia huiusmodi, que qualia omnino di-
cuntur,

cuntur, ab ipsa uidelicet figura, hoc est, à linearum sua perficerūq; deductione, si magnitudinis nomina sunt; uel à descriptione sive numerorum, si multitudinis. Eadem insuper & ab ipsa forma qualia dici solent, utpote à concinna partium compositione. Haud secus in his que artificio constant, sese habet id quod dictum est, ut in domo, navi, statua, & alijs huiusmodi: quorum unumquodq; duplii qualitate affectum, ex iam dictis nemo non percipit, nēpe tum figura, tū forma. Figura quidem, ut uerbi gratia, statua ab ipsorum linearum deductione, qua hunc aut illum exprimit & representat. Forma uero à conuenienti illorum inter se consensu, quæ debita proportio rei dici solet, & comensuratio, à Græcis οὐμ. μετρία appellata.

C De communib; & proprietatibus ipsius Qualitatis.

INest autem et Qualitati contrarietas, ut iustitia in iustitia contraria est, & albedo nigredini. Verum non in omnibus hoc ita habet. Nempe rubori & palori, ceterisq; eiusmodi medijs coloribus nihil est contrarium. Alioqui uni plura contraria erunt. Tum et figura nihil contrarium est, ut exempli gratia, triangulo, quadrato, cubico, necnon & ipsi circulo. Suscipiunt autem & magis & minus, non adeò qualitates ipse, sed quæ ab his qualia denominatiue dicuntur, ut album magis & minus album dicitur, uel seipso, uel altero quolibet albo. At uero ne hoc quidem figuris ipsis conuenit, suscipere inq; magis & minus. Nam quecumq; aut trianguli,

trianguli, aut quadrati, aut circuli definitionē suscipiūt,
omnia peræque aut triangula, aut quadrata, aut circuli
sunt. Sciendū uero, q̄ tā hanc q̄ illam cōmunitatēm po-
tius q̄ proprietatē dixerimus: quando ea que secundum
utranque dicta sunt, nec solis, nec omnibus conuenient
qualitatibus. Maxime autē propriū qualitati est, ut secun-
dum eā similia & dissimilia dicantur. Simile enim au-
dis simile alterū alteri dicitur, nō secundū aliud quippiā,
q̄ secundū id qđ quale est, siue à qualitate denominatur.

**¶ De ceteris sex Prædicamentis bre-
uis annotatio.**

DE cursis hactenus prioribus quatuor prædicamen-
tis ex Aristotelis traditione, que certe con-
sideratione aliqua egere uisa sunt etiam ipsi Aristote-
li, quemadmodū id ipsum & Boëlius aperte attestan-
tur, restane posteriora sex: de quibus priusquam ea
prosequamur, præfari hoc pacto libuit, Aristotelem ui-
delicet, cum priora illa quatuor latissimè prosecutus es-
set, posteaquā omnia numero decem, in principio
sui tractatus ex ordine connumerasset, & per conue-
nientia exempla declarasset, hæc sex posteriora ne rea-
petere quidem curasse, preterquā ex his duo tan-
tum agere & pati, sed cursim admodum, atque id pro-
fecto haud inconsulte, id quod & Iacobus Faber Sta-
pulensis ingenuc contestatur, quod eorum scilicet uo-
cabula, præsertim ultimorum quatuor, trita prorsus &
uulgaria sint, nullūnque proinde ad disciplinas mo-
mentum habeant, ita uero ciuilibus atque forensibus
negotijs,

negotijs , necnon historiarum scriptoribus accommo-
datoria . Verum enim uero Gilbertus cognomento Po-
retanus , non contenus hoc Aristoteli sive consilio , sive
iudicio , librum de sex ultimis scriptum reliquit , alijs m-
rificè probatum , alijs propemodum contemptum , ut qui-
bus labor ille superuacaneus planè iudicatus sit , quem si
quid in illis ad disciplinas usus esset , id Aristotelem ne-
quaq; latuisse. Nos igitur , ut tempori aliquid conceda-
mus , uel potius ne ab institutis quorundam prorsus ab-
borrere uideamur , inter Aristotelem ipsum & hunc Gil-
bertum median tenebimus uiam , & in transcursu tan-
tummodo de his suscepsum prosequemur Tractatum.

¶ De actione & passione , & earum
utriusque tam communitatibus
quam proprietatibus.

FAcere sive agere dicitur quispiam , cuius actio ab
ipso in aliam quamlibet rem ueniens consideratur:
Pati uero is , in quo actio illa consideratur , ut in quem
uenerat , ut quem secat quispiam , eius sectio in id quod
secatur , transit. Et quem quid percutitur , percutientis ac-
cio in eo recipitur , atque eatenus ipsa percussio passio
dicitur. Secare igitur & percutere , agere est : Secari ue-
ro & pati , pati. Actio igitur est , secundum quam in
id quod subiicitur , agere dicimur : Passio uero illatio ef-
fectusq; actionis. Recipit autem agere & pati contraria
etiam , & magis ei minus : quippe calefacere contrarium
est ei , quod est frigescere ; & calefieri ei , quod est fri-
gefieri

TRACTATVS II. 49

gesieri. Sic et calefacere et frigescere, et calcieri
ut et frigescieri dicimus hoc uel illud magis aut minus.

CQua ratione uocabula harum duarum

categoriarum discerni possint.

Sane in his duobus prædicamentis spectare oportet, non ad figuram dunitaxat ipsius dictiōnis, sed ad significata potius. Nam sunt quædam, quæ et significato et figuraione dictiōnis agendi uim habent, ut curare, docere, legere. Quædam figuraione tantum, non etiam significato: quippe quæ actiue proferuntur, significato tamen passiva sunt: cuiusmodi uerba seu uoces, sunt timere, moerere, uidere, intelligere. Quædam contraria significato quidē actiua sunt, figuraione uero passiva, ut insidiari, proficiisci. Atque id quidem quod iam diximus, maxima sane ex parte comprobat et confirmat Pris. Gram. libr. 3. de uerborum significationibus, Actiua, inquit, species actionem semper significat, et facit ex se passuum, exceptis duobus, metuo metuor, timeo timeor. Quin et ad sensus pertinencia uerba, si quis altius consideret, in actiuis uocibus passionem, et in passiuis actionem facere inuenimus, ut cum dico, video te, audio te, tango te, ostendo me in ipso actu aliquid pati.

CDe Situ sive Positione et

eius speciebus.

Situm esse Aristoteles ait denominatiū dici à positione. Quæ quidem licet ipsa sit alicuius eorum, quæ ad aliquid dicuntur, quæ tamen ab ea denominantur.

50 DE PRAEDICAMENTIS

tive dicuntur, proprium praedicamenti genus faciunt, ut à statione, quæ relatio est quædam, stare denominatur dicitur, quod quidem est situm esse. Vnde et siūm esse à Iohanne Damasceno id dicitur, quod positionem habet quoquo modo ad alterum, puta ad partes corporis, uel sic uel sic se habentis. Huius deinde tres species esse dicit, stare, sedere, recubere, id est, iacere. Et stare quidem est, erecto omnino corpore esse. Sedere uero partim erecto, partim incurvo, Recubere uero, in totum esse corpore prostrato, quod et tribus contingit modis: nempe aut prone, aut supine, aut oblique. Eorum autem que situm habent, hæc quidem secundum naturam sita sunt, ut elementa in proprio et suo quodque loco. Hæc autem secundum artem, ut statuae atque columnæ. Rursus eorum que sita sunt, hæc quidem sunt, que nunquam loco mouentur, ut terra: hec uero que nunquam à motu quiescent, ut cælum.

C De ubi, et quando, et habere.

E Odem propè modo, ut Boethio placet, et ubi et quando et habere, sese habent, ut que nec ipsa simpliciter intelligantur, quin potius ex alio natura, id est, rationem trahant, id quod et Martianus Capella attestatur. Quo fit, ut nec ubi, nec quando esse possint, nisi locus et tempus fuerint. Siquidem locum ubi, et tempus quando comitatur. Neque uero idem est tempus et quando, nec locus et ubi, sed proposito prius loco, si qua res in eo loco est posita, ubi esse dicitur. Vnde

C

¶ ab Aurelio Augustino recte dictum est, Locus est
cuique rei, ubi est. Eodem modo si res quepiam in
tempore est, quando esse perhibetur, ut natale Christi,
cum sit certo in tempore, nempe VIII. Calend. Ian-
uarij, quando ipsum esse dicimus. Vbi ergo & quan-
do hoc pacto à quibusdam definiuntur, Vbi est, que à
loci circumscriptione procedit corporis locatio. Quan-
do uero, que ex tempore relinquitur rerum affectio.
Habent autem & ubi & quando proprias diuersita-
tes. Nam ubi aliquoties quidem infinite dicitur, ut cum
alicubi quempia esse dicimus: aliquoties uero definite, ut
in foro, in gymnasio. Sic & quādo nūc definite, nunc
indefinite dicitur. Habent rursus & ubi & quando,
secundum locorum & temporum differentias diuisio-
nesq; species quasdam & differentias. Et locorū quidem
differentiae sunt, sursum, deorsum, ante, pone, dextera
trorsum, laevorsum. Temporum uero, praesens, præteri-
tum, & futurum. Habere porro (ut subinde Boëthius
ait) est quiddam extrinsecus adueniens, neque innatum
ei à quo habetur, imo aliud quād est illud ipsum, à quo
habetur, in se, uel potius circa se retinere, ut armatum
esse, uel esse uestitum, & habere uestes atque arma,
que cum eo qui habet, nata non sunt, neq; aliqua com-
muni natura proprietate coniunguntur.

Consequens ejt autem de ijs dicere, que (ut dixi
mus) Postpredicamenta à recentioribus appela-
lantur, & primū quidem de Oppositis, quoties scilicet
D i i s opponantur.

52 DE P R A E D I C A M E N T I S

opponantur. Opponi autem alterum alteri quadrupliciter dicitur. Nempe aut ut ad aliquid, aut ut contraria, aut ut habitus & priuatio, aut ut affirmatio & negatio. Atque haec omnis communis quidem nomine opposita dicuntur, quod ueluti ex aduerso sibi obsistere, & contra stare videantur. Ad aliquid igitur opponi dicuntur, quæcunque hoc ipsum quod sunt, oppositorum dicuntur, uel quomodolibet aliter ad haec, ut dimidium opponitur duplo, & eiusdem dupli dimidiū est, & paruum opponitur magno, & ita, ut ipsum paruum ad magnum, cui opponitur, paruum sit. Contraria uero dicuntur, quæ ita sibi opponuntur, ut eorum non sint, quibus opponuntur, sed sunt sibi iniucem contraria, ut bonum, quod licet malo opponatur, non tamen mali bonum est, sed malo contrarium. Itidem & album, non nigri album est, sed nigro contrarium. Habitus autem & priuatio dicuntur, quæ & ipsa quidem opponuntur sibi, sed ita, ut circa idem aliquid necessario uersentur, ut uisus & cæcitas circa oculum, auditus & surditas circa aurem. Quarum demum oppositorum genus est, ut affirmatio & negatio, quo quidem genere opponuntur, quæcunque inter se uerū & falso conuidunt, ut Socrates ambulat, Socrates non ambulat.

De oppositorum definitionibus
& proprietatibus.

Ceterum haec quoniam pacto definitur dicendum uenit breviter. At uero quoniam de his, que

ad aliquid seu relativa dicuntur, supra dictum est, cum de prædicamentis tractaremus, de reliquis tribus id tam nunc agamus. Itaque contraria definiuntur, quæ in eodem genere posita, plurimum à se distant, quæ eidē susceptibili uicissim insunt, unde & mutuo se ex-pellunt, nisi quæ per naturam subiectis suis insunt, Itaque ex contrarijs si unum fuerit, non necesse est alterū esse. Contraria rursus eidem simul inesse est impossibile. Sed & contraria omnia circa idem aut genere aut specie uersantur, ut ægritudo & sanitas circa corpus, iustitia & iniustitia circa animam. Omnia insuper contraria, uel in eodem genere sunt, ut album & nigrum: uel in contrarijs generibus, ut iustitia & iniustitia: uel sunt ipsa contraria genera, ut uirtus & uitium, bonum item & malum. Bono quippe malum ex necessitate contrarium est: malo autem aliquando quidem bonum, ali quando uero & malum. Id quod facile uidere est in uirtutibus & uitijs moralibus. Sed et de contrarijs ipsis ad eundem fere modum Victorinus loquitur in ijs commentarijs, quæ in rhetorica Ciceronis de inuictione scripsit. Contraria (inquit) tribus modis inueniri possunt: cum aut sub eodem genere species multum inter se distante: aut sub singulis generibus diuersis, species etiam diuersæ sunt: aut duo genera inter se diuersa sunt. Hec ille. Porro quæ secundum habitum & priuationem opponuntur, ea esse definiuntur, quæ circa idem fieri nata sunt, ordine irregressibili, & tempore per naturam determinato. Et hec quidem sunt, quæ potentiae

D iii priuatione

54 DE PRAEDICAMENTIS

priuatione talia dicuntur. Nam quæ talia sunt priu-
tione actus, hæc utique circa idem fieri possunt, ordine
regressibili; cuiusmodi sanc sunt motus & quies, lux
& tenebrae, somnus & uigilia. Iā uero & quæ secun-
dum affirmationem & negationem opponuntur, ea ip-
sa definitur, quorum secundum se nullum datur me-
diū, & quæ in contradictione consistunt. Contradiccio
porro dicta est, quasi opposita dictio, id est, locutio.
Huius nimirū hoc præ ceteris proprium est, quod siue
res subsistat, siue non sit omnino, in alterutra tamen co-
tradictionis parte uel ueritas, uel falsitas semper inue-
nitur, quod certe in alijs oppositionibus minime evenit.
Nā si qd omnino nō est, illud neq; egrū neq; sanū esse
potest, cum neq; cæcū neque uidens. Nec si nō est omnia
no qui genuit, iā aut filius aut pater erit. Verumtamen
siue fuerit quipiam, siue non fuerit, contradic̄tio nibi-
lo minus constabit semper. Et uerum & falsum dia-
cer, quicunque dixerit Socrates est, uel Socrates nō est.

¶ De quinque modis Prioris.

Prius autem aliterum altero quinque dicitur mo-
dis. Primo quidē id quod secundum tempus altero
prius est, ut quod antiquius altero est, aut uetus sit. Hinc Thebanorū bellum prius, id est, antiquius seu ue-
tustius dicitur excidio Troiano, idcirco quod tempo-
re p̄cesserit: & Pythagoram priorem, id est, senios-
rem Socrate dicimus, & Socratem Aristotele. Secundo
autem modo prius illud dicitur, à quo nō conueritur sub-
sistendi

sistendi consequētia, quo quidē modo, unū duobus prius est. Nam duobus existentibus, unum iā esse consequēs est, at non contrā. Non enim si unum est, consequens cōtinuo erit, ut sint duo. Atque hoc modo quod prius est secundū naturam prius esse dicitur. Tertio uero modo prius esse dicitur, quod ordine quodā anteuerit, id quod in disciplinis et orationibus rhetoricis, et alijs huiusmodi, ut in reipub. administrationibus facile est uidere. In disciplinis quidē, ut exēpli causa in Geometria, elemēta figurarū delineationibus priora sunt, & principia ijs, que ex illis demonstrantur, hoc est, ipsis conclusionib. Elementa autem dico, punctum, lineam, superficiem. In rhetoricis uero orationibus procerū, id est, exordiam narratione prius est, & in reipub. administratione consūmum actione. Quarto deinde modo prius id dicitur, quod melius est & honorabilius & præstantius & dignius altero. Quo sane modo, sol luna prior est, & anima corpore. Sed ut ipse Aristoteles ait, alie- missimus hic modus est à significatione prioris. Siquidem isto modo (quod & Boëthius approbare uidetur) quicunque dignitate & reverentia cæteris præcellunt, magis proprie uenerabiles & honorabiles dicuntur: ut uero priores dicantur, abuso potius est q̄ ulla proprietas. Quinto demum prius dicitur, alterum altero in ijs, que secundum subsistendi consequentiam conuerauntur, nempe illud quod alterius quomodolibet causa est & principium, ut ueritas imagine, & lux ipso lumine sive splendore, & in orationibus prius quidē est rē.

D uij ipsam

56 DE P R A E D I C A M E N T I S

ipsam subsistere, quæ ueritas constet propositionis, ut si uerum est, hominē esse, uera iam ea est oratio quæ dicit, homo est. Ac rursus, si oratio uera est qua dicitur, homo est, uerum iam quoq; est hominem esse; et tamen hominē esse, hoc est, eius rei substantia, causa insuper est, cur propositio de homine uera habeatur: Itaq; rei substantia, ueritate sermonis prior est.

P De tribus modis eorum que sunt simul.

Simul autem dicuntur aliqua tribus modis. Primo quicquidem et simpliciter et propriè simul dicuntur, quorū generatio eodem sit tempore, ut gemini, qui ob id simul esse dicuntur, q; unius temporis ortu editi sunt. Secundo uero modo simul dicuntur, quæcumq; ad se inuicem conuertuntur, sed ita, ut alterū alteri subsistendi neq; causa sit, neq; principiū, ut duplum et dimidiū. Etenim hec ad se inuicem conuertuntur, quoniam si duplum est, dimidiū est: et si dimidiū, duplū; et tamen neutrum alteri causa est, ut nec pater filio causa est ut sit, nec filius patri. Quod uero dico, huiusmodi est, Aeneas habuit Ascanium filium, non tamen causa fuit ut filius esset, sed ut esset Ascanius. Sicut igitur filius dicitur quispiam, cum primum ei fuerit pater, ita et pater iam dicitur, cum primum ei fuerit filius. Tertio autem modo simul dicuntur, quæ ex eodē genere ex aduerso diuiduntur à se inuicē, ut homo et equus. Homo namq; et equus, quoniam sub eodē genere ponuntur, nōpe animali, simul esse dicuntur. Eodem sane modo et de ceteris speciebus dicendum, quæ sub eodem genere, uel hoc, uel alio

alio ponuntur. Quo fit, ut omnes species eiusdē generis aequae sibimet sint, & generi illi aequaliter supponantur. Porro autē & differenciæ, quæ genus aliquod condiuidunt, simul esse dicuntur, ut rationale & irrationale. Sane sciendum q̄, quæcunq; secundo & tertio modo simul sunt, hæc natura simul dicuntur, primo uero modo simul dicuntur tempore.

¶ De sex speciebus motus.

Motus uero species sex sunt, generatio, corruptio, augmentatio, diminutio, alteratio, secundum locū mutatio. Et generatio quidē motus est ad substantiam, cui opponitur corruptio, motus proinde à substantia. Augmentatio uero motus ad quantitatē, cui diminutio opponitur, motus uidelicet quo acquisita iam antea, et paulatim aucta, quantitas fit minor, deperditurq;. Alteratio est, qua aut qualitas acquiritur, aut deperditur acquisita. Secundum locum uero mutatio dicitur, quæ fit aut ad locū, aut circa locum: ad locū quidem, ut quæ secundum rectum fieri dicitur; circa locum uero, quæ in gyru sive in orbem. Omnia autem horum motuum ex aduerso quietē intelligimus, cū tamen in his species motuum ipsi motus sibi nūcē contrarij sint, præter eum motum, qui circa locum fieri dictus est, ut est motus corporum cœlestium, cui nullus motus contrarius est. Ceterum animaduertendum hoc loco est, h̄iudicū: Quaquā absonum esse quod dictum est, motum esse motui contrariū, & item quietem, quasi uero duo iam uni contraria esse dixerimus, non unum uni, ut in physicis

sicis Aristoteles docet. Quandoquidē id quod dictum est secundū aliud, et item aliud fieri intelligitur, quemadmodum id Iohānes Damascenus in sua dialectica subtilissime annotauit. Nam eidem motui motus quidem opponitur, ut habitus & forma siue actus: quies uero, ut finis & priuatio.

De octo habendi modis.

HAbere quoq; multis modis dicitur. Nam habere quis dicitur, aut ut qualitatē aliquā, ut scientiam uel uirtutē: aut ut quantitatem, magnitudinē, & hanc quidē uel bicubitam, uel tricubitā, aut alias quantācunque: aut ut ea quae circa corpus sunt, ut uestimentē, cuiusmodi est subucula uel penula: aut ut in parte aliqua corporis, ut in digito annulū, uel torquem in collo: aut ut partem aliquā sui, nempe manū uel pedem, uel caput: aut ut in uase, quemadmodū modius dicitur habere criticū, & lagena unū, & amphora aquā, ut sit habere pro continere: aut ut possessionē, quomodo dicitur aliquis domū habere uel predium: aut ut uxorē, quemadmodū uir uxorē habere dicitur. Sed ut Aristoteles quoque ait, idq; per iocum (ut uidetur) alienissimus hic habendi modus est: siquidem nihil aliud est uirum habere uxorem, quam eidē cohabitare. Ideo autem hunc habendi modū impropriē dictum putant multi docti, ac per hoc pene respūnent, quod aiunt non haberi posse, quod habentem habeat, sed multo rectius dici, uiro mulierem esse, & pari vice mulieri utrum.

IN TRA~~E~~

CTATVM TERTIVM

Prefatio breuiuscula.



X P E D I T A utcunq; à
nobis in prioribus duobus li-
bris sine tractatibus ea parte
dialecticæ, quam Elementariæ
uocant, utpote quæ Prædica-
bilia tantum & Prædicamen-
ta simplices quidem uoces cō-
pleteatur, sequitur hinc tra-
ctatus tertius de Propositione, quæ & ipsa huius artis
pars quedam est: quippe quæ prima ex simplicibus illis
& incomplexis uocibus, perfecta constituitur oratio.
Atqui huius quoniam nomen & uerbum partes sunt,
& hæc ipsa per uocem definitur, à Voce haud ab re
huius tractatus exordium sumere licet.

Quid sit Vox, tum etiam quid Sonus.

Vox igitur est, ut à nonnullis definitur philoso-
phis, ex ictu aëris elicita qualitas, auribus acci-
dens. A recentioribus autem, & ijs quidem, q; superiori-
bus aliquot annis circa hanc artem uersati sunt, magis
conuenienter accommodatq; ad hunc locū hoc pacto de-
finitur, Vox est sonus, q; ab ore animalis proficietur,
certis

certis quibusdam naturæ instrumentis formatus. Sonus item ab eisdē quoq; definitur, quicquid proprie & per se auditu percipitur. Itaq; uox sonus est, nō qlibet, sed quod (ut dictū est) ab ore animalis proficiuntur, formaturq; interim certis quibusdā naturæ instrumentis, que quādem sunt guttur, lingua, palatū, primores quatuor dentes, & labia duo, quibus à quibusdā additur & pulmo. Nam per guttur uocalis arteria intelligitur, que ex spiritalis fistula appellatur. Ex quo inā liquido patet, quod neq; manum ad se iniucem complosus, neq; pedum strepitus, aut frager arborum, & in nubibus tonitrus, uoces ullo modo dici debent. Quin ex ob eadem fortassis causam, neque tussis, neque excreatio, & si quid huiusmodi est, uoces proprie dici possunt, licet de animalis ore prodeant.

De Voci diuisione.

VOCUM autem alia quidem significativa est, alia uero non significativa. Porro significativa uox ea dicitur, que per auditum aliquid intellectu representat. Non significativa autem, que nihil omnino significat, ut que neq; naturaliter, neq; secundum placitum apud intellectum quicq; constituit, ut literæ proprium & syllabe. Itaque bifariam uox significare dicitur, tum naturaliter, tum secundum placitum. Naturaliter quidem uox significare dicitur, que naturalem dūtaxat affectum animi monstrat, ut est dolor aut gaudium, cuiusmodi sane uoces sunt gemitus & grotatum, & lugentium eiulatus, insolentum item cachinnus & risus indecens,

decens, tum brutorum cuiusq; animalium uox propria. Secundum placitum autem quæcunq; ex impositione rē aliquam designat, ut sua uniuscuiusque gentis lingua si= ue loquela, qua quis utitur, quoies alteri indicare uo= let, quicquid animo conceperit. Hæc rursus diuiditur. Alia nanque tempus secum ad significationem trahit, ut ambulo: alia præter tempus significat, ut homo. Ce= terum hæc nomen, illa uerò uerbum apud dialecticos appellatur, ex quorū utriusque debita cōplexione uox constituitur, que oratio dicitur, uox proinde complexa: ut tam nomen quam uerbum, uox incompleta. At de no= mine quidem primum hinc dicamus oportet.

¶ De Nomine.

Nomen itaq; uox est significativa, secūdum pla= citum, sine tempore, cuius nulla pars significa= tiva est separata, finitum aliquid designans, & casus recti. Sane in hac definitione uox generis locum obti= net, ut pote pluribus communis. Significativa deinde ad= iectum est: nam sunt & uoces quæ nihil significant. Rursus secundum placitum, quòd sint uoces, quæ natu= raliter tantum significant. Sine tempore autem, quoniā uerba quoq; uoces sunt significativa secundum placi= tum, sed distanti à nominibus, quòd nomina quidem si= ne tempore: uerba autem cum tempore significant. Ad= iectum præterea est, cuius nulla pars significativa est se= parata, propter orationem. Siquidem huius partes utiq; & separate significant, ut mox dicetur. Postremo au= tem adpositæ sunt particuliæ due, una quidem, nempe finitum

finitum aliquid designans, propter nomina infinita: altera uero, que quidem est, ex recti casus, propter nominū obliquos casus, qui quoniam cum E S T uerbo copulati, plenā absolutiā sententiam explicare nō posse sunt, non nomina, sed casus nominū iure nuncupantur, ut nō recte dixeris, demonstratio quopiam, Catonis est, Catoni est, aut Catonem est: sed, Calo est.

C De Verbo.

Verbū autē est uox significativa secundum placitum, cū tempore, cuius nulla pars significativa est separata, finitum aliquid designans, & casus recti. Que quidem uerbi definitio, præter particulam cum tempore, omnia cū nomine habet cōmūnia. Siquidem id uerbi propriū est, significare inq cū tempore. Ergo quod & participium cum tempore significat, hoc à uerbo habet, unde deducitur. Neq; uero mouebit quēpiā, quod ex nominibus quidē ipsis quedā etiā tempus significat, ut annus, mensis, dies: attamen nullū eorum tempus cōsignificat, quemadmodū Aristoteles ait. Ceterū ut nomina finita sunt ac infinita, ita ex uerbis quoque alia finita sunt, alia infinita: finita, ut ambulo, dispuo: infinita uero, ut nō ambulo, non dispuo. Rursus & de casibus uerborum haud secus ac de casibus nominū dicere par est: quippe ut nominum casus dicuntur, qui ab ipso recto slectūrū ita casus uerborū appellari possunt, qui à temporis præsentis & modi indicatiui significatione diuariant. Verbum igitur secundum dialecticos id solum esse dicitur, quod temporis præsentis

Sentis est & modi indicatiui.

¶ *Vtrum nomen & uerbum apud dialecticos sole partes orationis sint,*

Exposita catenus tā nominis q̄ uerbi ratione, que tenus idipsum dialecticorum usus postulat, occurrit non temere quæstio illa, hoc in loco nunc etiam consideranda, que à plerisq; proponi solet, *Vtrū scilicet nomen atq; uerbi sole apud dialecticos orationis partes sint, cū tamē ab ipsis Grāmaticis octo huiusmodi constituantur partes?* Sane huius questionis nodum D. Seuerinus Boëthius, vir prefecto tatus in latina philosophia, quantus inter ipsos Latinos in arte oratoria M. Cicero his uerbis ita dissoluit brevissime, Grammatici enim (inquit) figurās tantummodo uocū considerant, octo proinde orationis partes connumerant; Philosophi autem atq; dialectici, quoniam omnis eorū intentio circa ueritatem falsitatemq; locutionis uersatur, atq; ea ex nomine uerboq; plenissime constat, duas tantum orationis partes admittunt, easq; nomen & uerbum esse docuerūt. Cetera uero, non partes, sed orationis supplementa, & ueluti colligamenta quædā appellant, quemadmodū in quadrigis frena & lora, & in nauibus tabule & trabes. Non aliter autē de his sentit & Priscianus ille Grāmaticus lib. II. de participio, Quibusdā (inquit) Philosophis placuit nomē & uerbi solas esse partes orationis: cetera uero adminicula & iuncturas earum: quomodo nauium partes sunt tabule & trabes. sed nunc ad Orationem transeamus.

¶ De

¶ De Oratione.

Oratio est uox significativa secundum placitū, cuius partes extra aliquid significant & separatae. Ad hunc sane modum à dialecticis oratio definitur. Cuius quidem definitionis intellectum facile est ex superioribus colligere. Nam quod oratio ipsa uox est, quod significativa uox, quodq; item significativa secundum placitum, id cum nomine atque uerbo commune habet. Cuius enim partes secundum placitum significant, ipsum quoque secundum placitum significativum est. Differt autem ab utroque, quoniam nominis quidem & uerbi partes separate nihil significant, ac ne in compositis quidem, ut & Aristoteli placet: quis id tamen uideri uelint, ob dictionis figuram, sed tali uoci siue dictio- ni res ipsa repugnat, nempe suapte natura simplex & una: ut animalis nōmē, qđ Græcis τραχέλωφος dicitur, Latinis uero hircoceruus dici potest, ab hirci ceruique similitudine. Nam cum cerui speciem habeat, autore Plinio, ab eo tamen barba & armorum uillo distat solum, in quo cum hirco quadātenus conuenit: unde & nomen ei est ex utroq; compositum. At uero orationis partes multo aliter se habent. Quippe que & extra ipsam significare possunt, ut uerbi causa, huius orationis, Plato disputat, tam nomen ipsum, quod quidem Plato est, querendum disputat, partes nimis scorsum utique & separatum, omnino aliquid significant.

¶ De

¶ De diuisione Orationis.

Duiditur autem oratio: alia nanque perfecta est, alia imperfecta. Perfecta quidem oratio ea esse dicitur, que ex nomine uerboque constructa, perfectam sententiam in animo audientis relinquit, ut Plato disputat. Quisquis enim ea audit, statim quiescit, ac iam intelligit, quid sit hac ipsa uoce prolatum. Imperfecta uero, que plenam sententiam non facit, tametsi nonnunquam ex uerbo constat, unde orationis perfectio potissimum habetur: quippe quod ut in nominibus materia, ita in uerbis sermonis uis intelligatur, autore Quintiliano. Imperfecta igitur oratio est, quoties sine uerbo profertur, aliquoties autem & cum uerbo ipso. Sine uerbo quidem, ut Aeneis Vergili. Cum uerbo autem, ut quisquis ambulat. Vtraque numirum imperfecta oratio est, perficitur autem uerbo utrobique adiecto. Hec quidem, si addas uerbum mouetur, ut sit, Quisquis ambulat, mouetur: illa uero, si addatur uerbum legitur, ut si dicas, Aeneis Vergili legitur. Atque hunc in modum omnis imperfecta oratio perfici potest, qualis projecto ea esse debet oratio, que ab Aristotle quidem ipso, facile huius artis principe, Enunciatio: à Cicerone uero (quem Plinius lucem doctrinarum appellat) Pronuntiatum, & Proloquium nonnunquam: à Boëthio de summa inter Latinos præserim Propositio dicta est, qua etiam appellatione communis dialecticorum schola nunc paſsim utitur.

De diuisione Orationis perfectæ.

Orationum perfectarum alia Deprecatiua est, ut Iuppiter omnipotens precibus si flecteris ullis, Da deinde auxilium pater, atque hæc omnia firma. Alia Imperatiua, ut Vade age nate, uoca zephyros, et laber re pennis. Alia Interrogatiua, ut Dic mihi Damoeta, cuū pecus, an Meliboei? Alia Vocatiua, ut Huc ades o Melibœe. Alia Enūtiatiua, ut Principio arboribus uaria est natura creandis. Præter has autem quinque Perfectæ orationis species, sunt qui duas alias addat, nempe optatiuam et subiunctiuam. Optatiuam, ut O mihi præteritos referat si Iuppiter annos. Subiunctiuam, ut Si foetura gregem suppleuerit, aureus esto. Veruenimus ro huiuscmodi orationum sive quinq; sive septem spe cies consitutas, ea tamen sola, qua Enūtiatiua sive Indicatiua dicitur, propositio est: quippe quæ uel esse ali quid, uel non esse designet, et in qua aut ueritas aut fal sitas inueniatur. Reliquæ uero poëtis atq; oratoribus ad affectus uarios mouēdos magis accommodata uidentur.

De propositione, eiusq; secundum substan tiam diuisione, tum quid subiectum, et quid prædicatum.

Propositio est oratio uerum uel falsum signifa cans. Eius uero prima et quidem secundum sub stantiam diuiso hæc est, Propositionum alia categori ca est, alia hypothetica. At de hypothetica quidem alia, interm de categorica (ut coepimus) prosequan tur.

mur. Hec autem est, quæ duobus terminis perficiuntur, subiecto scilicet et predicato, hoc est, quæ simplicissime, consistat ex nomine casus recte eodemq; finito, et uerbo modi indicatiui, ut Aristoteles docet. Sunt qui præter duos dictos terminos, tertiam his ueluti partem adiungant, nempe copulam (quam uocant) uerbalē. Et proinde propositionem hujusmodi hoc pacto illi definiunt. Propositione categorica est, quæ habet subiectum, predicatum, & copulam principales partes sui, ut huius propositionis, Aristoteles docet, subiectus quidem terminus est Aristoteles, predicatus uero uerbum docet, & quod alterum cum altero coniungit, copula (ut dictum est) à recentioribus uocatur. Quam ijdem deinde per resolutionem uerbi adiectui, si quod in hujusmodi propositione predicatur, ut eius uerbi docet, prodi ac patere aiunt, si ita ipsam propositionem protuleris, Aristoteles est docens. Huius quippe propositionis Aristoteles subiectum est, docens predicatum, est uero uerbum, copula: quasi uero hoc totum est docens, non multo rectius predicatum diceretur. Subiectum porro id esse dicitur, de quo aliquid predicatur. Predicatum uero quod dicitur de subiecto. Ceterum quæ categorica dicta est propositione uoce græcanica, latina à predicando predicativa seu predicatoria dici potest, quando eadem utrobique significatio est: quippe quod Latinus predico, hoc Græcis est κατηγορέω, quod uerbū ei si alias accuso significat Græcis omnibus, apud philosophos tamen pro predico accipitur. Unde et κατηγορια.

Prædicamenta dicuntur, de quibus tractatu superiori transfigimus.

CVtrum non nisi ex nomine et uerbo perfecta consistat oratio, an ex solo etiā uerbo consistere aliquando possit.

Sed et hoc loco quæstio suboritur non incommoda, Vtrum haud unquam aliter, quam ex nomine et uerbo plena et perfecta oratio, cuiusmodi propositio est, constare queat, an ex solo etiā uerbo aliquando? Huic sane questioni ita Martianus Capella occurrit, Quoties (inquit) uerbum prime uel secundæ personæ fuerit, quia per ipsum iam aliquid significatur, quod uel negari uel affirmari possit, simul et in hominem tantum cadat, et hunc quidem certū, utiq; ex solo ad hunc modum uerbo, perfecta oratio et propositio haberi potest, ut disputo, aut disputas. Quippe ut in horum altero, quod quidem primæ personæ est, subauditur protinus pronomen ego, ac per hoc plenum per se est, atque ueritati aut falsitati aequa obnoxium, ita in altero, quod est personæ secundæ, facile intelligitur tu pronomen. Vnde tantundem pene ualet cum dicitur, dispueto, uel disputas, quantum si dixeris, ego dispueto, uel tu disputas, hoc excepto, quod quoties istiusmodi pronominum expressio fit, toties uel emphasis notatur, uel discretio aliqua intelligitur. Tertia uero uerbi persona, quia non hominis tantum est, sed aliarum etiam rerum, et simulac dicta fuerit, non continuo intelligitur, de quo dicatur, ita ut aut affirmari aut negari possit, idcirco neque

neque ueritati neque falsitati obnoxia est : quare nec propositio ex ea sola constare unquam potest, nisi forte de eo dicatur, de quo solo intelligi potest id quod dicitur, ut cum dicimus, pluit, aut ningit, hoc quod dicitur, pluit aut ningit, utrumque aut uerum esse potest, aut falso, et per hoc negari aut affirmari, licet nihil addamus, quia notum est qui pluat aut ningat, nempe deus aut natura. Cum uero dicimus, disputat, aut legit, aut loquitur, in nullo horum certum aliquid intelligitur. Quapropter nec uerum nec falso dici potest, quamuis etiam de homine intelligi possit quod dicitur, disputat, aut legit, aut loquitur: quia tamen non de uno certo aliquo dici potest, idcirco subdendum est nomen aliquius hominis, ut plenum sit quod dicitur. Prima igitur et secunda uerbi persona, quia de homine tantum etiam certo intelliguntur, idcirco sole dictae possunt aut uerum aut falso significare. Tertia uero persona uerbi, ut nec de solo intelligitur homine, ita nec sola dici potest, ac per hoc nec ex sola, nisi admodum rareriter (ut dictum est) propositio constitui potest.

Vtrum quoties ex nomine et uerbo propositio constituitur, ipsum nomen non alterius quam

recti casus esse possit.

Rursus et alia nunc questio emergit, praecedenti haud multum absimilis, que huicmodi est, Vtrum nomen, ex quo cum uerbo propositio conficiatur, solum recti casus esse debeat, an alterius quoque cuiuslibet obliqui casus esse possit? Huic quoque dubitationi

E iii idem

idem Martianus subtiliter obueniens, ad hunc modum
respondit breuissime, Vbi uero uerba (inquit) illa sunt,
que impersonalia dicuntur, non iam ex recto casu sen-
tentia impletur, sed proposilio, sed alios casus recipit,
ut disputatur cum dicitur, ut est impersonale uerbum,
plena omnino sententia est, si ablative adiungas, et per
hoc affirmari aut negari potest, ut est, à Cicerone dispu-
tatur, à Cicerone nō disputatur. Et pœnitet cū dicitur,
plena quoq; sententia est, si accusativum iungas, ut est,
Ciceronem pœnitet: atq; de alijs quoq; impersonalibus
uerbis, quæ uel cum eisdē uel cū alijs construuntur casis
bus, ad hunc modū dicendū est. Ut igitur quoties perso-
nale uerbū est, ex quo cū nomine proposilio constiu-
tur, ipsum nomen recti casus esse oportet, ita nō minus
necessē est, quoties uerbū impersonale fuerit, ut sit no-
men casus obliqui, natura uerbi id ita exigente. Sed iam
ad institutum reuertamur, et quonā modo proposilio
secundum qualitatem diuidatur deinceps dicamus.

C De diuisione propositionis se-
cundum qualitatem.

Propositionum itaque categoriarum, aliæ quidem
qualitate, aliæ uero quantitate differentes inue-
niuntur. Porro secundum qualitatem differunt, quorum
altera affirmativa est, altera negativa. Affirmativa qui-
dem proposilio est, in qua aliquid de aliquo prædicione
enunciatur. Vel in qua prædicatum affirmatur de
subiecto, ut Plato philosophus est. Negativa uero in
qua aliquid ab aliquo prædicatione se iungitur. Vel in
qua

qua predicatum negatur de subiecto, ut Plato philosophus non est. Hic namque de Platone negatur philosophus, ut predicatum de subiecto, apposito ad uerbum substantium (qua utique potior pars predicati est) negandi aduerbio, cuius quidem hec uis esse perhibetur, ut quicquid post se inuenit, tollat prorsus, & eius oppositum reponat.

De divisione propositionis categorica secundum quantitatem.

AT uero secundum quantitatem differentia huiusmodi propositionum hoc modo sumuntur, quod aliae quidem sunt uniuersales, aliae particulares, aliae indefinitae, aliae uero singularares. Sed harum unuscuiusque uim propria descriptione hinc tam explicemus oportet. Uniuersalis igitur proposicio est, qua cum affirmando, cum negando uniuersaliter proponitur, vel in qua subiectum terminus communis signo uniuersali determinatus, ut omnis homo sapiens est, nullus homo sapiens est. Particularis uero, que siue affirmet, siue neget, particulariter tantum proponit, quam & alij ita describunt, Particularis proposicio est in qua subiectum terminus communis signo particulari determinatus, ut quidam homo sapiens est, quidam homo sapiens non est. Indefinita uero est, qua absque uniuersalitatis particularitatis nota, tam affirmando quam negando profertur. Vel cuius subiectus terminus absque signo sumitur, ut homo sapiens est, homo sapiens non est. Singularis porro proposicio est, in qua de-

E III individualis

individuo & singulari quicquam prædicatur, idq; tunc affirmatiue, tum negatiue, ut Socrates ambulat, Socrates non ambulat. Eandem autem nonnulli hoc pacto describunt, Propositio singularis est, in qua subiicitur terminus singularis, aut certe communis, qui tamen singulariter teneatur accipiaturque, ut Socrates, uel hic homo sapiens est.

De tribus signis quæstiuis, quibus de unaquaq;
propositione querere contingat.

Cum igitur tres sint propositionum differentiae,
ut dictum est, que quidem sumuntur aut secundum substantiam, aut secundum qualitatem, aut secundum quantitatem, tria quoque par est quæstiuia signa accommodari, quibus apta eliciatur responsio ab eo, qui de illis interrogatus fuerit. Itaque interrogatus quispiam que sit hæc aut illa propositio, apte conuenienterq; respondebit, quod sit categorica uel hypothetica. Si uero idem deinde interrogatus fuerit, qualis sit, tum quoque apte respondebit, quod sit affirmatiua uel negatiua. Rursus autem si interrogetur quanta sit, recte numerum & hæc interrogati responsio quadrabit, si dixerit, aut uniuersalis, aut particularis, aut indefinita, ut singularis. Atq; hæc quidem quanq; fortassis non tanti habentur, ut negotiū facilius debeat, eo tamē pertinere uidetur, ut exercitati iſſis interrogatiūculis nouitij huius artis ueluti tyrones, assueſcat paulatim propositionum differētias internoscere, quod utiq; momenti nō nihil habet ad ea, que deinceps sequuntur, planius percipienda.

Quæ

CQue propositiones suis terminis cōueniant, & que non.

HActenus de propositione quæ categorica dicatur, eiusq; partibus atq; differentijs quibusdam: restat ut quibus ipsa sit prædita affectio = nibus (quas passiones iuniores uocant) ostendamus, idq; hac præmissa divisione, Propositionum aliæ sunt, que nulla terminorum participatione conueniunt, aliæ sunt que conueniunt quidem, at non ex aequo: Nempe ex his, aliæ utraq; termino participant, ut Plato philosophus est, Plato philosophus non est. Aliæ uero altero tam, quod nimurum tribus modis fieri constat: quippe cum uel communis ille terminus in una propositionum subiicitur, & prædicatur in altera, uel prædicatur in utraq; uel in utraq; subiicitur. Communē autem terminū hic nūc uoco, non eū qui de pluribus prædicari possit, sed qui in singulis hoc pacto participantibus propositionibus reperiatur: uerum enī uero de his propositionibus, quæ altero termino, uel neutro participat, nihil ad præsens, cum de his solum hoc loco agatur propositionibus, quæ utroque termino conueniunt, id quod duobus fit modis, aut enim ordine eodem, aut per ordinis commutationē. Eodem quidem ordine participant suis terminis, quæ de eodem subiecto idem pronuntiant prædicatum. Per ordinis uero commutationem, quoties qui in una subiectus est terminus, in altera fit terminus prædicatus, ut omne iustum est bonum, & quoddam bonum est iustum. Ceterum ut ex ordinis quidem commutatione conuer-

74 DE PROPOSITIONE

sio propositionum colligitur, de qua non multo post dis-
cetur, ita ex constantia ordinis propositionum sumitur
oppositio, de qua primum hic nunc dicamus.

¶ De oppositione propositionum ca-
tegoricarum, & quid sit.

Propositionum igitur categoricarum utroq; ter-
mino eodem ordine participantium, aliae quidē cō-
trarie sunt, aliae subcontrarie, aliae contradictorie, aliae
uero subalterne. Contrarie sunt due propositiones uni-
uersales, alia quidem affirmativa, alia uero negativa,
eiusdem subiecti pariter & praedicti, ut omnis homo
iustus est, nullus homo iustus est. Subcontrarie uero
propositiones due particulares, altera quidē affirmati-
ua, altera uero negativa, eiusdem subiecti pariter & prae-
dicti, ut quidā homo iustus est, quidā homo iustus non
est. Contradictorie autē propositiones due, uniuersalis
& particularis, uniuersalis quidem affirmativa, par-
ticularis uero negativa; uel uniuersalis quidem ne-
gativa, particularis uero affirmativa, eiusdem subiec-
ti pariter & praedicti, ut omnis homo iustus est, qui-
dam homo iustus nō est: uel, nullus homo iustus est, qui-
dam homo iustus est. Subalterne porro sunt proposi-
tiones due, ambe quidem aut affirmativa, aut negativa;
sed ex his altera quidem uniuersalis est, altera uero
particularis, eiusdem subiecti pariter & praedicti, ut
omnis homo iustus est, quidam homo iustus est: uel
nullus homo iustus est, quidam homo iustus non est.
Oppositiō igitur est, ut ex praedictis patet, duarum pro-
positionum,

TRACTATVS III.

75

Positionū categoricarū repugnantia quedam, uel qualitate tantum, uel quantitate tantum, uel qualitate simul & quantitate. Toties enim sibi inuicem aduersantur dictæ categoricæ propositiones. Quirum quidem oppositio, ut ueluti oculis exposita habeatur, figuram ex quatuor angulis constitutam, subiecere nō grauabor.

Omnis homo
iustus est

Contraria

Nullus homo
iustus est

Subalterne

Contra

Contra

Subalterne

di

Contraria

Contraria

Quidam homo
iustus est

Subcontraria

Quidā homo iu-
stus nō est

¶ De triplici propositionum materia.

Sed priusquā harū inter se oppositarum propositionum leges (quas uocant) exponamus, cōmonendus interim probus lector est, ipsius uidelicet propositionis triplicem esse materiam, naturalem, contingen-
tēm, & remotam. Voco autem materiam propositionum hoc loco, earum utrumque terminum, subiectum ins-
quam & prædicatum. Quidam uero definitum habitu-
dinem,

dinem, quæ est prædicati ad subiectum. Naturalem igitur materiam esse dicunt, quoties prædicatum est de essentia subiecti, aut certe proprium eius, ut homo est animal, homo est risibilis. Contingentem uero, quoties prædicatum subiecto aut adesse aut abesse potest praeter subiecti corruptionem, ut Socrates ambulat. Remoia autem, quando prædicatum ipsi subiecto nullo modo couenire potest, ut homo est lapis. Itaque sciendum quod iuxta primam quidem habitudinem necessarie propositiones dicuntur, quarum ut affirmationes semper uera sunt, ita negationes perpetuo false. Iuxta secundam autem contingentes seu accidentariae, quarum proinde tam affirmationes quam negationes, incertæ sunt tum ueritatis tum falsitatis, nisi suppositione facta, aut quod prædicatur accidens sit inseparabile. Iuxta tertiam uero impossibiles, quarum ut affirmationes quidem false semper, ita negationes semper uera.

C De legibus oppositarum inter se propositionum.

Ergo ut id, quod hoc loco instituimus commodius fieri possit, operæ preцium fuerit hasce leges per certas quasdam regulas digerere atque distribuere. Itaq; cum quatuor sint inter se oppositarum propositionum differentiae, consentaneū erit, quatuor quoq; regulas de ipsis constituere, ut unicuiq; differentie sua respōdeat regula. Prima igitur regula erit de lege & natura contrariarum, secunda de lege & natura subcontrariarū, tertia de lege & natura contradictoriarum, quarta ue-

ro atq; ultima de lege ex natura subalternarum . Sed & illud obiter occurrit admonendum , non esse harie regularum ullam exactam demonstrationem hic exigendam , ut nec in sequentibus usquam ubicunq; regulæ propositæ fuerint : quippe quod id supra vires prorsus captiuumq; esset eorū , qui primis adhuc huius disciplinæ rudimentis imbuendi sunt aque formandi . Satis autem fuerit , si idoneis tantum exemplis utcunq; declarerentur . Quod profecto si ubique obseruetur , non paruum ex eo (ni fallor) sentient profectum , tum auditores , tum etiam lectores , non modo ad eruditionem ipsam , ueruetiam ad sermonis facultatem : tum & reueabuntur interim & hi , qui docent artem , & qui eam docentur .

SEQVVNTVR REGVLAE.

¶ Prima regula de lege & natu-

ra contrariarum.

Si duarum contrariarum una uera est , reliquam esse falsam est necesse , at id quidē conuertitur minimo . Nam possunt due huiusmodi propositiones simul esse false , ut in materia contingentia : proinde si haec est uera omnis homo iustus est , falsa erit ea quæ proponit , nullus homo iustus est . Sed illud , ut dictum est , non conuertitur . Non enim si falsa est , quæ dicit , omnis homo iustus est , uera iam erit de necessitate ea , quæ dicit , nullus homo iustus est . Fieri nanque potest , ut utraque sit falsa . Esto igitur disciplinæ gratia , ut aliquis homo se deat , tunc falsa erit haec quæ dicit , nullus homo sedet . Esto rursus , ut per idem tempus aliquis homo non se deat ,

deat, tunc hec quoq; falsa erit, quæ dicit, omnis homo sedet. Hac itaq; cōcessa hypothesi, falsa erit hec, omnis homo sedet, falsa iidem ea quæ dicit, nullus homo sedet. Et sunt hec quidem per definitionem inter se contraria. Quapropter contrarias propositiones aliquando quidem falsas simul esse nihil prohibet, esse autem simul ueras est impossibile.

Secunda regula de lege & natura subcontrariarum.

Si duarum subcontrariarum una falsa est, reliqua uera esse necesse est. Verum nec id unq; recurrat. Quandoquidem due subcontrarie simul uerae esse possunt, ut in materia contingentia. Quocirca si hec falsa est, quidam homo est iustus, uera protinus erit ea, quæ dicit, quidam homo non est iustus. Atqui id (ut dictum est) non recurrat. Nam non oportet, si uera est quæ dicit, quidam homo est iustus, falsam continuo eam esse quæ dicit, quidam homo non est iustus. Siquidē utraq; uera esse potest. Esto igitur, falsa sit ea quæ dicit, nullus homo sedet, mox iam uera erit quæ dicit, aliquis homo sedet. Similiter autem ac per idem tempus falsa sit ea, quæ dicit, omnis homo sedet, iam tum uera erit hec, quidam homo non sedet. Erunt igitur iuxta datam hypothesim ambæ simul uerae, & hec quæ dicit, quidam homo sedet, & quæ dicit, quidam homo non sedet, & sunt inter se subcontrarie. Quocirca subcontraries propositiones simul quidem ueras esse possibile est, atque simul esse falsas, est impossibile.

Tertia

Tertia regula de lege & natura
contradictoriarum.

Si duarum contradictoriarum una est uera, relia
quam esse falsam est necesse: & contra, si una
falsa est, reliquam protinus ueram esse oportet. Non
enim simul aut uera unquam, aut falsa esse possunt.
Quae quidem regula, quoniam per totam artem logi-
cam principij loco habetur, uix ullis uel exemplis est
comprobanda. Si cui tamen hoc etiam in animo se-
derit, ut exempla omnino subiiciantur, poterit hic
per se haud difficulter ea ex duabus superioribus mu-
tuari commodissime. Nam haec ipsa regula cum dua-
bus illis, quae diuersas alioquin naturas inter se habent,
conuenit quoquo modo, partibus uidelicet hinc inde
suis, quae due sunt, quarum quidem una est, quod con-
tradictorie inter se propositiones nunquam simul ue-
ra esse possunt, qua certe lege contrarie etiam tenen-
tur. Altera uero, quod due contradictorie nunquam
possunt simul esse false, quam legem profecto sube-
unt & subcontrarie. Vnde haec etiam regula primo
utiq; loco collocanda erat, ut qua niteretur reliqua, ue-
luti in edificio tectum & parietes basi & fundamen-
to. Verum enim uero eum nunc ordinem tenere in his
ubuit, quem passim in gymnasij literarijs obseruant,
id qd & in alijs quoque haud inuite facimus, quantis
quidem rei ratio ferat permittatue, nisi quod, qmaxime
possimus, barbarie ubiq; uitare studemus, quod & alios
plerosq;

80 DE PROPOSITIONE

plerosq; facere video, sed multo felicius in bonis literis iuuandis. Hec siquidem ut semel introducta, causa proculdubio fuit abolitionis omnium penè bonorum studiorum, ita explosa demum efficit, ut omnia illa pristino suo nitorि restituantur.

Quarta regula.

Si Propositionum subalternarū uniuersalis siue affirmativa, siue negativa uera est, uera erit eius particularis, at non contra. Siquidem non oportet, si uera est particularis, ueram esse eius uniuersalem, ut si hæc uera est, omnis homo est iustus, et hæc quoq; uera erit, quidam homo est iustus. Rursus, si hæc est uera, nullus homo est lapis, uera etiam erit ea que dicit, quidam homo non est lapis. Sin uero uniuersalis fuerit falsa, iam necesse non est eius particularem esse falsam: tamen si contra, si particularis falsa est, necesse est uniuersalem quoque falsam esse, ut si falsa est, quidam homo lapis est, falsa quoq; erit hæc, omnis homo lapis est. Tum etiam si falsa est, que dicit, quidam homo non est risibilis, falsa erit et hæc, nullus homo est risibilis.

De propositionum Aequipollentia.

Exigit hinc ratio ordinis, ut post oppositas inter se propositiones à nobis hactenus expositas, de earum aequipollentia protinus institutum prosequamur. Quandoquidem hæc facit, ut oppositæ alioqui propositiones, atq; inter se tum ueritate falso ueritate aut qualitate aut quantitate dissentientes, rursus hisipſis,

TRACTATVS III. Si.

hi sifpis, ueritate dico & falsitate, aut qualitate etiā & quantitate conueniant, consentianiq; inuicē. Ac proinde nonnulli eam definiunt, duarum propositionum categoriarum, formalem & necessariam consequiā, idq; propter negationem, uel præpositam uel postpositam, uel præpositam simul & postpositam. Cuius insuper tres regulas constitutae, ex quarum prima deinde atque secunda quartam eliciunt, quæ sit ad eas perinde atque corollarium quoddam.

SEQVVNTVR REGVLAE.

CPrima regula de Aequipollentia propositionum inter se contradictoriarum.

QUOTIES NEGATIO PRÆPONITUR SIGNO SIVE UNIUE-
SALI SIVE PARTICULARI, IPSA EQUIPOLLERE FACIT PRO-
POSITIONES INTER SE ALIOQUÍ CONTRADICTORIAS, UT CŪ SINT CO-
TRADICTORIA HÆ DUE, OMNIS HOMO IUSTUS EST, & QUIDAM
HOMO IUSTUS NON EST, SI EARŪ UNI PRÆPONAS NEGATIONEM,
UT EXEMPLI CAUSA UNIUESSALI, AC DICAS, NON OMNIS HOMO
IUSTUS EST, PROTINUS HÆ DUE, NON OMNIS HOMO IUSTUS EST,
& QUIDAM HOMO IUSTUS NŌ EST, UERITATE INTER SE AUT FAL-
SITATE CONSENTIUNT, AC PER HOC, UT REGULA IPSA PROPONIT,
INUICÉ EQUIPOLLĒT. EODE QUOQ; MODO SI PARTICULARI PRÆ-
PONATUR NEGATIO, NĒPE HUIC, QUIDAM HOMO NON EST IUSTUS,
AC PROINDE ITA DICATUR, NON QUIDAM HOMO NON EST IUSTUS,
ERUNTQ; HOC PACTO SIMUL UERÆ AUT FALSE, OMNIS HOMO IU-
STUS EST, ET NŌ QUIDAM HOMO IUSTUS NŌ EST, QUÆ ALIAS UERI-
TATÆ INTER SE FALSITATEMq; DIVIDEBAVNT. QUOD QUIDAM ET IN
ALTERA CONTRADICTIONIS PARTE ITA EUENIRE CERTUM EST.

F

¶ virum

82 DE PROPOSITIONE

CUtrum iuxta primam hanc regulam de æquipollen-
tia perpetuo id ita eueniat, quod illæ prescribit,
ut negatio præposita signo siue uniuersali
siue particulari faciat contradictorius
inter se propositiones æquipollere?

Sed hic iam questio oritur, fortassis neque friuola
Dadeo, neque omnino indigna, que hoc loco propo-
natur, examinanda tamen discutiendaq; iudicio lecto-
rum, estq; huiusmodi, An haec propositio, (exempli gra-
tia) Non omnis qui dicit mihi domine domine, intrabit
in regnum cælorum, iuxta præsentem regulâ siue tan-
tum contradictione æquipolleat, que quidem est, Alius
quis qui dicit mihi domine domine, non intrabit in re-
gnum cælorum? An potius siue contrarie, nempe huic,
Nullus qui dicit mihi domine domine, intrabit in re-
gnum cælorum? Si quidem hunc nahi sensum (nisi tamen
fallor) ipse dominus in sacro euangelio, ut est apud
Matth. eum cap. 7. suis illis uerbis innuere et præfere-
re uidetur, quibus dicit, non omnis qui dicit mihi, et c.
quasi qui ita dicere uideatur, Nullus qui dicit nahi do-
mine domine, intrabit in regnum cælorum, nisi idem fe-
cerit uoluntatem patris mei. Neq; uero id quod hic nuc
à me proponitur, et in dubium reuocatur, prorsus exem-
pli caret. Nam ad eundem plane modū Aurelius Augu-
stinus in. 6. de ciuitate dei lib. cap. 4. contra Varrone
disputat, ostendere inibi uolens illū de nulla deorū na-
tura scripsisse, cū tamen ille dixerit libros à se scriptos
de natura deorum, et si non omni. Vnde et ita tandem
ident.

idem Augustinus infert atq; concludit, Restat ergo (inquietus) ut de nulla deorum natura libros scripsisse intelligatur, neq; hoc ille aperie dicere uoluisse, sed intelligentibus reliquise. Vbi enim dicitur, non omnis usitata quidem intelligitur aliqua non, sed potest intelligi et nulla. Quoniam que nulli est, nesciunt omnis est, nec aliqua est. Hec ille lib. ex capite paulo supra citatis. Quo in loco Ludouicus Viues, vir profecto ut variae lectionis, ita exacti iudicij in scholijs suis in eundem locum hoc de suo addit, Non omnis (inquietus) nihil affirmat, sed siue aliquid sit, modo aliquid non sit, siue nihil, non omne uerum efficitur. Sane haec nobis ideo hoc loco adiucere placuit, ut studiosi artium triualium intelligant earum leges non esse immutabili necessitate (ut Quincilianus uerbis utar) astrictas. Quod tamē ita esse ciuios in hac arte, quod uel in grammatica uel rhetorica deprehendas, quas etiam artes tres idcirco, quod sermonum præcipuum curam agant, lacteus ille Lactantius tertio diuinorum institutionum libro, uno nomine Logicam appellari indicat, et amque tertiam esse philosophiae partem dicit, cuius haec uerba sunt, Sapientia illa pars tertia philosophiae quam Logicā uocant, id est, rationale, in qua tota Dialectica, et omnis loquendi ratio continetur.

Secunda regula de Aequipollentia propositionum inter se contrariarum.

Quoties negatio postponitur signo, praesertim uniuersali, ipsa equipollere facit propositiones inter se alioqui contrarias; ut quoniam contraria inter se

F ij. sunt

sunt hec duæ, omnis homo iustus est, & nullus homo iustus est, si unum earum postponas negationem, ut exempli gratia huic, omnis homo iustus est, & idcirco dixeris, omnis homo iustus non est, tum quæ prius ueritate ipsa haudquaquam conuenire poterant, utpote contrarie, ambae simul uera esse possunt. Haud aliter eveniet, si etiam:um alteri negationem postponas, nempe huic, nullus homo est iustus. Aequivalent ergo inter se, omnis homo non est iustus, & nullus homo est iustus. Item omnis homo iustus est, & nullus homo non est iustus. Quarum proinde si una uera est, & altera; & si falsa una, altera quoque falsa est.

Tertia regula de Aequipollentia propositionum subalternarum.

Quoties negatio tam preponitur quam postponitur signo sive universali sive particulari, ipsa equipollere facit propositiones sibi inuicem subalternas, ut cum sint hec duæ sibi subalternæ, omnis homo iustus est, & quidam homo iustus est. Item et hec duæ, nullus homo iustus est, & quidam homo iustus non est, utpote quantitate solum differentes, si de quolibet pari, & preponendo & postponendo alterutri earum negationem, ita dixeris, Non omnis homo non est iustus, & quidam homo est iustus, uel omnis homo est iustus, & non quidam homo non est iustus. Similiter, non nullus homo non est iustus, & quidam homo non est iustus. Vt, non quidam homo haudquaquam non est iustus, & nullus homo est iustus. Vbiique sane inuenies binas,

binas atq; binas ita constitutas propositiones, quæ inter se prius quantitate differebant, ut subalterne, secundum eandem rursus quantitatem inter se conuenire, ac per hoc ueritate simul aut falsitate consentire.

Quarta Regula.

Quoties in aliqua propositione duo signa uniuersalia negativa ponantur, alterū quidē quod ad subiectum, alterum uero quod ad prædicatum referatur, ex his duobus id quod subiectum respicit, contrario: quod uero ipsum concernit prædicatum, suo æquā pollet contradic̄tio. Huius quidem regule huiusmodi dant exemplia, Nihil nihil est, Ex nihil nihil fit, quorū primū iuxta regula præscriptum huic æquipollet propositioni, quodlibet est aliquid. Secundum uero huic, ex quolibet fit aliquid. Talia sunt et hæc, nullus homo nullum animal est, nusquam nullum corpus est, nunquam nihil mouetur, et his similia. Verum quoniam talia apud idoneos et probatos autores, aut rari usus sunt, aut certe momenti non admodum magni, ea in præsenzia missa facere consultum uidetur, et ad propositionum conuersionem potius transfere, quippe cuius maior usus in syllogismorum, præsertim demonstratione habeatur.

¶ De propositionum conuersione.

His igitur, quæ talia sunt, uipote uulgaria propter modum, posthabitis de propositionū conuersione, que restat adhuc, potius dicamus, ob eam causam quæ dicta est. Hæc autem à Trapezuntio hoc pacto definitur, Conuersio est, quoties propositionis subiectus

F iii terminus

terminus in praedicatum, et praedicatus in subiectum conuertitur. Hanc bisfariam distingui, uel ex eo patere potest, quod aut in sece conuertuntur propositiones, aut in alias. Itaque cum quatuor sint propositionum genera, iuxta quatuor uidelicet suprascripte figuræ angelos, ex his in se quidem conuertuntur uniuersales negatiue, et particulares affirmatiue: in alias autem, uniuersales tum affirmatiue, tum negatiue. At uero particulares negatiue, nec hoc nec illo conuertuntur modo, sed per aliam quandam conuersionis formam, que per coniunctionem conuersio dicitur. Ex quo iam colligere quoque licet triplicem esse propositionum conuersionem. Simplicem, qua in se propositiones conuertuntur. Per accidens, qua in alias. Per contrapositionem, qua in se quoque conuertuntur quidem ipse, sed non nisi mutatis earum terminis, ut mox dicetur.

C De conuersione simplici.

Dicimus ergo quod simplex quidem conuersio est, quoties conuertenda propositionis subiectus terminus in praedicatum eius, in qua conuertitur, et praedicatus in subiectum transponitur, seruata utrinque; propositionis eadem tum qualitate, tum quantitate. Quo quidem conuersionis modo, due tantum conuertuntur propositionum forme, nempe uniuersalis negatiue, et particularis affirmatiue. Uniuersalis quidem negatiue, ut si nullum iustum malum est, nullum malum iustum est. Particularis autem affirmatiue, ut si quoddam iustum bonum est, quoddam bonum iustum est. Neque uero nos confundet, quod quoddam uniuersales

versales affirmaciones, & quædam etiam particulares negationes isto modo conuerti possunt, ut in quibus id quod proprium cuiusq; est, prædicatur, aut quod nullo modo ei potest inesse de quo prædicatur. Verè enim uero quia non fit illud uniuersaliter, nec ubique eandem uim retinet, idcirco à simplici conuersione haud temere excluduntur, reiiciunturque. Siquidem propositionē quilibet in se, uel in aliam conuerti, est ad eam necessario consequi aliam, ut per quam sit conuersio.

C De conuersione per accidens.

PEr accidens autē conuersio dicitur, quoties propositionis subiectus terminus in prædicatu, & prædicatus in subiectum transponitur, eadem utriusq; propositionis qualitate quidem seruata, sed mutata quantitate. Sane hoc modo duæ itidem propositionē differentes conuertuntur solum, nempe uniuersalis affirmatiua, & uniuersalis negatiua, utraque uidelicet in particularē sua qualitatis. Vnuersalis quidem affirmatiua, ut si omne iustum bonum est, quoddam bonum iustum est. Etenim si uera est quæ dicit, omne iustum bonū est, uera est ea quæ dicit, quoddam iustum bonum est: ad quam quia sequitur per conuersionem simplicē, quoddam bonū iustum est, hæc ipsa nimirū ex ad priorem sequitur, eritq; perinde uera. Itaq; recte sequitur, omne iustum bonum est, ergo quoddam bonum iustum est, quod erat ostendendū. Vnuersalis uero negatiua, tametq; simpliciter (ut supra dictū est) conuertitur, ipsa tamen non minus et in particularē negatiua conuerti potest, ut si nul-

Iū iustum malum est, quoddā malū non est iustum, quoniam uidelicet nullum malum iustum est. Atq; hoc ipsum profecto est, quod per accidens conuerit dicitur, secundo scilicet loco, & per aliud: sicut simpliciter conuerit, cum nihil aliunde petitur, aut mutatur quicquam.

De conuersione per contrapositionem.

Conuersio per contrapositionē est, quoties propositionis conuertendae terminus subiectus transit in prædicatum eius, in quam uertitur, atque interim in huius subiectum illius transit terminus prædicatus, seruata quidem utriusq; propositionis eadem & qualitate et quantitate, sed mutatis terminis finitis in terminos infinitos. Ad hunc certe modum due similius propositionum formæ conuertuntur solum, nempe uniuersalis affirmativa & particularis negativa. Uniuersalis quidem affirmativa, ut si omne iustum bonum est, omne non bonum non est iustū. Particularis uero negativa, ut si quodam album non est dulce, quoddam non dulce non est non album.

Hinc illa cōuersio per contrapositionē dicta est,
ut sit perinde atq;
per terminorū
oppositio-
nem.

IN TRA

CTATVM QVARTVM DE

Propositione hypothetica & Modali,
Præfatio.



OST Categoricam hactenus expositam, alterā dehinc propositionis partem aggrediamur oportet, nempe eam, que Categorica ē regione respondet, constituiturq;. Hæc autem est, que Græco quidē nomine Hypothetica dicta est, Latine uero cōditionalem nō inepit appellaueris, quāq; Græci nominis crebrior usus est etiam apud Latinos. Tum etiam & de Modali agēdum in hoc ipso tractatus est, sed quām fieri poterit breuissime. Verum hec à Categorica non distinguitur, nisi forte secundum accidens aliquod, quo differt ab ea Categorica, que simpliciter quicq; inesse significat: tamen quia plus habet fortassis difficultatis quam utilitatis, ut cuius non sit admodum frequens usus in syllogismorum contextu, quāmuis & in hac quoque parte plus satis Aristoteles occupatus fuerit: seorsim de ea, quod restare adhuc uideretur, statim post Hypotheticā tractare libuit, tum ut illorum consulremus capacitali, qui rudes adhuc huius

huius artis huc accedit, eius iam primum preceptis initandi, tum uero, ut eorum occurreremus mordacitatis, qui nihil non improbare soleant, nisi quod ab ipsis proficietur insulsum plane ac barbarum. Sed nunc propositum exequamur.

C De propositione Hypothetica, quid sit,
et unde dicta sit.

DE Hypothetica quidē propositione tamē si nullus ab Aristotele tractatus relictus est, id quod et Boëthius ingenue libereq; futetur, eam tamen ipse à categorica ita distinguit in libro, quē nō ēḡ. M̄. V̄. d̄. inscripsit, ut illam quidem appellat simplicem et unā, hanc autem compositam et coniunctione unam, ut quae ex pluribus categoricis (hoc est, simplicibus) coalescat. Vnde et à quibusdam ita definitur, Hypothetica propositio est, que ex pluribus categoricis, coniunctione omnino aliqua, aut aliquo equivalente compositis constat. Sunt qui et ita definiant, Propositio hypothetica est, que plures habet categoricas, principales sui partes simul iunctas, ut si dies est, lux est. Hanc idcirco diximus Latino nomine Conditionalem appellari, quā tamen uerbū uerbo reddentes, Sappositoriam fortassis rectius appellaremus. Nam quod Gr̄ecis hypothesis est, hoc Latinis est suppositio. Verum quia hypothesis præter cetera significata apud Gr̄ecos nonnunquam uim habet conditionis, et item cause, ut hoc loco, placuit Latinis hominibus Cōditionalem potius dici, quam suppositoriam; propterea quod huiusmodi propositio sub

sub conditione aliquid proponit, ut si hoc est, illud est:
uel si hoc est, illud non est.

De tribus propositionis Hypothetice speciebus.

Huius autem propositionis tres esse species, inter omnes fere conuenit huius artis professores, quas & Seuerinus Boëthius ad hunc modum colligit, Omnis (inquit) hypothetica propositio constituitur uel per connexionem uel per disjunctionem. Per connexionem rursus, aut per copulationem, aut per conditionem. Per copulationem quidem, ut ea que copulativa coniunctione connectitur, unde & nomen habet, ut & dies est, & lux est. Per conditionem uero, ut que coniunctione quadam partibus interposita ad consequiam conditionemque ducitur, que idcirco nomine peculiaris Conditionalis appellatur. Per disjunctionem autem, ut in qua disjunctiva coniunctio interueniens, ambas praedicativas (hoc est, categoricas) coniungit, & per hoc Disjunctiva propositio dicitur, ut Aut dies est, aut nox est.

De qualitate propositionum Hypotheticarum.

Caeterum quonia omnis propositio aut uerū aut falsum significat, & quemadmodum Aristoteles docet, quicquid contingit affirmare, contingit & negare: inquirendum & illud nunc est, quoniam paa sto hypothetice propositiones, cum affirmationem recipiunt, admittant simul & negationem, illud certe à nonnullis

92 DE PROPOSITIONE

nonnullis dubitatur. Itaq; dicimus, quod hypotheticae propositiones, ut affirmatiæ sunt, quarum principialis copula non negatur, & si inter partes ipsas nonnunquam negatio ponitur, ut si homo est, animal est: item, si non est animal, non est homo. Ita negatiæ dicuntur, quærum copula principialis negatur. Principale autem copulam uoco, quæ partes simul iungit, & certum hypothetice propositionis speciem constituit, cuiusmodi sunt coniunctiones copulatiæ, disjunctiæ, & rationales, seu conditionales, tum & aliæ quædam orationis partes, illis tamen equivalentes. Igitur cum quis uolet ex hypothetis affirmatiis easdem facere negatiis, is toti propositioni negationem præponet, que temen supra copulam principalem ferri intelligatur, ut non si homo ambulat, homo mouetur: non & dies est, & lux est: non aut dies est, aut nox est. Atq; ita in his propositionibus præter contradictionem, nulla alia inuenitur oppositio, quæ à Cicerone & Boëthio Repugnantia appellatur.

¶ De quatuor Hypotheticarum propositionum differentijs.

Cum ergo affirmatio & negatio in his propositionibus non secundum partes sumantur, sed idem etiamnum est, quot modis partes ipsas variari contingat penes affirmationem & negationem. Vnde & tot earum differentiæ constituendæ sunt. Itaq; constat hypothetica aut ex duabus affirmatiis, ut si cælum rotundum est, cælum est uolubile: aut ex duabus negatiis, ut si cælum rotundum non est, cælum non est uoluble:

libile: aut ex affirmativa & negativa, ut si cælum quadratum est, cælum uolubile non est: aut ex negativa & affirmativa, ut si cælum rotundum non est, cælum stable est. Quatuor igitur sunt istarum propositionū differentiae, secundum partium uariationem penes affirmationem & negationem, & ut in conditionalibus iam monstratum est, ita & in copulatiis & disjunctiuis sese habet, quod dictum est.

Brevis de hisce propositio-

nibus admonitio.

Sed prius quam hinc iam de ueritate & falsitate harum propositionum agamus, illud tantum præmonendum duximus, quod ex his singule duas habent partes, unam que coniunctionem ipsas coniungentem (quam principalem copulam iuniores uocant) præcedit, alteram que coniunctionem ipsam subsequitur. Atque ex his rursus interdum prior pars uera est, sequens falsa, interdum contraria. Non nunquam etiam ambe aut uera, aut false. Præter hec autem & in conditionalibus ipsis hoc amplius præmonendum subit, quod ex illis duabus partibus, ea quidem que prior est, & coniunctio si proxime præponitur, Antecedens dicitur: que uero priorē deinde partem subsequitur, ac posterior proinde pars est, Consequens appellatur.

De ueritate & falsitate Conditionalis.

Itaq; breuiter nunc repetamus harum propositionis definitiones, simulq; ostendamus quemadmodum se habeant singule secundum ueritatem falsitatemq;. Conditionalis

94 DE PROPOSITIONE

ditionalem igitur propositionem esse dicimus, que ex duabus constat categoricis, si coniunctione simul iuntur, ut si Socrates ambulat, Socrates mouetur. Conditionalum autem quoniam alia quidem affirmativa est, alia negativa: affirmativa quidem uera esse cognoscitur, si oppositum consequentis antecedenti repugnat: falsa autem, si non repugnat. Ergo uera quidem est, que dicit, si homo est, animal est. Quandoquidem huius oppositum quod est, non est animal, ei plane repugnat quod dicit, homo est: falsa autem hec, si homo est, album est. Nam non album esse, haudquaquam ei repugnat quod est, hominem esse. At uero si negativa fuerit, uera ne an falsa sit, ex affirmativa facile deprehenditur, negatione remota, id quod et in copulativa et in disiunctiva, cum negatiue sunt, ita quoque euenire certum est. Quocirca uera hec esse iudicatur, que ita proponitur, non si homo est, quadrupes est, quoniam eius affirmativa falsa est. Sunt tamen qui aliter hasrum propositionum ueritatem et falsitatem discutiant, sed nos Trapezuntium in hoc sequi maluimus. Verum quia tota huiuscmodi propositionum uis in consequentia atque conditione consistat, ijdem hoc addunt amplius, atque idcirco, ut omnem conditionalem ueram, necessariam esse dicunt: ita falsam impossibilem. Itaque uera simul et necessaria hec est, que dicit, Si dies est, lux est: siquidem diem esse non contingit, nisi lux sit. Nec minus si ita proponas, si uolat quispiam, alas habet, atque hec que dicit, Si dies est, terra mouetur, ut falsum.

TRACTATVS IIII. 99

sa est, ita & impossibilis: quando non ideo terra mo-
uetur unquam quod dies sit, aut si dies est. Sed est alia
tum ratio, tum causa, cur terremotus fiat, quemadmodum
in physicis id proditur.

¶ De ueritate & falsitate Proposi-
tionis copulatiue.

Copulatiua propositio est, que ex duabus pluri-
busue categoricis constat, copulatiua coniunctio-
ne, aut æquivalente aliquo simul iunctis, ut Socrates am-
bulat, & Plato disputat. Copulatiua uera quidem est,
cum utraq; pars uera est: falsa autem cion uel alterua
tra pars falsa est. Ceterū in definitione copulatiue par-
ticula que erat, aut æquivalente aliquo, innuit plerasq;
haberi copulatiuas propositiones, in quibus tamen non
copulatiua coniunctio partes connectit, sed aduerbiū aut
temporis, aut loci, aut similitudinis. Vnde & tales pro-
positiones ab his aduerbijs nomina se penumero sortiu-
ntur, ut aliæ quidem temporales, aliæ locales, aliæ uero si
militudinis propositiones dicantur: quas tamen sub co-
pulatiua comprehendere licet, quemadmodum sub eadē
quidam etiam comprehendi putant propositionem ra-
tionalē, ut Quia sol lucet, dies est: quam proinde ita
explicant, Sol lucet, & ideo dies est. Alij autem sub
conditionali eam comprehendere malunt, propter vim
consequentiæ, que eadem est in utraque.

¶ De

C De ueritate & falsitate Disiunctiuæ propositionis.

DIsiunctiuæ propositione est, que ex duabus pluribusue constat categoricis, coniunctione disiunctiuæ simul iunctis, ut Socrates ambulat, uel Plato disputat: quam ueram quidem iuniores esse dicunt, si alterutra tantummodo pars uera fuerit: falsam autē, si pars utraq; fuerit falsa. Et ad hunc quidem modum de Disiunctiuæ propositione loquuntur hi maxime, qui hsc tēpestate dialecticam docent, cum tamen Boëthius, & ante hunc M. Cicero aliam huius propositionis significacionem esse tradant, atque eam esse dicant, quæ ex repugnantibus inter se categoricis constituta sit: cuius prouide posita pars una interimit alteram, & interempta una, alteram ponit, ut Aut dies est, aut nox est.

T De propositione Modali, sed prius quid
sit Modus, à quo dicta uidetur hu-
ijsmodi propositio.

SEquitur propositio modalis, quæ ut nomine ipso patet, à modo dicta est. Porro modus à quibusdā definitur adiacens rei determinatio. Quæ modi definitio hunc præ se ferre uidetur intellectum, Modus (ut hoc laco accipitur) dictio est adiectitia, quæ rem quā piam determinat. Rem inquam, hoc est, uocem que rei alicuius significatiua est. Verbum autem determinat, possum est, ut sit idem quod explanat: aut certe distinguit, quod nimirum faciunt tam aduerbia ipsa, q; nomina adiectiuæ. Nam ut Priscianus ait, hoc est aduerbiū uerbis,

uerbis, quod adiectiva nomina appellatiis nominibus
adiuncta, ut cum dico, prudens homo, hominem quidem
aliquem designo, non tamen quemlibet, sed eum qui pru-
denter præditus est. Sic etiam cum dico, prudenter agit,
agere quidem aliquem innuo, at cum hoc simul expla-
no atque distinguo, agere uidelicet, non utcunque, sed
prudenter. Itaque modus hoc loco nihil aliud est, quam
aut adiectivum nomen, aut aduerbum. Itaque & hic
nunc prius quam ad reliqua pergamus, operæ pretium
fortassis fuerit adiçere ex Diomede grammatico, quod
Scaurus uetus autor ipsum aduerbum non alio pacto
(quam nos paulo supra modum) definiat. Aduerbum
est (inquit) modus rei adiectivus, ipsam pronuntiatio-
ne definiens, hoc est, terminans, ueluti recte, diligen-
ter, optime.

Cui modi propriæ modales efficiant.
Aeterum cum aduerbum ipsum uerbum deter-
minat, id facit aliquoties quidem ratione rei,
hoc est, significati ipsius uerbi, quod per eius partici-
pium explicatur. Aliquando ratione temporis, quod uer-
bum consignificat. Aliquoties ratione modi uerbi, quo
scilicet uaria in nobis designatur affectio, prout animus
noster nunc ad hoc, nunc ad illud se inclinat, quā Græ-
ci proinde multo significantius ἐγκλισθ, id est, incli-
nationem, nos modum appellamus, ut cum optamus
quippiam, aut aliquem hortamur. Aliquoties uero ra-
tione compositionis uerbi, que quidem in ipso uerbo
intelligitur, quatenus uerbū substantivum intra se in-
cludit.

Cudit, de quo ita Aristoteles in principio fere eius operis, quod nō ē universitatis, id est, de interpretatione inscribitur. Nam si ipsum (inquit) est verbum, purum disseris, nihil quidem est: significat autem compositionem quandam, quam sine compositionis, hoc est, extremis, nō est intelligere. Quo sit, ut ex hac multiplici adverbij determinatione, multiplices quoque modi colligantur. Attagmen ex omnibus his nulli tales sunt, qui modales propositiones efficere constituereq; possint, prater quatuor, siue adverbialiter eos, siue nominaliter expresseris, qui sunt, possibile, impossibile, contingens, et necessarium. Nam cum dicit quipiam, Plato grauitate disputat, aut homo albus currit, modus quidem in utraque propositione ponitur, neutra tamen ex ipsis modalis dici debet: quoniam non tota utriusque propositionis compositione determinata est, sed pars tantum altera, unius quidem subiectum, alterius vero praedicatum. Quare quicunque modi partem propositionis aliquam, non totam eius compositionem determinant, nullo pacto eiusmodi censerentur, ut ab his modulis propositiones dicatur. Sed neque verum neq; falsum, tales habemur modi, licet ipsorum propositionum compositionem determinent: quoniam in his propositionibus, quae modis illis determinantur, oppositio et equipollentia hanc alteri sumuntur, quam in his quae simpliciter inesse significant, vel ideo fortassis, quod communes omnium propositionum affectiones siue passiones sunt. Omnis quippe propositione aut vera aut falsa esse prohibetur.

TQuid

¶ Quid sit propositio Modalis, & quomodo
secundum quosdam dividatur.

Modalis igitur propositio est, quæ modo ex his
quatuor aliquo determinatur, cuiusmodi sunt,
possibile, impossibile, contingens, & necessarium. Sane
hanc ipsam que iam definita est, Modicem compositam
quidam appellant, quam & ita definiunt, ut sit, cuius
dictum aliquo modorum determinatur, dictum quidem
intelligentes id, quod ex casu accusatio & verbo infra
nito constructum est, quale est cum dico, Socratem cur-
rere. Cum igitur dictum tale determinatur, huiusmodi
propositio Modalis composita appellatur, ut cuius alter-
rum extremorum est dictum, alterum modus ex his ali-
quis, qui dicti sunt, ut Socratem currere est possibile.
Idem huic quasi ex aduerso aliam ponunt modalem,
quam Diuisam appellant, & ita definiunt, Modalis di-
uisa est, cuius copula modo aliquo determinatur, ut se-
denter possibile est ambulare, quales etiamnum propo-
sitiones simpliciter & propriè modales esse dicunt, il-
las autem non simpliciter, sed compositas. Verum non
ita Aristoteles & Boëthius, quorū uterque de his pro-
positionibus, hoc est, compositis, si tamen ita appellare
libet, & grauitate & subtilitate suum instituit tracta-
tum, de quibus etiam nos hoc ipso tractatu agemus,
ut qui Aristotelem potius & Boëthium, autores haud
dubie grauiissimos imitari uolumus, quam leuisculos
& clamosos sophistas.

CQuæ sit horum quatuor modorum
ad signa, tum uniuersalia, tum
particularia proportio,
sive conuenientia.

Sed ut harum deinceps propositionum inuestigemus
qualitatem simul & quantitatem, unde & earum
deinde oppositio intelligi posset, scire operæ preцium
est, hos quatuor modos saepe dictos, magnam cū signis,
tum uniuersalibus, tum particularibus habere conuenien-
tiam, affinitatemq; ut exempli gratia, necesse, cum signo
uniuersali affirmatio: impossibile, cum signo uniuers-
ali negatio: porro possibile & contingens (qui duo
modi hac in parte pro eodem paсsim accipiuntur) cum
signis particularibus affirmatiis. Vnde ut signa illa
aliarum huius generis propositionum, subiecta tamen
determinant, ita hi quatuor modi totam istiusmodi pro-
positionum compositionem, quæ (ut iam supra dictum
est) dicti nomine intelligitur.

T De qualitate simul & quantitate moda-
lium propositionum.

Ex his igitur, & si facile iam cuius videatur
intelligere posse, unde in his propositionibus i[n]
qualitas, tum quantitas sumenda sit, tamen haud super-
vacuum erit, interim & illud admonere, quod in mo-
dalibus, tum affirmatio, tum negatio secundum modum
sumenda est, quem admodum in his, que sine modo pro-
ferri non possunt, atque inesse simpliciter significant, secundum
uerbum, hoc est, copulam uerbalem, id quod & his per-

ne uerbis (ita ut solet omnia) grauiſſime ſecundū Ariſtotelis traditionem Boëthius annotauit, quemadmodum enim (inquit) in ijs que præter modum quicquam eſſe uel non eſſe proponunt: eſſe quidem & non eſſe appoſitiones quedam (id eſt prädicationes) ſunt: res uero eſt que ſubiectur, ut in eo quod dicitur, homo eſt, uel homo non eſt, homo quidem quatenus rem significat, ſubiectum eſt, appositiones autem & prädicationes ſunt,
 E S T, & Non eſt. Ita quoque in his que ſecundum modum aliquem dicuntur, eſſe quidem ſubiectum eſt, ueluti res quedam: modus autem, qui de ipſo eſſe prädicatur. Nam cum dicimus, hodie pluviā eſſe eſt poſſibile, eſſe quidem iam ſubiecimus, poſſibile autem prädicamus. Sicut igitur in illis, que præter modū dicuntur, uerbum totam vim prädicationis habet, ita in his que cum modo proferuntur, ipſe modus. Et per hoc ut negatio in illis ad uerbum fertur, ita in his ad modum ferenda eſt. Sed hinc ad earū tranſeamus oppositionē.

Opponuntur autem & haec quidem inter ſe quaſiuor modis. Siquidē aut cōtrarie inter ſe ſunt, aut ſubcontrarie, aut conraddiriorie, aut ſubalterne. Enim uero ut harum oppositionem planius quisque diſcernere queat, conuenientius erit hoc pacto eas diſpoñere, ut modus ipſe ſubiecti, uerbum autem ſiue dictum (quod uocatur) prädicati locum interim teneat, tametiſi perinde eſt, hoc uel illo ordine diſponantur. Contrarie igitur ſunt, ut neceſſe eſt hominem ſpirare, neceſſe eſt

G ij hominem

hominem non spirare. Subcontraria, ut possibile est hominem spirare, possibile est hominem non spirare. Contradicторia uero, ut necesse est hominem spirare, non necesse est hominem spirare. Subalterna uero, ut necesse est hominem spirare, non necesse est hominem non spirare. Quia omnia ut digesta sunt, ita sese habere subscripta figura monstrarat luculentissime, licet modis in ipsis propositionibus ubique fere variatis, idq; haud remere: quippe iuxta signorum respondentiam, cum tandem si libeat, ex eisdem ubique modis eas describere possis, suo uidelicet quanque loco.

¶ Sequitur figura.

Necesse est
hominem
spirare.

Conteraria

Impossibile
est hominē
spirare

Contra

Contra

Subalterna

Subalterna

Contra

Contra

Possibile est
hominem
spirare

Subcontraria

Possibile est
hominē non
spirare

C De consequentijs sive equipollentijs propositionum modalium.

Hinc iam ad consequentias, sive (ut iuniores dicunt) equipollentias harum propositionum transeamus. Ad quas quidem intelligendas, due regule à Iacobo Fabro Stapul. tradite, plurimum nobis adiumenti prestare poterunt, si eas animo perpendamus, simulq; memorie commendemus, quas proinde hoc loco adiungere placuit. Ad idem quoque haud dubie faciet subiecta figura, quatuor angulis per birras diametros descripta, appositis insuper quatuor ad hunc usum inventis uocabulis, unicuique angulo singulis, que ob ipsum artis uocabula haud iniuria dici possunt. Quibus tum ita dispositis, scire licet omnes uniuscuiusque anguli propositiones inter se equipollere, ac per hoc cōsequi se. Ceterum ut nihil quod ad hanc rem attinet, non intelligatur plane, horū quatuor uocabulorum ars etiamnū aperienda est. Sciendū itaq; q; per a uocalem intelligere debemus, negationem in his propositionibus, neq; ad dictum, neq; ad modum ferendam esse. Et ut per e ad dictum tantū, ita per i solum serēda est ad modum, per uero ad utrumque. Sed nunc tandem ad ipsas regulas ueniamus. Quarum prima est, Si est aliqua propositione possibilis, eadem est contingens, atque eadem non est impossibilis, & eius conradictoria non est necessaria. Secunda, Si nō est aliqua propositione possi-

G. iiiij. bilis,

104 DE PROPOSITIONE


bilis, eadem non est comingens, eadē autem est impossibilis, & eius contradictoria est necessaria. Postremo autem exempla sumantur ex his propositionibus, quarum dicta æquivalent propositionibus uel singularibus, uel communibus, hoc est, quarum subjecti termini sunt aut singulares, aut communes. Verum quoties ex communibus terminis huiusmodi constarent propositiones, tunc si tres præcedentes, utpote de possibili, contingenti, & impossibili, fuerint uniuersales, quarta de necessario erit particularis: at contra, si præcedentes tres fuerint particulares, aut certe indefinite, quarta erit uniuersalis, atque id quidem est, quod ambae innuant regulæ, cum in utraque dicitur, & eius contradictoria est, uel non est necessaria.

¶

CSequitur figura ex propositionibus singularibus.

Socratič nō cur. nō est posſi. So.cur.nō est posſ.
 Purpurae. So.nō cur. nō est cōtingēs. So.cur.nō est cō. Hinc
 So.nō cur.est impossib. So.cur.est impossib.
 So.cur.est neceſſe. So.nō cur.nō est neceſſe.

Contrarie.



Subcontrarie

So.cur.est poss.	So.nō cur.est poss.
So.cur.est conting.	So.nō cur.est con.
So.cur.nō est impossib.	So.nō cur.nō ē ipo.
So.nō cur.nō est neceſſe.	So.cur.nō ē neceſſe.

Ambiguum

Eadem illi

P Sequitur figura ex propositionibus
communibus.

Omnis habitus conveniens non est poss. omnis habitus conveniens non est poss.
omnis habitus conveniens non est con. omnis habitus cur. non est co. illace
omnis habitus conveniens est impo. omnis habitus cur. est impo.
quodam habitus est nec. aliquete habitus cur. est ne.

Contrarie



Subcontrarie,

omnis habitus cur. est pos. omnis habitus non conveniens est possi. Anabasis
omnis habitus cur. est contin. omnis habitus non cur. est con.
omnis habitus conveniens non est imposs. omnis habitus conveniens non est ip.
aliquete habitus conveniens non est n. quodam bonitatis conveniens non est ne.

P De Conuersione modalium,
Sed & de conuersione harum propositionum iuxta seruatum prius ordinem dicendum deinceps.
In quo quidem paulo liberius expatiari liceat propter eos

tos qui hac in parte omnes eiusdem ordinis propositiones, ut & equipollere inter se ubiqz, ita & conuerteri dicuntur, id ipsum recte ne an perperam, ipsi uiderint: nos uero Aristotelem in primis ipsum, & post hunc Boëthium, & post uirumq; Iacobum Fabrum Stapul. sequentes, non per omnia id ita se habere uel exemplis idoneis ostendemus. Insuper autem & illud nunc etiam mirari subit, quod pleriq; in re plane perspicua, uel acta omnino agunt, ut in proverbio est, uel certe nostra interdum prolixitate usque adeo laborant, ut canad rem non modo luce sua priuent, sed & obscurioram relinquent, q; inuenient. Contrà uero, in re qua expositio aliqua indiget, uel tēpus in ea profusamente collocant, uel ita rem illam oculis (ut uidetur) connectentibus prætereunt, ut non tam negligere quam ignorare videatur. Quid enim refert dicere, omnes propositiones in suo ordine & equipollere inter se, & conuerti perinde, cùm tamen eæ propositiones, quæ de impossibili sunt, id nequaquam admittant, uidelicet ut conuertantur? Nam cum uera sit quæ dicit, omniē substantiam esse hominem est impossibile: falsa tamen erit hæc, quandam hominem esse substantiam est impossibile. Quocirca nec Aristoteles ipse de modalitatibus conuersione tractans, meminit usquā de propositione impossibili. Quod profecto & Iacobus Faber Stapulensis animaduertens, tales regulas de huiusmodi propositionum conuersione posuit, Si conuersa, inquit, impossibilis est, non oportet conuerterentem eius esse.

esse impossibilem Item, Si cōuersa fuerit possibilis, cōtingens, aut necessaria, et eius conuertens possibilis, contingens, aut necessaria erit. Vnde recte fit cōuersio in ea que de possibili aut contingentи existit, si dicamus omnem hominem esse album, est possibile, siue contingens, ergo quoddam album esse hominem est posibile, siue contingens. Et in ea similiiter id accidet, que est de necessario, ut omnem hominem esse mortale est necesse, ergo quoddam mortale esse hominem est necesse. Quod quidem et in alijs quoq; generibus propositionum ita eueniet secundum duplicis conuersionis regulas supra positas. Atq; hoc ipsum est, quod et Aristoteles ad huc modum proponit, ubi de istarū propositionum conuersione agit, Eodem autem modo (inquit) et de necessarijs propositionibus se habet, et in contingentibus, quomodo in his, que absolute dicuntur, hoc est, simpliciter inesse significant.

**¶ Quot modis contingens
dicatur.**

Quoniam autem contingens quod dicitur, eādē ubiq; in his propositionibus cū possibili significationē habere constat, haud abs re fuerit, antequād huic tractatui finem imponamus, eius nominis multiplicem significationem breuiter exponere. Itaque secundum, quod contingens tribus dicitur modis. Dicitur namque contingens, et quod necessariū est, et quod nō necessariū, et quod possibile est. Primo igitur modo contingens et necessarium idem sunt, Secundo con-

tingens

TRACTATVS IIII. IO

tingens & non necessarium. Tertio contingēs & pos-
sibile. Rursus autem contingens, quod secundo modo
dictum est, deducitur deinde in contingens ut plurimū,
sive quod frequenter est, in contingens rarum, & in
contingens utrumlibet. Contingens ut plurimum est,
quod in alteram partem plus uergit, ut hominem in se-
nectute canescere. Nam id quidem frequenter accidit:
potest tamen etiam non canescere iam senex quispiam
factus. Vnde & contingens natum idem appellatur.
Contingens rarum est, ut fodientem reperire the-
sauro. Id enim si aliquando contingat, rarissimum taa-
men est. Contingens uero utrumlibet, quod & indiffe-
rens dicitur, id est, cum dicimus sedere quemā
piam aut uigilare, quod proinde ita desi-
nitur, utrumlibet est, cuius indiscre-
tus euentus est, hoc est, quod
æqualiter euenire, uel
non euenire potest.

Et de Modali-
bus quidens
hacte =
mūs,

SINTRA

CTATVM QVINTVM DE
Syllogismo categorico.

Præfatio.



V P E R E S T ut ad eam
tādem perueniamus huius ar-
tis partem, in qua tota uis ar-
tis sita est, nempe inueniendi
et iudicandi. Nam si diale-
tica (ut à M. Cicerone non
tam eleganter bruciérque, q
grauiter et uere definiuntur)
diligens differendi ratio est, fieri profecto non potest
ut ab Inuentione ipsa si separata. Siquidem differere
(hoc est, disputare) diligenter nemo poterit unquam de-
re quapiam, nisi inuenitis à se prius argumentis, qui-
bus disputatio ipsa fulciatur, procedatq; legitime. Rur-
sus autem et ob id ipsum à iudicio abesse nequit, quo
is qui differit perpendat examinatq; tum inuenitum nus-
per argumentum, tum ipsius disputationis instrumentū
nempe argumentationē, quod certe nisi rite formatum
fuerit, parum optum idoneum ad disputandum ad-
hibebitur. Porro pars illa quæ de Inuentione tractat,
topicæ Græce, Latine localis dici potest. Ea uero
pars, quæ in iudicando posita est, et quasdam discer-
nendi

DE SYLL. CAT. TRACT. V. III

tiendi regulas subministrat, analyticè à Grecis dicitur à nostris resolutoria. Huius rursus duplex ab Aristotele partitio traditur. Siquidem ea pars, quæ de propositionum iunctura considerat, et formam dūtaxat syllogismi molitur, docens interim præmissis, quas uocat, rite dispositis, necessario ex his conclusionem sequi, prior analyticè dicitur; quæ uero de ipsis inuentis iudicium fert, hoc est, ostendit utrum quæ inuenta sunt, conueniant nec ne ret in disputatione propositæ, posterior analyticè nuncupatur, quod nimirum tribus fit modis: quippe hæc ipsa uel de necessarijs iudicat, et Demonstratio appellatur: uel de uerisimilibus et probabilibus, et peculiari nomine Dialectice dicitur: uel de falsis et cauillatorijs, et Sophistica nuncupatur. De quibus omnibus singulatim per ordinem deinceps tractabitur, et primo quidem de syllogismo formaq; argumentationis, cuius etiam preter syllogismum aliæ tres traduntur species, Enthymema, Inductio, Exemplum, quæ tamen ad syllogismū ipsum, ueluti ad quan- dare mensuram reduci solent. Quoniam autem omnis argumentatio omnisq; syllogismus propositionibus struitur, atq; haec terminus perficiuntur, à propositionibus et terminis hunc tractatum inchoandum esse statuimus, idq; etiam non absq; exemplo.

¶ De Propositione, materiali syllogisticæ principio.

Propositio igitur est oratio affirmativa uel negativa aliquis de aliquo, hoc est, oratio in qua aliquid

quid de aliquo aut affirmatur aut negatur. Cuiusmodi
sane sunt propositiones in primis categoricæ, quarum
quidem hæc uniuersalis est, hæc particularis, illa uero
indefinita. Vniuersalis quidem, quæ aut omni, aut nulli
in esse quippiam significat. Particularis uero, quæ ali-
cui, aut alicui non, aut non omni. Indefinita uero, quæ
in esse quidem uel non inesse significat, sed absque uni-
uersalitatis particularitatise nota.

C De Terminis.

Terminus hac in parte Aristoteles primum defi-
nit, in quos propositio resolutur ut prædicatum,
et de quo ipsum dicitur, quod proinde subiectum pro-
positionis appellatur, ut huius propositionis, omnis ho-
mo est animal, termini sunt, homo atque animal, idcir-
co quod in eos principaliter ipsa resoluatur. Et termi-
ni quidem dicti sunt, ueluti in agro limites. Nam ut his
ager finitus designatur, ita terminis propositio (ut di-
ctum est) perficitur. Cuiusmodi sunt simplices in pri-
mis, et significatiæ uoces, inter quas præcipue haben-
tur nomen et uerbum. Itaque in has propositio recte
resoluitur, ut ex quibus composita est. Fieri enim non
potest, ut ulterius resolutio procedat, utpote in literas,
aut in syllabas, quoniam hæc, ut alibi dictum est, signifi-
catiæ non sunt.

C De syllogismorum principijs
regulatiuis.

Caeterum, ut ad rectam syllogismorum forma-
tionē connexionemq; nosse oportet, quid propo-
sitione,

sitio, quid item termini, quæ ipsius syllogismi materia-
lia principia sunt, ita quoq; scire operæ precium est,
quid sit omni, aut nulli inesse, siue in toto esse, & non
esse, quæ regulativa principia syllogismi à quibusdam
appellantur. Definitur igitur ab Aristotele in toto esse,
siue de omni prædicari, quoties nihil est sumere subie-
cti, de quo non dicatur prædicatum, ut cum ita propo-
nitur, omnis homo est animal, ipsius hominis nihil in-
ueniri potest, de quo non dicatur animal. Ergo quia de
omni homine animal prædicatur, & de Socrate & Pla-
tone, imo uero & de quolibet particulari homine præ-
dicari potest. Ab eodem item definitur in toto non esse,
siue de nullo prædicari, quoties nihil est sumere subie-
cti de quo dicatur prædicatum, hoc est, à quo prædi-
catum non remoueatur, ut in hac propositione, nullus
homo est lapis, quia de omni homine negatur lapis, &
de Socrate & Platone, & de alijs item omnibus par-
ticularibus hominibus negatur. Sane sciendum, quod
in toto esse, & dici de omni, uersa uice se habent. Nam
si quid de omni aliquo prædicatur, id de quo illud præ-
dicatur in toto eo est quod prædicatur, ut de omni ho-
mine animal. In toto ergo animali homo est, ueluti pars
quædam intra suum totum latens quodammodo. Hacte-
nus de principijs syllogismi, tam materialibus, q; regu-
latiuis, nunc ad Syllogismū ipsum transeamus.

¶ De Syllogismo quid sit.

Syllogismus est oratio, in qua quibusdam positis,
aliud quiddam ab his, quæ posita sunt, ex necessi-
tate

tate accidit, eo quod hæc sunt. Sane hoc pacto ab Aris-
totele ipso definitur syllogismus, cuius definitioni Boë-
thius adiicit particulam, & concessis, ut sit quasi expla-
natio eius, quod Aristoteles dicit, posuit, id quod con-
iunctio & innuere uidetur, quæ expositua interdum
coniunctio habetur. Boëthius igitur uolens Aristotelis
definitionem quodammodo explanare, syllogismum ita
definit, Syllogismus est oratio, in qua quibusdam posita
tis & concessis, aliud quiddam præter ea quæ posita et
concessa sunt, necessario evenit, propter ea quæ posita
& concessa sunt. Porro per hoc quod ab utroque dicis-
tur, aliud quiddam ex necessitate accidit, ab his que po-
sita sunt & concessa, significatur nobis, plane eos non
esse syllogismos, qui ab aliquibus sunt hoc modo, Quic-
quid est homo, homo est, homo autem est homo, igitur
homo est homo. Item, omne animal est substantia, &
omnis homo est animal, ergo omne animal est substanta.
Huiuscmodi sane syllogismi ridiculi prorsus sunt,
ob id quod in his conclusio non sit aliud à præmissis.
Adiectum præterea est & illud non temere, eo quod hec
sunt, propter eos, qui plerunque syllogismos faciunt, in
quibus aut minus, aut plus, aut aliud quippiam proposi-
tum est, quam proponi debuerat.

**C. De multiplici syllogismorum
differentia.**

Syllogismorum autem alius categoricus est, aliis
hypotheticus. Et categoricus quidem est, cuius utras-
que sumptarum propositionum, pariter & conclusio
categorica

categorica est. Hypotheticus uero, cuius uel altera tantum, aut conclusio hypothetica est. At de hoc postea proprio quodam tractatu. Rursus categoricorum syllogismorum aliis communis est, aliis qui expositorius dicitur. Communis quidem est, cuius medium, quod dicitur, est terminus communis. Expositorius uero, cuius medium terminus est singularis, hoc nomine fortassis dicitur, quod per ipsum quasi expositio designatioque fiat propositionum ad demonstrationem sumptarum. Ex categoricis item, & his quidem qui communes dicti sunt, alijs sunt perfecti, alijs imperfecti. Perfectus quidem syllogismus is dicitur, qui nullius alterius indiget, praeter ea que posita sunt, ut appareat necessarium, hoc est, ut conclusio ex necessitate sequatur. Imperfetus uero qui aut unius, aut plurium indiget ad hoc, ut necessarium appareat ex his que posita sunt, unius quidem, uerbi causa, aut conuersionis tantum, aut praemissarum transpositionis, aut reductionis ad impossibile. Plurium uero, cum ex his tribus perficiendi syllogismi instrumentis duo necessario requiruntur. Id autem quoniam fiat pacto, postea, ubi de modis syllogisticis tractabitur, perspicuum euadet.

Ex quibus & quot propositionibus syllogismus constet, & de terminorum secundum positionem differentia, tum de triplici figurarum distinctione.

Omnis porro syllogismus, ut ex tribus terminis, ita ex tribus quoque constat propositionibus.

Hij Quarum

Quarum quidem prima, maior propositio, secunda mi-
nor, tercia conclusio appellatur. Maior item & minor,
communi nomine præmissæ quoque dicuntur. Cæterum
ex tribus terminis neulq̄ tres propositiones fieri pos-
sunt, imo ne due quidē, nisi singuli bis sumantur. Ex his
igitur, qui bis sumuntur ante cōclusionem ipsam non in-
grediens, medium dicitur, ut per quem extrema in con-
clusione connectuntur. Aliorum autem alter maior ex-
tremitas, alter minor extremitas. Et maior quidem ex-
tremitas is terminus est, qui in maiori propositione cū
medio sumptus, in conclusione de minori extremitate
predicatur. Minor uero, qui in minore propositione cū
medio sumptus, maiori extremitati in conclusione subi-
citur. Atque id quidem ita se habet in his syllogismis
sive modis, qui directim concludere dinoscuntur, quos
et ab Aristotele accepimus numero quatuordecim, qui-
bus quinque indirectim concludentes Boëlius autumat
uel à Theophrasto, uel ab Eudemo adiectos, atque ita
in summa esse decem & nouem modos. Ut ergo de-
finitiones illorum terminorum omnibus illis modis ex-
æquo conueniant, dicamus maiorem quidem extremita-
tem eum esse terminum, qui cum medio in maiori su-
mitur propositione. Minorem uero, qui in minore. Cæ-
terum is terminus qui bis sumuntur ante conclusionem,
& medium vocatur, siquidem subiicitur in una sum-
ptarum propositionum, & in altera prædicatur, primā
facit figuram: si in utraque prædicatur, secundam: si
uero in utraque subiicitur, tertiam.

¶ quid

Quid sit Figura, et quot unas
quæque figura modos sub
se contineat.

Quod uero tres sint syllogismorum figuræ, triū
dispositio terminorum paulò ante facta plane
indicare potest. Vnde & ita figura à nonnullis defini-
tur, Figura est trium terminorum secundum debitam
subiectiōnem prædicationēmque ordinata dispositio. Ha-
rum autem unaquæque plures & hos quidem certos
sub se modos habet, ita ut modi ipsi sub figuris sint, per-
inde atq; species sub suis generibus. Habet igitur prima
figura sub se, autore Aristotele, modos quatuor, secun-
da item quatuor, tercia uero sex. Sed ut paulo suprà
meminimus, quatuor illis prima figuræ modis, adiecti
sunt alij quinque, ut essent illius figuræ nouem modi.
In summa igitur modi sunt (ut dictum est) undeuiginti,
ex quibus omnibus priores quatuor prima figuræ mo-
di, perfectos nobis subministrant syllogismos, reliqui
omnes imperfectos.

Quid sit modus, et de quibusdā regulis.
Hinc iam ad modos ipsos paulatim ueniendū est.
Vnde etiam quid sit modus definitum primitu-
rum uero & certæ quedam regulæ subiectiōnē, quip-
pe quæ modis omnibus generatim inseruire dino-
scuntur. Itaque modum hoc pacto definitum quidam, Modus
est ordinatio duarum propositionum in debita quali-
tate & quantitate. Potest quidem & ita definiri, &
fortassis rectius, Modus est, tum sumptiarum proposi-
tionum,

118 DE SYLLOG. CATEG.

tionum, tum ipsius conclusionis secundum qualitatem & quantitatem conueniens ordinatio. Porro autem que sit debita tum qualitas, tum quantitas, ex ipsis tandem regulis, quae hinc sequuntur, discas licebit. Prima igitur regula est, In omni syllogismo oportet præmissarum aut alteram, aut utranque affirmatiuam esse. Secunda, in omni syllogismo oportet præmissarum aut alteram, aut utranque universalem esse. Tertia, Si aliqua præmissarum fuerit negativa, & ipsa conclusio erit negativa. Quarta, Si aliqua præmissarum fuerit particularis, conclusio quoque particularis erit. Quinta, Medium conclusionem non ingredietur unquam.

¶ De uocabulis quibusdam ad
hauc rem iuuentis.

Inferim autem & hoc ipsum fortassis haud parum expedire videbitur, si priusquam modos ipsos aggressi diamur, etiamnum aperiamus hoc loco breuiter, quis sit illorum uocabulorum (quibus ad syllogismos proprie formandos utimur) intellectus, quippe q[uod] in his, quantum quidem ad hanc rem attinet, ars quasi latere videatur, unde & artis uocabula appellari solent, ut alibi quoq[ue] annotauimus. Sciendum itaque quod post priores quatuor prime figure modos, qui perfecti videntesq[ue] sunt, quicunque ex sequentibus ab aliqua harum quatuor consonantium b.c.d. f. incipi, is reduci habet, ut eius dens scilicet & ipse habeatur, ad eum ex illis quatuor superioribus modum, cum quo principali litera conuenaat. Verumenimvero ut hæc ipsa reductio facilius percepientur,

cipiatur, adiuncte sunt aliæ consonantes quatuor, c, m,
p, s, quibus intelligi plane posse, quomodo redutio illa
fieri debeat, utrum uidelicet alius propositionis con-
uersione, aut sumptiarum propositionum transpositio-
ne, aut syllogismo ad impossibile ducente, qui conuer-
sus à quibusdam esse creditur, id quod c litera ab his
posita innuit, quemadmodum in premissarum indicat
transpositionem, p & s propositionum conuersione:
p quidem, si per accidens conuertenda est proposicio
aliqua: s uero, si simpliciter. Porro per quatuor uoca-
les his consonantibus passim interpositas, quatuor pro-
positionum genera accipere debemus, uidelicet per a
uniuersalem affirmatiuam, per e uniuersalem negati-
uam, per i particularem affirmatiuam, per o particula-
rem negatiuam. Quibus iam expeditis, modos tandem
ipsos aggrediamur.

C De modis primæ figuræ.

Prima igitur figura nouem habet modos, ut dis-
cendum est supra, sed ex his priores quidem quatuor
directum, sequentes uero quinque indirectum conclude-
re probantur. Sane directum concludere modus tunc dia-
citur, cum maior extremitas de minore in conclusione
prædicatur. Indirectum uero contraria, cum minor de ma-
iore. His ita præmissis cognitisq; superest ut unum=
quaque modorum deinceps suo ordine definiamus.
Itaque primus modus est, in quo, datis tribus terminis,
conficiuntur syllogismus ex duabus uniuersalibus affirma-
tiuis, uniuersalens affirmatiuam directum concludens.

H. iiiij Tertiū

Termini quidem sunt, animal, substantia, homo, ut omne animal est substantia, & omnis homo est animal, igitur omnis homo est substantia. Vocabulum autem artis, Barbara. Secundus autem modus est, in quo datis tribus terminis, conficitur syllogismus ex uniuersali negatiua maiori, & uniuersali affirmatiua minori, uniuersalem negatiua directim concludens. Termini quidem sunt, animal, homo, lapis, ut nullum animal est lapis, omnis autem homo est animal, nullus igitur homo est lapis. Vocabulum autem artis, Celarent. Tertius modus est, in quo datis tribus terminis, conficitur syllogismus ex uniuersali affirmatiua maiore, & particulae affirmatiua minore, particularem affirmatiua directim concludens. Termini quidem sunt, animal, substantia, homo, ut omne animal est substantia, & quidam homo est animal, igitur quidam homo est substantia. Vocabulum autem artis, Darij. Quartus modus est, in quo datis tribus terminis, conficitur syllogismus ex uniuersali negatiua maiore, & particulare affirmatiua minore, particularem negatiua directim concludens. Termini quidem sunt, animal, homo, lapis, ut nullum animal est lapis, quidam autem homo est animal, igitur quidam homo non est lapis. Vocabulum autem artis, Ferio.

CSequuntur modi indirectim
concludentes.

QVINTUS modus est, in quo, datis tribus terminis, conficitur syllogismus ex duabus uniuersalibus

libus affirmatiuis, particularem affirmatiuam indirectim concludens. Termini quidem sunt animal, substantia, homo, ut omne animal est substantia, & omnis homo est animal, igitur quedam substantia est homo. Vocabulum autem artis, Baralipton. Et reducitur hic modus ad primum huius figuræ modum conclusione illius per accidens conuersa. Sextus modus est, in quo datis tribus terminis, conficitur syllogismus ex uniuersali negatiua maiori, & uniuersali affirmatiua minore, uniuersali negatiua indirectim concludens. Termini quidem sunt, animal, homo, lapis, ut nullū animal est lapis, omnis aut̄ homo est animal, nullus igitur lapis est homo. Vocabulū autem artis, Celantes. Et reducitur hic modus ad secundum huius figuræ modum, conclusione conuersa simpliciter. Septimus modus est, in quo datis tribus terminis, conficitur syllogismus ex uniuersali affirmatiua maiori, & particulari affirmatiua minori, particularem affirmatiuam indirectim concludens. Termini quidem sunt, animal, substantia, homo, ut omne animal est substantia, & quidam homo est animal, igitur quedam substantia est homo. Vocabulū autē artis, Dabitis. Et reducitur hic modus ad tertium huius figuræ modum, conclusione conuersa simpliciter. Octauus modus est, in quo datis tribus terminis conficitur syllogismus ex uniuersali affirmatiua maiore, & uniuersali negatiua minore, particularem negatiuam indirectim concludens. Termini quidem sunt, animal, substantia, lapis, ut omne animal est substantia, nullus autē lapis est animal, quedā igitur

tur

tur substantia nō est lapis. Vocabulū autem artis,^{Fa-}
pesmo . Et reducitur hic modus ad quartum huius fi-
guræ modum, maiore per accidens, & minore simplici-
citer conuersa, ac insuper præmissis transpositis. No-
nus modus est, in quo datis tribus terminis, conficitur
syllogismus ex particulari affirmatiua maiore, & uni-
uersali negatiua minore, particularem negatiuam in-
directim concludens. Terminī quidem sunt, animal, sub-
stantia, lapis, ut qui sā lapis est substantia, nullum autem
animal est lapis, quedā igitur substantia nō est animal.
Vocabulum autē artis, Frisesomorum. Et reducitur hic
quoq; modus ad quartū huius figuræ modum, utraq;
præmissa simpliciter conuersa, insuperq; transposita.

¶ De modis secundæ figure.

Secunda uero figura modos habet quatuor, quo-
rum primus est, in quo, datis tribus terminis, con-
ficiuntur syllogismus ex uniuersali negatiua maiore, &
uniuersali affirmatiua minore, uniuersale negatiuam
indirectim concludens. Terminī quidem sunt, lapis, ani-
mal, homo, ut nullus lapis est animal, omnis autē ho-
mo est animal, nullus igitur homo est lapis. Vocabulū
autem artis, Cesare. Et reducitur hic modus ad secun-
dum prime figure modum, maiore simpliciter conver-
sa. Secundus modus est, in quo, datis tribus ter-
minis, conficitur syllogismus ex uniuersali affir-
matiua maiore, & uniuersali negatiua minore, &
uniuersalem

uniuersalem negatiuam directim concludens. Termini quidem sunt, animal, homo, lapis, ut omnis homo est animal, nullus autem lapis est animal, nullus igitur lapis est homo. Vocabulum autem artis, Caneſtres. Et reducitur hic quoque modus ad secundum prime figure modum, minore simpliciter conuersus, ac insuper premissis transpositis. Tertius modus est, in quo, datis tribus terminis, conficitur syllogismus ex uniuersali negatiua maiori, et particulari affirmatiua minori, particularem negatiuam directim cocludens. Termini quidem sunt, lapis, animal, homo, ut nullus lapis est animal, quidam autem homo est animal, igitur quidam homo non est lapis. Vocabulum autem artis, Festino. Et reducitur hic modus ad quartum prime figure modum, maiore simpliciter conuerso. Quartus modus est, in quo, datis tribus terminis, conficitur syllogismus ex maiore uniuersali affirmatiua, et minori particulari negatiua, particularem negatiuam directim concludens. Termini quidem sunt homo, animal, lapis, ut omnis homo est animal, quidam autem lapis non est animal, igitur lapis non est homo. Vocabulum autem artis, Baroco. Et reducitur hic modus ad primum prime figure modum, syllogismo ad impossibile ducente.

¶ De modis tertiae figure.

Sequitur tertia figura, que modos sex habet. Primus ex his modis est, in quo, datis tribus terminis,

minis, conficitur syllogismus ex uniuersali affirmativa maiori, & uniuersali negativa minori, particularē affirmatiua directū concludens. Terminī quidem sunt homo, animal, substantia, ut omnis homo est substantia, & omnis homo est animal, igitur quoddam animal est substantia. Vocabulum autem artis, Darapti. Et reductur hic modus ad tertium primæ figuræ modum, minore per accidens conuersa. Secundus modus est, in quo datis tribus terminis, conficitur syllogismus ex uniuersali negativa maiori, & uniuersali affirmatiua minore, particularē negatiua directū concludens. Terminī quidem sunt homo, substantia, lapis, ut nullus homo est lapis, omnis autē homo est substantia, igitur quedam substantia non est lapis. Vocabulum autem artis, Felapton. Et reducitur hic modus ad quartum primæ figuræ modum, minori conuersa per accidens. Tertiū uero modus est, in quo datis tribus terminis, conficitur syllogismus ex particulari affirmativa maiori, & uniuersali affirmativa minori, particularē affirmatiua directū concludens. Terminī quidē sunt homo, animal, substantia, ut quidam homo est substantia, & omnis homo est animal, igitur quoddam animal est substantia. Vocabulum autē artis, Disamis. Et reducitur hic modus ad tertium primæ figuræ modum, maiore pariter & conclusione conuersa simpliciter, ac insuper præmissis transpositis. Quartus modus est, in quo datis tribus terminis, conficitur syllogismus ex uniuersali affirmativa maiori, & particulari affirmativa minori, particularē

ticularē affirmatiuam directim concludens. Termīni quidem sunt, homo, substantia, animal, ut omnis homo est substantia, & quidam homo est animal, igitur quoddā animal est substantia. Vocabulum autem artis, Datis. Et reducitur hic modus ad tertium primae figurae modū minore conuersa simpliciter. Quintus modus est, in quo datis tribus terminis, conficitur syllogismus ex particulae negatiua maiore, & uniuersali affirmatiua minore, particularem negatiuam directim concludens. Termīni quidem sunt, homo, animal, lapis, ut quidam homo non est lapis, omnis autem homo est animal, igitur quoddā animal non est lapis. Vocabulum autem artis, Bocardo. Et reducitur hic modus ad primum primae figurae modū, syllogismo ad impossibile ducente. Sextus modus est, in quo datis tribus terminis, conficitur syllogismus ex uniuersali negatiua maiore, & particulari affirmatiua minore, particularem negatiuam directim concludens. Termīni quidem sunt, homo, animal, lapis, ut nullus homo est lapis, quidam autem homo est animal, igitur quoddam animal non est lapis. Vocabulum autem artis, Ferison. Et reducitur hic modus ad quartum primae figurae modū, minore simpliciter conuersa. Et de modis quidem haecenüs.

C De quibusdam regulis specialibus, tū quid cōmune omnibus cuiuslibet figurae modis, & quid cuique figurae proprium.

Igitur post definitos modos, præter iam dictas regulas, aliæ restant magis speciales, nihilo minus ipsis modis

modis inseruientes, ut que ueluti corollaria quedam ex tribus expositis figuris educte uideri possint. Quatuum quidem prima est, In prioribus quatuor prime figurae modis, et in omnibus tertiae, si minor fuerit negativa, nihil sequitur. Secunda, In prioribus quatuor prime figurae modis, et in omnibus secundae, si maior fuerit particularis, nihil sequitur. Tertia, In secunda figura oportet alterutram præmissarum esse negatiuam. Quarta, In tertia figura conclusio semper erit particularis. Sane tum has, cum superiores illas regulas Nicophorus Græcus auctor, ut alia dicendi figura, ita et grauius et artificiosius complexus est, Commune est (inquit) omnibus syllogisticis modis per tres dispositas figuras, ut conclusio deteriorem sequatur propositionem. Est autem deterior particularis uniuersali, et abdicatiua aiente, hoc est, negatio affirmatione. Atqui proprium quidem primæ figurae est, per modos saltē directos, maiorem propositionem uniuersalem esse, et minorem semper affirmatiuam. Secundæ uero figure proprium est, maiorem propositionem uniuersalem esse, minorem uero dissimilis ab illa qualitatis, et colligere conclusionem semper negatiuam. Tertiæ porro figure proprium est, maiorem propositionem indifferenterem esse, minorem uero affirmatiuam semper, et colligere conclusionem semper particularem.

¶ De

De tribus instrumētis, quibus imperfecti syllogismi ad perfectos reducuntur,

brevis com̄memoratio.

CUm sint autem tria (ut supra diximus) instru-
menta, quibus imperfecti syllogismi ad perfe-
ctos reduci possunt, nempe conuersio, præmissarum
transpositio, & syllogismus ad impossibile ducens, de
his paulo altius repeterem hoc loco haud inutile fuerit,
ne quicquam pretermittatur, quod ad intellectum eo-
rum que dicta sunt, conferre utcunq; possit. Verum
enim uero quia de horum primo, ut de cōuersione, trā-
ctatu tertio satis (ut arbitror) à nobis est dictum,
de reliquis duobus hinc restat tractandum.

TDe transpositione præmissarum, &
quot modis fiat.

Transponuntur præmisse, quoties ambe locum
mutant, ita ut ex maiore minor, & ex mino-
re uicissim maior fiat proposilio, quod aliquando qua-
dem contingit, alterutra, aut etiam utraq; ex ipsis con-
uersa. Quo sane modo idoneum reductionis instru-
mentum habetur. Aliquando uero absque alicuius
conuersione, uerum hoc pacto haudquaquam inter in-
strumenū illa, de quibus nunc loquimur, connumerari
debet, quin potius aliam tum uim habet, nempe per
quam in omni figura modi indirecti fieri posse proba-
tur. Quo fit, ut tot modi esse possint indirectim con-
cludentes, quot sunt qui directim cōcludunt. Cui quidē
semītis illa Iacobi Fabri Stapulensis regula subscriptit,

Ad

Ad quascunq; præmissas aliqua sequitur conclusio, edam ad easdē sequitur transposita, id quod nunc exemplo tantum probare liceat, sūq; bic syllogismus, Omne animal est substantia, & omnis homo est animal, igitur omnis homo est substantia. Huius nanque syllogismi si præmissas transponas, ad easdem eadem continuo sequitur conclusio, ut omnis homo est animal, & omne animal est substantia, igitur omnis homo est substantia. Quod certe ex in omnibus modis necessario ita euenire etiamnum demonstrari posset, sed nunc non est hic locus.

C De Syllogismo ad impossibile ducente.

PEr impossibile uero factus ostenditur syllogismus, quoties contradic̄tio ponitur conclusionis, & assumuntur altera sumptarum propositionum, nota pariter & confessa, ex quibus deinde, nempe posita & assumpta colligitur syllogismus alteram ab assumpta concludens: quæ quia manifeste falsa deprehenditur (quippe cuius contradictionia uera per hypothesis extiabant una cum assumpta) per eam alterutra perimenda uenit præmissarum, ut exempli gratia, si factus syllogismus in primo primæ figuræ modo, omne animal est substantia, & omnis homo est animal, igitur omnis homo est substantia. Huius syllogismi si conclusio ipsa uel dubitetur, uel negetur prorsus, tunc sic contexo syllogismum ad impossibile ducentem, Quidam homo non est substantia, omnis autem homo est animal, igitur quoddam animal non est substantia. Atqui hec quoniam manifeste falsa

falsa est, sequitur alteram præmissarum falsam quoq;
esse, non minorem quidem, quoniam & ipsa in altero
syllogismo uera ex hypothesi concessa fuit, ergo maiore.
Quare eius contradictoria que erat, omnis homo est
substantia, uera est, & hec nimirum conclusio prioris
syllogismi erat, quod erat propositum. Vnde & ex hoc
etiam error eorum manifestatur, qui per c literam
superius inter artis literas positam, significari creden-
tes syllogismum conuersuum, eundem proinde illum
existimare uidentur cum syllogismo ad impossibile du-
cente, cum sint à se longe diuersi.

CQuod præter predictos modos alij omnes
magna ex parte asyllo-
gisti habeantur.

In super & illud nunc quantum quidem ad defini-
tos modos attinet, adiectendū haud ab re puto, quod
quicunque modi contra prædictas syllogismorum for-
mas sive leges sunt, ordinamurque omnes hi asyllogisti
habentur. Siquidem hoc pacto contingere in ipsa con-
clusione, primum ex tribus datis terminis interdum o-
mni inesse postremo, interdum nulli, hoc est, ut planius
intelligatur quod dictum est, ex tribus terminis, serua-
ta eadem forma, conclusionem colligi, nunc uniuersalem
affirmatiuam, nunc uniuersalem negatiuam. Atque id
quidem est, quemadmodum & in prioribus analyticis
Aristoteles docet, dare terminos, in quibus omni, & in
quibus nulli. At hoc ipsum nunc exemplis subiectis o-
stendamus. Constituantur itaque syllogismus in prima si-
gura

gura, sintq; termini in quibus omni, id est, ubi primus omni postremo inest, animal, homo, equus, ut omnis homo est animal, & nullus equus est homo, igitur omnis equus est animal. Alter rursus constituantur syllogismus, sintq; termini in quibus nulli, hoc est, ubi primus nulli inest postremo, animal, homo, lapis, ut omnis homo est animal, nullus autem lapis est homo, igitur nullus lapis est animal. Et ut hoc iam in universalibus ostendam est propositionibus, ita & in particularibus ostendere licet, particularem colligendo conclusionem, si quibus id ita placet. Ex quo manifestum evadit, huiusmodi datorum terminorum contextum inutilem prorsus esse, id quod & in secunda & tertia figura simili modo ostendi potest, quamquam in tertia haud ita omni ex parte se habet. Ceterum ut huiusmodi terminorum facilis habeatur invenio, hec à quibusdam tradita regula est per disunctionem: Accipiendi sunt tres termini, quorum tertius ad reliquos duos se habeat, ut genus ad species, que sub ipso continentur, ut homo, equus, animal: uel ut extraneus, hoc est, disparatus ad utrumque, ut homo, equus, lapis: uel ut cunque superior ad illos sit, qui & de se inuicem praedicentur, aut conuertibiliter aut non. Conuertibiliter quidem, ut homo, risibile, substancia. Non conuertibiliter uero, ut homo, animal, substancia.

 De Enthymemate.

Postremo autem & de reliquis tribus argumentationis speciebus tractandum hic est, id quod initio

tio huius tractatus ita polliciti sumus, atque ex his pri-
mum de Enthymemate dicendum. Enthymema itaque est
(quemadmodum & ab Aristotle definitur) ex icotia-
bus et signis imperfectus syllogismus. Ex icotibus quia
dem, hoc est, ex consentaneis & probabilibus, εινός
enim Graece præter alia, consentaneum quoque signifi-
cat Latinus & probabile. Cuiusmodi illud est, Diligere
quenque amantem se: & item illud, Omnem matrem
suam diligere prolem. Ex signis autem, id est, ex neces-
sarijs et probabilibus, ut est, Si quid cuilibet rei addi-
tum fuerit, totum maius efficitur. Definitur & sic,
Enthymema est oratio in qua non omnibus positis pro-
positionibus, festinata infertur conclusio. Itaque in
Enthymemate altera semper deest propositio, uel
propter breuitatem, uel propter notitiam pretermisa-
ta, que tamen mente interim eius, qui ratiocinatur,
concipitur, ut omne animal est substantia, igitur omnis
homo est substantia. Vnde & truncatus syllogismus
& quibusdam dicitur. Hinc à Iuuenale satyrico poëta
dictum est de muliere impudica, Ne cursum sermone
rotato Torqueat enthymema. Rotato, inquit, id est, cele-
ri. Siquidem apud Graecos ηθικη cogitationem
significat, qua certe nihil celerius.

¶ De Inductione.

Inductio, que Græcis ἐπαρωγή, siue, ut uult Cicero,
παραρωγή dicitur, hoc pacto definitur. Inductio est
oratio, per quam à singularibus ad uniuersale fit pro-
gressio. Sane per singularia hoc loco intelligere dea-

bemus, non solum ea quæ simpliciter talia sunt, ut
sunt individua, & numero differentia, uerum etiam mi-
nus communia respectu ipsius universalis, quod ex ip-
sis per inductionem colligitur. Ab his enim plerūq; uni-
versale conflatum colligiturque, ut si quis uelit ostendere
omnem numerum esse duorum iuxta se positio-
rum medium, id inductione probauerit, quoniam ternar-
ius medius est binarij & quaternarij, & quaterna-
rius item ternarij & quinarij, & ita deinceps: igitur
omnis numerus est duorum iuxta se positorum me-
dius. Eodem modo si probandum nobis fuerit, quod o-
mnis uirtus moralis in mediocritate consistit, dicimus
hoc pacto, Fortitudo in mediocritate consistit, nempe
inter audaciam & timiditatem: & liberalitas, ut inter
avaritiam & prodigalitatem: temperantia item & iu-
stitia: omnis igitur uirtus moralis in mediocritate con-
sistit. Vnde & inducione hanc pricipuè uim habere putan-
tur, ut per eam de principijs scientiarum aliquoties di-
futare contingat. Neque uero cum inductione ultimus
opus erit semper adiicere particulam, & sic de alijs, ut
Sophistæ solent. Quandoquidem id inducenti iam com-
pertum esse debet, cetera similia esse his, quæ sumpta
sunt. Nam si Aristoteli credimus, qui singularium igno-
rat similitudinem, is non facile inducat.

¶ De Exemplo.

Exemplum, quod à Græcis ταγάδων γραμ-
mati- tur, ita definiunt, Exemplum est, cum ex mul-
torum

torum collecta particularitate, aliud quiddam particu-
lare ostenditur, ut si quis probare uelit, rectores non
esse sorte dandos rebus publicis: quoniam neque nauia-
bus, neque curribus moderandis sorte p̄eponuntur re-
ctores, sed qui arte & experimentis plurimum ualent.
Sunt qui ita definiant, Exemplum est, quoties unū pa-
ticularē per aliud probatur, propter simile quod
in utroque confspicitur, ut si malum est Gre-
cos cum Troianis belligerari, malum
quoque est Lacedæmonios cum
Atheniensibus armis
decertare.

SINTRA

CTATVM SEXTVM

Prefatio.



OST hec tractatum de Syllogismo hypothetico aggressurus, illud prefari in animo constitui, quod tametsi de modalibus simul & hypotheticis propositionibus tractatus a nobis institutus est, nempe quartus, id tamen haud ita usum est in eo facere tractatu, in quo de Syllogismo hypothetico tractabitur, ut etiam de syllogismo ex modalibus in eodem tractetur, imo nec alibi usquam in his tractatibus, non ob eam solam causam, quod nouitij adhuc huius artis tyrones nimirum aliqui grauarentur, sed quod illorum syllogismorum, qui ex modalibus constituuntur, non admodum frequens usus sit, ut etiam supra notauimus. Accedit q[uod] preter unum Aristotelē nullus aliis (quod scire potuerim) de huiusmodi ex modalibus syllogismis q[ue]cqua scriputum reliquerit, nisi quantū Boëthius in his laborauerit, idq[ue] tamen magis Aristotelē ipsum exponendo, q[uod] in institutu probādo. In qua etiā sententia Iacobū Fabrū Staphilensem esse uideo, virū profecto in omnibus disciplinis exercitatisimū: unde et non parua mibi subit admiratio de-

de Aristotele ipso, cur in re non tam necessaria, etiam plus satis operosus fuerit, nisi quod in hac praesertim arte ingenium suum ostendare omnino uoluit vir ille, in omnibus alioqui disciplinis admirandus. Quapropter multi etiam tam Graeci quam Latini hoc ammaderentes, per compendia de hac arte scribere maluerunt, ne in hac discenda apud Aristoteleni opus esset toties noctesque diesque insomnes ducere, absque magno etiam fructu. Non tamen negauerim hanc unam artem necessariam admodum esse, idcōque inuentam à majoribus nostris, ut sine qua error in studijs plerunque committeretur, qui cum alibi, tum hic maxime cauedus est: quippe quod hæc sola rerum rationes inuestigare doceat, atque de his ipsis disputare posset. Itaque qui in hac errauerit, uix in alijs erroris periculum euntare poterit. Nanque (ut Aurelius Augustinus autor est) hæc sola docet docere, docet discere, in hac seipsam ratio demonstrat atque apert, que sit, quid uelit, & quid ualeat: sola item scientes non soluū facere uult, sed etiam potest. Hæc illæ: at nos hinc ad hypotheticos syllogismos transeamus.

De Syllogismo hypotheticō, quid sit.

Sylogismus igitur hypotheticus (ut à Martiano Capella definitur) is est, cuius propositio ex plenum argumentum, ex plenum item id, de quo quaſio est, continent, ita ut aſſumpto argumento, iam certuni inferri possit, de quo quæſio erat, ut sit exempli cauſa quæſio, utrum rhetorica ſit utilis. Itaque uolentes

eam utilem probare, argumentum protinus ab eius definitione commode capere possunt, que quidem est, bene dicendi scientia. Ex hac deinde ut argumento sumpto, & questione proposita, syllogismus hypotheticus ad hunc modum contexitur. Si rhetorica bene dicendi scientia est, utilis est: est autem rhetorica bene dicendi scientia, rhetorica igitur utilis est. In hac sane oratione cum prius proponitur, Si rhetorica bene dicendi scientia est, utilis est, ac deinde assumitur, Est autem rhetorica bene dicendi scientia, tum qui haec duo concesserit, propositionem inquam & assumptionē, is uel inuitus concedat oportet, rhetorica utilem esse, id quod in questione propositum erat, quod tantisper dubium erat, donec ex propositio, et assumptio concederetur.

¶ Ex quibus constet syllogismus hypotheticus,
& quantum ei conferat syllogismus
categoricus.

Caeterum ut categoricus syllogismus in propositiones resolutur, ut ex quibus constituitur, & propositiones rursus in terminos, neque ulterius resolutio procedit in his, ita hypothetici syllogismi in categoricos resolutio sit: quippe quod ex his ipse, ut ex simplicibus constet compositus: cum praesertim prima eius propositio uim consequiae ex simplicibus (hoc est, categoricis) capiat syllogismus. Prima nanque hypothetici syllogismi propositio, si dubitatur an uera sit, praedicativa demonstrabitur conclusione, hoc est, syllogismo predicativo. Assumptio porro, qua se-
cunda

cunda huiuscemodi syllogismi pars est, in pluribus modis prædicativa esse perspicitur, itemq; conclusio, ueluti cum dicimus, Si rhetorica bene dicendi scientia est, utilis est, atqui, rhetorica bene dicendi scientia est, hic assumptio prædicativa, idem, categorica est: si queratur, hoc est, in dubitationem trahatur, ipsa quoq; prædicatio probabitur syllogismo. Hinc si demum inferatur, rhetorica igitur utilis est, & hec ipsa prædicativa est, atq; facti syllogismi conclusio: utpote quæ ad assumptionem probatam necessario consequitur. Nam si rhetorica bene dicendi scientia est, cur non & utilis ipsa erit? Præterea si hypothetica propositio ex categoricis iungitur, & ex his fidem capit, simul & ordinem partium consequitur, necesse est categoricos syllogismos hypothetico uim conclusionis administrare.

De partibus syllogismorum, sive ex quod partibus syllogismi constent.

Syllogismos autem tam categoricos, quam hypotheticos, alijs quinq; alijs quatuor, alijs tribus constare partibus arbitrantur, quorum controversia Boethius ad hunc modum disjudicat atq; discernit, Quoniam omnis (inquit) syllogismus ex propositionibus texitur prima uel propositio, uel assumptio uocatur: secunda uero assumptionum sive assumptio dicitur. Ex his quæ tertia infertur, conclusio nuncupatur, ut cum dicimus, Si homo est, animal est: homo autem est, animal igitur est. Ea quidem enuntiatio, per quam dicimus, Si homo est, animal

animal est, propositio uel sumptum uocatur: ea uero quam huic adiunximus, quæ quidem erat, Est autem homo, assumptio siue assumptum dicitur. Tertia autem ab his Conclusio appellatur, ut per quam ostendimus animal esse, si homo fuerit. Eadem sane et in categorico syllogismo ipsarum partium et ratio est et ordinis. Sed quoniam sepe evenit, ut propositio ipsa non sit uerisimilis, ei tum adiungitur approbatio, per quam id quod propositum est, uerum esse monstratur. Assumptio quoque saepenumero ad fidem per se non uideatur satis idonea, idcirco huic quoque probationis iumentum adiungitur, ut uera esse intelligatur. Quo fit, ut sepe quinque partes, saepè quatuor, interdum tres solum ipsos syllogismos habere contingat. In qua quidem sententia M. Tullius esse deprehenditur, qui in rhetoriciis syllogismos quosdam quinq; partitos, quadripartitos alios, et nonnullos tripartitos esse confirmat. At uero quibus ipsorum syllogismorum non placet partes ultra ternarium numerum propagari, hi propositionum atq; assumptionum probationes non putant inter syllogismi partes ponendas esse, sed potius illarum, cum dubia sunt, fulcimenta quedam haberi. Quorum sane iudicio atq; sententiae Boëthius ipse manibus pedibusq; accedit, Vnde nostra (inquit) sententia his potius accedit, qui tribus partibus syllogismum constare dicunt.

C De modis ex hypotheticis
propositionibus.

H Is itaq; præmissis , consequēs est ut ad modos hypotheticorum syllogismorum transeamus , quos certe , quantum hic eos definire liceat , dicere possumus ipsorum syllogismorum formas , & ueluti prescriptas leges . Sciendum autem quod tametsi innumeris propemodū huiuscmodi modi sint , qui ex hypotheticis conficiantur propositionibus , ut de quibus Seuerinus Boëthius latissime disputat duobus libris , nos tamē ex his paucos deligere statuimus , propterea quod eorum usus non parū frequens habeatur . De reliquis autem admonuisse tantum sat erit , ut si cui cognoscendi eos cupido incesserit , is Boëthium ipsum in primis audeat . Sed nunc ex his primum definitamus .

C Primus modus .

Primus igitur modus est , cū in conditionali propositione , assumpcio eo quod præcedit , ostendimus id quod sequitur ita necessario esse , ut est in connexione propositionis , ut Si homo est , animal est : atqui homo est , animal igitur est . Hic antecedens homo est , proponitur ueluti dubium , cùm dicitur , Si homo est : asseruntur deinde idem ut argumentum , cum absq; conditione repetitur , Atqui homo est . Ad quod demum necessario sequitur animal esse : quemadmodum erat propositum . Quod si parte ex altera annexum siue consequens assumamus , atq; dicamus , est autem animal , haudquaquam de necessitate cuenit hominē idcirco esse ,

Inveniuntur

Inueniuntur autem certi termini, in quibus peraeque ualeat assumptio, siue præcedens, siue subsequens assu matur, ut in honore atq; risibili. Nā ut recte sequitur, Si homo est, risibile est, ita recte quoq; sequitur, si as sumatur hoc modo, Atqui risibile est, igitur homo est. Sed in his hæc est consequentiae causa, quia homo et risibile æqui sunt termini, atq; idcirco uno posito, alterum comitari est necesse. Verum quia hoc in omnibus non ita se habet, idcirco non recipitur ut firmum et stabile, sed magis improbatum, ut incertum et minime constans.

T Secundus modus.

Secundus uero modus est, cum in conditionali, ope rando consequentis assumpto, aufertur id quod antecesserat, hoc modo, Si homo est, animal est, non est autem animal, igitur homo non est. Quod si contraria hominem esse negemus, non tollitur proinde quod conne xum est, ut si dicamus, non est autem homo, non iam continuo sequitur, animal non esse. Atq; idcirco hic mo dus, A consequentibus appellatur: quemadmodum qui hunc præcedit, Ab antecedentibus dicitur. Quare et hi duo modi à recentioribus ita distinguntur, ut prior quidem dicatur, A positione antecedentis, sequens uero, A destructione consequentis. Ceterum ut utroq; modo ex data conditionalis partibus affirmatiuis firma ubiq; sententia probatur, id quod paulo supra exemplis adhibitis ostensum est: ita eadem consequentiae uis erit, si negatiue eius partes fuerint, ut si animal non est, homo

homo non est, non est autem animal, igitur homo non est. Item, si animal non est, homo non est, atqui homo est, animal igitur est.

¶ De quadam argumentatione contra secundi modi regulam fax

Etia ex Themistio.

Hic iam obiicit aliquis fortassis nobis Aristotelem ipsum, qui in proemio libri de anima, tali contra præscriptam secundi modi formam (ut uidetur) usus est argumentatione. Si quod est anima (inquietus proprium opus, potest contingere, ut ipsa à corpore seorsum sit : Si uero nullum est opus animæ proprium, contingere non potest, ut à corpore seorsum maneat, subsistat. Sane hanc argumentationem sunt qui ob id calumnientur, reprehendantque ceu minus famam, minusque dignam tanto philosopho. Calumnia autem huiusmodi est, Oportebat, inquit, accepto consequentis opposito, ita tollere demolirique antecedens : at hic contrarius ordo seruatur. Verum hanc calumniam (si qua tamen dici meretur) Themistius haud dubie nobilissimus peripateticus subtilissime dissoluit ac diluit. Vnde quicunque (ait) tam male animati sunt, ut haec quæ in dialectica atque in exercitio arguiarum iactata, ex prompta omnibus sunt, ignorasse Aristotelem putent, hi plane ignorantissimi uidentur. Namque uerbum illud potest contingere (quo quidem Aristoteles in sua oratione uitetur) non necessariam, sed possibilem ex contingente connexionem habet, in quo genera non oportet

oporet, ut abolito consequente, aboleatur et antecedens, id quod omnino ita evenit, quoties necessaria conexio est. Sed hic in contrarium obseruatio est, ut scilicet abolitio antecedentis aboleat consequens. Cui rei causam idem auctor huiusmodi affert: semper enim (inquit) id quod contingenter sequitur, tanquam pars sit antecedentis: propterea quod quandoque accidit, quandoque non accidit. Ita qui antecedens intererit, totum intererit. Toto autem sublato, consequens est parti quoque abolitionem afferri. Hinc et ab eodem auctore aliud haud dissimile proponitur exemplum, quod talis est. Si animal est, quod procul ad nos accedit, potest contingere ut sit equus, igitur si animal non est, neque ut equus sit contingere potest. Quod fit, ut in scitiis positius illi arguendi sint, qui talem argumentandi formam, ut minus sanam cauillantur, et non Aristoteles ipse qui rectissime ita argumentatus est. Hec ita ex Themistio, quem Hermolaus Barbarus etate nostra latinitate doauit, vir utique impensis eruditus.

Tertius modus.

Tertius deinde modus est, qui appellatur, A rea pugnatis, in quo demonstratur non posse simul hoc esse et illud. Fit autem quoties connexae propositiones affirmativa antecedens astruitur, ut consequens tollatur. Quod certe ideo ita evenire manifestum est, quod huiusmodi propositiones ex repugnatis, aut ex contrariis constent partibus. Ex repugnatibus quidem, ut non si dies est, non est; qui dies est,

nox igitur non est. Ex contrariis autem, ut non si sanum est, & grum est; atqui sanū est, nō est igitur agrū. In quibus syllogismis propositiones sumptie huiusmodi sunt, ut impossibile sit, si antecedens est, consequens esse. Itaq; cum ita proponitur, non si dies est, nox est, huius propositionis sensus hic est, non recte sequi, si dies est, ut nox sit. Dictum est autem ex repugnantibus, aut ex contrariis, quoniam que aliter se habent, syllogismum ad hunc modum nullum constituant. Quia propter haud quaquam recipiēdus est hic syllogismus, non si homo est, album est, est autem homo, igitur albē non est, quando nec repugnantia sunt inter se hominē & album, nec contraria. Fit item & hic modus aliquoties, cum inter alterutram connexae propositionis partem negatio interponitur, atq; ea ipsa rursus denegatur, ut sit propositionis, si animal non est, homo est, hæc repugnās est, & ob id falsa. Fit autem uera, si negatio huic à fronte adjiciatur, hoc modo, Non si animal non est, homo est. Huius quippe propositionis hæc est sententia, Si animal non sit, fieri non posse, ut si homo. Ea igitur concessa, assumimus protinus hoc modo, Atqui animal non est, ac deinde concludimus, igitur homo non est. Similiter uero si ita proponatur, Si homo est, non est animal, quia & ipsa falsa est, propter partium inter se repugnantiam: quare si & huic deinde negatio apponatur, uera fit hoc modo, Non si homo est, non est animal. Nam & huius sententia est, si homo sit, non posse fieri ut non sit animal. Itaq; ex concessa, talis

talis contexitur syllogismus, non si homo est, animal non est, atqui homo est, animal igitur est. Rursus autē sit propositione ex utriusq; partibus negatiuis, Si non est dies, non est nox, quae idcirco quod partes eius inuicē repugnant, falsa est: sit autem uera, si adiungamus negationem, hoc modo, Non si non est dies, non est nox. Huius quoq; propositionis sensus est talis, quod si non est dies, esse non potest quin nox sit. Vnde ea ipsa cōcessa, assumūmus hoc pacto, Atqui dies non est, & concludimus deinde, Est igitur nox.

¶ Quo pacto tertius hic modus à superioribus duobus differat.

EX his porro colligere licet, quid interfit inter hunc tertium, & superiores duos modos. Sane inter ipsos haec est diuersitas, quod in eo quidē modo, qui ab antecedentibus dictus est, ponitur antecedens, ut id quod sequitur, astruatur. In eo uero qui, A consequentibus appellatus est, perimitur consequens, ut id quod ancecerat, auferatur. At uero in hoc tertio, qui dictus est, A repugnauibus, neutrum horum servatur. Siquidem neq; antecedens ponitur, ut quod sequitur confirmetur: nec interimitur consequens, ut id quod præcesserat euertatur: sed ponitur antecedens, ut interimitur consequens. Quod ideo euenire dictum est: quoniam hic propositionis modus partes interf se continent repugnantes. Aduersum quippe est atque repugnans, quod dicitur, si dies est, non est lux: quare propositione haec falsa est, quae tamen rursus negatione præposita,

proposita, fit uera hoc modo. Non si dies est, lux non est: atque ita consimilis est affirmationi, nempe huic, si dies est, lux est: quod & recte quidem ita eueniare receptum est, quando scilicet affirmationem geminata facit negatio.

¶ Quartus modus.

Quartus modus est eorum, qui ex disiunctiis consistunt syllogismorum. Fit autem cum data disiunctiis propositionis antecedens in assumptione ponitur, ut quod consequens est auferatur, hoc patet. Aut dies est, aut nox est, atqui dies est, non est igitur nox. Item, aut sanus est, aut agrotat, atqui sanus est, non agrotat igitur. Hic uero si ita quispium arguitetur, aut dies est, aut nox est, atqui dies est, nox igitur est. Ac rursus, aut sanus est, aut agrotat, est autem sanus, igitur agrotat. Talis profecto modus asyllogistus & incollectilis prorsus habetur. Nam in ea data disiunctiis posita parte una, non tollitur reliqua: quod unice repugnantium natura requirit.

¶ Quintus modus.

Quintus autem modus est, cum id quod in disiunctiva propositione praecesserat, in assumptione tollitur, ut quod sequitur affirmetur hoc modo. Aut uiuit, aut mortuus est, non uiuit autem, mortuus igitur est. At hic quoque asyllogistus fit & incollectilis, quoties data disiunctiis una sublata parte, tollitur simul & reliqua, ut aut uiuit, aut mortuus est, non uiuit autem, igitur non est mortuus.

K

¶ Sextus

¶ Sextus modus.

Sextus uero modus est, in quo duobus per disiunctio-
nem propositis, ostenditur si unum sit, non posse si-
mul esse ex reliquum. Fit autem ex disiunctua in con-
pulatiuam mutata, addita uidelicet negatione, idq; mo-
dis duobus. Prima, cum propositionis datae antecedens
ponitur, ut tollatur consequens hoc pacto, Non et dies
est, et nox est, sed dies est, non est igitur nox. Item,
non et prudens est, et ineptus, atqui prudens est, in-
eptus igitur non est. Secundo, cum propositionis datae an-
tecedens tollitur, ut consequens ponatur, hoc modo, Non
et dies est, et nox est, sed dies non est, igitur nox
est. Sane tertius hic ex disiunctiuis modus consimilis ei
est, qui ex propositionibus conditionalibus tertius est
positus, preterquam quod in illo propositione cum condi-
tione, in hoc sine conditione proponitur. Verum et hoc
ampius hic obseruandum, ut tam repugnania q; con-
traria, ita sibi repugnent atque contraria sint, ut possa-
to uno, interimatur alterum, et uno interempto alterum
ponatur. Quare locutiones huiusmodi, Aut perij, aut li-
teras docet. Item, Aut cucurbitae florem, aut ipsam cu-
curbitam, et aliæ plerique (quaæ apud Græcos olim
in proverbia cessere) consuetudine atque ipso euene-
magis receptæ fuerunt, quam ueritatis constania, de
quibus et alijs pene in numeris Erasmus noster in opes-
ti narratione perscribit, uir profecto hac nostra letate
extra omnem ingenij aleam positus, ut Plinij uerbis
utat,

utar, qui hoc sua etate M. Ciceroni tribuit uerissime. Ex predictis autem sequitur, copulatiuam negatiuam equipollere disunctiuæ affirmatiuæ ex eisdē partibus, sed sibi contradicentibus, uerbi causa, hanc, non & dies est, et nox est, huic, aut nō est dies, aut nō est nox.

Cur ex copulatiuis non siant syllogismi.

Am uero mirabitur fortassis quispiam, quid causæ subdit, quod cum tres sint superius posita hypothecarum propositionum species, et ex conditionalibus quidem, et disunctiuæ certi syllogismorum modi à nobis iam prescripti sint, nullos præterea subiectus, quibus ex copulatiuis perinde syllogismi fieri demonstrantur. Huius sane rei hanc esse causam arbitror, quod que hypotheticæ proprie dicuntur, huiusmodi sunt, ut in his conditio aliqua uel exprimatur, ut in eis, que peculiari nomine conditionales appellantur, uel subintelligatur, ut in disunctiuis. Nam cum ita proponitur, aut dies est, aut nox est, hec eadem propositione cum conditione nihil minus pronuntiari possit, hoc modo, Si dies est, non est nox, uel si non est dies, nox est. Itaque per has, neque esse aliquid, neque non esse, simpliciter significatur, sed aut illud esse si hoc fuerit, aut quoties unum fuerit, non posse simul et aliud esse. Vnde et in his consequentiis uis inesse quoque perspicitur. At uero que copulatiuæ dicuntur, ut non uera hypotheticæ sunt, ita nec in his consequentiis uis illa deprehenditur: que nimurum facit potissimum ut ex propositionibus hypotheticis, hy-

pothetici syllogismi struantur. Hypotheticae tamē quo^m
quo modo dici possunt, quatenus ex categoricis compo
sue constant. Quare nec Boëthius etiam, cum aliis de
syllogismis ex hypotheticis copiosissime tractet, ullos
præscribit modos, iuxta quos syllogismi ex copulatiis
periinde fierent. Nec ipse admodū probo eas consequen
tie formas, quas uulgo ex copulatiis eliciunt, ut à tota
ta copulatiua ad alteram eius partem : & item à de
structione partis copulatiue, ad destructionem tollit,
que licet necessariæ utique sint, utiles tamen non sunt.
Ex copulatiis tamen recte fortassis argumentatio pro
cedet, siue syllogismum uoces, siue aliam quamlibet ar
gumentationis speciem, quoties per has ex disiunctis ad
coniuncta procedimus ; hoc est, quoties quæ diuisim præ
dicantur de subiecto aliquo, de eodem etiamnum con
iunctim dici posse probantur. Quod quia aliquando ita
cominxit, aliquando uero minime, certæ ad hoc regula
le ex ipso Aristotele colliguntur, quibus id discernere
liceat, quas proinde hic subiçere non grauabimur.

¶ Sequitur tres regulæ.

EX his igitur prima regula est, *Quecunque di
uisim secundum accidens de aliquo prædicantur
subiecto, aut alterum de altero, hec simul atque coniun
ctim de eodem prædicantur minime. Cuius regule hanc
redit rationem Aristoteles, quod uidelicet unum non
faciant.* Quare non recte sequitur, *Socrates est albus,*
& *Socrates est musicus, igitur Socrates est albus mu
sicus.* Dicitum est autem secundum accidens : quoniam
sciens

Sciens et grammaticus licet secundum accidens de subiecto aliquo dicantur, tamen alterum de altero non secundum accidens, sed per se dicitur: et proinde ut diuisim, ita et coniunctum de eodem praedicari possunt, ut Socrates est sciens, et Socrates est grammaticus, igitur Socrates est sciens grammaticus. Secunda regula. Quaecunque diuisim de aliquo praedicanter, ut de subiecto, si id quod sequitur, in praecedenti includitur, ipsa de eodem simul et coniunctum non praedicanter. Huius quoque regulae hec ab Aristotle redditur ratio, quia committeretur uitium nagationis. Vnde non recte sequitur, Socrates est homo, et Socrates est animal, igitur Socrates est homo animal. Siquidem in homine animal includitur. Nec sequitur ob idipsum, Socrates est grammaticus, et Socrates est sciens, igitur Socrates est grammaticus sciens. Tertia est, que ex his sequitur, regula, Quando aliqua de aliquo ut subiecto seorsim atque diuisim praedicanter, idque neque secundum accidens omnino, neque ex his posterius in priori directim continetur, haec de eodem simul atque coniunctum praedicanter, ut Socrates est homo, et Socrates est albus, ergo Socrates est homo albus. Item, homo est animal, et homo est rationalis, ergo homo est animal rationale.

Post hanc etiam de consequentiae ratione haud absurdum fuerit bac in parte non nihil adiucere, propterea quod in superioribus sive in huius incidimus
 K iij mentionem.

mentionem. Primo igitur dicendum est quid sit, deinde quomodo dividatur, tertio regule quedam subiicienda sunt. Neque uero ut uana res existimari debet consequentie vim posse intelligere: quoniam ad hoc summa totius dialectice tendit & utilitas. Sane haec ex eo possimum percipitur, si cui recte uti conuigerit coniunctione rationali ergo, siue igitur, aut si qua huiusmodi est: quae alioqui (ut Alexander Hegius dicere solebat) multum faceret negotiis studiosis huius artis hominibus. Porro hac ipsa recte uti poterit, quicunque rei probanda tum causam, tum signum intellexerit. Ita enim res una ab alia dependet, ut certus proculdubio ordo alia quis in ipsa rerum natura esse intelligatur, id quod Seneca inter philosophos non contemnendus autor, primo naturalium questionum libro his uerbis non tam diserte quam gravior expresit, Omnia (inquit) rerum cereus ducitur ordo, & alia alijs ita complexa sunt, ut quod antecedit, aut causa sit sequentium, aut signum.

¶ De consequentia & cuius diuisione.

Consequentiam igitur hoc pacto quidam definiunt. Consequentia est oratio ex antecedente & consequente, suis quidem partibus constituta, quas rationalis aliqua coniunctio connectit. Eam ita dividunt, ut sit & bona & mala consequentia. Et bona quidem ab eisdem definitur, cuius si antecedens uerum est, non potest esse, quin consequens quoque uerum sit, ut homo
est.

TRACTATUS VI. 151

est, igitur animal est. Malæ uero, cuius eis antecedens
uerum est, non est tamen necesse, ut consequens uerum
sit, ut Socrates ambulat, igitur cælum serenum est. Boa-
nam rursus diuidunt in materiale & formalem. Verum
qui Aristotelem potius sequuntur, quam barbaros so-
phistas, eam in necessariam, & non necessariam dispe-
scunt, ut sit tamen necessaria consequentia, quam illi
formalem uocant, non necessaria, que materialis ab illis
dicitur. Ergo formalis consequentia est, quoties datis
quibuslibet terminis iuxta prescriptam aliquam argua-
mentandi formam, si antecedens uerum est, & conse-
quentis esse uerū necesse est. Cuiusmodi in primis sunt
syllogisticae consequentiae omnes, & que ex ipsarum
propositionum tum conuersione, tum equipollentia elia-
ciuntur, & si que alie his consimiles sunt. Materialis
uero, que tam eis bona quidem est, tamen iuxta can-
dem similitudinemque argumentandi formam firma ubique
& constans non est, quales fere sunt dialecticae argu-
mentationes, & que per Enthymemata & ceteras ar-
gumentationis species constituantur, nempe terminorum
tantum gratia, uidelicet qui materia uicem præstant.
Itaque materialis consequentia est, si hoc modo argu-
menteris, Cælum uolubile est, ergo cælum rotundum est.
Quippe quod iuxta eandem formam ita argumentari
licebit, Cælum uolubile est, ergo cælum stillatum est. Cœ-
terum probabilitas in his ac confirmatio, ex locorum a-
liquo dialecticorum peti solet, proficiunturque.

K iiiij

¶ Sequuntur

Csequuntur due regule, tum instantia contra secundam, tum etiam que sit bone consequentiae proprietas.

Sequuntur hinc regulæ due, quarum prima est, Si ad antecedens bona consequentiae sequitur consequens, ad oppositum consequentis oppositum sequitur antecedens. Et oppositum quidem hic intelligo id, quod contradictorium dicitur. Ceterum ipsius regule tale sit exemplum, homo est, igitur animal est. Hic quia recte sequitur, homo est, igitur animal est, ad oppositum consequens, quod est, nullum animal est, recte quoque sequitur, igitur nullus homo est. Secunda regula, Quicquid sequitur ad consequens bona consequentiae, sequitur et ad eius antecedens, ut quia ad hanc, homo est, recte sequitur, igitur animal est: et ad hanc rursus, animal est, igitur substantia est: ad eandem idcirco, quæ erat, homo est, recte quoque sequitur, substantia est, ut sit, homo est, igitur substantia est. Sane has duas regulas ideo adiicere libuit hoc loco, quod unaquaque harum per totam artem logicam principij uim obtineat. Contra secundam tamen regulam huiusmodi fit instantia. Nam si quid necesse est esse, illud quoque possibile est esse. Rursus autem, si quid possibile est esse, illud iam non necesse est esse. Igitur si quid necesse est esse, id est non necesse esse, quod prorsus inconueniens uidetur. Sane huius difficultatis nodum Theophrastus Græcus autor, uir utique in omnibus disciplinis consummatus, dignus proinde qui in Aristote-

lis diatribam, ipso etiam Aristotele id ita adiudicante,
succederet (ut autor est Aulus Gellius) ad hunc modum
soluit. Non omnino (inquit) idem est possibile esse, &
non necesse esse, quod hoc negatiuam speciem habeat,
illud uero affirmatiuam: quamuis tamen eadem prope-
modum utrobique sit significationis uis. Itaque affir-
mationem, quae est, necesse est esse, non recte sequitur
negatio, per quam aliquid non necesse esse proponi-
tur. At de consequentiis quidem quae sit, & quae bona,
tum quae necessaria, hactenus quam breuiissime dictum
sunt. Bonae præterea consequentiæ id esse proprium
obseruatum est, ut ex uero quidem non nisi
uerum sequatur unquam, ex falso autem cum plurimum falso, non
nunquam etiam uerum.

IN TRA:

CTATVM SEPTIMVM

de Demonstratione Praefatio.



AEPIVS MECVM
 reputauit, ac toties admiratio-
 ne non parua captus sum,
 quid causæ esset, cur bonus
 ille vir, qui cum in arte dia-
 lecticā tractatus aliquot scri-
 bere constituissest, eosdem pro-
 sua (ut uidetur) opinione ita demum parauit, ut per
 eos ad Aristotelis Logicam studiosi eius artis introduc-
 cerentur, non id etiam tentauerit in eam huius discipli-
 nae partem, quæ Demonstratione dicitur, ac per hoc o-
 minum potissima & est & habetur, etiam eorum iudia-
 cio, qui illorum tractatum autorem non frigidè imo-
 strenue (ne dicam superstitione) sectantur: cum tamen
 illud neq; grauiori illius labore, neq; minori introduc-
 cendorum in hanc quoq; huius artis parte utilitate fieri
 potuisse constet: maxime q; pueri olim (quod utinā ho-
 dieq; obseruaretur, omisis friuolis cauillationibus) ad
 philosophiam insinuandi, in mathematicis disciplinis, ad
 quas comparandas hac parte plurimū iuamur, antea
 exercebatur, & si non exacte, rudi saltem modo: quod
 & exempla paſſim per Aristotelis libros dispersa diſ-
 seminataq;

Seminataq; indicare plane uidentur. Vnde etiam in foribus Platonice diatribæ scriptum legebatur, Nemo huic ingrediatur geometriae expers, quo nomine simul & arithmeticæ intelligebatur. Sed ego iam causam ipsam uel subolfacere uideor, quod uidelicet hæc pars dialeætice uisa sit illi haudquaq; idonea ad sophisticas capiunculas, & steriles illas nugas, quibus per id temporis, quo uir ille claruit, schole omnes atq; literarij ludii non tam uocabant sedulo, q; strepebant acriter. Atq; interim (proh pudor) dum in his nuge illæ leuiuscule ueluti imperiose docebantur, optimi quiq; bonarum artium autores in plateis & sub scannis delitescebant, situ & puluere obducti, & (quod hoc etiâ miserabilis est) esca blattis & tineis. In quoru subiere locum barbari paulatim, idq; fere in singulis artibus, ut uerbi causa, in Grammatica Alexâder Gallus, in Dialectica Petrus Hispanus, in Poëtica Ganfredus Britannus, & in Rhetorica Eberhardus quidâ, qui etiam ob rem à se obscurius fortassis traditâ, opusculum suu labyrinhi nomine inscrispit. Tacco Græciastam, Florissâ, Cornutum, Alanum in parabolis, & ceteros huius farinæ viros. Dij boni, quos hic autores recensco. Sed neq; defuere tamen interim, qui in mathematicis quoq; studijs operam suâ nauarunt, quamq; non satis feliciter, herum pro temporie iniuria excusandi potius quam incusandi. Quæ quidem studia, quoniam (ut paulo superius diximus) demonstrandri uia, quæ utique certissima est, comparantur in primis, de horum utilitate pariter & dignitate, ex Seruino

156 DE DEMONSTRATIONE

uerino Boëlio acris haud dubie iudicij uiro, paulò alius repetere libet, priusquam institutum tractatum agrediamur, Talia (inquit ille) studia sunt ea, quæ mathematica dicuntur, ut si his careat diligens ueritatis inquisitor, uerum ipsum inuenire non posse. Quinimo sine hac ueritatis speculatione nulli recte sapiendū est. Proinde qui haec spernit, id est, has semitas sapientiae negligit, ei denuntio non recte philosophandum. Siquis dem philosophia amor sapientiae est, quam certe in his spernentibus, ante iam aliquis contempserit. Hac ille. Quare cum hec studia minime spernenda sint, nec uis etiam qua ad illa pergitur, negligenda erat. Hac igitur ratione persuasus, cum in cæteras dialecticæ partes tractatus certos, atque hos quidem introductoryos parare instituerim, in hanc quoque partem, hoc est, de Demonstratione tractatum aliquem parandum duxi.

De quadam alia dialecticæ diuisione, ut per quam tria potissima philosophiae instrumenta colligantur, quæ sunt demonstratio, desumptio, & diuisio.

Quemadmodum autem dialectica in duas breuiissime partes diuidatur, inueniendi unam, aliam iudicandi, superius à nobis expositū est, restat nunc (cuius & ipsa res iam nos admonet) ut ab eodem competentes principio, aliam eius diuisionem aggrediamur, qua & tripartita eius uis, siue facultas esse dinoscatur, que tamen secunda diuisio priore destituta esse, us non debet, ita non potest. Diuisio autem hinc patet.

Nam

Nam cùm dialectica ex M. Ciceronis sententia diligens differendi ratio sit, quia fieri potest, ut non etiam ratio sit tum definiendi, tum diuidendi, tum colligendi. Id quod de definiendi facultate idem Cicero luculentissime præcipit primo Officiorum libro his uerbis, Omnis enim (inquit) quæ à ratione suscipitur de aliqua re institutio, debet à definitione profici sci, ut intelligatur quid sit de quo disputetur. Haud secus et de divisione sentiendum est, quando nec sine ipsa disputatio legitime procedere potest: quippe quæ uiam ad ipsam definitionem non tam parare, quam aperire videatur, ut sequenti tractatu cōuenienti exemplo ostendemus. Maxime uero ad hanc ipsam artem pertinere probatur colligendi facultas ex eo, quod quicquid in disputationem affertur, collectione tandem aliqua consummatur persificetur, idque secundum triplicem diuersitatem, quemadmodum et supra annotatum est. Nam aut ex proprijs ueris ac necessarijs huiusmodi collectio sit processus, et Demonstratio appellatur, aut ex communibus et maxime probabilibus, et Dialectica peculiari nomine dicitur, aut ex captiosis et plane falsis, et Sophistica, id est, cauillatoria perhibetur, sed quæ tamen ab eiusdem etiam dialetica totius logicæ pars est, ut quæ magis deceptionem eius, cum quo disputatione desumpta est, moliatur, quam rei in disputatione propositæ propositionem. Itaque Dialectica, quæ est differendi peritia, tum de definitione, tum de divisione, tum de collectione quoque trattat: quæ quidem si (ut debet) sit cum ratione,

tionē, Syllogismus Graece dicitur, quippe συλλογισμός ap-
Graece, ratiocinari Latine interpretatur, hoc est, cum ra-
tione colligere aliquid. Videtur enim uerbum ipsum
συλλογίζω compositum esse ex præpositione σύν, que
cum significat, & in compositione idem facit, quod con-
inseparabilis præpositio apud Latinos, & ex nomine
λόγος, quod preter alia multa, rationem quoque sis-
gnificat. Unde et ars ipsa à veteribus peripateticis Lo-
gica postea appellata est, quam antea εργα Stoici, &
Plato dialecticam appellauerunt, ut qui angustius de es-
tractauerint, quam peripatetici, ut à Boëthio id memo-
riæ propositum est. Logica igitur quasi rationis scien-
tia dicta est, non quidem, ut barbari nomen ipsum in-
terpretantur (ut alia fere omnia) infantissime foediti-
meque, etymologia ad hoc adducta aliqua, sed ex Gra-
corum potius consuetudine, qui artes & disciplinas
possessiuis ab aliquo deductis nominibus significari uo-
luerunt, & his quidem foemini generis, subintelles-
to (ni fallor) artis nomine, quod Graece τέχνη dicitur,
quod utique foemini generis nomen est, ut quod
huic respondet apud nos ars.

¶ Quo pacto inter se duas dialecticas
diuisiones conueniant, aut altera
alteram contincat.

VIdendum nunc etiam, haec duas diuisiones, qua-
nam se attingant cognatione. Nam cum aliquid
definitione explicare uolumus, genere in primis opus
est,

est, tum et differentijs, quibus id quod definiendum est, ab alijs omnibus distinguatur. Quas nisi prius cum ipso genere iuxterimus, haudquaquam definitiōnem consti-
tuere poterimus. Invenire igitur necessaria est, si defin-
itio perfici debat. Similiter autem et cum quid diui-
dere in animo est, ea omnia prius inuenire oportebit,
quibus diuisio ipsa perficiatur. Hac autem sunt tum dif-
ferentiae in primis, tum accidentia nonnunquam, maxi-
me uero inseparabilia et propria. Nam uero si inuentio
absit, nec collectio unquam ualebit, id quod in superio-
ribus paulo latius explicauimus. Sed his omnibus nisi na-
diciū accesserit, frustra haud dubie aut definire quic-
quam, aut diuidere, aut colligere tentabimus. Ergo an-
recte definitum quid sit, aut diuisum, aut collectum, ius-
dicatio perpendit examinata. Quo sit ut prior Logi-
ce diuisio secundam quasi continere videatur, quia neq;
existere quicquam sine inuentione, neq; internosci p̄r-
ter iudicium potest. Sed nunc propositum exequamur,
et primum quid sit Demonstratione dicamus.

De Demonstratione quid sit, tum

etiam quid sit Scire.

Demonstratio igitur ab Aristotele definitur, syllo-
gis mus faciens scire, hoc est, syllogismus per
quem rei alicuius scientia comparatur parvurq;, quem
proinde syllogismū Aristoteles Gr̄co uerbo ἐπισημο-
νων ὡρ appellat, quod uerbū apud nos interpretari po-
test scientialis, si lingue usus ferat, ἐπίσαντος
hoc est, à sciendo deflexum. Ab eodem praealera Scire
quoque

quoque definitur, rem per causam cognoscere, propter quam res est, quatenus uidelicet illius est causa, nec est possibile hoc aliter se habere. Sane cum multis alioqui modis scire dicatur, latius et pressius, latius quidem quam liter cunque, pressius uero eo duntaxat modo, quo nunc definitum est. Quo quidem modo scire is dicitur, qui demonstratione aliqua cognoscit. Demonstratione inquam, hoc est, per syllogismum demonstratum, qui idcirco scire facit, quod ex his sit constitutus propositionibus, que prime et immediatae, tum notiores prior esq; conclusione habentur, ac eius insuper causae sunt.

CQuod ad omne scibile opus sit praenoscere aliquid.

AT uero priusquam aliquid demonstrare continet, prescire aliqua oportet, nempe principia que vocantur, et significata eorum, que ad demonstrationem sumuntur, ut exempli gratia, cum a geometra definatur punctus, cuius nulla pars est, tamen prescire oportet, quid partis nomine significetur. Sic et in edificiis, quid lapides, quid intritum, quid materies sit, praeponere debet is, qui edificandi artem discere uult. Atque hoc ipsum profecto est, quod Aristoteles in principio operis de posterioribus analyticis his uerbis proponit, Omnis doctrina, et omnis disciplina intellectiva, ex praexistente sit cognitione. Id quod cum in alijs omnibus artibus perspicitur, tum in his praecipue, quarum aliae feruacionales, aliae peculiari nomine discipline appellatur. In quibus omnibus praeponere necesse est, quid nomine

cuius,

eius, quod ad demonstrationem sumitur, intelligatur si-
gnificetur q̄z: tum ipsa principia, ut ex quibus conclu-
sio demonstratur, cuius per hoc etiam scientia habe-
tur solum.

TQuod due sint prenotiones, quod
est, & quid sit.

EX his igitur quæ dicta sunt, patet duobus mo-
dis contingere, ut aliqua prænoscamus, tum q̄
sunt, tum quid sunt. Ut querenti propter quid à magne-
te ferrum trahatur, prænoscendum utique est, ferrum à
magnete trahi. Id ubi iam perspectum quispiam habet,
sciscitatur deinde propter quid ita eveniat. Similiter
querens aliquis, quid motus, uel quid tempus sit, explo-
ratū iam is habere debet, utrūque esse & motum &
tempus. In quibus uero sciscitamur adhuc, sint nec ne-
aliqua, uerbi gratia, an sit prouidentia, in his necesse
est prænoscere quid uocabulo ipso indicetur. Atqui con-
tra evenit, ut sciatur quidem quid uocabulo siue nomi-
ne significetur, sed nescitur an sit: ut quæ sit Scyllæ
aut Hippocentauri appellatio, nemo est qui non sciat.
An uero etiam sint incertum fortassis compluribus ada-
buc. Sane non idem putandum est esse quid nominis,
& quid rei: quinimo longo hec & insigni inter se in-
tersticio diffeniunt differuntque. Significatum nanque
uocis cuiusque omnium etiam imperitissimis & milgo-
fere perspectum est. Quid tamen sit id quod uoce
unaqualibet significatur, non nisi exercitatisimis fā-
cile traditu est,

L

TQuid

CQuid sit propositio immediata, & quod duplex sit demonstratio.

Quoniam autem demonstratio syllogismus est, qui fit ex propositionibus primis & immediatis, ut dictum est, de huiusmodi propositionibus, quænam sint, paulo altius repetere opere pretium est. Itaq; dicimus ex Aristotele & Themistio, quod propositio immediata est, que & prima & summa dicitur, prima quidem, ut qua non est alia prior. Summa uero, ut qua non est superior alia. Immediata igitur dicta est, ut que alia demonstratione confirmari non possit. Quo fit, ut huiuscmodi propositiones prima etiam principia appellantur. Sed de his mox plura suo loco. Cum igitur sit syllogismus per primas & immediatas rei causas, hæc demonstratio propter quid dicitur: cum uero per causas quidem, sed non immediatas, aut per prima quidem & immediata, sed non que cause rei sunt, huiusmodi demonstratio uocatur, quia est. Sane prima & immediata causa est, que affectioni, que quidem de re quapiam demonstranda proponitur, & aquatur, atque cum ea conuertitur, ut cum per definitionem rei subiecte propria ei inesse affectio demonstratur. Prima uero & non immediata causa est, que diffusa fior est & magis ampla, & que in his precipue scientijs locum habet, que subalternata dicuntur, ut in perspectiva, que geometriæ subalternata est. Ergo quicunque probat arbores frugesq; non spirare, quia pulmo his desit, si scire dicitur propter quid, quod pulmo proxima

xima & immediata ratio & causa sit spirationis.
 Qui uero idem facit per hoc quod non sunt animalia,
 hic iam scire illud dicitur, quia est. Nam hec probatio
 non de proximo, sed de longinquο commeat. Ita &
 Anacharsis, cum percontanti cui piam, quare Scythia
 tibicines non efficiat, respondisset, quia Scythia uitem
 non ferret, causam redditum remotissimam. Nam proxim
 a huius causa erat, quod Scytha temulentii non sic
 rent, causa item huius, quia temetum non haberent. Hu
 ius deniq; quia uites esse illis negatae.

Quid sit dici de omni, & quid
 item per se.

Rursus autem, quoniam propositio omnis ex sub
 jecto aliquo et praedicato connectitur, scire con
 uenit praedicatum in demonstrandi propositionibus non
 ut cunque, sed per se de subjectis dici oportere: quare
 quid sit hoc, quod per se uocatur, protinus dicendum
 est. Interim tamen absoluere prius licebit id, quod de o
 mni praedicari hoc loco dicitur. Nam absque hoc id,
 quod per se praedicari dicitur, explicari probe non po
 test. Praedicari igitur de omni (ut breuissime dicam) est
 cum praedicatum subiecto & omnino & semper in
 esse significatur, nec quicquam refert sine substantiae,
 sine accidentis proprij quidem & inseparabilis ratio
 nem habeat id, quod praedicatur, ut omnis homo est an
 imal, & omnis cygnus est albus. Per se uero dicuntur,
 que sunt in eo quod quid est, ut triangulo per se linea
 inest, & linea pūctus, et arbor itē platano. Nam ut ex

L ij linea

linea trianguli, ita ex arbore ipsius platani substantia, ratioq; substancialis constat. Ceterum non omne quod de omni prædicatur, etiam per se prædicatur. Quippe de omni cygno candidum dicitur, quia & semper & omni cygno inest, non tamen in eo quod quid sit, cygno inesse dicitur. Ex his igitur, que dicta sunt, patet propositionem per se eam dici, in qua prædicatum est aut definitio subiecti, ut homo est animal rationale: aut definitionis pars aliqua, ut homo est animal, uel homo est rationalis.

¶ Quot sint modi eorum, que per se sunt.
Eorum porro que per se sunt, quatuor ab Aries stocle & Themistio modi traduntur, quorum preter tertium reliquæ tres proprie per se dicuntur, qui & distinguuntur, & dinoscuntur extremis propositionum ad se inuicem collatis. Primus igitur modus est, cum prædicatum propositionis est de ratione quid est dicente subiecti, aut ipsamet ratio subiecti, ut homo est rationalis, uel homo est animal rationale. Secundus uero, cum subiectum est de ratione quid est dicente prædicati, ut numerus est par, & numerus est impar, cui Themistius hoc addit, dicens, Aut quoties accidentia sunt, in quorum definitionibus subiecta collocantur, quo modo simum esse per se natio inest, nempe similitudo nasi curvitas definitur. Tertius modus est eorum, que neque per aliud sunt, neque in alio continentur, ut individua substantiae. Quartus denique modus est, cum subiectum causam importat, ob quam causam prædicta

tum ei competit, ut iugulatus interit. Sane ex his quatuor modis priores duo sunt, qui demonstrationibus accommodabiles precipue sunt. Sequentes uero duo adiecti ab Aristo, uidetur (ut Themistius opinatur) amplificandi exornandiq; gratia.

Quid sit Vniuersale, siue Vniuer-
saliter dici.

Dicendum quoq; quid sit, quod hic uniuersale dicitur. Vniuersale Aristoteles definit id, quod cum de omni sit, & per se inest, & quatenus ipsum. Eodem plane modo & Themistius ipsum definit, Vniuersale (inquit) appello, quod de omni, & per se, & quatenus ipsum est, dicitur. Quapropter si que de omnibus dicantur, non tamen propterea necesse est, ut uniuersaliter statim sint. Siquidem album de omni cygno, & atrum de omni corvo affertur, attamen haudquaquam uniuersaliter, quia neque per se, neque quatenus ipsum. Vnde & exploratum iam haberi potest, idem esse & uniuersale, et quod per se dicitur. Exempli gratia, inest per se linea longitudo, quia in definitione eius afferatur. Inest etiam quatenus ipsa est. Neque uero si quae per se sunt, continuo sequitur, ut etiam uniuersaliter sint. Nam que secundo aut sequentibus duobus modis per se sunt, uniuersaliter esse non possunt. Sed ut definitio eius quod hic uniuersale dicitur, accuratissima absolute, & completa reddatur, adiscienda est particula, primum, ut id scilicet dicatur uniuersale, quod est de omni, & per se, & primum. Itaque propositio uniuersa-

lis hoc loco dicitur, in qua predicatum subiecto ex omni, et per se, et primo inest. Verbi gratia, esse animal rationale, homini adest primum, non quatenus animal, sed quatenus homo, nec quatenus Socrates aut Plato, sed his inest secundo loco, quia sub homine continetur. Uniuersaliter igitur inesse dicitur, quod omni et per se et primum inest.

CQuod demonstratio sit ex necessarijs, quodque sit perpetuorum, quid item definitio ad demonstrationem.

His ita cognitis, manifestum est demonstratio nem ex necessarijs constare. Nam cum scientia per demonstrationem acquisita, ex his fiat, que alter fieri non possunt, consequens est eam ex necessarijs omnino confieri. Huiusmodi autem maxime ea sunt, que per se et uniuersaliter adsunt. Ad hoc rursus argumento est et illud, quod quoties demonstrationem aliquam cverimus, illa uti solemus confirmatione, quod ea que sumpta sunt, necessaria non videantur. Ex quo et illud sequitur, conclusionem uidelicet demonstratio nis perpetuam esse, nullamque demonstrationem casuorum, corruptibiliumque et fortitorum. Namque confirmatio esse potest ipsius conclusionis, cuius subiectum dissolubile caducumque habeatur, et cui praedicatum neque semper, neque omnino simpliciterque, sed modo insit, modo non insit, uerbi causa, Inest Socrate ut animal sit, sed nunc tantum, nec quia Socrates est, sed quia homo est. At qui homo semper est, non autem semper

semper Socrates. Et quemadmodum igitur demonstratio eaducorum non est, ita nec definitio. Quandoquidem definitio uel demonstrationis principium est, uel demonstratio solo situ differens, uel demonstrationis conclusio. Principium quidem, ut cum uel pro immediata propositione, uel pro termino in propositione huiusmodi dea sumitur. Situ uero solo à demonstratione differens est, quoties talis definitio est, que causam rei, q̄ ita sit, conlineat, ut hæc, Deliquiu solis, est occultatio lumenis eius, ob lunam ei oppositā atq; subiectam. Definitio hæc ordine paulum mutato, in demonstrationem commeat hoc pacto, Luna subiectur atque opponitur soli, quod autem subiectur atque opponitur, occultat, luna igitur subiecta atque opposita, solem occultat. Conclusio porro demonstrationis, ea est definitio, que causam materialem attingit. Vnde et hæc quidem materialis, illa uero formalis à quibusdam appellatur definitio.

TQuod tria sint, que ad demonstrationem omnem requirantur, et quot modis horum unum= quodque prænoscatur.

CVm autem tria sint ueluti momenta quædam in unaquaq; demonstratione, ut id ab Aristotele et Themistio traditur, quibus uidelicet omnis sciencia absolvitur: primū genus subiectum, ut numerus, aut triangulus; secundum, affectiones que et propriae passiones rei à quibusdā dicuntur, et subiecto generi inesse demonstrantur, ut paritas et imparitas numero, et tres angulos et quales duobus rectis equipollere triangulo;

L iij . gulo,

gulo; tertium, principia. Ex his, inquam, genus quidem subiectum statuere oportet, ut sit, Affectiones quid si- gnificant, quorum utrumq; principia & dignitates desia- derant, nam & ut sint, & quid significant, antequam demonstrationes fiant, sciendum est. Principijs itaque utraq; prænotio necessaria est. Nec tamen me fugit, quedam ex principijs esse, que non statim cognitis ter- minis explorata habeantur, sed obscuriora paulo, decla- ratione proinde probationeç; aliqua, nempe dialecticæ, indigentia; quippe quæ fiat uel per inductionem, uel per diuisionem. Atq; id nimurū est, quòd Aristoteles ait dialecticæ proprium esse & peculiare, ut cùm sit in- quisitiua, ad omnium methodorū principia uia habeat.

De principijs, & eorum multi-

plici differentia.

Principia in unoquoq; genere sunt (quemadmodū & Aristoteles ea definit) que quòd uera sunt, non contingit demonstrari. Rursus & hoc modo, Principia sunt, quæ per se, & non per alia fidem habent. Per alia quidem idcirco adiectum est, ut intelligamus scientiæ cuiusque principia esse quibus in eadem scientia, nihil prius superiusq; sit, per quod confirmari explicariq; possint. Nam si hec quoq; comprobare necesse fuerit, rationem hanc in infinitum tandem extrahere oportebit. Quare si id necesse non est, sed subiacent, supposunturq; haec tanquam notissima, merito principia sta- tuantur dicanturq;. Ex his autem alia quidem propriæ uniuscuiusque scientie sunt, alia uero communia. Pro- pria

pria quidem, ut in geometria, lineam esse longitudinem
sine latitudine. Et in dialectica, De quolibet uera est
affirmatio vel negatio, de nullo uero simul. Commu-
nia autem, ut si ab æqualibus æqualia demas, remanen-
tia sunt æqualia. Itm, quæcunque uni & eidem sunt
æqualia, ipsa inter se sunt æqualia. Communia idcirco
dicta, quod pluribus & his etiam diuersis scientijs ap-
plicari possint. Talia quoque sunt & dialectica quæ-
dam principia, ut si quid prædicatur de definitione,
idem & de definito prædicatur, & cetera eiusmodi.
Porro ex principijs, quæ propria alicuius sciætiae sunt,
hæc quidem dignitates sive proloquia dicuntur, hæc ue-
ro positiones. Dignitates quidem dictæ ob id, quod iure
illis fides habenda sit. Nam talia principia sunt, quæ
statim quisque audita probat, & quæ quemlibet discen-
tem natura habere necesse est: quod profecto nihil a=
liud est, quam illis (eorum tantum cognitis terminis)
intellectum nostrum naturali lumine proutius assenti-
re. Cuiusmodi illud est, Totum unumquodlibet maius
est qualibet sua parte. Dicuntur rursus & maximæ, si=
ue maximæ propositiones, & communes animi con=
ceptiones, quod multorum scilicet intellectu facile per=
cipiantur. Positiones uero sunt principia, quæ cum de=
monstrari non possint, necesse tamen non est, quemli=br/>bet docendum ea habere. Ex ipsis rursus quædam sup=br/>positiones dicuntur, quædam definitiones. Suppositiones
quidem, quæ aut esse, aut non esse significant, ut pun=br/>ctum esse geometra supponit. Definitiones uero, quæ
abscq;

absque eo quod est esse, vel non esse, quid sit res indica-
cant. Porro suppositionum aliae quidem dicuntur peti-
tiones siue postulata, aliae uero suppositiones assump-
tione. Petitiones siue postulata sunt, que hypothesibus po-
nendis maxime accommodantur aptanturq; ut quoties
data propositione quapiam, eius deinde petitur à dia-
sciente contraria, siue contradictionia concedi, idq; im-
terim discipline gratia, ne quid scilicet in disciplinis
absurdum ponatur, aut earum principijs repugnans.
Assumptæ demum suppositiones dicuntur, que prea-
missæ demonstrationum assumuntur. Ut ad demon-
strandum, quod demonstratio omnis ex ueris proce-
dat, assumitur à docente quod falsum non scitur, et
quod uerum non scitur, nisi ex ueris. At de principijs
quidem hactenus, quibus colligendis haud parum mihi
profuit commentarijs suis Iudocus Clichihoueus in Isa-
cobum Fabrū Stapul. vir apprime doctus, et inter scho-
lasticos quoq; theologos, partes si non primas, secundas
tamen haud dubie obtinens. Ceterum ab his demonstra-
biles propositiones Δεωγήματα à Græcis appellantur,
que Latinis speculationes dici possunt.

¶ Quod per quatuor causarum genera de-
monstratio potissimum fiat.

Quoniam autem omnis demonstratio ex princi-
pijs fit, principia autem & cause idem, illud
quoque iam dicere oportet, quod cause numero qua-
tuor sunt. Una quidem quod quid est esse, hoc est, sub-
stantia rati, formaque & definitio. Secunda uero, que
sum

cum est forma, ut ipsa sit, necesse est. Hec autem materia est. Nam non potest sine subiecta materia forma subsistere. Tertia autem, unde initium fit motus, quae est efficiens causa. Quarta uero, cuius gratia quippiam sit, idque finis est rei cuiusque. Sane omnes haec causae in demonstrationibus spectantur, & medij in his termini sunt. Ac ratio quidem ipsa substantie, quemadmodum in demonstrationem ueniat, sumaturque prius dictum est, uidelicet cum dicebatur definitionem demonstrationis esse principium, uel ab ipsa demonstratione solo sit differentia. Materia uero hoc modo redditur, cum quaeritur, quamobrem animalium corpora consumantur, corrupti uerque, quia ex conuariis constant. Omne siquidem, quod ex contrariis conflatum est, corruptum natum est. Redditur et primum mouens, si queratur, quare mundus est miranda pulchritudine, quia deus opifex & ipse pulcherrimus sit. Redditur item finis, si quis sciscitetur, propter quid deus fabricatus est mundus & quia bonus est. Et quamobrem quispiam uxore sibi ducendam statuit, nempe ut liberos habeat.

TQuo pacto scientia ab opinione differat.
SEquitur hinc iam ut dicamus, quoniam pacto ab opinioni differat scientia. Differit autem haec ab illa modis duobus, rebus inquam subiectis, & genere probandi. Rebus quidem subiectis, quod scientia quidem eorum est, quae necessaria sunt, & aliter se habere non possunt. Opinio autem ex eorum, quae falsa placuisse sunt, & aliter se habere possunt, licet uera sint.

Genere

Genere uero probandi, quod scientia quidem ex necessarijs proficiscitur ppositionibus, opinio uero ex possibilibus contingentibus, que nimurum neq; ad scientiam neq; ad intellectum pertinente, qui principiorum habitus ab Aristotele definitur. Quare si habitus omnis, quo uera cognoscuntur, aut scientia est, aut intellectus, aut opinio: relinquitur opinionem earum rerum esse, que tametsi uera aliquando sunt, secus tamen esse possunt.

CQuod duplex sit ignorantia,

quid sit soler*ii.*

Ignorantia porro, que scientiae in totum opponitur, duplex ab Aristotele esse traditur. Una quidem, cum alicuius rei penitus rudes ignariq; sumus, puerorum instar, que ob id ignorantia secundum negationem dicitur: altera uero, que affectionis ignorantia uocatur, quoties quis rudis quidem omnino non est, sed falsam illius rei, quam tenere se putat, scientiam opinionemue habet. Dicta est autem haec ignorantia affectionis, quod cui contingit, illius animus persuasione quadam affectus sit. Putat enim se scire aliquid, quod tamen nescire melius esset, idq; aut per simplicem apprehensionem, aut per syllogismum. Vnde et ab eodem Aristotele dicta est, partim per syllogismum facta deceptio, partim in sensu error et hallucinatio. Tales prosectori sunt barbari omnes et sophistae, qui cum omnia intelligere uideri uelint, nihil intelligunt, nisi suo more omnia, hoc est, corrupte. Preterea ab Aristotele definitur solertia, subtilitas quedam in non prospecto tempore

tempore mediū inueniendi . Vel sic, Solertia est sagax, repentinaq; coniectatio inuentioq; mediū, ut si quis uidens lunam, eam quidem partem, quæ solem uersus semper deuergit, lucidam habere intellexerit ob id, quia luna splendorem à sole mutuetur. Aut si quempiam quis cum numulario argentariōue colloquenter uidens, intelligat statim uersuram eum facere, & causam omnino fæneratitiā esse. Hec tum coniectatio solertia est.

C De quatuor questionibus scibilibus.

Postremo autem de questionibus scibilibus hac in parte nonnihil dicendum est. Sunt autem numero quatuor, quæ sunt, quòd est, propter quid est, si est, & quid est. Questiones quidem scibiles dictæ, quòd per has querimus de qualibet re in unaquaque scientia. Quærimus ergo aut de simplici, aut de composito. Simplex quidem hoc loco intelligitur, quod seorsum ex uno aliquo decem generum sumitur, ut est, uel deus, uel homo, uel centaurus, uel charybdis. Compositum autem, ut utrum luna deficiat, aut utrum iustum natura, an lege potius, & institutione hominum constet. Quoties igitur de simplici quærimus, prima & obvia protinus questio est, an sit, secunda, quid sit. Primum nanque querimus an sit deus, deinde quid sit deus. Si autem de composito quærimus: prima questio est, an subiecto prædicatum insit: secunda, quamobrem insit, hoc est, propter quid. Nam simulac didicimus lunam deficere, continenter quamobrem deficiat, querimus. Hactenus de demonstratione dicta sufficient.

IN TRA-

CTATVM OCTAVVM

Prefatio.



Equitur hinc tractatus de Definitione pariter & de Divisione. Quæ quidem quòd partes quoque huius artis sint, ex tripartita superius facta dialecticæ divisione facile intelligi potuit. Nunc illud addendum insuper est, quòd sicut absque demonstratione nulla scientia rite comparari potest, ita absque duabus his partibus non scientia solum, sed nec ars ulla. Quo fit, ut & merito ipse quoq; philosophie, instrumenta censeri debeant. Distant autem uel hoc ipso hæc tria inter se, q; divisione quidē ipsa aditum ad artes omnes, et disciplinas preparat, ceu diligens quedā exploratrix, quanū uidelicet ars se unaquæq; extiēdat. Definitio uero præparata iā atq; explorata, ueluti lumine adhibito, illustrat. Demonstratio deinde hæc omnia perficit et cōsummat. Ratio autem cur, cum ordo in his tribus ita se habeat, prius tamen de demonstratione, quam de ceteris duabus tractare instituerim: quia nimirum ipsa demonstratio est, cui reliqua due, nempe Definitio & Divisione, inseruire interdum probantur, & accommodari solem.

DE DEF. & DIVI. TRAC. VIII. 175
lent, quemadmodum etiam definitioni ipsa diuisio. Hinc
& de definitione quoque prius dicendum, quam de
diuisione.

T De definitione quid sit, & quo pacto à
nomine differat, tum item & à descri-
ptione, & quid sit descriptio.

Igitur quid sit definitio, ipsa definitione nunc ex-
pli cement oportet. Hæc à Platone quidem definitur
hoc modo. Definitio est oratio quæ quid sit, de quo agi-
tur, ostendit quābreuissime. In qua definitione oratio
posita est, ut à nomine distinguitur: quod nomen quo-
que rei naturam quomodo cunque significet, at ex iuria
ea constat uoce: definitio autem ex duabus saltē uo-
cibus. Adiectum deinde est, que quid sit de quo agitur,
ostendit: quoniam inuenias orationes quidem, quas tam
definitiones nemo dixerit: quandoquidem rei natu-
ram non exponunt. Cuiusmodi orationes sunt, quæ a-
pophi legmata seu dictoria dicuntur, ut Nosce te ipsum,
Ne quid nimis, & id genus alie. Postremo adiectū est,
quābreuissime, quo ab alijs distinguitur orationibus
multo longioribus, utpote quæ certis constituuntur par-
tibus: quales sunt Ciceronis, & ceteræ huiusmodi. Ab
Aristotele uero in Topicis ipsa ad hunc modum defi-
nitur. Definitio est oratio quod quid est esse signifi-
cans, hoc est, oratio explicans que sit rei natura es-
seniāue. Quo in loco aduertēdū est Aristotele Graece
loquentem, in definitione sua usum uerbo ἐστι, quod Græ-
cis est temporis parata tici, Latinis preteriti imperfecti.

Atque

Atque hoc ipsum ita cōsueisse Aristotelem Geor. Vallæ Placentinæ fidenter afferit, ut Erat pro Eſt ponere. Quasi uero id illi non cum alijs Græcis hominibus cōmune fuisset, ut certe fuit. Vnde ad confirmandū quod dico, ex Galeno Græco autore similem omnino orationem hoc adferre non grauabor. Galeni oratio illa huiusmodi est, atque ita legitur in quarto Therapeuticæ libro. ἐπὶ τῷ θεραπευτικῷ βοῶτου. Quam utique orationem etiam Thomas Linacer uir & Grece & Latine doctissimus ita uertit atq; interpretatus est, Vnum quodam genus est morbi. Quare ex loquendi libertate & consuetudine (ut dixi) id potius euenire existimandum est, qua Græci uerbum paratactici temporis plerunque pro præsenti usurpant. Itaque nos ἐπί est uertimus, et si Aristotelis interpres quisquis ille fuerit, Erat interpretatus est, uerbo ad uerbum. Ob id fortassis q; illud, quod diximus, uel non animaduertit, uel prorsus ignorauit. Vnde & eam ipsam definitionem hic subiiciendam duximus his uerbis, quibus ab Aristotle posita est, nempe Græcis, εἰς τὸ μὲν λόγον Θ., διὰ τοῦ ἐπιλογῆς οὐκάνωπ. Sed ne illud quidem omittendum puto, definitionem ipsam termini nomine, quod Grece λόγος dicitur, plerunque appellari à translatione terminorum terræ. Nam sicut per illos fundi in agro à se inuicem dispescuntur: ita per definitiones res à se inuicem discernuntur. Rursus autem & à nomine definitio differt: quoniam quod nomen obscurè & indiscerte significat, id definitio euidenter & discrete exponebit.

ponit. Differt item ex à descriptione, quòd descriptio quidem veluti opacæ alicuius picturæ imaginem gerit: definitio autem perfectæ picturæ faciem refert. Hinc & descriptio à Boëthio definitur, ex proprietatibus informatio quedam rei, & tanquam coloribus quibusdam depictio. Ex proprietatibus, inquit, hoc est, ex proprijs cuiusque rei accidentibus. Atque hæc proinde poëtis atque oratoribus magis usu uenire solet, nec in id adhibetur, ut quid sit res indicet, sed qualis sit, quasi inspiciendam ante oculos ponat.

CQuòd duplex sit definitio.

ERgo duplēcēt esse definitionem, tam ex his quæ dicta sunt, autore Seuerino Boëthio, quam ex Aurelio Augustino, uel potius alio quopiam, qui etiam Augustino ipso uetusior fuit (ut Lau. Valla sentire uidetur) colligere licet. Alia nanque dialectica est, alia rhetorica, & dialectica quidem est, que communi tantum designatur nomine, & definitio appellatur: rhetorica uero, que alio nomine descriptio dicitur, qualis ea est, que paulo superius à nobis ex Boëthio definita est. Inter utranq; porro hoc interesse ex eodem Boëthio animaduertimus, quòd hæc que oratoribus apta est, non etiam philosophis perinde conuenit, que tamen philosophorum propria est, ea conuenire potest & oratoribus. Omnia nanque (inquit ille) que philosophorum sunt, orator in dicendo recte usurpare atq; his uiri potest. At contra philosophus in disputationibus suis, que oratorum propria sunt, cuncta fere contemnit. Neque

enim adiungit aliquando signum, neq; quod credibile est, aut probabile solum, sed quod necessarium omnino fuerit. Sed de harum utriusque siue differentijs siue speciebus, tam proprijs quam communibus, deinceps ex ordine dicere haud alienum fuerit.

C De triplici dialecticæ definitionis forma ex Cicerone, tum quemadmodum alia ab alia distet.

E Ius igitur definitionis, que Dialectica dicta est, tres à M. Cicerone differentiae ponuntur, siue forme principales. Ex his una quidem est, que substantialis dicitur: altera uero, quam idem à partium enumeratione appellat: tertia que à nota dicitur. Porro eam, que substantialis dicitur, & philosophorum maxime propria est: Aristoteles plenam atque perfectam consistere ait ex genere & differentijs, ut cum homo definiatur, animal rationale mortale. A partium uero enumeratione definitio est, cum enumeratis omnibus totius as licuius partibus, id quod totū est, cognoscitur quid sit. Quia quidē definitione poena, que legibus sancta est, definitur hoc modo, Poena est, qua uno ex octo modis fit, nempe aut damno, aut uinculis, aut uerberibus, aut talione, aut ignominia, aut exilio, aut seruitute, aut morte. Eadem quoque definitione & mundus à Cleomede in libro de mundo ita definitur, Mundus est, inquit, ex cælo terraq; necnon ex naturis, que intra hec includuntur, constitutio. Vnde & admonendus hic est diligens lector, non esse necesse ubi quodammodo partium

tium infinitas quedam est, uniuersa in ipsa partium enumeratione concludere, ut in definitione mundi iam facta. Tali item usus est Cicero cum eum definit, qui non liber est, Is (inquit) est, qui neque censu, neque vindicta, neque testamento talis est. Etenim hæ partes sunt dandæ libertatis. Nec moueat quempiam, quod per hanc definitionem quid sit non liber, constitutum est, nō quid sit, quando pereque definitione opus est, cum ostendere uolumus, quid non sit quippiam, quām quid sit. Porro à nota, ut Cicero, siue ab etymologia, ut Aristoteles, definitio dicitur, cum uis uerbi, que in compositione sita est, rem suam facta quadā discretione designat, ut in primo Offic. libro Cicero, quid sit fides, hoc modo definit, Fides est, inquit, quia fiat quod dictum est. Tribus igitur positis, ueluti principalium definitionum formulis, sola prima, que substancialis est, & à toto dicitur, uere definitio nuncupatur, aliae due nominis tantum honore.

CQuæ, et quot sint in summa definitio-
num, siue differentiæ, siue species, tam
philosophis quam oratoribus, nec=

non & poëtis communes.

IN summa autem ipsius definitionis, siue differentiæ,
siue species numero quindecim ex Boëthio colliguntur, quarum tamen bonam partem ex Aurelio Augustino in eo, quem de dialectica scripsit libello, si tamen autorem titulus non mentitur, Boëthius collegisse uaderi potest, quas & hic nunc per ordinem recensere

M ii collibitum

collibitum est. Ex his igitur prima quidem à Græcis
 ὅντες διcta est, à Latinis uero substantialis, siue
 essentialis appellari potest, ut quæ substantiam essen-
 tiām rei cuiuslibet proprie demonstrat, qua et phi-
 losophi proinde maxime utuntur. Cuiusmodi est hæc ho-
 minis definitio, animal rationale mortale risus et disci-
 plinae capax. Hec enim per species et differentias de-
 scendens, ad proprium tandem uenit. Secunda uero, quæ
 à notione Latine, Græce προσωπικὴ dicitur. Hæc
 rem non per substantiam, sed per actum potius expli-
 cat, ut homo est quod rationali conceptione et exer-
 citio cunctis præest animantibus. Hic quidem non quid
 homo sit, dictum est, sed quid agat, atque ita quodam
 quasi signo in notitiam denuncatur. Tertia quæ à qualis-
 tate nomen accepit, Græce προσωπικὴ dicta, quæ quale
 quippiam sit ostendit potius, quam quid sit, ut homo est
 qui ingenio ualeat, artibus pollet, bonumq; ac malum di-
 scernit. Hic enim non quid homo sit, sed qualis sit desig-
 natus est. Quarta autem est, quæ à Græcis προσωπικὴ
 à Latinis descriptiva, à Cicerone uero descriptio
 appellatur, ut luxuriosus est, qui uictus non necessarij,
 sed sumptuosi appetens est, delicijs affluens, et ad li-
 bidinem proclivis. Quinta uero est, quæ Græce νεανίς
 Λέζη, Latine ad uerbum dicitur. Hæc uocem illam, de
 qua queritur alio sermone designat, et quodammodo
 quid sit declarat, ut comice scere est tacere. Quia etiam
 definitione locus tum ab Aristotele, tum à Cicerone se-
 des argumenti definitur. Sexta, quæ Græcis οὐδὲ σιω-

φορόμενη

Φορῶν, Latinis per differentiam dicitur, ut cum queratur, quid inter regem & tyrannum intersit, uterque adiecta differentia, quid sit definitur hoc pacto, Rex est, qui pietate & modestia erga suos utitur. Tyrannus autem, qui in suos scvit, & crudelitatem exercet. Hinc & illud apud Terentium in Adelphis, Hoc pater ac dominus interest. Septima est, quæ Υἱὸς μεταφορῶν, id est, per translationem dicitur, ut adolescens est flos etatis, senectus etatis occasus. Item caput arx corporis. Octava uero est, quæ κατὰ ἀφαιρέσιν τῷ φυστίδι, id est, per priuantiam eius contrarij quod definitur, dicuntur, ut bonum est, quod malum non est. Quo quidem genere definitionis utiliter, cum notum est alterū contrarium. Hac & Horatius epistola prima ad Meccanatem usus est, cum ait, uirtus est uitium fugere, & sapientia prima Stultitia caruisse. Nona est, quæ κατὰ ὑποτύπωσιν, id est, per quandam informationem dicuntur, ut Aeneas est filius Veneris & Anchise. Porro hæc in individuis, quæ Græce ἄτομα dicuntur, uersantur semper. Desideratur præterea et in nominibus quæ διμόνια sunt, hoc est, equiuoca, ut est Ajax Oileus & Telamonius. Ergo quoties unum aliquem definire uolumus, à genere, à patria, à corpore, à factis, à distis, ab animo, hoc genere definitionis utimur. Decima deinde species est, quæ dicitur ὡς τύπος, hoc est, ut secundum figuram dicam, uel exempli causa. Cuiusmodi definitio est, ut si queratur, quid est animal, & respondeatur, ut homo. Qua & Aristoteles usus est,

rum dixit, δυοία δέ, τῶς ἐν θεωπότι, id est, substantia est, ut homo. Undecima, quae νέτερον πλήρης
ἐν τῷ ομογενεῖ, id est, per indigentiam pleni ex eodem genere dicitur, ut si queratur, quid sit quadrans,
et respondeatur, cui dodrans deest, ut as sit. Duodecima, quae νέπταιον dicitur, id est, per laudem, ut apud Ciceronem pro Cluentio, Lex est mens et animus et consilium et disciplina ciuitatis. Qualis etiā ea est, qua ab Aristotele philosophia definitur, ars artium, et scientia scientiarum. Tertiadecima est, quae νέαρον πλούτον, id est, iuxta proportionē dicitur, ut cum maioris rei nomine minor designatur, ut edictum est lex annua, et homo minor mundus. Quartadecima uero, quae κατὰ τὸ πρόσωπον, id est, ad aliquid dicitur, ut pater est, cui filius est. Quintadecima demum, quae κατὰ τὸν πόνον, id est, causalis dicitur, ut quae causam rei de qua queritur, reddat, ut dies est latio solis super terram. Similis huic et illa est apud Ouid. Res est solliciti plena timoris amor. Efficit enim amor, et causa placuisse est, ut quis nimis sollicite anxieque alteri timeat.

Ex quo constet, et à quibus sumatur ea definitio, que substantialis dicitur.

Sane definitio illa, quae philosophis magis peculia-
ris est, cum ex genere et differentiis constitua-
tur præcipue, interim tamen sumatur aut à materia, aut
à specie sive forma, aut à subiecto, aut à fine. A mate-
ria quidem, ut si statuam definias ex ære, uel alia qua-
libet materia, quæ huius uel illius rei referat simila-
crum.

crum. A forma sive specie, ut si quis definiat irā, quod est ulciscendi cupiditas, quae eadem à materia definitur esse, ebullitio sanguinis circa cor. A subiecto, ut cum dicit quispiam, Astrologia est ars quae circa cælestia corpora uersatur. A fine uero, ut quem consequitur, ut medicina est ars in humano corpore sanitatis effectrix.

¶ De uirtute definitionis, tum et de eius uitijs.

Anie omnia autem et que sit uirtus definitionis dicendum. Sane hæc est, ut definitio suo ex altera parte definito respōdeat. Hanc Rodolphus Agricola legem definitionis uocat, tamq; huiusmodi esse dicit, ut neque plura complectatur, quam ipsum definitum, neque pauciora, sed de quoque unum dicuntur, et alterum dicatur. Huic porrò aliam idem adiungit, ut quid sit res, hoc est, substantiam rei explicet. Præter has deinceps duas, tertiam quoque adiicit, ut sit aperta, hoc est, neque ambiguis nominibus, neque obscuris, aut ex longo translati constet. Sunt et aliae ad hanc rem ab eodem positæ leges, quas hic breuitatis studio præterco. Ex prædictis igitur et que sint uitia definitionis, facile est intelligere. Sunt autem duo precipua, primum, ne quid abundet, alterum, ne quid deficit. Et dictionum quidem abundantia, rei facit defectum: defectus uero dictionum, abundantiam rei. Atque ex utroque minus apta definitio est. Sed hæc nunc exemplis ostendamus. Per abundantiam igitur definitio fit, si hominē ita definias, Homo est substantia animata sensibilis. Est hæc quidem

M iij definitio,

definitio, declaratio quædam hominis. Nam hæc omnia, homo est. Verum si conuertas, non respondebit, Per de-
fectum uero, ut si quis definiat cupiditatem hoc modo,
Cupiditas est aliena appetendi desiderium. Sed ne hac
quidem ex æquo respōdet rei definita, propterea quod
minus comprehensum ea est, quam res nominis pos-
labat. Nam non sola cupiditas auaritia est, imo præter
auaritiam, quæ habēdi proprie cupiditas dicitur, est in-
super tua dominandi, tum ulciscendi cupiditas. Potest
et tertium his duobus uitium adiici, quoties scilicet fal-
sum quippiā definitio dicit, hoc pacto, Sapientia est pe-
culie querēde diligentia. Verū de definitione hactenus.

C De Diuisione.

R Estat hinc tertium philosophiae instrumentum,
quod quidē est diuisio, quæ quem habeat usum
ad disciplinas comparandas, hinc quoq; nosse licebit,
quod sine hac quemadmodū definitio quidem fieri de-
beat, haud plane intelligi posst. Quippe per quam ea,
quæ ad definitionem sumuntur, ex ordine prius colli-
guntur, id quod facile liquebit, si exempli causa, nonen-
ipsum suscepereis definiendum. Nam primo huius genus
uox sumitur, deinde uocem ipsam diuido, in uocem si-
gnificatiuā, et non significatiuam. Definio igitur No-
men quod est uox significativa, que oratio, quia nomi-
ni nōdum equatur, rursus diuido significatiuam uocem
in eam, que secundum placitu significativa est, hoc est,
ex hominum impositione, et eam que naturaliter si-
gnificat, Itaque p̄dicta orationi addo, secundum plan-
citum,

citum, fitq; definitio nominis hoc modo, Nomen est uox significativa secundum placitum. Verum quia nec sic definitio definito ex aequo conuenit, idcirco id quod est significare secundum placitum, deinde diuido, ac dico, uocum secundum placitum significantium, aliæ quidem cum tempore, aliæ uero sine tempore significant. Sed quia ne sic quidem perfecta nominis definitio habetur, rursus aliam aggredior divisionē, nempe eius quod est significare sine tempore. Nam huius aliud quidem est, cuius partes extra significant: aliud uero, cuius partes extra non significant. Itaque nominis definitionē tandem hoc modo compleo ac dico, Nomen est uox significativa secundum placitum, sine tempore, cuius nulla pars extra significativa est. Sed nunc quid sit divisionē, et quotupliciter dicatur, dicendum hinc est.

De Divisione quid sit, et quot modis dicatur.

Divisio igitur (ut in uniuersum dicamus) est communioris in minus communia diductio. Semper enim quod dividitur, communius ijs est, per quæ divisio fit, et per hoc latius patet. Fit autem multis modis. Siquidem alia est divisio generis in species, alia cum totum ueluti in partes secatur, quam proinde quicdam partitionem dicere malunt, alia rursus, cum uox multorum significativa, in proprias significationes distractabitur. Quem tamen dividendi modum Rodolphus Agricola non admodum probat, sed Enumerationē potius dicendam existimat, quemadmodum et cum species in

in individua diducitur, id quod etiam Iohan. Damasceno ita placet. Similiter autem & quoties ab uno ad plura, & à pluribus item ad unum diductio fit, enumeratio dicenda uidetur. Ab uno quidem ad plura, ut à medicina, homo medicus, liber medicus, herba medica, manus medica. Hinc illud Vergil. Dum medicas adhibere manus ad vulnera pastor Abnegat. Et item uas medicinale, & medicinale emplastrum, siue cataplasma, & id genus infinita alia. Hec enim omnia ab uno sunt, quoniam à medicina nomen inuenere. Ad unum autem, ut salubre medicamen, salubris esca, salubris aura. Hæc siquidem ad unam tendunt sanitatem. Ceterum præter predictos diuidendi modos, est qui secundum accidens dicitur, cum aut subiectum in accidentia diuiditur, aut accidens in subiecto, aut accidens in accidentia. Ex prædictis igitur patet, quod diuisionum aliae quidem proprie dici possunt, aliae uero impropre & abusive.

De Diuisione generis in species.

Generis in species diuisione fit, cum ipsum in species per differentias diducitur, aliquoties autem & in ipsas species citra differentias, ut magnitudinem hec est linea, hæc superficies, illa uero corpus, aliquoties autem non in aliis carent & que sub eodem genere continentur species. Quod ubi contingit, accipimus unius alicuius speciei differentiam, deinde quia diliarum specierum unam aliquam differentiam communem non invenimus, circumloquimur eam alterius differentia-

ferentia negatione, quemadmodum in animalis diuisione fieri uidemus, cum ipsum ita diuiditur, animalium aliud rationale, aliud irrationale. Hic irrationale, non nisi eius quod est rationale, negationē explicat. Quam obrem hæc uera differentia esse non potest, quippe cū omnis species ex differentia constituantur. Nihil autē ex negatione constituitur. Ergo quoties negatione facimus diuisionem, prius affirmatio, post negatio subiicienda est, nec id ab re quidē: quippe quod affirmatio natura ipsa prior sit negatione. Aliquoties item & differentiae loco specierum in diuisione ponuntur, ut cum dicimus, Quantitatis aliud continuum, aliud discretum, que cum differentiarum nomina sint, uice tamen specierum posita sunt.

Vtrum in species, an in differentias rectius genera diuidantur.

VNde & illud iam haud indignū inquisitu subscritur, Vtrum in differentias, an in species rectius genera diuidantur. Sane huic inquisitioni ita ex Boëthio obuiam itur, Quoniam definitio diuisionis, generis est in species proximas distribuio, idecirco operatur secundum naturam diuisionis, in proprias species generis disgregationem fieri. Verum hoc interdum fieri nequit propter eam, que supra reddita causa est. Multis siquidem speciebus nomina defunt. Atque ideo, quoniam quedam sunt genera prima, quedam ultima, quedam media. Primū quidē est, ut uerbi causa, substantia: ultimū, ut animal: medium, ut corpus. Corpus nang, ut

ut animalis genus est, ita substantia corporis. Vnde quemadmodum neque super substantiam quicquam inueniri potest, quod generis loco collocari ualeat, sic nec sub animali. Homo enim species est, non genus. Quare antiquior uidebitur per species diuisio, si indigentia non minū non sit. Ergo si his nō abundamus, genera prima usq; ad ultima conuenit in differentias separare. Hoc autem sit, si primum genus in suas differentias disgregemus, non in sequentis proxime, aut posterioris generis differentias, & rursus posterius in suas, & non in sequentis deinde differentias. Neque enim cædem sunt differentiae substantiae & corporis, aut corporis & animalis. Si quis igitur dicat, Substancialium alia corporalis est, alia incorporalis, recte quidem diuisione fecerit. Haec namque proprie differentiae sunt substantiae. At non recte, si ita dixerit, Substancialium alia animata, alia inanimata est. Siquidē haec corporis, non substantiae differentiae sunt, id est, secundi, non primi generis. Quare manifestum est, secundum proprias differentias diuisione faciendam esse, quoties pars differentias genus distribuendum uenit.

C De Diuisione totius in partes, & quot modis totum dicatur, & de partium inter se differentia.

Totum quoniam multipliciter dicitur, eius quoq; in partes multiplex diuisio est. Dicitur namq; totum aliud quidem secundum quantitatem, idq; duobus modis. Nam aut continuū id est, ut corpus; aut discreta

tum, ut grex, item exercitus & populus. Aliud uero quod uniuersale appellatur, ut animal, & unumquodque superius, si ad eius referatur inferius. Aliud quod totum in modo dicitur. Aliud autem, quod ex quibusdam uelut uirtutibus & potentijs constat, ut anima. At hinc nunc exempla subijciamus oportet. Totum igitur si continuuus fuerit aut discretum, in eas diuiditur partes, ex quibus compositum constat, ut hominis corpus in caput, manus, thoracem, & pedes. Quo etiam modo totus populus Romanus in tres partes olim diuisus fuit, in equestres, in senatores, & plebem. Ceterum partium, & perinde etiam totius non eadem ratio est. Quedam namque pertinent ad substantiam, quædam ex quantitate nomen habent, quædam uirtutis & efficacie cuiusdam. Substantiae sunt, cuiusmodi corporis partes supradictæ. Quantitatis uero, ut in ipsis, quæ extensa sunt, ut bipedale, tripedale partes dicimus rei decempedalis. Et in tempore, præteritum, instans, futurum. In numero, ut denarij, quinq; & quinq;. Et item unum, duo, tria, quatuor. Virtutis autem partes sunt, quos & gradus quidem uocant, quemadmodum dicimus Achilli plus roboris suis se, quam Aiaci. Sic et anime partes quatuor faciunt, uisificandi, sentiendi, mouendi, & intelligendi. Rursus autem quæ substantiae partes sunt, aliae de propinquo substantiam constituant, ut materia & forma, ut in homine corpus & anima, in arbore uita & lignum. Aliae ad integratem rei explendam pertinent, ut dorsum, paries, tectum, & fundementum. Est præterea

et alia partium differentia. Siquidem ex his aliae quedam sunt, quas ὄμοις οὐεῖς Græci uocant, nos cognatas dicere possumus et similares, ut partes ligni aut lapidis. Omnes enim tam ligni quam lapidis partes, eiusdem generis sunt, ut natura, ita nomine participant. Aliæ uero ἔτεροι οὐεῖς à Græcis dictæ, à nostris alterigenæ, id est, alterius atque alterius generis, siue dissimilares, ut partes domus, ligna, et lapides, et in homine caro, nerui, et ossa. At de partibus quidem totius secundum quantitatem hactenus. Totius uero uniuersalis diuisione hoc modo fit, Hominum alij in Europa habitant, alij in Africa, alij in Asia.

¶ De Diuisione uocis in
significationes.

Dividitur uox in plures significationes, quoties uel equiuoca est, uel ambigua. Aequiuoca, ut canis, que uox cum una et simplex sit, plura tamen significat, nempe canem domesticum, canem coelestem, que stella ad Orionis pedem, auctore Higinio, micat, et canem marinum. Ambigua uero, ut oratio, qualis haec, Aio te Aeacida Romanos uincere posse. Haec enim oratio ambigua prorsus est, quippe que significare uidetur non tam Romanos Pyrrhū superiuros, quam Pyrrhum ipsos Romanos. Ceterum præter hanc uocis diuisionem est alia, qua uox secundum plures modos dividitur: ut cum non plura significat uox aliqua, sed multis dicitur modis, ut infinitum, quod quidem dicitur aut secundum mensuram, ut est mundus opinione aliquorum

aliquorum infinitus: aut secundum multitudinem, ut cū dicimus continuum diuidi posse in infinitum, hoc est, in partes multitudine infinitas, quas partes proportionales quidam uocant: aut secundū tempus, ut eius terminus inueniri non possit: aut secundum potentiam, quemadmodum deum infinitum esse dicimus. Alia item diuisio est, qua cum determinatione vox aliqua significare dicitur, uel sine determinatione, ut homo, que vox quando sine determinatione dicitur (quod quidem maxime est, cum simpliciter profertur) facit in intellectu audientis dubitationē, quae tamen protinus tollitur, si determinatio aliqua adiiciatur, ut omnis homo.

¶ De Divisione quæ secundum

accidens fit.

Porrò eorum quæ secundum accidens diuiduntur, alia est diuisio subiecti in accidentia, ut anima, lium, aliud mansuetum, aliud serum, aliud media inter utrumque naturæ: quemadmodum & id à Plinio annotatum est libro octavo cap. LVI. Alia accidentis in subiecta, ut feritatis alia serpentis, alia uolucris, alia reliquarum beluarum est. Alia demum accidentis in accidentia, ut candidorum, aliud durum, ut margarita, aliud molle, ut lac. Que etiam diuisio uicissim in alterutra membra mutari potest: ut eorum quæ dura sunt, aliud album est, ut alabastrum, aliud nigrum, ut ebenum: ac rursus eorum quæ mollia sunt, aliud album, aliud nigrum.

¶ De

¶ De quibusdam legibus, ut recte diuisio fiat obseruandis.

VT autem recte ipsa diuisio procedat, certæ leges obseruande produntur. Prima, ut differentie, per quas genus in species diuiditur, ē regione constituentur, & inter se opposite sint. Hinc nullus recte dixerit, animalium aliud rationale est, aliud bipes; idcirco quod rationale & bipes licet differant, nulla tamen à se inuicem oppositione seiuunguntur. Huic scilicet legi etiam subiacet ea diuisio, quæ secundum accidens fieri dicta est. Secunda, ut quicquid in diuisio continetur, id totum membra diuidentia explicit, hoc est, ne quid ultra citrâue dicatur, quoties quipiam diuidendum est. Alioqui aut superflua, aut diminuta erit facta diuisio, id quod etiam in definitione cauendū est. Tertia, ut si fieri commode possit, diuisio omnis bimembbris sit, id quod in definitione eodem modo requiritur. Verum quo minus illud fiat, uocabulorum indigentia plerunque impedimento est, ut cum querit quipiam, quid est homo? respondenti minime necesse foret dicere, animal rationale mortale, si id quod est animal rationale, proprio nomine nuncupatum esset: quod deinde cum reliqua differentia iunctum, nempe mortali, definitionem hominis uerissima atq; integra oratione perficeret. Eodem sane modo & diuisio ipsa duobus tantum terminis perficeretur, si non interdum propria uocabula deessent, ut cum dicimus, Figurarum, quæ quidem trilateræ sunt, aliae sunt æquilateræ, aliae ex tribus

duo aequalia latera habent, aliæ totæ inæquales. Hæc tri
membris diuisio duobus clauderetur terminis, fieretq;
bimembris, si ita proferretur, Figurarum quæ trilateræ
sunt, aliæ sunt aequales, aliæ inæquales. Inæqualium rur-
sus, aliæ sunt duo tantum latera inæqualia habentes,
aliæ tria, hoc est, omnia simul. Sic cum dicimus, rerum
alia bona sunt, alia mala, alia indifferētia, Qualia sunt,
quæ neque bona, neque mala sunt. Hæc quidem diuisio
trimembris quoque est, ac bimembris fit, si ita dicatur,
Rerum alia sunt differentia, alia indifferētia. Diffe-
rentium item, alia bona, alia mala. His tribus iam expo-
sitis legibus, quarta demum accedat, quæ est hu-
ijsmodi, Quoties genus aut in differentias,
aut in species dissoluitur, post factam
diuisionem, eorum per quæ diuisio
fit, definitioes atque exempla
protinus subdenda sunt.

Atque in hoc absolu-

tus sit tractatus

Octauus.

N

SIN TRA:
CTATVM NONVM DE LO-
cis Dialecticis, Præfatio.



Vper est pars illa dialecticæ
que locos nobis subministrat,
et qibus argumenta ueluti eruntur,
atque ea quidem potissimum,
per que de quauis re,
imo uero et de principijs etiā
disciplinarum probabiliter di-
sputare contingit. Vnde euenisse reor, quod dialectica
ipsa à quibusdam dicta est ars artiū, & scientia scien-
tiarum, ac proinde digna iudicata, que primum locum
inter artes atque scientias omnes obuineat. Tum et eo-
dem iure disputationaria ars appelletur, id quod nomen
ipsum apud Græcos plane indicat, quippe quod non ad
liunde deduci certum est, quam à Græco uerbo δια-
λέγομεν quod preter alia, que significat, dispu-
to quoque apud nos significat, il quod facile ijs pro com-
perto esse potest, qui uel mediocriter illius genis lima-
guam callent. Quam qui improbant, ac per hoc ut inn-
uilem contemnunt, hi nubi uidentur, uel inuidia tor-
queri, uel stupore grauari, adeo ut sint plane sine omni
iudicio. An ijdem nesciunt à Quintiliano probatissimo,
grauiſſimoq;

grauissimoq; studiorum censore suasum esse, ut à Græco sermone pueri initium disciplinarū capessant? Nec iniuria quidem, quippe quod (ut idē autor est) à Græcis ad nos omnes bona artes manarint: sed hi, ut video, sicuti nihil probant, nisi quod ad suum faciat palatum, ita Gryllum suum ducem (ut est apud Plutarchum) sequentes per loca inculta prorsus, steriliaq;, et penè dea ferta, glandibus adhuc ueſci malunt, quam per amœnos atque feraces campos ſpatiantes, optimas colligere fruges, unde probe pafcantur. At de hoc satis superq; ad preſens. Ceterum in hac parte de locis id praefuit, quod nec ante, nec post aliis quiſpiā, Rodolphus Agricola ē Frisia, quæ Germanie haud ignobilis prouincia est, uir profecto non satis laudatus, etiam à laudatissimis uiris Hermolao Barbaro, et Erasmo Roterodamo, cuius proinde si etiam uestigia imitari uelim, uix potero. Ita enim omnia et grauiter et acute ab eo trādita ſunt, ut ueluti maiestas quædā in his elucere uideatur. Tamen si quid obiter apud eundem innenero, quod ad rem nostram faciat (faciet autem haud dubie plurimum) haud grauabor huic operis parti inſerere, quiaſtum quidem nostra hæc inſtitio ferre poſſit.

De utilitate Dialecticæ.

Quoniam igitur hæc pars (ut dictum est) peculiari nomine Dialectica appellatur, de utilitate eius pauca nobis ex Aristotle dicenda uidentur, priuquam locos ipſos aggrediamur. Est autē utilis (ut ille ait) ad tria, ad exercitationes, ad colloquia, et ad eas

que sunt secundum philosophiam, disciplinas, que eadem Græce idem his uerbis expressit, πρὸς γυμνασίας, φυτεύξεως, καὶ τὰς κατὰ Φιλοσοφίαν ἐπισήμους. Ad exercitationes quidem utilis sanc est, quia methodum hanc habētes, facile de proposito quovis argumentari poterimus. Ad colloquia uero, eo quod multorum recensentes opiniones, non ex his que extraneas sunt alicui discipline, sed ex proprijs sermocinabimur ad eos, uel potius contra eos transmutantes, si quid ab his nobis perperam dictum esse uideatur. Quod quidem maxime fieri consuevit, cum inter confabulandum (ut sit plerumq; uel in cōgressu, uel in coniunctu) quam proponebatur discutiendum. Cuiusmodi profecto colloquia illa uideri possunt, que apud Aul. Gellium in noctibus Atticis, & apud Macrobiū in Saturnalib⁹ passim leguntur. Ad eas porro, que sunt secundum philosophiam, disciplinas, utilis omnino est, quod cum possumus ad utramque partem disputatione, facile in singulis intuebimur, quid uerum uel falso sit. Præterea autem & ad prima eorum, que in unaquaque disciplina principia sunt, utilis probatur. Nam ex proprijs proprieate alicuius discipline principijs dicere aut disputatione de ipsis, impossibile est: eo q; in unaquaque disciplina prima omnium principia sunt. Atqui id multo commode sime fieri potest ex probabilitibus, qualia præsentim in hac arte traduntur, que cum sit inquisitiva, ad omnium methodorum principia uiam habere dicitur. Sed nunc quid sit locus deinceps dicamus.

De Loco quid sit, tū et de argumento ipso.
Locus igitur est (ut ab Aristotele & Cicerone
 definitur) sedes argumenti, que definitio (si ta-
 men definitio dici meretur) ab eodem Cicerone à si-
 multudine instituta esse monstratur. Ut igitur (inquit)
 earum rerum, quae absconditæ sunt, demonstrato & no-
 tato loco facilis inuenio est: sic cum peruestigare argu-
 mentum aliquod uolumus, locos nosse debemus, ē quibus
 argumenta ipsa promantur. Argumentū deinde ab ipso
 quoque definitur, ratio rei dubiæ faciens fidem. Itaque
 locus est, ueluti publicum receptaculum, & (ut Rodol-
 phus Agricola ait) thesaurus quidam, in quo faciendæ
 fidei instrumenta reposita sunt: hec nimurum sunt ipsa
 argumenta. Argumentum igitur, quod fidem rei dubiæ
 facit, hoc est, rem dubiam probat, à loco aliquo edu-
 catur oportet.

De multiplici argumenti significatione, & quem-
 admodum ab argumentatione differat, quod
 hic argumentum uocamus.

Argumenti sane multiplex significatio à Quin-
 tiliano traditur. Siquidem & fabulæ ad actum
 scenarum composite, Argumēta dicuntur. Rursus omnis
 ad scribendum destinata materia, Argumentum appellari potest. Et Argumēta etiam dicuntur orationū ue-
 lut themata, quemadmodum de Ciceronis orationibus
 Asconius Pedianus exponit. Argumentum (inquit) hu-
 ius orationis tale est. Verum nullum horum tale argu-
 mentum est, quale hic queritur ab arguendo dictum,

N iij quod

quod uidelicet rem arguat, hoc est, probet. Nam argumentare ueteres etiam ostendere dixerunt. Hinc illud Vergil. Degeneres animos timor arguit. Hoc inquam tale argumentum ab argumentatione differt: quod Argumentatio est uerborum contextus, certum aliquid ex iis que antecedunt, concludens, ut syllogismus et inducione. Argumentum uero ipsius argumentationis ratio, quod et medium nonnunquam dicitur. Ac proinde ut in corpore anima, et in anima rursus mens, ita in argumentatione argumentum. Igitur uis illa atque sententia et ratio, quae oratione clauditur, cum aliquid probatur ambiguum, Argumentum uocatur. Ipsa uero argumenti elocutio expressioque, Argumentatio dicitur. Unde et a Boethio ita definitur, Argumentatio est argumenti per orationem explicatio.

¶ De Questione quid sit, et quae madmodum ab Enuntiatione, Propositione, et Conclusione differat.

ERGO cum argumentum sit ratio, que rei dubie fidem faciat, quid hoc loco res dubia uocetur, inuestigandum quoque est. Itaque sciendum quod res dubia haud aliud quippiam hic intelligi debet, quam propositione dubitabilis, que proinde questionis sibi nomen inuenit, atque fortita est. Quandoquidem Questione, dubitabilis propositione definiri solet. Quocirca Questione non simpliciter propositione dicenda est, sed quae cum interrogacionis nota proponitur, ut nunquid anima immortalis est; Eadem tamen oratio, si simpliciter proferatur, nempe

nempe circa interrogationis notam, quatenus uidelicet aliquid de aliquo enuntiat, Enūtiatio dicitur, Quatenus uero ipsa syllogismi alicuius pars sit, Propositio appellatur. Insuper et conclusio esse potest, cum ex sumptis propositionibus collecta fuerit factio syllogismo, aut utcunque aliter probata, conuenienti adhibito argumen-
to. Est enim Conclusio argumento uel argumentis pro-
bata propositio. Sed illud exemplo nunc ostendamus.
Age igitur questio sit, Num anima immortalis est? Id
ita quispiam probauerit, tali principio ex Platone de-
sumpto, Quicquid semper mouetur immortale est, ani-
ma autem semper mouetur, anima igitur immortalis est:
atque ita eadem oratio, que prius in dubitationem addu-
cta, questio proinde erat, postea facta est conclusio. Que-
si in altero syllogismo pars sumpta fuerit, Propositio di-
citur, et ante hoc Enūtiatio. Igitur questio, propositio,
enūtiatio, et conclusio, subiecto regi ipsa idem sunt,
eisi ratione disinguantur.

¶ Quo pacto Locus sedes argumenti intelliga-
tur, et de Loci diuisione, et de argumen-
ti rursus multiplici acceptione.

Sed nunc etiam aperiamus oportet, quo pacto intel-
ligi plane possit quod dictum est, Locus est sedes
argumenti. Sanè idipsum aperire, non paruā huic parti
lucem afferre uidebitur. Itaque dicamus ex Boëthio, q
sedes argumenti, partim maxima propositio intelligi
debet, partim maxima propositionis differētia, in qua
etiam, uclui membra quedam locus ipse diuiditur.

ut sit ipsius diuisio huiusmodi, Locorum aliis est locus
maxima, aliis locus differētia maxime. Porrò maxima
propositio quæ dicitur, aliquoties quidem intra ambis
cum argumenti continetur, hoc est, ipsi argumentationi
inseritur: aliquoties uero extra posita, uim tamen argu-
menti supplet ac perficit. Age igitur exemplum subi-
ciamus eius argumenti, intra cuius ambitum maxima
propositio continetur, sitq; questio, An sit regnum me-
lius consulatu? fiatq; argumentatio hoc pacto, Quod
diuturnius bonum est, melius eo est quod minus diu-
turnum est, regnum autē diuturnius est q; consulatus,
regnum igitur melius est quam consulatus. Huic nimis
rum argumentationi maxima propositio inserta est,
quæ quidem est, quod diuturnius bonum est, melius eo
est, quod minus diuturnum est. Quæ præterea ita noti
est, ut extrinsecus probatione non egeat, quinimo ipsa
alijs probatio esse potest. Et quia inde nascitur argu-
mentum, recte locus, id est, sedes argumenti uocatur.
Bursus subiiciatur exemplum, in quo extra posita ma-
xima propositio, nihil minus uim affert argumento. Sit
ergo alicui propositionem ostendere, q; inuidus sapiens no-
est, à quo proinde huiusmodi necatur syllogismus,
Qui inuidus est, alienis affligitur bonis, atqui sapiens
bonis alienis non affligitur, sapiens igitur inuidus non
est. Hic quidem maxima propositio inclusa non est, sed
extra posita, uim tamen argumentationi ipsa submin-
istrat. Est enim huic argumentationi fides ex ea proposi-
tione, quæ dicit, Cuiuscq; definitio nō cōcepit, nec ipsum
definitum.

definitū. Insuper & argumentū, quo fides rei dubiae facta est, à definitione deductum est. Sciendum autem quod argumenti nomine, tum hic, tum alibi, nunc quidē maxima propositio, imo & tota ipsius argumentationis probatio intelligitur: nunc ipsa argumentatio, que maxima propositione confirmari solet, id quod his quoque verbis Quintilianus aperte indicat libro quinto, ubi de argumentis disputat. Hoc enim nomine (inquit) cōplea cōsumur omnia, que Græci enthymemata, epichiremata, & apodiceis vocant. Interim uero & terminus, qui medius constituitur, quoties alijs duobus adiunctis, argumentatio contextur, ac per hoc uim tenet probationis. Argumentum appellatur.

Quid sit locus maxima, & quid locus

differentia maxime.

Ex his igitur que dicta sunt, manifestum evadit, quod locus quidem maxima est uniuersalis & principalis & indemonstrabilis, atque ita per se nota propositio. Cuiusmodi est maxima illa supraposita, Cuicunque definitio non conuenit, nec ipsum definitum, & id genus aliæ. Ideo autem uniuersales & maxime propositiones dicuntur: quoniam ipse sunt, que certas continent propositiones: quippe per quas conseq̄uens, & rata conclusio fit. Locus uero differentia maxime est, quo maxima à maxima differt, ut si dicam, à definitione, aut à definito, aut ab alio quouis huius generis communi termeno. Siquidem per hunc iam maxima propositio, in qua ipse ponitur, ab ea differt maxima,

xima, in qua idem terminus, uel non ponitur omnino, uel si ponitur, non tamen qui argumentum præstet ad fidē rei dubie faciendam. Quare ab illa iam aliquoties repetita maxima, hec differt maxima, Cuicunque non conuenit definitū, nec ipsa definitio: propterea quod tam et si idem terminus in utraq; ponitur, ab eodem tamen in utraque non sumitur argumentum. Vnde illarū duarum maximarum, altera à definitione, altera à definito, ut nomen, ita differentiam accipit. Atque id ipsum quidem est, quod Boëthius his prope uerbis innuere uisus est, Differentiae (inquit) maximarum propositiorum idcirco dictæ sunt, quòd cum plurime sint propositiones, quæ maximæ vocantur, per has illæ ueluti differre inter se dinoscuntur, ut cū ex quibus terminis maximæ propositiones constituantur, per ipsas nomine expresso indicantur. Itaq; non in eo quòd maximæ sunt, inter se differunt, sed in eo quòd hic à definitione, ille à definito, & hic rursus à genere, aut à toto locus distinctus sit. Præterea si maximæ propositiones loci argumentorum sunt, & differentias maximarum locos esse necesse est. At de his quidem hactenus. Nunc propositum prosequanur, hoc est, rem ipsam, quam quærimus, aggrediamur.

CQuo pacto loci differentiarum maximarum diuidantur.

REstat igitur, ut posthabita locorum maximarum divisione, eos deinde subdividamus locos, qui maximarum differentiae dicti sunt, idq; ob eam in primis

primis commoditatem, quod hi illis pauciores sint.
Quippe qui eos contineant ut uniuersaliores. Vnde &
per hos facilior transitus fiet, attestante id ipsum Ari-
stotele in topicis libro secundo. Accedit, quod ex horum
diuisione rem, quam querimus, citius assequi poteri-
mus. Sit autem diuisio huiusmodi, Locorum, qui maxi-
marum differentiae dicti sunt, alijs ab his ducuntur ter-
ribilis, hoc est, nomen accipiunt, qui in quaestione positi-
ti sunt: alijs extrinsecus sumuntur; alijs inter hos medijs
sunt. Sed illud nunc animaduertendum hic est, quod
cum dicitur ab his terminis, qui in quaestione positi
sunt, id cum primis intelligendum est ab altero illo-
rum. Nam cum duo sint in una qualibet proposita qua-
estione termini, subiectus unus, & praedictus alter, ab
horum altero locus differentia maxima nomen acci-
pit. Ut sit proposita quaestio, Est ne concha animal?
in hac duo sunt termini, animal & concha. Dubitatur
autem utrum animal de concha praedicetur. Tertius
proinde restat inueniendus, qui illos duos connectat,
atque id quod propositum est, ita esse confirmet, unde
& medium appellatur, & ratio, & argumentum.
Hic iam tertius ille terminus ab altero illorum nomen
accipiet, utpote quod ad eum sit aut ut definitio, aut ut
definitum, aut ut genus, aut ut totum, aut ut causa, aut
quomodo cunque aliter. Ut sit exempli causa, tertius
iste terminus, animalis definitio, que est, substantia an-
imata sensibilis. Tunc sic argumentor, Concha est sub-
stantia animata sensibilis, igitur cocha est animal, quod
nimiruna

nimirum iam antea dubitari poterat: cuius dubitationis scrupulus hinc pendere uidetur, quod conchæ nec uideant, nec ullum alium sensum habeant, quam cibi & periculi, hoc est, gustus & tactus, autoribus Aristotle & Plinio. Ergo qui tertius accedit terminus, à definitione alterius è duobus, ueluti è loco aliquo eductus, hunc scrupulum sustulit, factusq; est illius argumentationis probatio & argumentum, cuius deinde maxima superueniens propositio (quæ quidem est, De quocunque prædicatur definitio, & definitum) omnem tollit dubitationem, ambiguitatemque: si forte interim dubitabatur adhuc quænam sit ipsius definitionis ad definitum habitudo.

De tribus locis qui à substantia dicuntur.

TErminorum porrò, qui in questione ponuntur, alij substaniam rei indicant, alij ipsam consequuntur substaniam. Substantiam rei indicant, sive à substancia termini dicti sunt, quicunque in definitione uel sola consistunt. Definitio quippe est, quæ substanciali rei monstrat indicatq;. Sed id iam exemplo patefaciamus. Age igitur, queratur an arbor sit animal, fiatq; huiusmodi argumentatio. Animal est substancialis animata sensibilis, arbor autē substancialis animata sensibilis non est, nō est igitur arbor animal. Locus quidē differētia maxima, à definitione. Locus uero maxima, Cuiusque definitio non conuenit, nec definitum. Præterea quæ et quoties A descripsiōne argumentum ducitur, LO

cus à substantia dici potest. Nam ut definitio substantiam rei monstrat per genus & differentias, ita descrip^tio eiusdem intelligentiam claudit quibusdam accidentibus, unam proprietatem que^r rei conueniat, efficientibus, uel substantialibus differentijs præter conueniens genus aggregatis. Quod quidem tum maxime continet, cum prima genera describuntur. Huius tale sit exemplum, Albedo nullis subiacet accidentibus, ergo albedo substantia non est. Etenim substantia est, que omnibus subiacet accidentibus. Locus quidem differentia maxime, à descriptione. Locus uero maxima, cuius cunque non conuenit descriptio, nec descriptum. Præter hos duos à substantia locos, tertius est, qui A nomine interpretatione dicitur, quem M. Cicero Notationē, Aristoteles Symbolum uocat, illis haud multum absimilis. Siquidem interpretatio nominis, eius rei que nomine ipso significatur, quedam quasi designatio est. Ab hac argumentum ducitur, si queratur, Vtrum philosophie studendum sit. Ad quod probandum talis instituitur syllogismus, Philosophia amor sapientiae est, atque sapientiae esse studendum nemo dubitat, Philosophie igitur studendum est. Locus quidem differentia maxima, ab interpretatione. Locus uero maxima, cui nomine interpretatione conuenit, & ipsum nomen, cuius interpretatio facta est. Sane hoc loco recte uti possunt iij, qui linguarum imperiti non sunt. Siquidem interpretari nihil aliud est, quam linguam unam per alias exponere. Sit tamen & in eadem nonnunquam lin-

gua, ut locuples dicitur, qui locis abundat, hoc est, praedictis & possessionibus. Cauendum autem ne temere quicquam interpretemur, quemadmodum ijs solent, qui nullius propè lingua satagunt. Quo sit, ut idem dictum lapidem esse interpretentur, quod pedem lēdat: & petram, quod pedibus quasi trita sit: cum utrumque grācam originem habeat, id quod Laurentius Valla quoque attestatur. Insuper & alia pleraque ad eundem interpretantur modū, ridicule uidelicet magis q̄ scire. Neq; uero nominis interpretatio ob id dicenda non est, si ad uiuū (quod dicitur) non reddiderit id quod interpretandū proponitur, ut cēlū, quod (ut Varro interpretatur) quasi cēlatum dictū est. Nec item refert, si non rei cui attribuitur, omni ex parte conueniat, ut Philippus, quod nomen interpretatur, amator equorū. Quid si nō omnibus conueniat, qui hoc nomine vocentur? dummodo tamen illi conueniebat, cui primum impositū est, patris fortassis Alexandri Magni. Ex quo frustra mibi laborare uidentur hi, qui duplice nominis interpretationē inducunt. Vnam quidem, quae cū interpretato conuertatur: alteram uero, quae conuertibilis non sit. At nunc illud potius scire debemus, q̄ per dictos locos variē argumentari possumus, nunc subiçiendo, nunc prædicando eundem terminū, atq; ipsum etiā de aliquo nunc cōstruendo, nunc destruendo. Tū et conuerso ordine totidē modis, uerbi gratia, à definito, à descripto, ab interpretato nomine. Similq; & maximas ipsas toties varias re, id quod studiosus huius artis facile ex seipso intellegat.

liget, alioquin inutilis prorsus, qui huic studio addicatur. Sed iam ad reliquos huius divisionis locos transeundē esset, nisi illud succurreret prius admonendum, quod ut à definitione ad definitum, à descriptione ad descriptū, & à nominis interpretatione ad interpretatum, firma est & perpetua consequendi ratio, ita & à proprio, ad id cuius est proprium, & contra, ut si quid risibile est, idem homo est. Hinc & equus mansuescere posse probatur, cum animal sit disciplinæ capax, iuxta illud Horatij, Fingit equum tenera docilem cervice magister ire viam, quā monstrat eques. Locus quidem differētia maximæ à proprio. Locus uero maxima, si cuius proprium alicuius rei conuenit, et id cuius est propriū.

T De his locis, qui terminorum sub-

stantiam consequuntur.

H Is ita præmonitis, eos iam aggrediamur locos, qui terminorum substantiam consequuntur. Ha-
rum sane multifaria diuīsio est. Siquidem plura sunt,
que singularibus substantijs adhærescunt. Ex his igitur
alijs à toto dicuntur, alijs à partibus, alijs à causis, alijs ab
effectibus; sive ut Cicero ait, ab effectis, nonnulli à ge-
neratione, & à corruptione, & alijs itē ab usibus, qui
dam etiā à cōmuniter accidentibus. Sed ex his omnibus
primus exponendus uenit, qui à toto dictus est, quod ut
commodius fiat, quot modis ipsum totū dicatur, subiecta
re oportet. Dicitur autem totum duobus modis, Aut en-
im ut genus, quod & totum uniuersale dicitur, aut ut
id, quod ex partibus integratur. A toto igitur, quod

er genus est, argumentum ducitur, ut si queratur, ^{alio} iustitia sit bona, fiatq; syllogismus hoc modo, Omnis uirtus est bona, iustitia autem uirtus est, iustitia igitur bona est. Locus quidem differentia maxime, à toto, hoc est, à genere. Locus uero maxima, Quæ generi ad-
sunt, & speciei. Rursus sit quæstio, an humanae res pro-
uidentia regantur. Dicimus ergo sic, Mundus prouiden-
tia regitur, humanae autem res mundi partes sunt,
humanae igitur res prouidentia reguntur. Locus quidem
differentia maxime, à toto, id est, ab integro, quod par-
tibus constat. Locus uero maxima, Quod toti cōuenit,
& partibus. Porro ut à toto, tum hoc, tum illo argumen-
ta ducuntur, ita & cōtra ab utriusq; partibus duci pos-
sunt. Itaque à partibus totius, quod genus est, argu-
mentum ducitur, ut si queratur, An uirtus sit mentis be-
ne composite habitus, & fiat syllogismus hoc pacto,
Iustitia, fortitudo, temperantia, atque prudentia, habitus
sunt mentis bene composite, & hæc quatuor uni uir-
tuti uelut generi subiiciuntur, uirtus igitur mentis bene
composite habitus est. Locus quidem differentia ma-
xime, à partibus totius sive generis. Locus uero maxi-
ma, Quod singulis inest partibus, id toti inesse necesse
est. A partibus autem, quæ integri partes esse dicuntur,
argumentum ducitur, ut si hæc quæstio, Est ne rhetori-
ca utilis? Dicimus hoc modo, Inuentio utilis est, & di-
spositio, & elocutio, & memoria item, & pronuncia-
tio, & hec quinque rhetoricae partes sunt, ut ex quibus
ipsa integratur, rhetorica igitur utilis est. Tum uero
C.

¶ per destructionē argumentatio procedit, ut si quae-
rat quispiam, num hic, quem seruum esse constituerit, li-
ber sit? Hunc si quis non esse liberum monstrare uelit,
hic dicet, Si neque censu, neque iūndicta, neque testa-
mento, liber factus est, liber non est. At nulla earū par-
te liber factus est, non est igitur liber. Locus quidem
differentia maximæ, à partibus, sive (ut Ciceroni pla-
cat) à partium enumeratione. Locus uero maxima, Si
omnes partes à re qualibet abiuncte fuerint, & totum
necessario abiungetur.

¶ De alijs quibusdam modis totius.

SVNT præterea ab his duobus modis aliij modi totius.
Namque & totum dicitur in quantitate, & totum
in modo, & totum in tempore, & totum in loco. Quo-
rum tamen duos posteriores sub toto in quantitate cō-
prehendere plane licet. Horum uero partes sunt, que
sub ipsis particulariter sumuntur. Totum ergo in quan-
titate est, cum uniuersaliter quicquam dicitur, ut est o-
mne animal: cuius partes sunt, homo, leo, bos, & aliud
quodvis animal. Totum in modo dicitur, cum simplici-
ter aliquid proponitur, ut homo, aut ambulat. Pars ue-
ro in modo est, quoties idem cum adiectione aliqua
proponitur, ut homo literatus, aut ambulat pedetentim.
Totum in tempore est, ut cum dicimus semper, cuius
partes sunt, nunc, hodie, aliquando. Totum in loco, ut cū
dicimus, ubique, cuius partes sunt, hic, alicubi, Romæ.
At horum omnium nunc exempla subiçiantur. Igitur à
toto ad partem secundum quantitatem exemplum sit, Si

in omnibus est uerus uates Apollo, & in hoc uerus es-
se perhibetur, quod dixit, Aio te Aeacida Romanos uin-
cere posse. A toto autem ad partem secundum tempus,
ut si deus semper est, & nunc est. Rursus à toto ad
partem secundum locum, ut si ubique deus est, & hic
est. Cæterum in his haudquaquam id consequens est, si
à parte ad totum argumentum ducitur, nisi per nega-
tionem sive destructionem, ut nō est hic, ergo nec ubiq-
ue est. At uero à parte secundum modum utique rea-
cte argumentatio procedit, licet non contraria, ut si quo-
quo modo mouetur deus, & simpliciter mouetur: ira-
scitur autem deus, ergo mouetur: & si quis pedeten-
tim ambulat, & simpliciter ambulat. Talibus ferè exen-
tis, tum hic, tum alibi per hunc tractatum, si cui id ma-
gis libeat, uti omnino potest, ut à toto uniuersali sive
à genere ad species sive partes: per destructionem qui-
dem, ut si non est animal, quod eminus uidetur, ergo
nec homo est, nec equus: per constructionem uero, ut
homo est, aut equus, ergo animal. Sic & à toto, quod
partibus integratur, ad ipsas partes, per construc-
tionem quidem, ut domus est, ergo tectum est, & paries-
tes, & fundamentum. Per destructionem uero, ut si
non est paries, aut tectum, aut fundamentum, neque do-
mus est.

¶ De locis qui à causis dicuntur.

ACausis loci dicuntur, uel ab efficiene, uel à ma-
teriali, uel à formalí, uel à finali. Tot enim mo-
dis causa dicitur. Et efficiens quidem causa est, qui
principium

Principium motus præstat ut aliquid fiat. Materia, quæ formas rerum subiecta suscipit. Forma autem, quæ cuiuslibet rei species est & ratio. Finis uero, cuius gratia aliquid fit. Effectus porro, qui ad has sequitur. Ab efficienti igitur causa argumentum ducitur, ut si quis iustitiam naturalem esse ostendere uoluerit, & dicat hoc modo, Congregatio hominum naturalis est: homo quippe naturaliter ciuile animal est. Iustitiam uero hominum fecit congregatio: Iustitia igitur naturalis est. Locus quidem differentia maxima à causa efficiente. Locus uero maxima, Quorum efficiens causa naturalis est, ipsa quoq; naturalia sunt. A materiali uero, ut si quis Mauros non habere arma contendat, idcirco quod ferum eis desit. Vel hoc modo, Ferrum non est, igitur gladius non est. Locus quidem differentia maxime à causa materiali. Locus uero maxima, Si non est causa materialis, neq; ipsa, quæ ex ea conficiuntur, esse possunt. A formalis autem, ut si quis probet Dædalum non potuisse uolare: quoniam nullas naturali forma pennas habuisset. Locus. q. d. max. à causa formalis. Locus ue. max. Tantum unumquodq; potest, quantum forma eius naturalis permittit. A fine, siue à causa finali argumentum dicitur, ut sit propositum, an iustitia bona sit, fiatq; hoc modo argumentum, Si beatum esse bonum est, & iustitia bona est. Hic est enim iustitiae finis, ut si quis secundū iustitiam uiuat, ad beatitudinem perducatur. Locus. q. d. m. à fine, siue à causa finali. Locus uero maxima, Cuius finis bonus est, ipsum quoque bonum est.

C De locis, qui ab effectibus dicuntur, & item
à generatione & corruptione.

A B effectibus quoque harum argumenta ducun-
tur. Verum ad hoc ipsum scire oportet, dupli-
cem esse cuiuslibet effectus causam necessariam, ut si-
ne qua effectus esse non potest, & sufficientem, que
certe huiusmodi est, ut si ad sit, impossibile sit effectum
non esse. Itaque ab effectu ad causam necessariam, ita
argumentari possumus per constructionem, Gladius
est, ergo ferrum est : & domus est, ergo intritū est,
& lapides, aut ligna. Locus q.d. max. ab effectu ad
causam necessariam. Lo.ue.ma. Posito effectu, ponitur
& eius necessaria causa. Rursus ab effectu ad causam
sufficientem per destructionem potius quam per con-
structionem, quando construendo argumentationem,
non semper euenit, quod inferre uolumus. Vnde non
recte sequitur, Hic interijt, ergo iugulatus est. Siquidem
id euenire posset alio quousvis casu, aut letali morbo cor-
repto alicui. Destruendo tamen ratum est quod infer-
tur, ut non interijt, ergo iugulatus non est. Item, lumen
solis non est, ergo eius lux non est. Præterea scire de-
bemus, quod ex ipsis causis latior patet argumentandi
campus, autore Hegio. Itaque ab efficiente quidem cau-
sa arguere possumus statuam commendabilem esse,
quia Phidias eam fecerit, aut Polycletus, aut Praxite-
les. Hinc illud Ouidij, Materiam superabat opus. A ma-
teria uero, res pretiosas aut uiles esse : quippe q.tela
serica preciosior sit lanea, & lanea item linea. Et iuxta

Horatij

Horatij sententiam, Vilius argentum est auro. Hinc etiam scientia de anima honorabilior ab Aristotele dicta est, cetera quavis de natura parte. A forma autem res extare, et item dignas, et minus dignas esse, ut hominem, quod rationale animal sit, dignorem quolibet animali. A fine res bonas sive utiles, ut exempli causa, liberales artes, quod bonos et utiles habeant fines. Ceterum qui ab effectibus dictus est locus, hunc Boëthius eundem esse dicit, cum loco à generationibus. Sed nos eos sciunximus, quod generatio uidelicet non sit, quae ad causas ipsas sequatur, cuiusmodi tamen effectus definitur: sed quae potius via quædam sit ad effectus producendos: quemadmodum corruptio ad eorum desitionem. Atqui horum speculatio alium postulat locum. A generatione igitur argumentum ducitur hoc modo, Assuetatio ad uitutem bona est, igitur virtus bona est. Lo. q. d. m. à generatione. Lo. ue. ma. Cuius generatio bona est, ipsum quoque bonum est. A corruptione uero, ut desuetatio à uitio bona est, igitur uitium malum est. Lo. qu. diff. max. à corruptione. Locus ue. max. Cuius corruptio bona est, ipsum quod corrumperetur, sive quod corruptum est, malum est. Sane sciendum, quod quoties ab hoc loco argumentamur, prædicatum consequentis contrarium seu oppositum esse debet prædicato antecedentis. Quod tamen non ita euenit in loco à generatione, ob eam fortassis causam, quod per hanc aliquid acquiratur, per illam autem deperdatur acquisitum. Etenim ut generatio, rei productio est; ita corruptio,

○ iij ruptio.

ruptio, eiusdem abolitio.

¶ De locis, qui ab usibus & communiter
accidentibus dicuntur.

Vsum definiunt rei cuiusque operationem, at minus proprie. Quandoquidem multarum rerum usus aliquis esse probatur, quarum tamen nulla est operatio, ut librorum quidem est aliquis, nulla autem operatio: & agri item, & gladij. Itaque rectius definitur, cuiusque rei functio. In quibusdam tamen coincidunt usus & operatio, ut uisus oculi, usus eius est, & functio & operatio pariter. Sed & illud hic cauendum moneo, ne abusum pro usu usurperimus, ut hi faciunt, qui ita argumentantur, Interficere hominem malum est, igitur gladius malus est; quando certe in hoc non usus gladij est, sed abusus. Quippe ad propulsandam potius iniuriam, non ad inferendam gladius factus est. Vnde illud dicit Pauli ad Roma, cap. xiiij. Non frustra gladiū gestat is, qui in republica potestate fungitur. Dei enim minister est iudex ad iram ei, qui malum agit. Ab usibus igitur siue ab usu argumentum dicitur, si ita argumentetur quispam, Equitare bonum est, igitur equus bonus est. Lo. q. d. max. ab usibus, siue ab usu. Locus uero maxima. Cuius usus bonus est, ipsum quoq; bonum est.

¶ Communiter accidentia, ut hoc loco accipiuntur, sunt quae sese comitantur, idq; uel semper, uel plurimum. Ab his igitur argumenta ducuntur, quoties ea sumuntur accidentia, que relinquere subiectum uel non possunt, uel non solent, ut si quis hoc modo dicat, Sa-
pientem

pientem non pœnitit: pœnitentia enim malū factū se=quitur. Quod quia in sapientem non cadit, ne pœnitentia quidem. Lo. q. d. m. à communiter accidentibus. Locus uero maxima, cui non īest aliquid, ei nec illud quod illius est consequens, īesse potest. Rursus ex hoc modo secundū affirmationem, Pluit, ergo uapores in subli me leuati sunt. Vnde nec illud iam pretereundum est, quod aliquoties qua naturaliter priora sunt, in proposi tione tamen sunt consequentia, ut Peperit, igitur cum uiro concubuit. Quocirca non recte ita proponitur, Inimicitiae sunt, igitur bellum est. Sed ē contrario po tius, bellum est, igitur inimicitiae sunt. Nam ut ludum plerunque comitatur certamō et ira: ita ex ira ini micitiæ sepe oriuntur, et ex his funebre bellum, id quod ab Horatio elegantissime adnotatum est tertia ad Meccenatem epistola. Ludus enim genuit trepidū cer tamen et iram: Ira truces inimicitias, et funebre bel lum. Aliquoties uero, qua naturaliter antecedunt, ea et in propositione priora sunt, ut arrogans est, ergo odiosus est. Ex arrogantia enim quisque fit odiosus. Tale est et illud, quod Anselmus inter mediū ordinis theologos (nisi iudicio fallor) collocandus, in libro de casu diaboli annotauit bis uerbis, Aliud est, inquit, rem aliquam causam esse alterius rei: aliud positionem rei causam esse, ut aliud sequatur. Nam cum incendiū non sit causa ignis, sed ignis ē diuerso incendiū: positio tamen incendiū causa est, ut ignem esse sequatur.

T De locis, qui extrinsecus sumuntur, qui et quot sunt.

Expositis locis, qui ab ipsis terminis in questio-
ne positis sumuntur, restant dehinc exponendi,
qui licet extrinsecus sumpti, argumenta tamen questio-
nibus suppeditant. Hi uero sunt, a rei iudicio siue ab
autoritate, a similibus, a paribus, a proportione, a maiori-
re, a minore, ab oppositis, a repugnantibus, a transmu-
tatione, et a transmutata proportione.

C De loco ab autoritate, siue a
rei iudicio.

Locus qui rei iudicium tenet, siue ab autoritate
dicitur, huiusmodi est, ut si dicamus id esse, quod
uel omnes iudicant, uel plures, et hi uel sapientes, uel
in unaquaque artium penitus eruditii. Huius exemplum
est, praeter firmamentum esse planetarum orbes septem:
quoniam id ita astrologi doctissimi, et in astrologia
sapientes, penitusque eruditii iudicarint. Locus quidem dif-
ferentia maxima, ab autoritate, siue a rei iudicio. Lo-
cus uero maxima, Quod omnibus uel pluribus, uel sa-
pientibus hominibus uidetur, ei contradicere non opor-
tet. Huic et illa astipulatur maxima, Vnicuique in sua
arte perito credendum est. Sane hic locus et si per alias
quoque complures disciplinas usum suum prestat, in
duabus tamen id praeципue spectatur obscuraturque, Vna
quidem, que ueluti ceterarum artium fundamentum quoda-
dam est, ac per hoc omnium infima, quippe literas dom-
cens, unde et nomen habet, a Grecis γραμματικη
dicto.

dicta. Altera uero, que quoniam circa diuinos uersatur sermones, Theologiae nomen ab illis accepit. Hinc etiam disciplinarum omnium suprema existit, & tanquam aliarum regina haberi debet. Verum ut illius autoritas in pri-
mis apud Poetas est atque historicos, ceterosque idoneos
atque probatos scriptores: ita huius autoritas ex novo
& ueteri testamento petenda est. Porro cum duplex
sit autoritas, humana atque diuina, scire debemus, quod
humana plerunque vacillat, diuina semper firma manet.
Humanae igitur contrauenire interdu licet, diuine nun-
quam: illa sepe rationibus fulcitur, haec rationibus nul-
lis indiget, sibi sufficiensima. Ergo cum in humanis
disciplinis aliquis instituendus est, is (ut Aurelij Augu-
stini & uerbis & sententia utar) duplii via dicitur,
autoritate, & ratione. Et tempore quidem autoritas, na-
tura uero ratio prior est. Itaque quamvis imperitis ad-
huc autoritas uideatur esse accommodator (oportet
enim, ut Aristoteles ait, addiscensem credere) ratio ta-
men apertior est eruditis. Autoritas igitur imperitis
ad hoc, ianuam quodammodo aperit doctrinarum, &
discensem dicit. Ratio autem eundem iam eruditum
premissis uestigijs herere facit, & omnia intromissa luce
commonstrat.

C De locis à similibus, & à paribus.

Similia sunt, quibus eadem qualitas inesse perspici-
tur. Vnde & similitudo definitur, rerum differen-
tiuum eadem qualitas. Atqui simile, ut hic accipi uidetur,
sunt qui ita definiuntur. Simile est quod eandem cum al-
tero

tero sue ueritatis probabilitatem habet. A similibus ergo siue à simili, hoc pacto argumentum dicitur, ut si dubitetur, an homini proprium sit bipedem esse, id ita probamus. Similiter inest equo quadrupedem esse, ut homini bipedem: at non est equo quadrupedē esse, proprium, igitur nec homini, esse bipedem. Locus quidem differentia maxima à similibus. Locus uero maxima. De similibus idem est iudicium. Sane hoc loco usus est diuus Paulus, Si C H R I S T V S (inquit) mortuus resurrexit, & nos mortui resurgentem. Vnde errare coniunctur, qui hunc locum uno pede claudicare dicunt: quod (ut aiunt) fallat plerunque adducta similitudo. Verum id quoties accidit, non iam à similitudine, sed potius à dissimilitudine erroris sui causam habet. Quapropter Quintilianus huic præcipue loco iudicium adhibendum monet, Solent enim (inquit) nos faltere plerunque similitudinum species, ideoq; adhibendum est his iudicium. Huic loco haud dissimilis est locus, qui à paribus dicitur. Sunt autem paria, quæ eiusdem sunt quantitatis, & paritas ipsa quantitatis ueluti similitudo quedam est. Ab hoc argumentum fit, si ita proponatur, Si cui in animo est Demosthenē laudare, cur non & Tullium laudabit, cum alter alteri par sit? Nempe quantus in eadem persuadēti arte unus, tantus & alter. Locus quidem differentia maxima, à paribus. Locus uero maxima, Parium idem est iudicium.

¶ De loco à proportione.

Confinis porrò duobus illis quodammodo est, qui à proportione locus dicitur. Nam ut similitudine res rei comparatur secundum qualitatem, & paritate secundum quantitatem: ita proportione habitudo comparatur habitudini. Est enim proportio quedam habitudinis comparatio. A proportione igitur argumentum ducitur, ut si queratur, an forte eligendi sint in ciascuitatibus magistratus, dicimus minime, quia nec regendis naibus sorte præficitur gubernator. Locus quidem differencia maxima, à proportione. Locus uero maxima, Quod in unaquaque re euenit, id in eius proportionali euenire probabile est. Hoc loco Aristoteles usus est in Ethicis libro primo, cum ait, Ut oculus in capite, ita mens in anima. Sanè hic locus accommodari in primis iudicibus potest, necnon & negotiatoribus. Si quidem ut operatio ad operationem, ita merces ad mercedem: & ut meritum ad meritum, ita præmium ad præmium: & rursus, ut delictum ad delictum, ita poena ad poenam. Hæc enim omnia proportionabilia sunt.

¶ De locis à maiore, &

à minore.

Maius quod hic dicitur, & item minus, hoc patto definiri possunt. Maius est, quod sue ueritatis maiorem habet probabilitatem: è diuerso minus, quod minorem. A maiore autem argumentum ducitur, si ita dicas. Non potest rex arcem aut urbem expugnare, ergo nec miles. Item, si non licuit Herodi habere

uxorem uiri alieni, igitur neque fratribus. Locus quidem differentia maxime, à maiore. Locus uero maxima, Si id quod magis uidetur inesse, nō inest, nec id quod minus uidetur inesse, inerit. A minore uero conuerso modo, ut Si quilibet uel gregarius miles potest expugnare aut arcem aut urbem, & imperator. Item, Si Scipioni priuato licuit Caium Gracchum mediocriter rei publice statum labefactantem interficere, quanto magis consulibus licuit persequi, ac demum ultimo afficere suppicio Catilinam, terras, cæde, atque incendio uastinē? Item, Si feræ diligunt partus suos, quanam in liberos nostros uti diligentia debemus? Locus quidem differentia maxime, à minore, Locus uero maxima, Si id quod minus uidetur inesse, inest, & id quod magis uidetur inesse, inerit. Hos locos Cicero & Quintilia. uocant à comparatione maiorum & minorum. A comparatione quidem maiorum, ut si quis sacrilegium aut peculatum committit, & furtum committet. A comparatione uero minorum (qui tamen oratoribus magis, quam philosophis usui est) ut qui facile ac palam melliuitur, idem & peierabit.

t. 11. ¶ De loco à transumptione.

Caeterum qui à transumptione locus dicitur, non sis est, quem uulgas dialecticorum esse putat, atq; definit, quoties nomen magis notum transsumitur pro nomine minus noto, in qua tamen opinione & Boëthii esse deprehendo, virum aliqui de arte dialectica optime meritus. Sed ut cum bona eius uenia dixerim, quandoque

doque bonus dormitat Homerus, imo ut idem poëta ait,
 Sæpe opere in longo fas est obrepere somnum. Itaque
 acutius atque subtilius hoc animaduertentes Alexander
 Hegius, nostra fere etate apud Dauentriā, nobile pro-
 fecto ex præclarum Germanie oppidum, haud incelebris
 gymnasiarcha, uir alioqui inter priscos philosophos cō-
 numerandus, ex post hunc Iacobus Faber Stapulensis,
 obseruandissimus quondam præceptor meus, cum Para-
 rhisijs philosophie studijs operam nauarem, & ante
 hos Buridanus, homo certe ingenio felicior, quam in-
 stitutione, longe aliter hunc locum exponunt, atq; exem-
 plis insuper declarant. Vnde ex ab his transumptio de-
 finitur esse, quoties nomen metaphoricos, hoc est, trans-
 latitie sumptum, per proprium explicatur. Ab hoc autem
 argumentum dicitur. Verbi causa, si dicamus, Diale-
 тика utilis est ad omnem methodum, igitur ad omnem
 Scientiam utilis est. Locus quidem differentia maxime,
 à nominis transumptione. Locus uero maxima, Quic-
 quid alicui conuenit sub nomine metaphoricos sumpto,
 eidem conueniet ex sub nomine proprio sumpto. Sanc-
 hoc loco non philosophi modo utuntur interdum, cetera
 riq; scriptores, sed ex sacra litera eo plene sunt, ac
 scatent propemodum, ut si leo rugiens fugiēdus est, &
 diabolus fugiendus est. Itē, si Christus leo est, et rex est.

C De locis ab oppositis, & à
 repugnantibus.

A B oppositis uero toties argumenta ducuntur,
 quoties inter se aliqua opponi dicuntur. Oppo-
 nuntur

muntur autem modis quatuor. Aut enim cōtrariē, ut al-
bum, nigrum; aut priuatiū, ut iustum, iniustum; aut re-
latiū, ut dominus, seruus; aut contradictrīe, ut uidere,
non uidere. At de his quidem in tractatu de Prædica-
mentis satis (ut arbitror) dictum est. Itaque à contra-
rijs argumentum ducitur hoc modo, Si bona est sani-
tas, ægritudo mala est. Vel, si est aliquod animal sa-
num, idem egrum non est. A priuatiū uero, ut si in-
iustitia fugienda est, sequenda est iustitia. Vel, si quid
uidens est, idem profecto non est cæcum. A relativiū au-
tem, ut quisquis pater est, filium habeat necesse est. Vel,
si quis pater est alicuius, eius filius non est. Porro à
contradictrījs, ut si quis est uidens, idem iam non est
non uidens. Locus quidem differentia maxima, ab op-
positis. Locus uero maxima, In contrarijs, priuatiū, re-
latiū, & contradictorijs, opposita sibi conuenire non
possunt. In relativiū insuper alterū sine altero esse non
potest. Præter hec autem sunt & repugnantia, que à
nonnullis disparata dicuntur. Repugnantia quidē, quod
licet nulla oppositione inter se aduersa sint, à se tamen
ad eō diuersa sunt, ut alterum de altero nequaq; prædi-
cari posset: disparata uero, quod ueluti dispare res si-
gnificant. Ab his igitur argumentum ducitur, ut si ita
dicamus, homo est, igitur lapis non est. Item, si quid ho-
mo est, id neq; bos est, neq; equus, neq; aliorum quic-
quam, quod ab homine diuersum est. Lo. q.d.m. à re-
pugnabitibus, siue à disparatis. Locus uero maxima,
Quæ sibi repugnant, haec neutiquā conuenire possunt.

¶ De

C De loco à transmutata
proportione.

A Dicitur à quibusdam preter predictos locos, qui extrinsecus sumuntur, locus à transmutata proportione dictus. Is autem huiusmodi est, ut si ita dicamus, Sicut octo ad quatuor, ita sex ad tria: quippe quod utrobique dupla sit proportio. Ergo sicut octo ad sex, ita quatuor ad tria, que numerorum ad se inuicem habitudo, proportionem utrobique constituit sesquiteriam. Octo enim sex superant binario, que tertia pars est senarij. Itidem et quatuor tria, unitate, que et ipsa pars est tertia ad tria sive ad ternarium. Hinc et transmutata proportio dicitur, quod ab una in aliam quasi transitus fiat. Ceterum talis argumentationem hac maxima corroborant. Si ut primum ad secundum, tertium se habet ad quartum: et ut primum ad tertium, secundum se habet ad quartum.

C De locis medijs:

M Edij debine loci sequuntur, quibus expositis, finem protinus huic tractatui imponemus. Sed cur ita dicantur, dicendum prius. Medij quidem loci dicuntur, quoniam in his argumenta neque extrinsecus omnino petuntur, neque ab ipsa terminorum substantia, sed ab ipsorum terminorum (ut exempli causa) uel causis, uel coniugatis, leui quadam mutatione deflectuntur. Similiter et qui à divisione locus dictus est, medius inter utrosq; collocatur: quoniam ex eo nunc ab ipsis in questione positis terminis, nunc extrinsecus argumenta sumuntur.

sumuntur. Sunt igitur loci medijs tres, A casibus, à coniugatis, à diuisione. Et casus quidem est, cum principale aliquod nomen in aduerbiū deflectitur, ut à iustitia iuste. Coniugata uero dicuntur, quae ab eodem diuersitate mode deducta fluxerunt, ut à iustitia iuste, & iustus, iusta, iustum. Sed hęc omnia à Cicerone Coniugata dicuntur, quod quasi ab uno iugo deducantur: quae & idem ita definit, Coniugata dicuntur, quae sunt ex uerbis generis eiusdem. Eiusdem generis uerba sunt, quae ortae ab uno uarie commutantur, ut sapiens, sapienter, sapientia. A casibus igitur argumentū dicitur, ut si quaeratur de quopiam, sit ne prudens? & arguatur esse talis hoc modo, Prudenter agit, ergo prudens est. A coniugatis uero, si hoc pacto, Iustitia bona est, ergo qui iustus est, bonus est. Locus quidem differentia maxima à coniugatis. Locus uero maxima, Si unum coniugatorum cuiquam conuenit, & reliquum.

De Loco à diuisione.

RESTAT locus à diuisione, qui (ut Boëthio placet) hoc modo tractatur, Omnis enim (inquit) diuisio uel negatione fit, uel partitione. Negatione quidem, ut si quis ita pronuntiet, Omne animal aut habet pedes, aut non habet. Partitione uero, ut si quis ita dicat, Omne animal aut sanum est, aut aegrum: & quoties uox diuiditur in sua significata. Fiunt igitur argumenta à diuisione, tum per negationem, tum per partitionem. Verum qui diuisionibus utuntur, hi aut directa rationacione contendunt, aut ad aliquod impossibile inconueniensq;

conueniensque ducunt, atque ita id quod reliquerantur rursus assumunt. Sit igitur in questione propositum, an ulla origo temporis fuerit, quod qui negare uoleat, ex directa ratiocinatione id demonstrabit hoc modo, Tempus aut originem habet, aut non habet. Sed quia mundus eternus est (id enim paulisper discipline gratia concedatur) tempus quoque eternum: quippe quod mundus sine tempore esse non potuerit. Quod uero eternum est, origine omnino caret: tempus igitur originem non habet. At si per impossibile idem ostendideretur, dicetur hoc pacto, Tempus aut originem habet, aut non habet: sed si tempus habet originem, non fuit semper. Tempus autem habet originem, fuit igitur, quando non fuit tempus. Atqui fuisse, temporis est significatio. Fuit igitur tempus, quando non fuit tempus, quod fieri prorsus impossibile est, non est igitur ullum principium temporis. Quo fit, ut ad alteram divisionis partem tandem redeatur, & dicatur tempus origine carere. Locus quidem differentiatione maxima, à divisione. Locus uero maxima, Condividentium uno sublati, alterum manet, & posito altero, tollitur reliquum. At uero qui per partitionem divisionibus utuntur, hi id duobus modis tentant. Nam quae dividuntur, aut simul esse possunt, aut non possunt: simul esse possunt, cum uocem in significationes dividimus. Non possunt uero, quae negationis modo dividuntur, ut aut falsus est, aut aeger. Itaque si queratur, an canis substantia sit, sum quissimam per divisionem id ita monstrauerit,

rit, Latrabile animal substantia est, belua marina substantia est, fidus item caeleste substantia est. Hec autem tria canis nomen significat, est igitur canis substantia. Per modum uero negationis à divisione argumentum ducitur hoc modo, Aut sanus est, aut æger, sed sanus non est, igitur æger. Vel sic, æger non est, igitur sanus. Vel ita, sanus est, igitur æger non est. Vel hoc modo, æger est, igitur sanus non est.

Tquemadmodum dialectica probatio à demonstratione differat.

Expeditis locorum differentijs, illud postremo ueluti coronidem adiicere operæ pretium est, quo uidelicet pacto dialectica probatio à demonstratione differat. Differt autem primo, quod demonstratio oannis ex proprijs, concinnatur: dialectica uero probatio ex communibz. Deinde, quod demonstratio ex solis necessarijs combeat: dialectica uero probatio interdum ex necessarijs, interdum ex probabilibus. Tertio, quod demonstratio duabus tantum uillur speciebus argumentationis, nempe syllogismo, & inductione: dialectica uero probatio omnibus fere, utpote nunc syllogismo, nunc eniby menate, nunc exemplo. Quo fit, ut non sit proprium dialectice opinionem aggnitare cum formidine de opposito, ut nonnulli falso persuadent: sed dialecticā potius fidem, quæ cum ex necessarijs sit, colligiturque, non minus certa est, quam quæ per demonstrationem paritur. Hoc tamen à sciencia differēs, quod sciencia ex proprijs aggignitur; illa uero ex cōmuniibz,

manibus, & nulli scientie peculiariter addictis. Ceterum opinionem facere infirmiori ipsius dialectice parti competit: qua proinde oratores frequentius, philosophi rarius utuntur. Quod quidem & diuinus Seuerinus Boëthius ita esse comprobat, atque his contestatur uerbis, Sed ea quidem argumenta (inquit) que ex definitione uel genere, uel difference, uel causis, uel ex divisione ducuntur, demonstratiuis maxime syllogismis uires atque ordinem subministrant. Reliqua heretica dialecticis ex ueris similibus.

P ij

IN TRA-

CTATVM DECIMVM

Præfatio.



B S O L V T I S hactenus
à nobis nouem ex decē, quos
instituimus, tractatibus artis
dialecticæ, in quibus eas par-
tes ipsius artis pertractau-
mus, quanum compendio li-
cet, per quas recte diligen-
terq; differendi ratio comparatur, qui certe & finis
totius artis esse existimatur (quippe per quem uerum à
falso discernitur) instituto huic nostro iam satisfecisse
uideri possumus. Ceterum quoniā falso sub ueri spe-
cie plerunque obrepit, quo & incauti facile illudun-
tur (fallit enim uitium specie virtutis, ut non tam ele-
ganter quam uere à Iuuenale satyrico poëta dictum
est, & ab Horatio in eundem sensum, Decipimur spe-
cie recti) idcirco ab Aristotele prouido nūmīrum ar-
tis magistro id etiam curatum est, ut post artis pre-
cepta talia quoque relinquaret præcepta, quibus et=
si nihil quod ad artem faciat, disceremus, his tamen
instructi facile uitare possemus sophistarum argu-
tias captionesque, quorum hec est præcipua intentio,
ut fallant, non doceant: magis apparent scientes, non
sint re uera. Vnde & hic illud, neque incommode, nea-
que

que importune ex Aurelio Augustino adiecerō, quod uir ille de eadem re in tertio de doctrina Christiana scriptum reliquit. Cuius hæc sunt uerba, Sunt multæ falsæ conclusiones rationum (quæ sophismata appellantur) & ueras plerunque ita imitantes, ut non solum tardos, sed ingeniosos minus diligenter attentos decipiāt. Quare & nos iam ob eandem certe causam, Aristotelem hac quoque in parte sequentes, decimum illis nouem adiūcere in animo constitutimus tractatum. In quo proinde de sophisticis elenchis (sic enim ab illo appellati sunt) siue de locis sophisticis agamus, ut studiosi adolescentes, si quibus hæc nostra lucubratio quo modo profuerit unquam, post artem uel mediocriter perceptiā, ex hoc iam etiam percipere possint, quænam sint propria huius artis, que non sint: tamen si ne his nec ars ipsa satis sibi constare potest, ut nec grammatica, que recte loquendi scientia definitur, nisi in hac quoque de Barbarismo atque Solōcismo foedissimis eius artis uitij cura desumeretur non parua: id quod et in morum disciplina iam pro comperto omnibus esse potest. Atque adeò hæc cura de artium quoq; uitij prodendis necessaria est: quod uitia latius serpere soleant suapte natura, & (ut supra dictū est) non nunquam uirtutum species sibi induant, quo citius cunueniant incertos. Hinc rectissime ab eodem Horatio dictum est, In uitium ducit culpe fuga, si caret arte. Sed iam de Elencho quid sit primum dicamus, & unde huius tractatus inscriptio.

TQua ratione de Sophisticis elenchis
inscriptio huius tractatus.

Sed antequam reliqua huius tractatus exequamur,
dicere haud grauabor, cur de sophisticis elenchis
inscriptus sit, tum qui ab Aristotele nobis relictus est li-
ber eiusdem negotij, tum qui nobis iam instituitur tra-
ctatus ad illius imitationem: quamvis de locis sophisticis
inscriptio à nonnullis facta sit. Existimat Iacobus Sta-
pulensis id ab Aristotele factum esse, partim quod hic
precipuus sit sophistarum finis inter quinque, quos illi
coniecant, ac sibi proponunt, de quibus mox plura: par-
tim quod huiusmodi syllogismus, elenches inquam so-
phisticus, instrumentum sit maxime idoneum ad con-
vincendum, hoc est, ad coarguendum coaltercantem.
Vnde et apud Græcos ἔλεγχος nomen quod dicitur,
apud Latinos preter alia argumentum siue probationē
significat, & uerbum ἔλεγχω, quod arguo significa-
cat. Sed cum elenches dicitur hoc loco, sophisticus id
circo additur, ut per sophisticum elenchem eum intel-
ligamus syllogismum, si tamen syllogismus dici ullo
modo posset, non per quem probatio & fides reti du-
biæ fiat: cuiusmodi certe dialecticus syllogismus est,
sed deceptio.

CDe syllogismo sophisticō quid sit, & quo
pacto à dialepticō differat.

EX his iam que dicta sunt, haud obscurū esse po-
test, eundem syllogismum esse, qui nunc sophisti-
cus, nunc litigiosus, siue contentiosus dicitur. Eius porro
duplex

duplex ab Aristotele definitio traditur. Vna quidē, qua syllogismus esse intelligitur, sed ex his colligens, quae uidentur probabilitas, imperitis uidelicet, cum tamen non sint. Altera uero, qua apparet quidem esse syllogismus, attamen non est: tametsi ex probabilibus nonnunquam colligitur. Vnde etiam liquido nūc apparet, ab huiusmodi syllogismo dialecticum syllogismum dupli ratione differre. Primum, quod hic syllogismus planè sit: deinde q. ex probabilibus colligat. Ceterū probabilitas ab Aristotele esse definiuntur, quae uidentur omnibus, aut plurimis, aut sapientibus, & his quidem uel omnibus, uel plurimis, uel maxime familiaribus & probatis: ut unūquaque amare eum, à quo beneficia acceperit.

De quinquptasophistarum finibus, quas

& metas vocant.

Cum ergo sophista omnem neruum, omnemque co natum eo intēdat, ut coalterantem circumueniat illaqueeique, uidentum est, quot & que sint, que ipse connectet, ac sibi proponat, ut fines initi certaminis, quos ubi etiam affectus fuerit, se iam uictorem aduersus corrixeantem nimis superbe, insolenterque proclamat atque uocatur. Sunt uero hæc numero quinque, Redargutio, Falsum, Inopinabile, Solocismus, & Niggatio. Est autem Redargutio, cum ui disputationis cogitur quissipam aut negare quod antea concesserat, aut quod prius negauerat rursus concedere. Falsum uero, quod nullam habet ueritatis causam, ac ne apparentem quidem. Inopinabile uero, quod præter

R ^{iiiij} opinionem

opinionem omnium, et maximè sapientum proponitur, ut matrem odisse filium suū. Tamen si id de Medea fini-
gunt poëtæ. Solcēcismus est, quoties secundum locutio-
nem cogitur respondens barbarizare. Et à Donato de-
finitur uitium in contextu paruum orationis, contra re-
gulam artis grāmatice factum. Videtur tamen hoc lo-
co et pro barbarismo communiter accipi, qui ab eo-
dem Donato definitur, una orationis pars uitiosa in cō-
muni sermone. A Diomede uero, contra Romanū ser-
monis legem, aut scripta, aut pronuntiata uitiosa dia-
ctio. Nugatio porrò est, cum respondens cogitur idem
sæpius dicere. Vnde et à nonnullis definitur, eius-
dem uerbi inutilis repetitio.

¶ De locis sophisticis, et eo-
rum diuisione.

NVNC ad ipsos locos ueniamus, locos dico sophis-
ticos: hoc enim nomine à Georgio Valla Pla-
centino mihi non absurde appellari uidentur: quippe
quod ex his perinde fallacie et sophisticæ argumenta-
ta ducuntur, atque ex locis dialecticis argumenta et
probationes dialectice. Ab Aristotele tamen modi dicuntur,
nonnunquam etiam loci. Horum autem prima di-
uisio haec est, quod alij in dictione positi sunt, alij extra
dictiōnem. In dictione rursus, alijs ab æquiuocatiōne,
alijs ab amphibologia, alijs à cōpositione, alijs à diu-
sione, alijs ab accentu, alijs à figura dictiōnis. Extra
dictiōnem item, alijs ab accidente, alijs ab eo quod est
secundum quid ad id quod simpliciter dicitur, alijs ab
ignorantia

ignoratiā elenchi, aliis à petitione principij, aliis à consequenti, aliis ab eo quod est non causam pro causa posse, aliis ab eo quod est plures interrogationes unam facere. Patet igitur huiusmodi siue locos siue modos in summa esse numero tredecim, ex quibus quidem in dictione sex enumerati sunt, extra dictiōnēm uero sepiē. Præterea sciendum, quod argumentationes, que istiusmodi struuntur fallacijs, nunc Sophismata, nunc Paralogismi à Græcis dicuntur, nominibus profecto accomodatissimis: quippe que à uerbis deducuntur, σοφία ζεός κοινή πρᾶξα λογικῆς εἰπ., que uerba apud Latinos interpretantur imponere siue decipere. Hinc et' impoſtūræ, et' deceptiōnes. Adeò enim his cauillationibus atque argutijs decipitur imperitus quispiam, ut credat id esse quod non est, et' non esse quod est. Vnde etiam Aristoteles fallacias ipsas et' sophistica argumenta, quod intra colorem tantum sint ueritatis, orichalco recte comparat, auri uidelicet respectu. Nam ut orichala cum imperitis hominibus aurum esse uidetur, ita hec ab imperitis uera argumenta esse creditur, cum tamen à peritus statim falsa esse deprehendantur.

¶ Qua ratione ex his locis alij in dictione,

alij extra dictiōnēm existere dicantur.

Nee illud omittendum putauerim, quanq̄ fortassis haud ita magni momenti, cur ex dictis iam locis alij in dictione, alij extra dictiōnēm existere dicantur. Sanè in dictione dici ob id uideri possunt, quod que ex his locis fallacie struuntur, apparentia sua causam

Sam habent ex proprietate sive affectione aliqua, que uoci (hoc est, dictione) in primis conuenit. Cuiusmodi sunt, quae iam dictae sunt, & equiuocatio, amphibologia, & posilio, diuisio, accentus, & uocis figuratio. Extra dictiōnem uero, q̄ ex his sumpta argumenta & composite fallacie credulitatis sue causam sumunt: uel ex rebus ipsis, que significantur: uel ex animi intentione, que sola rerum rationes, & earum pariter ad se inuenient consequentias expendit atque discernit. Vnde & inter ipsas quoque fallacias non nihil discriminis habetur: quippe quod per fallacias, que ex dictione proueniunt, decipitur quispiam potissimum, quoties cum alio quolibet disputat. Per fallacias uero, que preter dictiōnem accident, quoties secū disputat, aut quippiam considerat, pensiculatq; attentius.

C De loco ex equiuocatione.

A Equiuocatio dicitur, cum dictio sive uox simplex plura significat. Ceterum aquiuoca uox duobus dicitur modis. Aut enim simpliciter talis est, aut analogicōs. Simpliciter quidem, ut canis, quod nomen eque quadrupedem latrabilem, pīscem marinum, & fidus celeste significat. Analogicōs autem, ut animalis nomen, quod tam uiuum, quam pictum animal significat, sed non ex equo. Itaque & paralogismos, quorum ex hoc loco argumenta ducuntur, tot modis uariari contingit. Primo, cum id quod in argumentatione sumitur, simpliciter equiuocum est, ut omne expediens bonū est, malum autem expediens est, malum igitur bonū est. Ex pediciens

pediens hoc loco æquiuocum est. Nam & necessarium,
& ad aliquid utile, & opportunum, expediēs dicitur,
& quod per se bonum est. In minore igitur proposi-
tione pro utili siue necessario assumptum est: Pecu-
niae namque & mercatum abiectiones, & id genus alia,
cum per se mala sint, se penumero tamen utilia sunt
& necessaria. In maiore autē expediens sumptum est,
ut per se bonū significans: ac per hoc ex æquiuoco pa-
ralogismus nomine inuenit. Tali cauillo olim usus (ut est
apud Herodotum) Apollo diuinus uates, si credimus,
cum Crœsum Lydorū regem oraculo consulto induce-
ret, ut Cyro Persarum regi bellum indiceret, ita dixit:
Perdet Crœsus Halyn transgressus plurima regna.
Perdo enim significat & destruo, & amitto. Scien-
dum tamen, q̄ hic uersus apud Herodotum Graece inte-
ger non legitur, sed apud Suidam aliunde haud dubie
repetitus, κροῖσος οὐλυπὸς σιβήλης μεγάλην δεσμόν
καταλύσθ. Quē Cicero secundo de diuinationū libro
ita uertit ac Latinū reddidit, Crœsus Halyn penetrans
magnā peruertet opū uim. Secundo cū id sumitur, quod
analogicōs æquiuocū dicitur, ut omne animal est motus
sensuumq; per se particeps, quod autē pictum est, ani-
mal est, igitur quod pictum est, sensibus & motu par-
ticipat. Item, omnes gēmæ sunt pretiosi lapilli, at in pal-
mitib; gemmæ reperiuntur, testante id Vergilio, Tur-
gent in palmite gēmæ: igitur in palmitibus pretiosi re-
periuntur lapilli. Sunt porrò qui præter duos æquiuoc-
tianis modos addat insuper et tres alios, nēpe ex cōpo-
sitione,

sitione, & ex consignificatione, & ex transumptione. Ex compositione quidem, quoties uox sive dictio simplex & incomposita, unum aliquid significat duntaxat, composita autem plura, ut immortale, quod nomen compounū significat & id, quod potest non mori, & quod non potest mori: cum tamen simplex mortale id significet, quod potest mori. Ex consignificatione autem, ut cum sic contexitur sophisma, Quicunque sanabatur, sanus est: agrotans autem sanabatur, agrotans igitur sanus est. Participium agrotans, cum alias unum aliquid significet, ex consignificatione tamen ad diuersa tempora trahitur, nempe ad praesens & preteritum imperfectum. Ex transumptione uero, ut si quis pratum habere dicat, quia rideat, hoc est, letum sit & fertile & pingue. Hinc Vergilius in Bucolicis dixit, Omnia nunc rident, de arboribus & fructibus inibi loquens.

De loco ex amphibologia.

Amphibologia autem (quemadmodum ex nomine ipso intelligi datur) dicitur, cum oratio intra se ambiguam claudit sententiam, qualis illa Apollinis (Aio te Aeacida Romanos uincere posse) ad Pyrrhum Epirotarum regem, cum oraculum consuluissest ipse super euentu belli, quod contra Romanos animo destinauerat. Quem uersum ex Ennio depromptum esse idem Cicero testatur eodem de diuinatione libro. Sanctius, te, ut etiā Romanos, nunc à tergo, nunc à fronte eius uerbi uincere, construi potest. Atque ita incerta

tum relinquitur ab Aeacide, hoc est, à Pyrrho Romanos uinci posse, an contra, Aeacidem à Romanis. Ex hoc igitur loco captio struitur, cum tale sophisma conficitur, Quicquid uidet quipiam, hoc ipsum uidet: at uidet aliquis columnam, columna igitur uidet. Item, Quoscunque uellem me apprehendere, uellem ut me apprehenderent: hostes autem uellem me apprehendere, igitur uellem ut hostes me apprehenderent. Similiter autem et hoc modo, Quisquis arat littus, littus proscindit aratro: ast operam perdens, littus perhibetur arare, ergo operam perdens, littus proscindit aratro. Differt autem amphibologia ab æquiuocatione, quod Aequiuocatio quidē ex nomine ipso res diuersas significante in captionem adducit. Amphibologia autem ex oratione fallaciam inuenit. Quo sane nomine hunc locum appellare libuit, quanquam apud Aristotelem Graece legitur ἀμφιβολία.

De loco ex compositione & diuisione.

Compositionem hoc loco pro oratione composita, & diuisionem pro oratione diuisa accipere debemus. Et composita quidem oratio est, quae sensum habet compositum. Diuisa autem, quæ diuisum. Porro cōpositus sensus est, cum in ipsa oratione partes secundum situm magis debitum intelliguntur. Diuisus uero, cum econtra. Rursus autem debitus partium in ipsa oratione situs is est, quem idiomatis peritus magis tam adiudicarit. Quod tamen ut facilius deprehendatur, tres ad hoc regule à Iudoco Clichtoueo tradite sunt, tribus

tribus uocabulis à Iacobo Fabro Stapulensi prius an-

notatae, quas proinde hic subscribendas haud ab re exis-

timauerim. Vocabula autem sunt, Modus, Determina-

tio, Determinabile. Itaque ex his prima regula est, Si

modus fuerit aut subiectum, aut prædicatum proposi-

tionis, situs partium orationis magis debitus est, ut pos-

sibile est sedentem ambulare, aut sedētem ambulare est

possibile. Secunda, Si determinatio posita inter duo de-

terminabilia utriq; ex æquo propinqua, præcedens de-

terminauerit, sius magis debitus est, ut Quicquid ui-

uit semper, est. Adiectum est autem ex æquo propin-

qua: quoniam si non ex æquo utrique propinqua fuer-

it, tunc si propinquius determinauerit, sensus magis

debitus intelligitur, ut Quicunque scit literas, nunc di-

dicit illas. Tertia regula est, Si determinabile possum

inter duas determinationes utrique ex æquo propin-

quum cum præcedenti iungatur, sensus compositus est,

& situs partium orationis magis debitus, ut uidi ima-

ginem auream, uestem habentem. His ita prælibatis, ad

sophismata ueniamus, quorum ex hoc loco deceptio-

struitur. Interea tamen & illud præmonendum, quo-

ties contextitur syllogismus iuxta expositos locos, si in

eo sumpta oratio in sensu quidem diuisio uera fuerit,

in composito autem falsa, deceptio ex loco à composi-

tione prodijisse dicetur: sin uero contra, captio per lo-

cum ex diuisione facta esse intelligetur.

¶ De

De sophismatis quæ per locos à compositione & diuisione fiunt.

Igitur iuxta tria superius annotata uocabula, sophismata conficiuntur tribus quoque modis, Primo, cum modus uariatur, ut Quemcunque possibile est ambulare, fieri potest ut ambulet: atqui sedentem posse est ambulare, ergo fieri potest ut sedens ambulet. Secundo, cum determinatio uariatur, ut Quicunque scit literas nunc, didicit illas, atqui grammatica peritus scit literas, igitur grammaticæ peritus nunc didicit eas. Item, quod unum solum potest ferre, plura potest ferre: quod autem unum solum potest ferre, non potest plura ferre: igitur quod potest plura ferre, non potest plura ferre. Tertio, cù determinabile uariatur, ut Quicunque bonus est, bonus est, atqui malus, artifex bonus est, malus igitur artifex, bonus est. Et hanc quidem secundum compositionem facti paralogismi peccant. Qui uero sequuntur, secundum diuisionem totidem modis peccant, iuxta trium uocabulorum supra positionum annotationem. Primo, ut quiescentem ambulare est impossibile, igitur quiescentem impossibile est ambulare. Secundo, ut quocunque uidisti hunc percussum, hic percussus est: atqui oculo uidisti hunc percussum, oculo igitur hic percussus est. Tertio, sed esto sit quispiam artiu imperitus, moribus autem proibus, tunc tale connecto sophisma, Quicunque malus est, malus est: at malus artifex, est bonus, igitur malus, artifex bonus est. Per diuisionem præterea fiunt paralogismi, quoties

quoties coniunctio tum copulativa, tum disiunctiva, nūc terminos, nunc ipsas copulat disiungitue propositiones. ut quecumque sunt duo & tria, sunt paria atque imparia: at quinque sunt duo & tria, quinque igitur sunt paria & imparia.

De loco per accentum.

Accentus, quem & veteres Latini, autore Quintiliano, tenorem appellauere, et à Græcis προσωνία, & item τὸν ὄντα dicitur, à Prisciano definitur lex sive regula ad eleuandam deprimendāmque syllabam uniuscuiusque particula orationis. Ab eodem insuper in acutum, grauem, & qui ex utrisque fit, circunflexū diuiditur. Porro acutus (ut Diomedes tradit) apud Latinos in correptis semper, interdum in productis syllabis uersatur. Circunflexus in his que producuntur. Grauis autem per se nusquam consistere in uerbo illo potest, sed in his, in quibus circunflexus est, aut acutus, cæteras syllabas obtinet. Apud Græcos autem cum acutus in dictione tria loca obtineat, ultimum, penultimum, & antepenultimum: circunflexus quotlibet syllabarum sit dictio, non nisi penultimum tenebit locum. Igitur ut nulla uox sine uocali est, ita nulla sine accentu. Ac proinde recte quidam putauerunt accentum ueluti animam uocis esse. Sed de accentu quidem hactenus plus satis, quando apud Latinos pronuntiatio uocum iuxta accentuum regulas in totum propemodum abolita est, cuius tamen loco quantitas syllabarum perinde obseruat. Fiant autem per locū ab accentu sophismata tria bus

bus modis. Primo, quando pro syllabæ quantitate variata, variatur & significatio dictionis, ut quicquid malum est, fugiendum est, pomum autem malum est, igitur pomum fugiendum est. Secundo, quando variatur ipsius syllabæ aut aspiratio, aut orthographia, ut ad aræ fiant sacra, atqui hara porcorum stabulū est (unde illud Ouidij, Immundæ cura fidelis hare: & illud item Ciceronis, Ex hara productæ, nō schola) Igitur ad pororum stabula fiant sacra. Tertio, quando dictio aliqua interim diuiditur, interim tota manet, ut Quicquid inuite fit, coacte fit: uinum autem fit in uite, ergo uinum fit coacte. Ceterum de loco siue modo per accentum, Aristoteles dicit non facile esse dialekticis orationes facere in his, que sunt sine scriptura. In scripturis autem & poëmatibus magis, quod in his scilicet accentuum per certas notas, & syllabarum ob metri legem, accentior habeatur obseruatio.

¶ De loco à figura dictionis.

A Figura dictionis hic locus nominatur, quod per eum quicunque fiant paralogismi, causam aparentiæ non aliunde habeant, quam à uocis siue dictionis cum alia qualibet siue uoce, siue dictione configuratione, hoc est (ut planius dicam) à consimili dictionis cum alia qualibet dictione desinentia siue terminacione. Nec video tamen cur à quibusdam tam longe repetatur hoc loco figura definitio, qua à geometris definitur magnitudo, quæ termino uel terminis clauditur, acum secundum hanc definitionem, figura nihil com-

mune cum dictione habeat, unde similitudo aliqua intel-
ligi possit. Ex hoc igitur loco captiones struuntur: quo-
ties argumentationem factam constare ac recte se ha-
bere quis autem, similitudine uocis hallucinatus, cu-
iusmodi hæc est, Discere est circa disciplinam exerce-
ri, at exerceri circa disciplinam est docere, discere ergo
docere est. Capio est per figuram dictionis. Figuratum
siquidem est passuum in actionem, & actionum in pa-
ssuum. Nam exerceri circa disciplinam, & actionis &
passionis expressivum est. Quandoquidem exerceri esse
potest tam impersonalis q[uod] passui uerbi modus infini-
tivus, ita ut ab impersonali actio, à passu passio signi-
ficietur. Fium preicrea secundum hunc locum paralo-
gismū, cùm ab uno prædicamento transitus fit ad al-
terum, ut quicquid heri uidisti, hodie uides: atqui al-
bum heri uidisti, album igitur hodie uides. Hic transi-
tus est à substantia ad qualitatem. Similis huic argu-
mentatio est hoc modo, Quicquid heri emisti, hodie co-
mediisti, crudum heri emisti, ergo crudum hodie come-
disti. Atque id quidem est, quod Aristoteles his uer-
bis significare uidetur. Que autem per figuram di-
ctionis (inquit) fium sophismata, accidunt quando uel
non idem ut idem interpretantur, ut masculinum, fo-
mininum: uel foemininū, masculinū: uel quod inter hec
est, nempe neutrū, alterū horū. Vel rursus quale, quam
ū: uel quantū, quale: uel faciens, patiens: & alia, quæ
admodum hec prius diuisa sunt. Siquidem aliquid est
quod non est eorum quæ sunt facere aut pati, elsi uos
cis

cis figura videatur, ut ualere, quod qualitatem potius dicit, nempe sanitatem (est enim ualere sanum esse) quam actionem aut passionem.

¶ De loco ab accidente.

Sequuntur loci, qui extra dictionem dicti sunt. Ex his primus est, qui ab accidente dicitur. Is autem est (quem id modum & Aristoteles tradit) per quem captiones sunt, quoties similiter quodcunque existimabitur rei & accidenti inesse. Nam quia multa eidem accidentia non est necesse omnibus praedicatis, & ei de quo predicantur, omnia illa similiter inesse. Quandoquidem hoc pacto omnia illa eadem erunt, quemadmodum sophistæ dicunt, ut si Socrates est alter à Platone, Plato autem homo est, Socrates igitur ab homine alter est. Tale est & illud apud Aulum Gelium sophisma, quod proponitur hoc pacto, Quod ego sum, tu non es: ego autem sum homo, tu igitur homo non es. Item & hoc modo, Homo animal est, animal autem genus, homo igitur genus est. Ac rursus, Polycarpus est homo, at uero homo dissyllabum est, Polycarpus igitur dissyllabum est. Sanè hec & alia id genus sophismata per accidens fieri dicuntur. Per accidens inquam, hoc est, per extraneum sive diauersum quodammodo aliquid, ut in quibus complexio orationis, eas que circa naturam sunt diuersitates, ad naturam ipsam transtulit. Aliud quippe est, secundum naturam esse, & aliud secundum personales accidentialesque proprietates, ut herbi causa, Animal cum

de homine prædicatur, essentialiter de homine dicitur: cum uero de animali genus prædicatur, huiusmodi prædicatio essentialis non est, sed per accidens (ut nec cum de ea uoce quæ est homo, dissyllabum prædicatur) propterera quod aliud est animal, homo, aliud animal genus. Animal siquidem genus, simpliciter animal est, hoc est, tale animal, quod cunctas sub se species communi ratione colligit, eatenus uidelicet, quatenus uitam absolutam sentiendi uia præditam gerant. Homo autem animal una talium est specierum, que uitæ tali, nempe absolute rationalitate & dexteritatem affert. Homo igitur non est simpliciter animal, sed tale animal. Tale porro animal non est genus, sed species. Sed haec fortassis multo altius repetita sunt, q[uod] præsens institutio ferat.

Quo pacto à recentioribus hic locus tractetur.

Nec tamen ignoro hunc locum ab accidenti latius explicari à recentioribus hoc modo, ut sit accidens, ex id cui accedit, uidelicet res subiecta, & præter hoc attributum: quæ & ita distinguunt nomina in syllogismo dicitur, res subiecta minor extremitas, attributum maior extremitas. Hinc paralogismos per hunc locum fieri dicunt, quoties uel medium, uel maior extremitas, uel minor extremitas in syllogismo non recte sumitur. Medium quidem, ut si ita arguatur, Cuiuslibet contradictionis altera pars est uera (& accipio hic nunc uerbum cuiuslibet more istorum, contra uim propriam

propriam pro signo distributio, ut ipsi dicunt, qualia sunt omnis & nullus) atqui haec propositio, homo est lapis, est contradictionis altera pars, igitur haec propositio, homo est lapis, uera est. Capio est in uerbo contradictionis. Assumendum nanque erat. Atqui hec propositio, homo est lapis, est contradic^{tio}, eo quod hic terminus in maiore solum uniuersaliter sumebatur. Maior uero extremitas, ut si ita proponas, Omne animal substantia non est, omnis autem homo est animal, igitur nullus homo substantia est. Hic capio est in uerbo substantie, quod in maiori (ut oportebat) uniuersaliter sumptum non est, propterea quod negatio ei preposita non sit. Verum id ita sophista pro arbitrio statuerunt, contra autorum & eorum qui recte loqui didicerunt, consuetudinem. Minor porro extremitas non recte sumitur, si ita contexas syllogismum, Nullum dextrum est sinistrum, cuiuslibet autem hominis oculus est dexter, ergo neuter oculus hominis est sinist^r. Hic oculus minor extremitas particulariter sumitur in minore contra prescriptam secundi modi prime figure legem. Quare ita assumendum erat, Cuiuslibet autem hominis uterque oculus est dexter.

C De loco ab eo quod est secundum quid,

ad id quod simpliciter est.

DEfinitur hic locus ab Aristotele per id, quod hoc quidem simpliciter dicitur, illud autem quoquo modo, & non praecepit. Quoquo modo, inquit, hoc est, uel secundum locum, uel secundum tempus, uel ad ali-

Q uij quid.

quid uel secundum aliquid, uidelicet cum quod secundū partem dicitur, simpliciter accipitur. Itaque & para logismū secundum hunc locum quatuor sunt modis. Primo in his, quæ secundū locum dicuntur, ut apud Thras ces quedam gentes olim, ut Solinus auctor est, recens natos cum fletu excipere, & defunctos gaudio prosee qui pium esse ducebant, igitur pium est puerperia de flere, & funera gaudio prosequi. Secundo in his quæ sunt secundum tempus, ut bonum est uii noctu tenui cum agrotamus, igitur simpliciter uii bonum est. Tertio, expedit merces in mare proiecere cum timetur naufragium, igitur expedit proiecere merces. Tertio in his, quæ sunt ad aliquid, ut diuitiae male utentibus non sunt bona, igitur diuitiae bone non sunt, cum tamen ipse (ut diuus Ambrosius ait) virtutum sint instru menta. Quarto autem in his, quæ sunt secundum ali quid, ut Aethiops dentibus albus est, igitur albus est. Preterea cum ex diuisis coniunctum infertur, hoc pacto, Coriscus bonus est, & idem citharœdus, Coriscus igitur bonus est citharœdus. Esto autem uita bonus sit, non arte. Huiusmodi paralogismus per hunc locum statutus esse intelligitur.

C De loco ab ignorantia clenchi.

Per ignorantiam clenchi, siue quod idem est per insciā redargutionis, sunt paralogismi, quo ties omittitur aliquid eorum, quæ ad orationem (ut Aristoteles ait) hoc est, ad ipsius clenchi definitionem re quiruntur. Definitur autem ab eodem hoc pacto, Elen chus

chus est contradictionis unius & eiusdem non nominis, sed
 rei, & nominis non synonymi, sed eiusdem, ex his que
 data sunt, non connumerato eo quod est in principio,
 ad idem, secundum idem, similiter, & per idem tempus.
 Quia quidem definitione certum est nusquam ab Aristotele longiore, factam esse, idque (ut recor) propter sophistarum importunitates. Quapropter & singulas
 eius particulias latius explicare, atque distinguere necessarium fortassis fuerit. Quandoquidem in ea quedam syllogismi tantum causa ponuntur, quedam ob contradictionem solum, quedam etiam ad utrumque spectant. Syllogismi causa ponuntur, partim ex his que
 data sunt ex necessitate, partim, non connumerato eo
 quod est in principio. Ob contradictionem vero, ut quae
 postremo loco enumerata sunt. Cuiusmodi sunt ad idem, secundum idem, similiter, & per idem tempus. Præter
 hec autem ad utrumque reliqua pertinent. Porro paralogismi, qui per hunc locum fieri confuerunt, hoc præcipue peccant, quod ex quatuor postremis aliquid omit-
 titur. Vnde & quatuor quoque modi assignantur. Primus, cum omittitur particula ad idem, ut decem sunt dupla ad quinq[ue], & non sunt dupla ad sex: ergo decem dupla sunt, & dupla non sunt. Similiter si quis Socrate inter duos locatum, idcirco pronunciaret ipsum dextrum esse & non dextrum. Secundus modus est, quando omittitur particula secundum idem, ut hoc est dupli secundum longitudinem, & non est dupli secundi latitudinem, dupli igitur est, & non dupli: aut si quis oculum nigrum esse

Q iiii dicata

dicat, & non nigrum: propterea quia id quod circa orem ipsius oculi est, qui medius pupillam tenet, album sit, ipse uero orbis niger spectetur. Tertius, quando omittitur particula similiter, ut cognosco Socratem, & eundem non cognosco uenientem, igitur cognosco Socratem, & eundem non cognosco. Quartus uero, quando omittitur particula per idem tempus, ut si quis Socratem proponat sedentem, & non sedente, ad diuersa tempora respiciendo.

C De loco à petitione principij.

IN principio petere, est id, quod ad demonstracionem propositum est, ponere & accipere ut confessum. In principio igitur petitur aliquid, cum eius adhuc desideratur demonstratio, quod tamen ut confessum acceptitur. Vnde & ab Aristotle definitur secundo priorum analyticorum uolumine hoc modo, Petere (inquit) id quod est in principio, est ostendere quicquam per id, quod per se ipsum manifestum non est, quod profecto est propositum non ostendere. Accidit autem modis quatuor. Primo, quando asyllogista & incollectilis ratiocinatio fuerit. Secundo, quando id quod sumitur, ignotus eo est, quod colligere uolumus. Tertio, quando quod sumimus, & que ignotum est, atq; id quod confidere uolumus. Quarto, cum posterius sumitur ad demonstrandum id, quod prius est. Ceterum preter hos sunt & alii quatuor modi, quos octauo libro Topicorum idem auctor recenset. Primus, cum quod particulariter demonstrandum est, universaliter quis postulauerit, ut si quis uolens

uolens probare contrariorum eādem esse disciplinam, postulauerit idcirco omnium oppositorum eandem esse disciplinam. Secundus, cum quod uniuersaliter est ad ostendendum propositum, particulariter ab aliquo petitur: ueluti si de omnibus contrarijs propositum est, de aliquibus solum quispiam postulet, Tertius uero, cum quis diuidens propositū petit: ut si cum oportet quempiam coniunctim ostendere medicinam sani & ægri esse, is tum utrumque postulet seorsum, atque diuisim, uerbi causa, Est ne medicina sani? & rursus, Est ne medicina ægri? atque idē dehinc ita argumentetur, Medicina sani est, & medicina item ægri est, igitur medicina sani est, & item ægri. Quartus demum, cum quis eorum que ex necessitate se inuicem sequuntur, alterū petit, ut si cui propositum est ostendere, quod diameter est incommensurabilis lateri quadrati, is assumat, quod diametro latus incommensurabile est.

De loco à consequenti.

AConsequenti locus dicitur, quemadmodum & Aristoteles tradit, quoties propter consequens redargutio fit, ut si quis petat consequentiam conuerti, que tamen cōuertitur minime. Exempli gratia, si quis, quia hoc ex necessitate est, & illud est, idcirco putaverit, quia illud sit, & alterum quoq; ex necessitate esse. Vnde & deceptions, que propter opinionem ex sensu sunt, hoc modo plerunque fiunt. Hinc se penumero id, quod fel est, mel esse sufficantur, eo quod flavus color ut fel, ita & mel quoque consequitur. Quapropter

pter si quis ita argumentetur, hoc mel est, igitur flauum, recte quidem sequitur; at contrà non recte, si hoc modo, Hoc flauum est, igitur mel est. Huius autem loci, alij duos, alij tres statuunt modos. Ex his primus est, quoties quis, ut ab antecedente ad consequens recte sese habet consequentiae ratio, ita è contrario à consequente ad ipsum antecedens firmam similius alij; consonantem consequentiae vim esse existimauerit, ut si animal est, homo est, igitur si homo non est, animal non est. Secundus, quoties facta consequentia, ab abolitione antecedentis credit aliquis & consequens peræque aboleri posse, ut si homo est, animal est, igitur si homo non est, animal non est. Tertius uero modus est, quoties ex communiter accidentibus per id, quod consequens esse solet, volumus ostendere id quod præcedit, ut qui insanus est, in solitudinem fugit. Democritus autem in solitudinem fugit, igitur Democritus insanus est. Dicitur autem per consequens, quoniam consequitur insanum esse, in solitudine fugere, ueruntamen non conuertitur. Non enim si quis fugit in solitudinem, consequens continuò est, ut insaniat. Inuenias siquidem, quare humanas despiciens, stabilitatem & quietem querat, & ob hoc ad loca à tumultibus libera secedat: quemadmodum Democritus fecisse memorie proditum est: proinde falso creditum est ab Atheniensibus, eum insanum esse. Quemadmodum falso quoq; creditum est olim ab infidelibus nostris religionis monachos despississe, q. relictis omnibus quaæ possederant, in deserta loca secessisse

rint: unde & Anachoritæ dicti sunt & Eremitæ: ut de Paulo primo eremita & Hilarione Hieronymus, de diuo Antonio Alhanasius, & de alijs compluribus Secularis Sulpitius in eo libro, quem de uita domini Martini inscripsit, memorie prodiderunt.

T De loco ab eo quod est, non causam
ut causam ponere.

Hic locus ab eo nomen habet, quod est non causa ut causam ponere, quod quidem sit dicente Aristotele, cum assuratur id quod non causa est, tanq; propter illud fiat redargutio. Accidit autem tale quid in his syllogismis, qui sunt ad impossibile, in quibus scilicet necessarium est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si queratur, Suntne anima et uita idem? quod si a respondente concedatur, ita deinde elenctus sophisticus fit. Omne quod est contrarium corruptioni, generatio est: atque mors corruptio quadam est uite conteraria, & anima et uita sunt idem, uita igitur est generatio, & uiuere generari. Hoc autem impossibile est, quippe qui uiuit, iam non generatur, sed genitus est. Hic si is, qui proposuerat, num anima et uita sunt idem, per interemptionem inferat ob consequētis scilicet fāsitate, igitur idē non sunt anima et uita: et respondens hoc quoq; concedat argumentationis uia impulsus, ne tunc quidē subterfugere poterit redargutio notā. Quippe qui que antea concessa sunt, eadē ipse postea negaverit, quod certe per imperitiam eius accidit, non aduententis

aduertentis eam propositionem, que interempta est, cum
sam non esse cur illatum sit consequens falsum, ac per
hoc ne interimendam quidem fuisse. Quandoquidē ipsa
posita, aut non posita, nihil minus id quod impossibile
est, eodem syllogismo collectum sequitur. Quin hæc
potius interimenda erat, Mors corruptio quadam est,
qua nimirum falsa propositio est. Siquidem neq; mors
corruptio, neque uita generatio est: sed ut generatio-
nem uita, ita corruptionem mors comitatur. Itaque in
syllogismo superiorius facto, qua propositio causa non
erat, ut causa sumpta est.

C De loco ab eo quod est, plures interro-
gationes ut unam facere.

R Estat ultimus ex his, qui extra dictionem dicti
sunt, locus, nomen hinc sortitus, quod per eum
plures interrogations factæ, una esse credantur. Quo-
ties igitur due pluresue interrogations fiunt, ad quas
responsio datur perinde atque una facta sit, captio per
hunc locū fieri dicitur. Quod profecto tunc euenire so-
let, cum latet respondentem plures esse, idq; uel per im-
peritiam, uel ob non diligenter ad respondendum cir-
cunpectionem. Porro interrogations plures dicuntur,
quum plura de uno, aut unum de pluribus, aut plura de
pluribus interrogantur. De quibus *et* Aristoteles hoc
modo, In harum autem aliquibus quidem (inquit) fa-
cile est uidere quod non una, sed plures quoque dan-
dæ sunt responsiones, ut utrum terra est mare, an cœ-
lum? In aliquibus uero non ita facile, ut putas ne hic et
hic

hic homo est? Quo fit, ut cum aliquis percusserit hunc,
& hunc, hominem, & non homines percussisse dicatur. Rursus, cum interrogamus, Sint ne hec bona an
non & demonstratis tam bonis quam malis, utrumuis re-
sponderit aliquis, redargutionem haudquaquam effu-
giet, ob falsi uidelicet concessionem. Quandoque autem
assumpitis, hoc est, admissis quibusdam, redargutio non
minus fiet, ut si quis concedat similiter & unum & plu-
ra dici, ut exempli causa, alba, uel nuda, uel cæca. Nam
si cæcum est, quod uisum non habet, natum tamen habe-
re: & cæca erunt, quæ uisum non habent, nata tamen
habere. Igitur cum hoc quidem uisum habet, illud au-
tem non habet: si tum interroget quispam, sive ne hec
uidentia, an non uidentia: utrumlibet respondens deder-
it, erunt proculdubio ambo uel uidentia, uel non uiden-
tia. Quod quidem utique falsum esse statim deprehen-
ditur ex hypothesi facta. Hæc ita ex Aristotele penè ad
uerbum, ut cetera magna ex parte, quæ in hoc tracta-
tu continentur, omisssis multorum ambagibus in re non
magni momentii.

Tuemadmodum ad ignorantiam elenchi omnes
prædicti loci reduci possint, & quod dupli-
citer elenches accipiatur.

Inquirendum deinceps, quo pacto prædicti loci o-
mnes, siue elenchi sophistici ad redargutionis insci-
tiā reuocari possint, idq; ex Aristotelis præserium in-
stituto, ut qui de omnibus his ita pronuntiat. Aut distin-
guendi sunt, inquit, apparentes syllogismi omnes, atque
redargutiones,

redargutiones, aut ad ignorantiam elenchi reducendi,
 uel ab ijs præcipue, qui hanc omnium dictorum modis
 rum principium faciunt: quatenus elenches ipse gene-
 ratim accipiatur, similiq; omnes intra sue definitionis
 ambitum positas particulas amplectatur. Dico autem ge-
 neratim, quando alioqui ex dictis modis, sive locis unius
 & ipse habeatur, nempe ad quatuor ultimas particu-
 las factæ definitionis relatus. Itaque sciendum, quod o-
 mnes paralogismi, quicunque iuxta prescriptos modos
 sunt, peccant, uel quia syllogismi non sint, tame si uia-
 dentur: uel quia contradic̄tio in his non recte sese ha-
 beat: uel quia non eadem ubiq; tam rei quam nominis
 ratio obseruetur, id quod nūc per singulos locos discur-
 rendo breuiter ostendere operæ premum fuerit. Ergo
 quicunque sunt per æquiuocationem, per amphibolæ
 giam, & per figuram dictionis, omnes ad elenchū re-
 ducuntur, eo quod in his duplex tum nomen, tum ora-
 tio sumitur, ob rei uidelicet significatiæ diuersitatē. Si
 nūlter autem & qui per compositionem, & diuisiōnē,
 & accentum sunt, ob ipsius tum orationis tum nominis
 uariationem. Perrò qui secundum accidentis sunt, &
 item propter consequens, & per id, quod est sumere
 quod in principio est, necnon per id, quod est non cau-
 sam ut causam ponere: propterea quod unusquisque ho-
 rum prævaricator sit præscriptæ nuper syllogisticæ le-
 gis. Qui uero propter id, quod quoquo modo & sim-
 pliciter: quoniam non de eodem affirmatio & negatio
 est: quare nec in his illa est uera contradictione, licet crea-
 datur.

datur. Postremo autem & qui sunt propter id, quod est plures interrogationes ut unam facere: quod in his non enucleamus, neque discernimus propriam ipsius propositionis rationem, que quidem est ut unū de uno dicatur. Nam eadē est unius rei, & rei simpliciter definitio, ut hominis, & unius hominis. Cum ergo, que in syllogismo sumuntur, appareat esse propositione & non est quatenus in ea non unum de uno prædicatur, manifestum quod & hic ad inscitiam redargutionis reuocandus est. Est enim redargutio syllogismus quidam, nempe contradictionis. Ex quo iam palam factum est, omnes locos siue modos ad ignorantiam clenchi reuocari posse, hos quidem, qui in dictione sunt, quoniam in his apparet contradictionis. Illos autem, qui extra dictiōnem, maiori ex parte propter syllogismi rationem definitionē, etenim.

TEx quibus causis sophisticæ producent deceptiones.

Consentaneum fortassis fuerit inuestigare quoq; quibus ex causis huicmodi imposture atque deceptiones prouenant. Itaque dicamus ex Aristotele, quod deceptio omnis prouenit in his quidem, que per aquiuocationem & amphibologiam sunt, sophismatis: eo q; non potest quispian distinguere id quod multplex est, siue multipliciter dicitur, ab eo quod uno modo dicitur duntaxat. At in his, que per compositionem & diuisiōnem: eo quod nihil interesse putatur inter orationem compositam & diuisam, similiter autem

Et in his, quæ per accentū fiunt: propterea quòd non nullis idem significare uidetur eadem uox intensa & remissa, hoc est, acuto uel graui accentu prolata. Et in his item, quæ per figuram fiunt ob dictionis similitudinem: quòd difficile sit dijudicare, quæ similiter atque aliter proferantur. Fere enim quisquis hoc facere poterit, si in procinctu est, ut quod uerum est uideat: & per hoc promptus erit uel concedere quod concedendum est, uel negare quod est negandum. Rursus autem in his, quæ per accidens, eo quòd quis nescit dijudicare, idem ne sit an diuersum quod sumitur, tum an unū an multa. Similiter autem in his, quæ per consequens fiunt: per hoc quòd arbitramur, ut consequens ab antecedente non separatur unquam (est enim ipsum antecedentis pars quædam) ita nec à consequente antecedens separatum iri. Porro in his, quæ fiunt propter omissionem orationis, hoc est, alicuius particularū que in elenchi ratione posite sunt, et in his quæ sunt propter id, quod aliquo modo & simpliciter dicitur: & in his item, quæ quod in principio est, sumunt: tum & in his quæ per non causam ut causam accidentur: & quæcunq; plures interrogationes ut unam faciunt: propterea quòd in his omnibus non exacte discernimus, neq; sumptas propositiones, neq; ipsius syllogismi uerū terminum, hoc est, rationē, definitionemq;: per hoc quòd parum nobis differre uideantur ea quæ iā dicta sunt, ut non causa & causa, quod simpliciter et quoquo modo, & interrogationes plures & interrogatio una.

T De recta solutione pa=

ralogismorum.

Q Via uero non minor ars est soluere nodos,
quam eisdem implicare atque constringere,
quod quidem ita esse , argumento nobis esse potest
Gordij Phrygiae regis nodus in Iouis templo suspensus,
quem Alexander Magnus (ut est apud Iustinum hi-
storicum) idecirco, quod ingenio soluere nequivisset,
gladio usus uiolenter absedit. Ob hanc nimurum cau-
sam, quia sophistarum argutias captionesque, quod syn-
categorematum nexibus, cœu nodis quibusdam implica-
te atque inuolutæ sint, ut struere fortassis non facile,
ita proculdubio soluere longe est difficillimum, Aristote-
les tandem ipse , cum quemadmodum struantur illæ
certis locis præscriptis id iam monstrasset, eadem quo
pacto etiam dissoluerentur, pari cura atque diligencia
docere instiuit. Vnde & ab eodem recta solutio de-
finiuit, falsi syllogismi manifestatio. Porro falsus syla-
logismus duobus dicitur modis, Aut enim quia ex fal-
sis collectus sit, aut quia syllogismus non est, tametsi
uideatur . Ergo cum duobus modis falsum esse syllo-
gismum contingat, duobus quoque modis ipsum dissolu-
endum docet, nempe aut per interemptionem, aut per
distinctionem. Per interemptionem quidem, ut quoties
ex falsis collectus est. Per distinctionem uero, cum ap-
paret syllogismus, & non est. Verum enim uero, ut id
quod querimus breuiori uia quam que ab Aristotele
tradita est, affequi possumus, ex Iacobo Fabro Stapu-

lensi tres regulas in animum induxi hic subijcendas. Quarum prima haec est, In omnibus paralogismis, qui fiunt per equiuocationem, amphibologiam, compositionem, diuisionem, & accentum, si quod sumptum est multiplex, distinguendum est. Alioqui confusione parit, que tollitur interius, cum ipsum distinguitur. Insuper & in eisdem consequentie ratio discutienda examinandaque uenit. Secunda, In omnibus paralogismis, qui fiunt per figuram dictiōnis, per accidentē, per id quod est secundū quid & simpliciter, per ignorantiam elenchi, per consequens, per non causam ut causam, per id quod est plures interrogations facere ut unam, consequentia neganda est, & mox cur negata sit, ratio subiungenda. Tertia, In omnibus paralogismis, qui fiunt per id quod est petere id, quod est in principio, ipsum antecedens aut negandum placere est, aut certe addubitandum.

PER ORATIO.

HABES studiose lector, siue adolescens, siue adultae etatis iuuenis, dialecticam tibi paratam, non aliam ob causam (sic mihi crede) nisi ut posthac, quicquid in studijs liberalibus addiscendum tibi fuerit, circa crassam illam & foedam Barbariem, facile id iam assequi uideri possis. Quippe quod hæc sola uisa sit hactenus deesse ad ternarium illum studiorum numerum, que triuij communi nomine appellantur, id quod in primis triuialium ludorum magistri atque preceptores saepe ac multum conquesti sunt aliquot annis, tales utique preceptores (qui ut pro comperio ipse habeo) totis uiribus ad hoc contendunt, ut docilem iuuenientem rite instruant, à barbarie auocent, bonas artes doceant. Itaque si hæc dialectica nostra talis tibi uisa fuerit, ut ex ea id, quod summopere tui malintur preceptores, pro uoto assequi potueris, bene est: si uero nondum id à me præstatum sit (quod equidem uerius possum) conatum saltet quæso, si non rem ipsam, auerteris.

R. ij

IN GARRVLVM SOPHISTAM

Iohannis Murrhellij Ruremun=

densis Epigramma.

GArrule qui nostrum tentas lapidare libellum,
 In lucem pueris ede Sophista tuum.
 Non decet in rudium coetu traducere doctos,
 Vana loqui turpe est, gloriolamq; sequi.
 Ecquid apud Calathos, inter muliebria pensa
 Reddere te clarum lana caprina potest?
 Quando nihil preter uerbosa sophismata nosti
 Barbarie sordens, grammatica cęq; rudis.
 Ecquid habes, sophia quod te in penetralia ducat?
 Ecquid Aristotelem Porphyriumq; tenes?
 Haud operæ pretium est (mīhi crede) refellere nugas,
 Digna legi scribens experiere virum.
 Saucius & possum genuinum infigere dentem:
 Deq; meo crudum vulnere ulnus erit.
 Ingenijs hominum studeo prodeesse iuuandis.
 Estq; mīhi uero gloria nulla prior.

IOHANNES MVRMELLIVS RV-
remundensis Petro suo S. P. D.

ROgas me sedulo, et crebro abhortaris Petre sua-
uisime, ut breui te arte instituam, quanā ratio-
ne uoces eas, que in categorijs locū habent, discernere
queas ab illis, que à prædicamentis alienæ sunt: & ut
certos quosdam tibi tradam canonas, quibus facile dia-
scas, in quo unaquæq; uox categorica prædicamēto re-
ponatur. Ardua profecto res est, & seuis caninæ facun-
die moribus exposita, in tam uaria & multijuga opi-
nionum diuersitate, dialecticorum alijs alia sentientibus,
breui ea libello perstringere, que pluribus longissimi
operis uoluminibus uix satis exacte potuerint uel à do-
ctissimo philosopho explicari. Cum tamen meū cogitem,
quantum utilitatis tibi studiosisq; liberalium artium iu-
uenibus ex hoc quod petis, prouenturum sit, utcunque
pro temporis, quo suppetit otium, breuitate, uolis tuis non
morem gerere non possum. Accipe igitur lucubratiunc-
ulam hanc nostram, ut habeas τισανδρηπ quandam in
Aristotelis decem prædicamenta: & ingenium tuū ne
grammatice solum, sed fructuosis etiam dialecticæ stu-
dijs excolito, ut uera dinoscens à falso, & finiendo, dia-
uidendo, argumentandiq; rationē tenens rectam uia ha-
bueris, & iter expeditū ad optimā quanq; disciplinam,
Vale, & præceptorem tuū dilige. Alcmariæ Phrisiorū
oppido studijs liberalibus sanè q; accommodato. Anno
à pariu virginis M. D. XLI. Idibus Septembribus.

R. iii

IN ARISTOTELIS DECEM
prædicamenta Iohannis Murrhellij Rus-
remundensis Isagoge.

SA G O G E N hanc in decem Aris-
totelis peripateticorum principis κα-
τηριογίας tribus digero capitibus, quo-
rum primo quidem agam de uocibus à
prædicamentorum serie reieictis et al-
ienis, secundo autem super ijs, quibus in ordine cate-
gorico locus est, tertio uero dictiones aliquot tradam,
quæ uel ad diuersa prædicamenta, uel ad unius eius-
demque sciunctas species referuntur. Porro ut hec fa-
cilius memoria commendari possint, et tenacius inha-
vere, singula capita in suos titulos sunt distributa.

C De uocibus à prædicamentorum serie
reieictis et alienis Isagoges in Aristo-
telis prædicamenta.

Caput primum.

Decem esse prædicamenta	titulus.I.
De prædicamentorum quæstiuis	titu.II.
Nouem regulis cognosci uoces à prædicamentis alie- nas.	titu.III.
De reieictis à prædicamentorum ordine uocibus regu- larum nouem prima	titu.III.
Secunda regula	titu.V.
Tertia regula	titu.VI.
	Quarto

Quarta regula	titu.vij.
Quinta regula	titu.vij.
Sexta regula	titu.ix.
Septima regula	titu.x.
Octava regula	titu.xi.
Nona regula	titu.xij.

Bisariā aliquid locū habere in p̄d̄icamento. titu.xij.

¶ De dictioribus q̄bus in ordine categorico locus est.
Caput Isagoges huius secundum.

Series categoricæ Substantie	titulus. I.
De ijs quæ sunt p̄dicamenti Substantie, regula pri- ma	titu.II.
Regula secunda	titu.III.
Regula tertia	titu.III.
Regula quarta	titu.V.
Regula quinta	titu.VI.
Regula sexta	titu.vij.
Regula septima	titu.vij.
Regula octava	titu.ix.
Regula nona	titu.x.
Regula decima	titu.xi.
Regula undecima	titu.xij.
Regula duodecima	titu.xij.

Series categoricæ Quantitatis.

De ijs quæ sunt p̄dicamenti Quantitatis.

Regula prima	titu.XV.
Regula secunda	titu.XVI.
Tertia regula	titu.XVII.

Quarta regula	titu.xvij.
Quinta regula	titu.xix.
¶ Series prædicamenti ad aliquid	titu.xx.
De ijs que sunt prædicamenti ad aliquid prima re-	
gula	titu.xxi.
Secunda	titu.xxij.
Tertia	titu.xxiiij.
¶ Series prædicamenti qualitatis	titu.xxiiij.
De ijs que sunt prime speciei qualitatis , regula pri-	
ma	titu.xxv.
Secunda regula	titu.xxvi.
Terteria regula	titu.xxvij.
Quarta regula	titu.xxviij.
De ijs que sunt secundæ speciei qualitatis , regula	
prima	titu.xxix.
Secunda regula	titu.xxx.
Tertia regula	titu.xxxi.
De ijs que sunt tertiae speciei qualitatis , regula pri-	
ma	titu.xxxij.
Secunda regula	titu.xxxiiij.
Tertia regula	titu.xxxxiiij.
De ijs que sunt quartæ speciei qualitatis , regula	
prima	titu.xxxxv.
Secunda regula	titu.xxxxvi.
¶ Series prædicamenti actionis	titu.xxxxvij.
De ijs que sunt in prædicamento actionis , regula	
la	titu.xxxxviii.
¶ Series prædicamenti passionis	titu.xxxxix.
	De

DE P R A E D I C A M E N . 265

- De ijs quæ sunt in prædicamento passionis reg . tit . xl .
 ¶ Series prædicamenti ubi titu . xli .
 Descriptio ubi ex Trapezuntio titu . xlif .
 De ijs quæ sunt in prædicamento ubi , reg . titu . xluij .
 ¶ Series prædicamenti quando titu . xluij .
 Descriptio quando ex Trapezuntio titu . xlvi .
 De ijs , quæ sunt in prædicamento quando , regula titu . xlvi .
 ¶ Series prædicamenti situs titu . xlviij .
 Descriptio situs ex Trapezuntio titu . xlviij .
 De ijs quæ sunt in prædicamento situs , regu . titu . xlix .
 ¶ Series prædicamenti habitus titu . l .
 Descriptio habitus titu . li .
 De ijs quæ sunt in prædicamento habitus regula titu . lij .
 ¶ De dictionibus aliquot , quæ uel ad diuersa predicamenta , uel ad unius eiusdemque secundas species referuntur .
 Caput hucus introductionis tertium .
 Quod una eademq ; species secundum aliud atq ; aliud diuersis generibus supponi possit titu . I .
 De habitu , dispositione , scientia , sensu , & positione titu . II .
 De raro , spissso , leui , & aspero titu . III .
 De calido , humido , & lumine titu . IIII .
 De doctore , imperatore , viro , comite , titu . V .
 ¶ De

DE VOCIBVS A PRÆDICAS

mentorum serie reiectis & alienis Isagoge
ges in Aristotelis prædicamenta.

Caput primum.

CDecem esse prædicamenta. Titulus primus.

Primus omnium Aristoteles decem na-
turaliæ cōstituit, quæ à Quintiliano
elementa dicuntur, à Seuerino Boëthio
prædicamenta. Sunt autē hec, Substan-
tia, Quantitas, Ad aliqd, Qualitas, Age-
re, Pati, Vbi, Quando, Situs, & Habere. Substantia est
(ut singulatim exempla referantur) ut homo. Quantitas,
ut linea. Ad aliqd, ut pater. Qualitas, ut iustitia.
Agere, ut secare. Pati, ut secari. Vbi, ut in Academia.
Quando, ut hodie. Situs, ut iacere. Habere, ut togatum
esse. Sed & his ea uersiculis complexi sumus.
Arbor, sex, seruos, seruore, refrigerat, ustos.

Ruri, cras, stabo, nec tunicatus ero.

CDe prædicamentorū quæstiuis. Titulus secundus.

Decem prædicamentorum quæstiua tradunt erue-
diti. Quid, quaneum, quid huius, quale, quid agens, quid
patiens, ubi, quando, quomodo situm est, quomodo ba-
bituatum est. Cum enim queritur, quid est Socrates?
respondeatur, homo, animal, aut substantia, quæ à quibus
dam dicitur essentia. Quantus est Socrates? interrogan-
tus respondeat, quadricubitus. Quid Platonis magister?
Qualis temperans. Quid agit disputat. Quid patitur?
uerberatur. Vbi philosophatur? Athenis, Quando locu-

Ius est Alcibiadi & hodie. Quomodo filius est & stat. Quomodo habituatus est & palliatus.

CNouem regulis cognosci uoces à predica-
mentis alienas. Titulus tertius.

*Quemadmodum (ut Seuerini Boëhijs uerbis utar)
qui serere ingenuum uolet agrum, liberat arua prius
fruticibus, fulce rubos, silicemque resecat, ita & nos
primum te docebimus, quae uoces à predicamentis alie-
nae sint, ut iis reiectis, in predicamentorum serie col-
locandas faciliori ratione comprehendendas. Teneundae igno-
runt tibi sunt nouem regule, quas his trinalibus uerbi-
culis comprehendendi.*

*Complexum, consignificans, fictum, polysemum,
Vox logicae, deus, excedens, priuatio, parsq;
Hec studiose categorijs non accipiuntur.*

CDe reiectis à predicamentorum or-
dine uocibus regularū nouem Prima,

Titulus quartus.

*Prima regularum hæc est, Nulla vox complexa, ni-
si simplicis loco accipiatur, in predicamento ponitur,
proinde si quis te rogarit, in qua categoriis collocatur
iustus homo, in nulla respondet. Signate autem ada-
ditum est, nisi simplicis loco accipiatur, quod ob uer-
borum inopiam sè penumero pluribus pro uno cogimur
uti, ita ut tametsi uoces sunt plures, intellectus tamen
sit simplex, et res, quae significatur, una. Exempli gratia,
corpus animatum licet vox sit complexa, genus tamen est
unum, sic & quantitas continua, & quantitas discreta.*

CSecunda,

C Secunda, Titulus quintus.

συγκατη-
ρόημα.

Nulli syncategoremati locus est in categoria. Syncategorema dicitur uox consignificativa, id est, ea quae nec uniuersalem rem, nec particularem significat, sed consignificat, id est, cum alia dictione orationem ad significandum ingreditur, ut omnis, nullus, aliquis, quisdam, hic, ille, utinam, quidem, apud, heu. Sciendum hoc loco est ex octo partibus orationis (quas grammatici constituerunt) duabus duntaxat, nomine quidem et uerbo locū patere prædicamenti: participium autē sub uerbo suo comprehendit, aduerbiū uero sub nomine. Nam ut literati docent, et nomen in aduerbiū, et rursus aduerbiū in nomen aliquando transit. Loci aduerbiā ad prædicamentū Vbi pertinent. Tēporis ad Quando. Qualitatis uero et quantitatis aduerbiā, ad Qualitas et Quantitatemq; reducuntur.

C Tertia regula, Titulus sextus.

Omnis uox rei commentitiae et fabulosae (quam natura non fert) significativa, est à prædicamentis aliena: ut Cerberus, Sphinx, Chimera, Siren, Cyclops, Harpyia, Styx, Acheron.

¶ Quarta regula,
Titulus septimus.

πολύσημος
μ. ο.

Nulla uox polysema in categoriam recipitur, nisi ambiguitate deposita, unum significet. πολύσημος Grece dicitur multa significans, ut canis, terrestrem significat, marinum, et celestem: unde lepidum extat Ausonij de lepore capto epigramma,

Trinacrijs

Trinacrii quondam currentem in littoris ora

Ante canes leporem ceruleus rapuit:

At lepus: in me omnis terræ pelagiq; rapina est,

Forsitan & cœli, si canis astra tenet.

Quinta regula, Titulus octauus.

Voces logicæ, quas aliarum gratia dialectici usurpant, sunt à prædicamentis alienæ. Voces logicas, id est, rationales appello eas, quas iuniores terminos secundæ intentionis uocant, cuiusmodi sunt, Nomen, nomen, oratio, propositio, subiectum, prædicatum, genus, species, & id genus alia.

Sexta regula, Titulus nonus.

Nulli dictiōni infinitū significanti locū est in prædicamento. Infinitū quidem actu intelligo, non potentia: proinde deus, numen, eternum, increatum, creator, & id genus reliqua nullius sunt categoriæ.

Septima regula, Titulus decimus.

Omnis uox omnia rerum ambiens genera loco categoriæ uacat. Sunt autem quatuor (que uulgo transcedentia dicuntur) teste Iohanne Pico, ens, unum, uerum, & bonum: si ita accipientur, ut eorum negationes sint nihil, diuisum, falso, & malum. Addita sunt illis alia duo, aliquid, & res, ab recentioribus Auctiennam securis.

Octava regula, Titulus undecimus.

Nulla uox priuationem significans locum habet in prædicamento, ut cæcitas, surditas, tenebre.

Nostra

¶ Nona regula. Titulus duodecimus.

Nulla vox partis principijue materialis seu constituti significatiua, in prædicameni serie reponitur. Preinde forma, materia, corpus, anima, caput, pes, etus, uenter, manus, pes, & id genus reliqua sunt à predicamentis reiecta.

¶ Bifariam aliquid locum habere in prædictamento, Titulus decimusterius.

Bifariam aliquid in prædicamento locum habet, aut per se in recta serie collocatur, ut genera, species, & individua, aut per aliud prædicamento attinet, id est trifariam. Primum enim differentiae omnes specificæ eius sunt prædicamenti, cuius genera, quorum ille sunt diuisive, non secundæ qualitatis speciei, ut ex neotericis quidam loquaculi sophiste falsò autemant. Deinde autem partes & principia ei prædicamento attinent, et ius ea sunt, que ex illis constituuntur, ut caput, pes, manus, ad substantiam referuntur: unitas, & punctum ad Quantitatem. Postremo uero motus species ad suum queque terminum reducuntur, ut generatio & corruptio ad Substantiam, cremenium & diminutio ad Quantitatem, alteratio ad Qualitatem, loci mutatio ad ubi. Trapezuntius motum quidem speciem Quantitatis facit: generare uero, corrumpere, augere, diminuere, alterare, & loco mouere Actioni subiicit. Sunt, qui motum ob ambiguitatem à prædicamentorum serie remouent, cum de suis (que uidentur species) non uniuoceturum equiuoce prædictetur.

¶ De

¶ De dictioribus, quibus in ordine cat
egorico locus est.

Capit isagoges huius secundum.

¶ Series categorie Substantie, Titulus I.

Substantia

Corporea

Incorporea

Simplex

Corpus

Mistum

Animatum

Corpus mistum

Inanimatum

Sensibile

Corpus animatum

In sensibile

Rationale

Animal

Irrationale

Socrates

Homo

Xenophon

¶ De ijs, que sunt praedicamenti Substantie.

Regula prima, Titulus II.

Omne nomen significans substantiam incorporem, est primi praedicamenti, ut spiritus, angelus, dæmon, manes, hoc nomine nunc intelligo animam à corpore separatam, Propertius,

Sunt aliquid manes, letum non omnia finit.

Angelus autem bisariam accipitur, nunc pro spiritu, est huius categorie: nunc ut est officij nomen, nos Substantie (nam ἡ ψηφιαὶ Graece interpretatur numerus Latine) et est primi generis qualitatis, tametsi quidam in praedicamentum Ad aliquid coniijcant.

¶ Regula

¶ Regula secunda, Titulus. III.

Mundus, cælum, orbes cœlestes, planetæ, stelle, & elementa sunt huius prædicamenti. Celi sunt decē, Cælum empyreum, cælum crystallinum, firmamentum, & septem planetarum orbes. Planetæ septem sunt, Saturnus, Jupiter, Mars, Sol, Venus, Mercurius, Luna, quos hoc uersu complexi sumus, Luna, Hermes, Cypris, Sol, Mars, Iouis, & pater huius. Rerum naturalium elementa sunt quatuor, ignis, aëris, aqua, & terra, de quibus hic noster est uersiculus. Aëris, ignis, aqua, & tellus sunt semina rerum.

¶ Regula tertia, Titulus. IIII.

Omnis animalis species est prædicamenti substantie. Specierum animalis, he sunt specialissime, ut homo, equus, leo: illæ uero subalterne, ut pecus, bestia, belua, fera, quadrupes, pisces, avis, serpens, uermis. Pecudis species sunt, bos, equus, asinus, mulus, camelus, ovis, capra, porcus, ceruus, elephas, & id genus reliqua. Feræ species sunt, leo, ursus, pardus, tigris, lupus, uulpes, & id genus cætera. Pisci subiiciuntur, balena, cancer, coeger, mullus, salmo, carpio, concha, ostreum, gobio, rhombus, & cæteræ species innumere. Avis species sunt, aquila, philomela, bubo, noctua, ciconia, passer, corvus, monedula, psittacus, perdix, turdus, uultur, & cætera. Serpentis, draco, basiliscus, uipera, cerastes, seps, natrix, vernus, apes, araneus, bombyx, blatta, culex, crabo, gryllus, limax, pulex, papilio, hirudo, linea, teredo, & eiusmodi alia.

¶ Regula

¶ Regula quarta. Titulus.V.

Omne nomen arboris est in categoria substantie, ut pomus, malus, pirus, abies, laurus, salix, betula, uitis, robur, taxus, castanea, fagus, cupressus.

¶ Regula quinta. Titulus.VI.

Omne nomen herbæ huius est prædicamenti, ut a=maracus, abrotanum, mandragora, malua, hyssopus, laetitia, foeniculum, elleborus, ruta, pulegium, salvia, lap-pa, tribulus, anethum, urtica, trifolium.

¶ Regula sexta, Titulus.VII.

Omne fruticis nomen est huius categorie. Dicitur autem frutex quidem frutex, qui ad iustam arboris magnitudinem non assurgit, & statura similis est herbis multis, sed non demoratur, neque aere fit, ut herba, ueru perennis est. Huius species sunt, nardus, myrrha, cassia, genista, papyrus, arundo. Sciendum est nonnullas res easdem ab his inter arbustis scalas, ab illis inter frutices numerari, ut iuniperu, balsamum, myrrham, & id genus alia. De nonnullis etiam sint ne magis herbe an frutices, dubitatur. Nec hoc ignorandum est a Nicephoro corpus animatum sensibile diuidi in animal & zoophyllum. Dicitur autem ζωοφυτον quod nec animalium, nec plantarum, sed tertiam ex utriusque naturam habet, ut urtica marina, & spongia, de quibus vide Plinium lib. ix. cap. xl.

ζωοφυτον
quid s.

¶ Regula septima. Titulus.VIII.

Omnia florum, fructuum, & aromatum nomina, si caniantur ut res totas, & per se integras significent, sunt in ordine huius prædicamenti, ut rosa, lily, narcissus,

viola, ligustrum, calta, pomum, malum, pyrum, prunum,
cerasum, morum, bacca, oliua, cornum, ficus, glans, me-
spilum, nux, iuglans, castanea, auellana, aroma, sac-
charum, cinnamomum, zingiber, piper, garyophylon, &
id genus reliqua.

Regula octava. Titulus IX.

* Vernix
nomen est,
neq; Gre-
cū, neq; La-
tinum, sed à
barbarica
& vulgari
appellatione
in formā La-
tinam trans-
latum.

Vulgo enim
res ipsa uer-
nis dicitur.
Est autē spe-
cies gumi,
que Grecis
sandaracha
dicitur, ut
quibusdam
uidetur.

Frumentorum & leguminum nomina sunt huius ca-
tegoriae, ut triticum, siliqua, far, hordeum, pannicum, mi-
lium, auena, faba, pisum, lens, erium, lupinus, uicia.

Regula nona. Titulus X.

Lapidum & gemmarum uocabula sunt huius pre-
dicamenti, ut adamas, marmor, magnes, crystallus, suc-
cinum, smaragdus, iaspis, corallium, achates, carbuncu-
lus, chrysolithus, sapphirus, filex, tophus, pumex.

Regula decima.

Titulus XI.

Omnia metallorum & fossilium nomina sunt in
predicamento substantie, ut aurum, argentum, ele-
ctrum, æs, orichalcum, stannum, plumbum, ferrum, alu-
men, sulphur, nitrum, sal, cadmia, * uernix, minium
chrysocola, & reliqua.

Regula undecima.

Titulus XII.

Omnia impressionum nomina, siue ea sint ignite,
siue aereæ, siue aquæ, siue terree, siue radiorum appa-
ritione fiant, huius sunt predicamenti. Impressio, à phi-
losophis res naturales in agantibus, dicitur corpus mi-
stum,

stum, imperfectum. Impressiones ignitæ sunt, stipule ar-
dentes, æges, dali, fidus uolans, candelæ, trabes, colum-
ne, teretes lanceæ, clypei, globi, faces ignitæ, pyrami-
des, draco uolans, & similes. Adduntur his cometes, &c. nouæ hæc.
galaxias. Impressiones aquæ sūt, uapor, pluvia, ros, pruī γαλαζίας;
na, nix, grando, fontes, flumina, mare. Aëree, uenti,
terremotus, fulmina, ecnephias, typhon. Quæ radiorum ἀλώπ
apparitione sunt, sunt halon, iris, uirge, parelij. De ijs.
terreis impressionibus in proxima regula dictum est, trahitio.
ubi de metallis & fossilibus.

Regula duodecima.

Titulus XIII.

Omne nomen substantiæ rei inanimate significans
est in categoria Substantiæ. Hæc regula continet in se
quasdam suprapositas, & eam breuitatis gratia das-
mus ob multa, de quibus nondum meminimus. Dici-
mus itaque montem, collem, urbem, oppidum, domum,
templum, turrem, unicam, togam, gladium, cultrum, pa-
nem, uinum, lac, mel, ceruissiam, carnem, os, dolium, pa-
teram, hastam, scrinium, & id genus reliqua huius esse
prædicamenti: nec assentimur ijs, qui simpliciter aiunt *Vnaqueq;*
eiusmodi res ob figuram ab artifice inductam esse de tamen res à
quarto genere Qualitatis, cù Substantia longe præpon= forma sua
deret accidenti. Quisquis recte sentit, gladium Substan habet, ut sit
tiam quidem esse: figuram uero eius Qualitatem non id quod est:
diffitetur. Quidam contendunt nullius esse prædica-
menti nomina rerum artificio productarū, quod Sub-
stantiam simul & Qualitatem complectantur.

¶ Series categorie Quantitatis,

Titulus XIII.

Quantitas

Continua

Discreta

Quanlitas continua

Intrinsicus

Extrinsicus
mēsuratiua

mēsuratiua

Quantitas continua in-
trinsicus mensuratiua

Latabilis

Illatibilis

Linea

Hec linea

Ista linea

Illa linea

¶ De ijs que sunt prædicamentum
Quantitatis. Regula prima,

Titulus XV.

Omne nomen magnitudinis est in prædicamento
Quantitatis, ut linea, superficies, corpus, longitudo, la-
titudo, altitudo, profunditas, crassities, bicubitum, tricu-
bitum, pedale, bipedale, tripedale, sesquipedale, & id
genus cetera.

¶ Regula secunda. Titu. XVI.

Omne nomen mensure ad hoc prædicamentū per-
tinet, ut uncia, digitus, palnius, pes, ulna, cubitum, pa-
sus, stadium, diaulus, milium, dolichus, modius, sextarius,
congius, hemina, chœnix, urna, cotyla, cyathus, as &
partes eius si capiantur ita, ut meram quantitatem si-
gnificant. Ponderum nomina meo iudicio sunt à præ-
dicamentis aliena, quod cum quantitate qualitatem si-
gnificant,

Nicuλ. &
SorXos.

gnificant, ut libra, selibra, bilibris, trilibris, pondo, tamen. Sed hec doctioribus relinquo exactius disputanda. Illud quoque, sit ne linea species infima, an subalterna, quod et de tempore potest dubitari.

C Tertia regula,

Titulus XVII.

Omnis nomen numerale est huius categorie, ut duo, tria, quatuor, quinque, decem, centum, mille, binarius, ternarius, centenarius. Primus autem, secundus, tertius, et id genus alia pertinent ad praedicamentum Ad aliquid. Vnitas autem non est numerus, sed eius principium.

C Quarta regula,

Titulus XVIII.

Omnis modulus, quo dictione dū proferimus, mensuramus, est huius praedicamenti: nam quantitatis id est, quo syllabæ longe brevesue mensurātur, ex quo prouenit oratio, species discretae quantitatis.

C Quinta regula,

Titulus XIX.

Locus et tempus sunt categorie Quantitatis, tam et si quidam locum in praedicamento Ad aliquid reponant, et diuus Aurelius Augustinus in confessionum opere fateatur se, quid sit tempus, ignorare. Aeternum quoque huius praedicamenti esse censendum est, aeternitatem uero nullius. Partes temporis sunt, hora, dies, septimana, mensis, annus, olympias, lustrum, seculum, et id genus reliqua.

¶ Series prædicamenti Ad aliquid.
Titulus XX.

Ad aliquid

Aequaliter com-
parabile

Inequaliter cō-
parabile

Ad aliquid ineqna-
liter comparabile

Dignius cor-
relatiuo

Indignius cor-
relatiuo

Relatiuum corre-
latiuo dignius

Respiciens filium

Nō respicīs filiū

Pater

Hic pater, Iste pater, Ille pater.

¶ De ijs, que sunt prædicamenti Ad aliquid.

Regula prima. Titulus XXI.

Omne categorema principali significatu rem signifi-
cans non absolutam, sed alterius respectiuam, est præ-
dicamenti Ad aliquid, ut pater, filius: avus, nepos: mari-
tus, uxor: socer, gener: magister, discipulus: patronus,
cliens: dominus, seruus: rex, parasitus: patronus, li-

Patronus cu bertus, (Est autem patronus nomen ambiguum, &
ius modi no modo ad clientem refertur, modo ad libertum) dux, co-
mes: duplum, dimidium: magnum, paruum: multum, pa-
cum: maius, minus: prius, posterius: amicus, inimicus: ho-
spes, ciuis: socius, sodalis, hostis: similis, dissimilis: aqua-
lis, inegalitis, & alia sexcenta.

¶ Secundus

¶ Secunda regula.

Titulus XXII.

Nomina cognationis & affinitatis sunt huius categorie, ut parentes, proles, pater, filius, avus, niger, frater, soror, sobrinus, consobrinus, coniunx, compater, affinis, levir, sacer, gener, uitricus, priuignus.

¶ Tertia regula.

Titulus XXIII.

Pleraque nomina cum prepositione composita huius sunt praedicamenti, ut commilito, collega, confacerdos (qui Graece symmistes dicitur) concanonicus, cooperator, contubernialis, condiscipulus, coauditor, competitor, collectus, collectaneus, conservus, cognominis, consanguineus, coepulo, cohabitator, confabulator, congerro, coniunx, concolor, consonus, ex eiusmodi reliqua.

S iij

Tries prædicamenti Qualitatis. Titulus XXIIII.

	Qualitas	
Formæ attinens	Materie attinens	
	Qualitas for- mæ attinens	
Comparata	Natura insita	
Affectio		
Facile dimobilis	Difficulter dimobilis	
Habitus		
Spiritualis	Corporalis	
	Habitus spi- ritualis	
Intellectualis	Moralis	
	Habitus in- tellectualis	
Theoreticus	Practicus	
	Habitus in- tellectualis theoreticus	
Conclusionis	Principiorum	
	Scientia	
Contemplativa	Activa	
	Scientia con- templativa	
Principalis	Administrativa	
	Logice	
Disputatoria	Non disputatoria	
	Dialectice	
Haec dialectice, Platonis dialectice, Chrysippi dialectice		

T De ijs, que sunt prima speciei
Qualitatis. Regula prima,

Titulus XXV.

Omnis dispositio & habitus corporalis est in primo Qualitatis genere, ut calor, frigiditas, sanitas, similitas, cæstas, candor, nigredo, fuscum, robur, & gritudo, morbus, & eius species, ut febris, paralyasis, pleuritis, podagra. Dispositio que, & affectio dicitur, et latius accepit. Dispositio & pressus. Primo modo est qualitas ad bene quid, ex malœue operandum acquisita. Secundo est qualitas ad quot modis bene maleœue operandum acquisita per facile à subiecto dicitur. dimobilis. Habitus est ad operandum comparata qua. Habitus difficulter à subiecto dimobilis. quid.

C Secunda regula, Titulus. XXVI.

Omnis habitus intellectualis est in primo genere Qualitatis. Habitus intellectuales sunt quinque, quibus Habitus in semper assentimur uero. Sapientia, Intellectus, Scientia, Prudencia, & Ars. Duo, quibus modo uero assensum et qui timur, modo falso, Sunt autem opinio & suspicio. Saepe sint. Scientia est habitus cognitius dei & diuinorum. Intellectus est habitus primorum principiorum cognitius. Scientia est habitus conclusionis per demonstratio- nem acquisitus. Prudencia est recta ratio rerum à nobis Intellectus agendarum. Ars est recta ratio rerum à nobis Scientia efficiendarum. Opinio est assensus rei ualidior. Suspicio est assensus rei minus ualidus. Scientiarum igitur Ars. & artium nomina in hoc genere collocantur, ut grammatica, dialectica, rhetorica, arithmeticā, musica, geoz. Suspicio metria,

metria, astronomia, physice, ethice, metaphysice, poëtice, agricultura, militia, lanificium, & id genus alia.

Tertia regula. Titulus XXVII.

Omnis habitus morales, id est, uirtutes et uitia sunt in hoc primo genere Qualitatis, ut iustitia, iniustitia, fortitudo, audacia, timiditas, liberalitas, auaritia, prodigalitas. A Theologis nostris ponuntur etiam in hac specie habitus spirituales insisi, ut fides, spes, charitas, & id genus uirtutes supernaturales: item habitus concreati, ut species intellectuales, & rationes angelorum membribus concreatae, sed huiusmodi habitus non capit definitio a ueteribus peripateticis data, nec mirum, cum illi uere religionis ac sapientiae expertes id genus habitus non nouerint. Quare malim eos reponere inter Qualitates praeter hec quatuor genera apparentes: aut aliam tradere habitus finitionem, atque uulgo datur. Nec mirandum uideatur, quod dixerim Qualitates praeter hec quatuor genera apparentes. Nam Seuerino Boethio interprete Aristotelis in prædicamentorum libro hec uerba sunt, Et fortasse alijs quoque apparetur Qualitatis modi, sed qui maxime dicuntur, feret tot sunt.

Quartia regula.

Titulus XXVIII.

Nomina magistratum & dignitatum sunt in hoc primo genere Qualitatis, ut pontifex, episcopus, sacerdos, rex, consul, prætor, censor, edilis, & id genus reliqua. Pauper item diuus, fortunatus, infortunatus, beatus,

beatus, felix, miser, nobilis, ignobilis, honoratus, gloriōsus, & huiusmodi nomina sunt huius speciei.

¶ De ijs, quae sunt secundæ speciei
Qualitatis. Regula prima.

Titulus XXIX.

Omnis naturalis potentia vel impotentia est in secundo genere Qualitatis. Naturalis potentia est, qualitas ad bene operandum innata, ut salubritas, durities. Naturalis impotentia est qualitas ad male debiliterue operandum, aut ad patiendum innata, ut insalubritas, mollities. Trapezuntius autem in dialecticis, Naturalis (inquit) potentia vel impotentia, dicitur uis quedam insita, vel imbecillitas, qua facilius quicq; aut ægrius vel pati vel agere natura potest, ut durum, molle, uacuetudinarius, robustus, & quæ huiusmodi sunt natura insita, non aduentitia. Hæc ille. Vires igitur naturales planetarum, siderum, elementorum, animalium, plantarum, lapidum, & cæterorum sunt huius generis.

¶ Regula secunda.

Titulus XXX.

Omne simpliciter speciei proprium est in hoc secundo genere Qualitatis, ut risibile, flebile, disciplinæ susceptuum, hinnibile, latrabile, mugibile, gannibile, & eiusmodi alia.

¶ Regula tertia. Titulus XXXI.

Omnis animæ potentia est huius secundi generis. Animæ potētia uis est eius, qua alciuus operis est effectua. Eius quinq; sunt genera, ut hæc subiecta indicabūt.

Alcndē

	Alendi
Vegetabilis	Augendi
	Minuendi
	Generandi
	Visus
	Auditus
Exterior	Odoratus
	Gustus
	Tactus
Potentia Sensitiva	Sensus cois
	Imaginatio
Interior	Existimatio
	Phantasia
	Memoria
	Cupiendi
Appetitiva	Irascendi
	Volendi
	Progrediendi
Motiva	Nandi
	Serpendi
	Volandi
	<i>Simplex</i>

	Simplex apprehendendi
	Componendi
	Dividendi
Intellectus	Ratiocinandi
	Contemplandi
	Consultandi
	Agens
	Possibilis

Non ignorandum est ab Aucenna, Alberto Magno, & plerisque alijs ponit quinque sensus interiores, sensum communem, uim imaginativam, existimativam, phantasiam, & memoriam. Ab Auerroiu vero, Thoma Aquinate, & Marsilio Ficino in libro de uoluptate quatuor duntaxat, uim existimativam à phantasia non separantibus. Nicephori hominis alioqui præstantis doctrinæ opinio neutiquam mihi probatur, uisum & ceteros sensus ponetis in ea Qualitatis specie, que dicitur *Habitus* & *Affectio*.

¶ De ijs, quæ sunt tertie speciei

Qualitatis. Regula Prima.

Titulus XXXII.

Omnis passio & possibilis qualitas, est in tertio genere Qualitatis. Passio (ut hic accipitur) est qualitas transiens, quæ sensui passionem infert, aut quæ à passione infertur, ut rubor ex uerecundia, excandescencia ex ira, pallor ex timore, ira ex contrastatione. Possibilis qualitas, dicitur qualitas permanens, quæ sensui passionem infert, aut quæ infertur à passionibus, ut dulcedo,

cedo, amarities, albor, nigror.

Passio modo est actionis effectus, predicamentum quidem ab alijs distinctum, ut calefieri, infrigidari. Modo est qualitas transiens vel anime vel corpori ex passione innata, & res quedam media inter passionem et qualitatem, qualitas inquam inchoata & imperfecta, queque non potis est subiectum denominare, ut ira ex contemptione, erubescencia ex uerecundia.

¶ Secunda regula.

Titulus XXXIII.

Omnis qualitas sensibilis in hoc tertio genere collocatur, ut color, album, nigrum, flauum, liuidum, puniceum, purpureum, viride, cæruleum: sonus, vox, murmur, crepitus, susurrus, strepitus, fragor, sibilis, echo: odor, sapor, dulce, amarum, pingue, salsum, acre, austerrum, acutum, acidum, calidum, frigidum, tepidum, humidum, siccum, lœue, asperum, graue, leue.

¶ Tertia regula. Titulus XXXIII.

Passiones anime, que & affectiones & perturbationes dicuntur, à quibusdam in hac tertia specie collocantur. Iacobus autem Faber Stapulensis homo doctissimus, & de optimis studijs scribendo meritus optime ponit eas in prædicamento passionis, nos supra mediis esse diximus inter passionem & qualitatem. Stapulensis Aristotelis uerba pensat illas passiones aientis, qualitates uero minime: pensitat & originem ea rurdem, & (ut ita loquar) fluxitatem. Illi autem rem

putant

putant passioni superadditam , et si non qualitatem perfectam , at semen & elementum Qualitatis , undeque si accesserit permanentia , facile passibilis qualitas coalescat . Passiones anime duodecim Egidius Romanus & alij neoterici ponunt , amorem , desiderium , odium , abominationem , delectationem , dolorem seu tristitiam , spem , desperationem , audaciam , timorem , iram , segnietem . His adduntur à quibusdam zelus , gratia , nemesis , misericordia , inuidia , erubescencia . Nonnulli species quoque verum tum sensibilium cum intelligibiliū & passiones appellant , & in hoc tertio genere Qualitatis reponunt .

C De ijs que sunt quartæ speciei
Qualitatis . Regula prima .

Titulus XXXV.

Omnis figura , & circa unumquodque constans forma , est in quarto genere Qualitatis . Seuerinus Boëthius figuram & formam hoc modo separat , Figura , inquit , est triangulum uel quadratum : forma autē ipsius trianguli uel quadrati quedam qualitas : unde etiam formosos homines dicimus . Figura enim quedam uel pulchrior , uel mediocris , uel alio quodam modo constituta qualitas forma nominatur . Figura (ut geometræ definiunt) est que sub aliquo uel aliquibus terminis continetur . Sub aliquo quidem , ut circulus : sub aliis quibus uero , ut triangulum uel quadratum . Nicephorus inter figuram & formam hoc discrimen traxit . Figura dicitur talis expressio & linearis effigie .

Forma

Forma extrinsecus prominens coloris qualitas, id est, informatio, et interpolata coloratio, et simpliciter talis quedam iniecta uisui, superficie formam. Sunt qui figuram in rebus inanimatis accipiunt, formam autem in rebus animatis. Alij porro figuram quidem fastigiose cedentem: formam uero supernam superficiem uocent. Hactenus Nicophorus.

C Secunda regula. Titulus. XXXVI.

Omnis qualitas circa quantitatem consistens, est in hoc quarto genere, ut paritas et imparitas circa numerum: rectitudo et curuitas circa lineam: concavum, conuexum, et planum, circa superficiem: teres, rotundum, orbiculare, turbinatum, pyramidale, quadratum, trigonum, tetragonum, pentagonum, circa corpus.

C Series predicamenti Actionis.

Titulus XXXVII.

Actio

Immanens		Transiens
	Actio	
In intellectu	immanens	Extra intellectum
Simplicium apprehensiva	Intellectio	Non simplicium apprehensiva
	Simplicium apprehensio	
Hec simplicium apprehensio, ista, illa,		

C De

C De ijs, quæ sunt in prædicamento

Actionis, Regula. Titu. XXXVIII.

Omnis dictio significans agere, est huius prædicamenti, ut calefacere, frigescere, humectare, siccare, intelligere, appetere, uideri, audiri, olfaci, gustari, tangi, sentiri.

T Series prædicamenti Paſſionis. Titulus XXXIX.

Paſſio

Spiritualis

Corporalis

Paſſio ſpi-
ritualiſ

Partis brutaे

Partis rationalis

Paſſio ſpiritualiſ
partis brutaे

Sensitivaे

Appetitiuaे

Exterioris

Interioris

Paſſio ſenſus
exterioris

Ab re uifibili
illata

Non illata ab re
uifibili

Hæc uifio,

Iſta uifio,

Illa uifio.

C De ijs quæ sunt in prædicamento Paſſionis.

Regula. Titulus XL.

Omnis dictio significans pati, est huius prædicamenti, ut ad intelligentum agi, delectari, contristari, irasci, sentire, uidere, audire, odorari, olfaccere, gustare, tangere,

T

tangere,

tangere, dementari, doceri, urari, secari, calefieri, frigesci-
ri, humectari, siccari, discere, sperare, metuere, et id ge-
nus reliqua. Scire uero est in predicatione Qualitatis.

¶ Series predicamentu Vbi, Titulus XLI.

Vbi

Commune		Proprium
	Vbi commune	
Extra aquam		In aqua
	Vbi commune extra aquam	
In ciuitate		Extra ciuitatem
	Vbi commune extra aquam in ciuitate	
Sub tecto		Sub dio
	Sub tecto	
In loco sacro		In loco profano
	Sub tecto in loco profano	
Publico		Priuato
	In edificio priuato	

In domo Platonis.

¶ Descripnu Vbi ex Trapezuntio. Titu. XLII.

Vbi est que à loci circumscriptione procedit, cora-
poris locatio. Non est enim idem locus & ubi: nam LO-
cus est in eo quod capit, Vbi uero in eo quod circula-
scribitur.

CLDe

T De ijs, que sunt in prædicamento Vbi,
Regula. Titulus XLIII.

Omnis dictio significans in loco, est in prædicamento Vbi, ut in igni, in aëre, in aqua, in terra, in urbe, in agro, in eremo, in villa, in templo, in theatro, Rome, Athenis, in Academia, in Lyceo, domi, militie, humi, ruri, hic, iste, illuc.

C Series prædicamenti Quando. Titu. XLIII.

Præsens	Quando	Non præsens
Preteritum	Quando non præsens	Futurum
	Quando futurum	
Paulo post futurum		Non paulo post futurum

Mox

Hoc mox, Istud mox, Illud mox.

C Descriptio Quādo ex Trapezuntio. Titu. XLV.

Quando est, quæ relinquuntur ex tempore rerū affectio. Id diuiditur in præteritum, instans, & futurum, quamvis nihil horum sit: nam cum hæc tria tempora sint, quando tempus non est, sed affectio rei, quæ fuisse, uel esse, uel futura dicitur.

T De ijs, que sunt in prædicamento Quando.
Regula. Titulus XLVI.

Omnis dictio significans in tempore, est in categoria. Quando, ut hodie, heri, nudiustertius, superiori mensis, superiori anno, manc, meridic, uesperi, cras, perenn

T ij dic.

die, olim, quondam, olympiade centesima, anno ab ura
bis origine quingentesimo, anno à virginis partu sua
pra nullimum & quingentesimam decimotertio, &
id genus cetera.

C Series predicamenti Situs. Titulus XLVII.

	Situs	
E natura		Ex appetitu
	Situs ex appetitu	
Intellectiu		Sensitiuo
	Situs ex voluntate	
Sui corporis		Alieni corporis
	Situs sui corporis	
	voluntarius	
In pedes erecti		Non erecti in pedes
	Status	

Hic status, Iste status, Ille status.

C Descriptio Situs ex Trapezuntio Titu. XLVIII.

Situs est partium quedam positio ac ordinatio, qua
stantia, sedentia, aspera, leuia, & huiusmodi dicuntur.

T De ijs que sunt in predicamento Situs.

Regula. Titulus XLIX.

Omnis dictio significans positionem quandam par-
tium ac ordinationem est in predicamento Situs, ut sta-
tus, sessio, accubitus, iacere, raritas, spissitudo, asperia-
tas, leuor, acclivitas, declivitas, inclinatio, inflexio, supi-
nitas, & id genus reliqua.

T Series

¶ Series predicamenti Habitus. Titulus L.

	Habitus	
Domesticus		Militaris
	Habitus do-	
	mesticus	
Vnius partium corporis		Plurium partium corporis
	Habitus do-	
	mesticus plus	
	rium corpo-	
	ris partium	
Mediate adiacens		Immediate adiacens

Indusiatura

Hec indusiatura, Ista indusiatura, Illa indusiatura.

¶ Descriptio Habitus.

Titulus LI.

Habitus est res media inter corpora, ex que eis adiacent, secundum quam haec quidem haberi, illa uero habere dicuntur, ut armatura, tunicatio.

¶ De ijs, que sunt in predicamento Habitus.

Regula. Titulus LII.

Omnis dictio habitum significans, est huius categorie, siue is sit domesticus, siue militaris, siue ad uelamen, siue ad cultum corporis pertineat, ut armatum esse, locutum, pharetratum, galeatum, scutatum, palliatum, totatum, pileatum, calceatum, annulatum, torquatum, coronatum, & huiusmodi alia.

C De dictionibus aliquot, que uel ad diuersa predicationes
menta, uel ad unius eiusdemque sciunctas species refen-
runtur. Caput huius introductionis tertium.

T Quod una eademque species se-
cundum aliud atq; aliud diuersis ge-
neribus supponi posse. Titu. I.

Tametsi uerissime dictum sit à philosopho in praedicationum libro, Diuersorum generū & non subalternatim positiorū diuerse sunt specie, id est, secundū species differentiae, nihil tamen minus una eadēma que species pro diuersis rationibus supponi diuersis generibus potest, quod ne cui parum eruditorum mirabile uideatur, ipsius Aristotelis ex eodem libro uerba subiiciam. At uero (inquit) non decet conturbari, ne quis nos dicat de qualitate propositionem facientes, multa de relatiis interposuisse. Habitus enim & dispositiones eorum, que ad Aliquid sunt, esse debamus. Pene enim in omnibus talibus genera Ad aliquid dicuntur, nihil autem eorum que singula sunt. Et non multo post subdit, Amplius si contingat hoc ipsum & Quale, & Relatiū esse, nihil est inconueniens intrinseco hoc generibus enumerare. Que uerba Boethius enarrans, Nam cum sit uerum (inquit) unam eandemque rem duobus diuersis generibus non posse esse suppositam, illud tamen conuenit, secundum aliud atq; aliud, unam eandemque speciem duobus generibus posse subiecti.

C De habitu, dispositione, scien-
tia, sensu, & posiuone.

Titulus II.

Sicut Aristoteli & Boëthio placet, habitus (que
& habitudo dicitur) dispositio, scientia, & sensus mo-
do in relatione, modo in qualitate numerantur. In rea-
latione quidem, nam & habitus, habitus rei habitus di-
citur: & res babilis, habitu babilis. Dispositio, disposi-
ta rei dispositio: disposita res, dispositione disposita.
Scientia, scibilis rei scientia: scibilis res, scientia scibi-
lis. Sensus, sensibilis rei sensus: sensibilis res, sensu sen-
sibilis. In Qualitate uero, quod ab eis subiecta qualia
denominantur. Sic & positio nunc Ad aliquid est, in
eo quod posita rei positio est: & posita res est, posi-
tione posita: nunc praedicamentum ab alijs distinctum,
quod & Situs dicitur, in eo quod ab illa sedentia, stan-
tia, rara, spissa, aspera, leuia, & eiusmodi denominan-
tur. Recentiores dialectici duplia relativa constituen-
tes: haec quidem, que appellant secundum dici, illa uer-
o secundum esse, nihil ex alijs praedicamentis inter
relativa secundum esse numerantur: at non parum mul-
ta inter secundum dici relativa. Hoc insuper addunt,
priorum Ad aliquid definitionem à Platone profectam,
utrisque relatiuis conuenire, quam Aristoteles poste-
riore solis secundum esse relatiuis conuenienti, iure
correxit.

T. iiiij

C De

¶ De raro, spissō, leui, & aspero.

Titulus III.

Rarū, Spis Rarum, spissum, leue, & asperum (si Alberto Ma-
sum, Leue, gno credimus) trifariam accipiuntur. Primum quidem,
Asperum. ut positiones quasdam partium significant. Nam rarum
ideo uocatur, quia partes eius ita distant à se, ut inter
eas alieni generis corpus possit admitti, ut spongia, pi-
mex. Spissum, quoniam ita sibi partes uicine sunt, atq;
ad se inuicem stricte, ut inter eas nullum corpus pos-
sit incidere, ut ferrum, adamas. Læue, quod eius partes
equali iacent superficie, ita ut nulla earum emineat,
ut lamina argentea. Asperum, cuius partes inæquali-
ter sitæ sunt, ita ut aliae emineant, aliae uero sint depre-
ſæ, ut tyrocnestis. Et hoc modo sunt in categoria Situs:
que signifi- Deinde autem, ut tactui inferunt passionem, & sic in
cat hec uox, tertio Qualitatis genere collocatur. Postremum uero,
gladiū quo- ut figurae sunt, & in quarta specie Qualitatis repon-
que signifi- nuntur.
cat.

¶ De calido, humidu, & lumine.

Titulus III.

Calidum, humidum, & lumen, primum quidem spe-
ctaneum, ut igni calidum natura inest, aquæ humidum,
lumē corpori luminoso, suntq; in secundo genere Qua-
litatis. Deinde autem, ut Substancialiarum susceptibilium
affectiones sunt, & in primo Qualitatis genere collo-
cantur. Postremum uero, ut sensum passione afficiunt,
lumen quidem uisum, illa uero tactum, & sunt tertij
generis eiusdem predicamenti,

¶ De

¶ De doctore, imperatore, viro, comite,

Titulus V.

Doctor si ad discipulum refertur, est in categoria Relatiuorum: nam doctor discipuli doctor est, & discipulus est doctoris discipulus. Si eum significat, qui docendi quospiam habitu praeditus est, tametsi iam nemo sit ei discipulus, est in prima specie Qualitatis. Ita imperator, cum ad exercitum mutuo refertur, nomen est. Ad aliquid: cum eum significat, qui habitum & autoritatem habet imperandi, in primo Qualitatis genere numeratur. Porro, uer si maritum significat, Relatiuum nomen est: si sexum, in secunda specie Qualitatis: si etatem, in prima eiusdem collocatur. Comes uero si ducis comes dicitur, Relatiuum est indignius cor =
relatio: sin autem comitis comes, ut in
illo numographi, Comes facundus in via pro uehiculo est,
Relatiuum est aequali
consistens compariatione.

F I N I S.

AD PVERVM LIBERA.

libue studijs operam dantem Hen-
deca syllabi Parænetici.

Fac discas dialecticen fitior
Syncera puer eruditionis:

Quid nuge tibi proderunt canore?

Quid cognoscere Pegasi uolatum,

Hortos Hesperidum, caput Medusæ,

Stymphali uolucres, cruore Nesfi

Infectum tunicam, nouas in auras

Tractum Cerberon Herculis catena,

Ni discreueris atra candidis,

Falsis uera, probata fabulosis?

Cfac discas dialecticen fitior

Syncera puer eruditionis:

Exacta hæc ratióque differendi,

Disciplináque disputationum

Definire docet: secare totum,

Argumenta scienter explicare,

Enthymemata curia: syllogismos

Integros ratione congruenti

Informare loco, modo, figura,

Complecti generale singulatim,

Exemplo simili probare dictum.

Cfac discas dialecticen fitior

Syncera puer eruditionis:

Hæc ars uera docet, facit scientes,

Omnes in methodos uiam ministrat,

Instrumenta tenens scientiarum,
 Illustrans genus omne disciplinæ,
 A diuerticulis specûque rectâ
 Ducens ad speculationis arcem:
 Hec filum tibi Thesei dat, ut ne
 Ingressus labyrinthon impliceris,
 Alcidæ quoque porrigit trinodem
 Clauam: nec patitur deesse flamas,
 Ne succrescat hydræ caput recisum.
C Fac discas dialecticen sūitor
 Syncræ puer eruditio[n]is:
 Hac quicunque minus peritus arte
 Parui pendet eam pilium fecit,
 In mendacia lapsus & tenebras,
 A recta ratione deuiauit:
 Ut qui florigeris subans in hortis,
 In re constituit beatitatem
 Nobiscum pecoriq[ue] belluisq[ue]
 Communi: patientiam perosus,
 Quem captum domuit tenax uoluptas.
C Fac discas dialecticen sūitor
 Syncræ puer eruditio[n]is:
 Olim floruit hac disertus arte
 Inuenta domitor trucis tyranni,
 Hac Zeno quoque Cittius alter
 Vitæ concolor actione functus,
 Aeternum bene nomen hac peritus
 Chrysippus sibi comparauit, aure

Purgat[i]o[n]

Purgata, ingenioque perspicaci,
 Adq; unguem cumulans suos aceruos,
 Hac & Carneades laboriosus
 Purgans elleboro capax cerebrum.
 Et fortis schola tota stoicorum,
 Doctus Nicomachi pater Platoque
 Immortale sibi decus tulerunt.
 Hac Peringius eruditione
 Necnon & studijs poeticorum
 Librorum iuuenes sacris Minerue
 Imbutos polit excolliq; nostram
 Qui foris eisque uicissitudinēque
 Expertus tibi Paule militauit,
 Magna Saxonie docens in urbe.
 Hinc Ludgere tibi, deinde rursus
 Paulo militat inclito labore,
 Sic fortuna uices suas rotauit.
Crac discas dialecticen suitor
 Syncera puer eruditio[n]is:
 Sed uitanda tibi libido quedam
 Rixandi puerilis, ingenioq;
 Ostentatio uana, & aucupatus
 Fluxe gloriole: suis Sophiste
 Maeandris rapidum diem terentes
 Gryphis, tendiculis, strophisq; ludant:
 De lana quoque litigent caprina,
 In uanisq; libris recentiorum
 Tanquam lotophagos apud tenaces


Sirenum

Sirenum scopulosue consenserant.
Te fili studiose metientem
Fac tempus iuuet expeditiori
Matureoque gradu uiam secare
Quantum de logicis sat est, acuto
Commendare animo: de hinc uacare
Morali sophie, sacreque libris
Scripture, ut fieri queas beatus,
Et uerae pietatis admonere
Multos, iustitia ualens ex arte,
Sic uotum superi tuum secundent.
¶ Fac discas dialecticen silitor
Syncere puer eruditioinis.

1428935

三〇

• 第四章



A 1438935

ocn 902598262

